

EPISTOLAE ET POEMATATA

Marcus Zuerius Boxhorn,
Roberto Marucelli



8

7-b

42



Bibliotheca
i Coll. Rom.
iet. Jesu

8-40


Ad usum Robt. Marcellij

Journal of John H. ...

8-7-6-42

$$\begin{array}{r} 21 \\ d \\ 44 \end{array} \overline{) 8-10.d.g.}$$

21.5.33.



V. CL.
MARCI ZUERII
BOXHORNII
EPISTOLÆ
&
POEMATATA.



AMSTELODAMI,

Ex Officinâ Caspari Commelini,
c1o 1o c LXII.

THE

LIST OF

THE



Amplissimo Consultissimoque Viro,

D^o. ROCHO HOFFERO, JC^{to}.

Toparchæ in Bommenedâ &c. Incl^y-
tæ Zirizeensium Reipublicæ Sen^{ator}
& Thesaurario,

CASPARUS COMMELIN

S. P. D.



Uod Epistolæ & Poëmata
Boxhorniana ad te eant potissi-
mum, Vir Amplissime, Consultis-
sime, ingeniosissimeque, nemo
sanus atque æquus defuncti tuive
æstimator vel admirari, vel re-
ctè ordineq; factum esse poterit inficiari. Qualis
Vir quantusque fuerit *ὁ μακροχρόνιος* noster, quem
nitidissime scribentem, canentem suavissimè,
etiam post funera exhibemus, quàm ab ingenio,
eruditione, moribus candidissimis nunquam
satis laudatus, (sed quis Herculem unquam vi-
tuperavit?) inter paucos optimè potes judica-
re; discipulus quondam ejus domesticus, & qui
tot cænas cum eo Platonicas Socraticasque sum-
fisti, quas non in crastinum duntaxat sapuisse,
sed adhuc sapere palato tuo eruditorum avidis-
simo sermonum, extra omnem quidem dubita-
tionis aleam ponendum arbitror. Quanta, ubi
jam firmata virum te fecerat ætas, amicitia
Boxhornio nostro tecum, quanta ante cum
summæ, dum vixit, & dignitatis & eruditio-
nis, & probitatis ingeniiq; cultissimi viro

Dedicatoria Epistola.

D. *Adriano Hofferō*, Consule in Urbe Patria,
& Quæstore Zelandiæ, quæ Orientalem Scal-
dim spectat Generali, amicitia ac necessitudo
intercesserit mutæ hæ Cadmi filiæ passim lo-
quuntur, ita ut magna horum operum pars non
ad te ire, quam postliminio reverti videatur.
Quod si hic non tot tam clara arctissimæ, inter
vos familiaritatis monumenta extarent, Histo-
ria Boxhornii Zelandica, (ad quam contexen-
dam plurima antiquitatis monumenta scripto-
ri Parens tuus tuque suppeditastis, quamque
elegantissimis uterque versibus illustrastis) pu-
blici jamdudum à vivente ipso juris facta, ab-
undè testaretur. Quare & nos, si amicitiam,
vestram, quasi post funera quoque prorogatam,
reipublicæ literariæ, pro virili ostenderemus,
& nostrarum partium fuisse neque tibi ingra-
tum fore existimavimus. Vale, Vir Amplissi-
me, & me favore tuo complecti dignare,

Virtutibus famæque tuæ dicatissimum

CASPARUM COMMELINUM,
Amstelod. &c.

In Clarissimi Viri

MARCI ZUERI
BOXHORNII

SCRIPTA POSTHUMA,

Nominatim

EPISTOLAS & POEMATATA,

Nunc primum edita.

Scripta dedit quot magna gravis Boxhornius olim,

Edidit ingenii tot monimenta sui.

Non exhausta tamen plena hac est copia cornu:

Hinc orbis toties Posthuma scripta legit.

* *Illæ docent populos quæ Gallæ gentis Origo;*

Quæque Britannorum lingua vetusta fuit.

Hæc porro tradunt quæ sint arcana, tuetur

Quævis etiam vastum providus imperium.

Mox orator habet sibi quo sit more loquendum,

Quod didicit priscis disposuisse modis.

Post nova lux oritur sublimis Epistola, quæ nunc

Ut splendere prius, sic sine nube, jubet.

Sed quam prorsus meret, versa hæc oratio, laudæ,

Quin superet mecum nemo negare potest.

Nam loquitur breviter congestos vineta lepores,

Quos sparsim graviter lingua soluta docet.

JACOBUS BASELIUS, 1659.

* Origines Gallicæ & antiquæ linguæ Britannicæ Lexicon Brit. Lat. 1654. Institutiones Politicæ 1657. Index orationum 1658.

HISTORIA
VITÆ & OBITUſ,

Viri Celeberrimi

MARCI ZUERII
BOXHORNII,

Eloquentiæ primùm dein Historiarum
& Politices in Academia Lugduno-
Batava Profefſoris digniffimi.

Ad Ampliffimum Doctiffimumque Virum

ROCHUM HOFFERUM,

J.C.Dominum in Bommeneda &c.
& Reip. Ziriczeanæ Senatorem,

AUCTORE

JACOBO BASELIO,
Eccleſiaſte Kerckvervienſi,



Um te indies magis magis-
que magnum Boxhornii, Præcepto-
ris olim noſtri, æſtimatorem læ-
tus deprehendam, Roche Hoffere,
Vir ampliffime &, quod mihi gratu-
lor, amiciffime, non poſſum non ſive
tuæ petitioni ſatisfacere, ſive promiſ-
ſis meis ſtare, certe viro illi debitum quaſi ſolvere, con-
ſcriptione vitæ & obitus ipſius qualiſcunque hiftoriæ.
Quam proinde ſine ullâ ambage & apparatu exordiar
ab ejus exordio, ſeu nativitate. quæ incidit in annum
hujus ſæculi duodecimum & menſem Septembrem,
1612. cujus 25. die ſacro baptiſmate tinctus eſt. natus
autem Bergizomii, in Brabantia, Zelandiam verſus,
confiniis, ut ita dicam litoralibus: à quibus, non au-
tem

Vita Marcus Zuerii Boxhornii.

tem ut vulgo putatur à fluvio Zoma, quia nunquam
exitit, civitas in montibus sita, * nomen suum cum
aliis in Belgio nostro civitatibus, à montibus nomen
habentibus, commune sortita se discernit. Parentes ipsi
fuerunt Jacobus Zuerius Ecclesiæ ibidem Belgicæ &
Gallicæ Pastor fidelis, & mater Anna Boxhornia, filia
Henrici Boxhornii, Ecclesiæ Bredanæ Pastoris. Vtri-
que orti ex nobili non minus quam antiqua præstanti-
que apud Brabantos Zueriorū & Boxhorniorum fami-
liâ Gemellus & quidem natu major Marco huic Hen-
ricus. qui paternis insitens vestigiis Ecclesiæ pasto-
raturum desideravit & gessit primum à Fortalalitiis à
Cruce & Frederico Henrico nomen habentibus ad
bus, ad Scaldin fluvium in Brabantia, versus Flan-
driam, inde Neussæ in Flandriæ, versus Zelandiam,
item confiniis. Hunc ornavit non fidelis cura modo in
pastoratu, sed pietas, modestia &, quod rarum est,
præter Theologicam magna literarum orientalium, A-
rabicæ imprimis, cognitio. Quæ ipsa dum indies ma-
turefcebat mors præpropere & longa eam procurans
tabes, ex nimio studio contracta, in flore ætatis, an-
num unde trigessimum vix ingressum Henricum abstu-
lit, spem de ipso conceptam decedit, & fratrem admo-
dum lugere fecit. Sed ut secundum seriem vitæ proce-
damus, utriusque huius gemelli pater vix elapso sexen-
nio vitam cum morte, ingenti suorum damno & Ec-
clesiæ luctu, commutavit, eoque orbatus linguæ Latī-
næ rudimenta primū uterque didicit in Patriâ, sub
Richardo Lubbæo, ingeniorum moderatore indefesso
nec infelici, verū Matre Bredam secedente Avo ma-
terno in diciplinam traditus est. Quo insuper ut præ-
ceptore usus multum profecit in cognitione tum veri-
tatis, tum elegantia linguæ Latīnæ. Quæ dum indies
augetur sedulâ discentium curâ accidit famosa & annua
ferme urbis obsidio, quâ Regis Hispaniarum auspiciis
ab Ambrosio Spinola undique obfessa, fame non ar-

* Docuit hoc Jacobus Basilius, Junior, Avus meus
præfatione ad commentarium suum de Urbis obsidione quæ
incidit anno 1588. edit. 1603. 4.

Vita Marci Zuerii Boxhornii.

mis viſta, Ordinibus Fœderatis & Naſſoviis ſuis ere-
pta Eccleſia cum ſuis tribus Paſtoribus diſſipata eſt,
5. Junii, 1625. Itaque Henricus Boxhornius cum Ne-
potibus ſuis & reliquâ familiâ, matre ipſâ jam vita
functâ, Lugdunum in Batavis, quietem miniſterii qui-
dem, non ſtudiorum & institutionis, quæſivit & in-
venit. Cum autem ei proles maſcula nulla ſuperſtes
eſſet, ipſo volente, uterque Nepos Boxhornii cognom-
en aſſumpſit, retinuit ad finem vitæ uſque Marcus.
Qui ſimul ac Lugdunum Batavorum venit, annos vix
tredecem natus, publicas lectiones Academicas cum
fructu audivit, & ſic biennium ferme ante tempus Cu-
ratoribus recipiendis ſtudioſis Academicis conſtitu-
tum, inter ſtudioſos illius Academiæ adſcriptus, ſe-
dulo ſeſe in Philoſophicis, ſub magno illo Philoſo-
pho Francone Burgerſdicio exercuit, in literatura uſus
inſtitutione πολυμαθέῳ illius Gerard Johannis Voſ-
ſii & Danielis Heinfii, Academiæ ocelli. In cujus no-
ritiam non modo, ſed & familiaritatem aſſumptus,
hoc Magiſtro ſic profecit ut anno 1629. ætatis vix-
dum decimo ſeptimo, in viſtorias inſignes & varias
ejuſdem anni, nominatim ob captam ab Arauſionen-
ſium Principe Frederico Henrico Sylvam Ducis trium-
phos tres cecinerit. Quos cum quatuor Academiæ tum
primariis Profeſſoribus dignos & Avus judicabat pu-
blicam lucem adſpicere, & Lugduni eodem anno e-
ditos omnium applauſu lectos fuiſſe non ſemel audivi.
Interea temporis Philologicum & Philoſophicum ſtu-
diorum curſum abſolvit, & ad Theologiam, cui de-
ſtinabatur, animum applicuit. in qua ſub illius fa-
cultatis Profeſſoribus, nominatim Johanne Polyan-
dro à Kerckhoven, ſic & cum laude profecit ut pro-
greſſûs non illaudanda ſpecimina ediderit, qua publi-
cè, quâ privatim. Sed cum ingenium ad literaturam
quaſi natum videretur, illam deferere nequii, etiam
tum quando cum fructu cœpta Theologica ſtudia ab-
ſolvere poterat. Hinc illa ipſa non intermiſſa modo,
ſed plane relicta, ſolum Philologicum tractatum fuit.
Cujus mox alterum ſpecimen publicum edidit, ſcri-
ptione Encomii Granatarum, horrendæ, ut titulus
habet,

Vita Marci Zuerii Boxhornii.

habet, & stupendæ in bello virtutis. Quod anno sequenti editum & Patriæ suæ, Civitatis Bergobzomanæ Magistratui inscriptum ivit. Post quæ tamen mox alia ut majoris momenti, ita & diligentia & ingenii monumenta posteris dedit: & illius quidem digestionem Reipublicæ Moscoviæ, hujus vero editione Historiæ Augustæ Scriptorum IV. Tomis in 12. quos à se recensitos & animadversionibus illustratos Viris Celeberrimis inscripsit, eoque magnam non nominis & eruditionis famam modo, sed & apud eosdem aliofque gratiam quam meruit consecutus est. Inter quos & Claudius Salmasius. qui juveniles hosce conatus sibi adeo probari tum temporis literis ad Boxhornium datis, significavit, ut maxima quæque ab ipso non tantum sperare, sed sibi, & eruditorum orbi, & quidem ex vero, promittere adeoque præsagire fuerit ausus. quæ illius * Herois verbis ipsis publice alibi leguntur. eo nempe loco quo Boxhornius ipse postmodum hæc ipsa aliaque Juvenilia damnavit, ac, proinde inter scripta sua vix numeravit. Interea crevit juveni cum eruditione laus & hominum favor. quem naturalis ipsi & ingenita plerumque Brabantis humanitas & gratia valde augebant. Unde amici & studiorum promotores de eo ad Professionem literarum promovendo cogitarunt, & tantum effecerunt, apud Nobilissimos Academiae Curatores & Amplissimos Urbis Lugduno Batavæ Consules, ut Professio Eloquentiæ ei designaretur & conferretur, qui jam antedecendi egregium specimen publicum exhibuerat, habita oratione funebri in excessum Justini Nassovii, Gubernatoris Bredani. qui & ipse post captam Bredam Lugduni in Batavis domicilium fixerat & ibidem paulo ante vitâ functus erat. Cæterum illud Professoratus munus auspicaturus habuit orationem inauguralem de Polymathia, seu disciplinis veterum, 6. Septemb. 1632. In hoc autem munere adeo diligentem & sedulum, se gessit, ut fama eruditionis

* *In Apologia pro Commentario ad Agricola Taciti adversus Dialogistam.*

Vita Marci Zuerii Boxhornii.

& eloquentiæ ad externos perveniret. Quorum plerisque Lugdunum appulsos, & suâ post Heinsum famâ huc allectos instituit, maximam partem non vulgaris fortis studiosos, sed Patritios sed Nobiles, interque eos quamplurimos, Barones, Comites, Principes, imo & Duces ipsos, regum consanguineos, uno verbo tales, qui in spem Reip. nati erant & educari, & Boxhornio præceptore, nec alio hîc, præter privatos & domesticos usi, ut summo suo jure ei regundæ, ita & commodo ejusdem sunt admoti. Horum catalogum si texerem longus esset. Nam præteritis etiam Magnatum & opulentiorum in Rep. nostra filiis & propinquis quamplurimis, legeres in eo Nobilitatis & Juventutis peregrinantis & studiosæ florem Germanicum, Polonicum, Zuecicum, Danicum, Bohemicum, Borussum &c. Sed & quia non omnium nomina aut occurrunt aut mihi cognita sunt, malo ea reticere, quàm ex parte referre. Ex quibus plurimi æternitati consecrati sunt ab ipso Boxhornio. Qui eis aut sua aut aliorum scripta dedicavit & sacra, quod ejunt, fecit. Præ cæteris gratia valuit apud Zuecos: quorum regni Procerum aliorumque Magnatum filios & propinquos cum sedulo nec sine fructu institueret, ab Axelio Oxenstierna, regni Cancellario Fœderis Germanici Directore, ad Fœderatos Belgas Legato extraordinario, Reginae & eorundem Procerum nomine, ad amplissimas dignitates in Zueciam evocatus fuit. Sed, ut sæpius dicere solebat, illi Septemtrioni amorem prætulit Patriæ. quare eas recusavit, & apud suos mediocri in conditione esse maluit, quam apud externos alto in fastigio collocari. Non diu posthæc cum Reip. Dordracenæ Proceres illustre suum & vetustissimum à Reformatione in fœderato Belgio Gymnasium anno quidem undecagesimo superioris sæculi erectum sed collapsum restaurarent anno 1634. omnium calculis Boxhornius dignus judicatus & habitus est, cui res literaria in eo promovenda committeretur; lautiori quam in Academia hætenus fruebatur stipendio. ei, per communem Scholæ & Academici Curatorem Amplissimum Jacobum Catzium, oblatum. Verum ille stationem ut non negligere, ita nec dese-

Vita Marci Zuerii Boxhornii.

deferere voluit. Quare & Academiae Curatores probatam Boxhornii industriam & virtutem novo præmio pariter & titulo honorarunt. Quippe non semel orationibus dicendis cum gloriosè vacasset, Collegii oratorum publici Præsidem in locum Petri Cunæi ad majora vocati, ipsum crearunt. quod munus auspiciatus est oratione inaugurali, de Majestate Eloquentiæ Romanæ: quâ & se eam affecutum esse ostendit. Ab illo tempore variæ sub ipso à studiosis habitæ sunt orationes, è quibus insigniores publice prostant. Hic ipse annus Boxhornio quidem lætus, (erat enim trigessimus quintus hujus seculi) at civitati & Academiae luctuosus, imo pene fatalis, fuit, ob grassantem in ea luem, quâ tota civitas infecta, ferme extingui videbatur, Academia præsertim, cum quos pestis non consumebar studiosos, eos metus mortis & præsens periculum tum veteres alio migrare cogebar, tum novos huc venire absterrebat. Huic malo pro modulo & munere suo mendo, aut leniendo, inter cæteras de immortalitate animarum luculentam & immortalitate ipsa dignam habuit orationem. Cæterum præter publicas etiam privatas à studiosis sub ipso habitas, tibi Hoffere Amplissime, non minus constat quam mihi, qui & illorum magna pars fuisti. Quibus, ut item non ignoras, ad artis normam componendis discipulis suis in privatis collegiis certis diebus describendas ad calamum dictare solebat, orationum Ideas, quas vocabat, easque argumenti varii, ut maximam partem politici, ita ex historia veteri desumptas. Ex quibus præter alias hujus generis lucubrationes in Bibliothecâ meâ triginta à me descriptas, auctoris manu emendatas ad-servo. secundum harum normam orationes compositæ à studiosis haberi solebant. quibus dictis ipse Cathedram superiorem adscendens in easdem habebat dissertationem, *αἰτίον* eam vocabat, in quâ multa egregia oratoriæ artis præcepta, graviter & nervose proponebat. Tempus est ut de lectionibus ejus publicis aliquid dicam sicut & de privatis collegiis. De quibus cum jam dicere cœperim prius pergam. Hæc ergo frequentia habebat, tum numero tum auditoribus, maximam partem

Vita Marci Zuerii Boxhornii.

in Cornelium Tacitum, quem delicias suas vocare solebat, & sic sibi familiarem reddiderat, ut in succum & sanguinem, quod dicunt eundem versum habens ejus verbis & phrasibus sæpe loqueretur, sæpius item scriberet. Sed & Politicam discipulos suos docebat: non vulgarem modo & tritam, nudis præceptis consistentem, (quam à se conscriptam suis tradebat, & cujus libri duo nuper in Germania editi & Lugduni Batavorum recusati sunt) sed & ex Historiis desumptam adeoque practicam, imo *παρὰ δειγμάτων*. Hinc natæ disquisitiones Politicæ, postmodum juris publici factæ, sed tacito authoris nomine, quæ & sæpius recusæ sunt. Hinc & natus commentariolus de statu fœderati Belgii, eodem modo editus, sæpius item recusatus & in Belgicam linguam versus. Cæterum si quis studiosorum privatim aliquid discere expeteret libenter & humanè eum juvabat, & boni instar sui erat communicativus, ut barbare loquar, sed significanter, Sapientem inter Hebræos imitatus, * qui quam sine dolo didicerat sapientiam, sine invidiâ communicasse ejusque divitias minime cœlasse testatur. Quod utinam multi eruditi aut scirent aut observarent, ut nec cum ipsis sapientia moreretur, ita locum non inveniret similitudo, quâ comparantur illis avaris qui nummos suos in arca reponunt, nec scœnori exponunt. Sed ad Boxhornium revertatur oratio. Loquebatur autem ille ut tersè & Romanè, ita graviter non minus quam facundè, quod ut maxime convenit Eloquentiæ Professori, ita talis audiit non solum sed & depræhensus est. Unde quàm & meritò tam eleganter Amplissimus parens tuus ubi primos cum ipso commutasset sermones de ipso judicium ferens, non ut olim illius *minuit* sed contra *auxit præsentia famam*. cæterum ipsa Latina lingua adeo ipsi familiaris, ut promptius eâ uteretur quam ipsâ ferme vernacula, quam ipsam ita excoluit ut puram putam, maxime in scribendo, proferret exoticis vocabulis procul & ad suos ire jussis. Inter hæc in ordinarium Professorum

* *Sapient. cap. 7. vers 13.*

Vita Marci Zuerii Boxhornii.

numerum dignitatemque assumptus, paulo post Danieli Heinſio, primum præceptori; dein collegæ rude ob meritum non minus quam ſenectutem donato ſucceſſit in profeſſione Hiſtoriarum & Politices. cujus utriuſque ſpecimina egregia omnis ævi maximam partem mediæ ut vocant & obſcurioris ſemper dederat in lectionibus publicis non modo litteratoriis, ſed & in ſcriptis variis, imo & diſputationibus. quas tandem etiam anno 1643. inſtantibus diſcipulorum precibus habere cœpit; non aliâ ratione hætenus ab iis ſe abſtinens, quam quod philoſophici barbari termini, in diſputationibus uſurpare ſoliti, admodum ipſi diſplicebant, qui ita loqui & ſcribere ſolebat ut iis temporibus, quibus illi plane incogniti, adeoque non modo barbari & parum Latini, ſed & recens nati. Cum autem diſputationibus publicis habendis vacaret, fecit id tantâ cum auditorum gratia & applauſu, ut ordinarium & ſic ſatis capax Philoſophicum & Philologicum auditorium non ſufficeret recipiendis auditoribus, quando illæ haberi ſolebant. Quare earum multæ in auditorio maximo, quod & Theologicum eſt, haberi ut neceſſe habebant, ita & habitæ. Adeo non acutè modo ſed & graviter & tanquam alter Cicero (cui ut prænomine & cæterorum nominum numero, uterque enim trinominis fuit, ita & facundiâ ſimilis fuiſſe audivit, adeoque & multis non Marcus Zuerius Boxhornius, ſed Marcus Tullius Cicero vocatus) diſſerebat, & argumenta objecta, non diſtinctionibus philoſophicis, quas, ut dixi, ob barbariem odio habebat, præſcindebat, ut ille nodum Gordium, ſed libero diſcurſu labefactabat, ſolvebat & plane evertebat. Accedebat argumentum diſputationum; quæ plerumque ex Hiſtoriâ Romanâ deſumptæ Reipubl. illius viciffitudines quam nudè tam ſuccinctè ob oculos ponebant, intermixtis paſſim politicis præceptis. Eadem frequentia auditorum erat ut ſemper, ita maxime quando ſub finem vitæ ſuum Tacitum prælegens in ſtuporem raperet pendentes ab ejus ore ſtudioſos. Sic tranſacta vita publica, ſic & privata, quatenus Academiam & ſtudioſos ſpectat, quorum commodum quaſivit magis quam ſuum,

Vita Marci Zuerii Boxhornii.

suum, & maluit doctos eos facere, quam, quod multi faciunt, sine eorum profectu ex illis divitias accumulare. Et licet aliquot torques, annulos aureos cæteraque argentea vasa pretiosa & utensilia à magnatibus discipulis plerisque acceperit, tamen iis ut præter spem votumque oblatis, ita non tam delectatus fuit, quam quidem præter discipulorum profectum eorum suorumque gratiâ & favore, quem & faceriâ non illiberali consecutus est, quâ delectare etiam severum Catonem poterat ubi volebat. sed hisce jocos minime se dedit, verum studiis, iisque solis, quæ indies sedulo tractavit, etiam morbo vexatus, ut dubium sit utrum doctior fuerit & eloquentior, an diligentior. Ego sane eum singularis diligentiae exemplar fuisse fidenter dico. Quod & tu non ignoras, Vir amplissime, qui eodem præceptore & quidem domestico inter cæteros usus es, & cum laude profecisti. Sed hæc alijs loci sunt. Quare pergamus in iis quæ dicenda restant. Inter quæ omiseram fere, Urbis Patriæ Magistratum ut significatum irer, quanti faceret hunc indigenam seu civem suum publico epulo anno 1637. excepisse. quo quidem honore affectus, publicâ & memoratone & dedicatione Monumentorum & Elogiorum Virorum illustrium sequenti anno agnovit eundem & prædicavit. qui & rursus aureo maximi ponderis & magnitudinis nummo in memoriam postremæ solutæque item urbis obsidionis eum donavit. Coss. Thoma de Rouck & Guilielmo Bollardo. Cæterum memoratæ virtutes scilicet humanitas, affabilitas, comitas & candor, adhæc ex summâ eruditione consecutus honor aliaque gratiam ipsi conciliarunt apud notos non modo sed & ignotos. qui aut eum prius litteris compellabant, aut ab ipso compellati amiciriani cum eo coluerunt & familiaritatem. quales ex eruditis quamplurimi (exceptis Daniele Heinio & Petro Sriverio, quibuscum in una eademque civitate vivebat & quos colebat ut promotores studiorum, quique illum ut amore suo dignum semper aestimabant) Theodorus Grafwinckelius, Nicolaus Berneggerus, Joannes Freinshemius, Joannes Loccenius, Fredericus Gronovius, Augustus Brucknerus, Bern-

Vita Marci Zuerii Boxhornii.

Bernhardus à Malinkrot (qui ex adversario in sententia de loco inventionis Typographiæ , quod rarum , amicus ipsi factus & mansit , & plures alii , quorum nomina nunc non occurrunt. Taceo alios præsentis amicos viros sane magnos, puta Abrahamum Heydanum, Adolphum Vorstium, Jacobum Golium, Anthonium Thyfium, F. Janum Bodecherum Benningium, ut studiorum commilitonem olim, ita conjunctissimum postmodum in philosophicis collegam & in poësi quasi Achatem, denique & , quem amores suos vocare solebat, Heinsii filium unicum Nicolaum, vere patrifantem. Cum Claudio Salmasio, ex quo Lugduni vixit similtas quædam primum orta dein in publicum erupit. Sed ut postmodum sopita, ita docuit quam noxium viros magnos, inter se dissidere, cum junctis operis & communicatis consiliis Remp. litterariam non tantum promovere possunt, quam mutuâ altercationibus, destruere solent. quod maximam partem propter realia ut vocant orta, in personalia desinant. quare reconciliatione factâ ad pristinam & vere eruditâ familiarem, certè omnibus, qui studia graviora tractant, eoque aliquid moliuntur, utilem, mutuam communicationem redierunt. Quod, vel editio Plauti, Boxhornio accurante, loquitur. cæterum Boxhornius ipse aliis, ut dixi sæpius sua communicavit. Quod non voce modo, sed & manu, id est scripto imò & librorum rariorum usu, ut ipse expertus ita & alios experiri fecit. Præ cæteris multis aliis loquitur id expertus & ipse Valerius Andreas in secundâ editione Bibliothecæ Belgicæ tum passim, tum præcipue sub finem. Adhæc ex Bibliotheca suâ eruit nonnulla antiqua & rariora scripta, quæ aut cum aut sine notis, prout res postulabat edita scimus. Etiam Typographos & consilio & re juvit, adornando editionibus exemplaria non minus, quam bonæ notæ authores indicando. quorum plurimis præfationes etiam præmisit. Verum paulisper digressi sumus à recensione amicorum; quos non eruditos modo habuit sed & pariter magnos: è quibus ut in Rep. nostra dignitate, ita sua eruditione non minus quam favore in Boxhornium excelluerunt partim, partim adhuc

Vita Marci Zuerii Boxhornii.

adhuc excellunt, præter Ampliſſimum parentem tuum
Adr. Hoff. vere litterarum litteratorumq; Mœccenatem,

Olim & dulce decus præſidiumque meum,

Adrianus Ploos ab Amſtel, Bernh. Coenders ab Helpen,
Joh. Foreſtus, Conſt. Hugenius à Zuylichem, aliiq; præ-
ter omnes Acad. Curatores nominatim Mylios, Catzios,
Schapios. Ex quibus Corn. vander Myle in hæc cum cæ-
teris dignitate vitam deponens oratione funebri à Box-
hornio eſt adſcriptus æternitati. Habuit idem noſter &
funebres in alios illuſtres & principes viros. Quales præ
cæteris, ordine temporis recenſiti, ſunt Dominicus Mo-
linus; Patritius Senatorque Venerus, Conſtant. Alex. O-
ſtrogia &c. Dux, Guilel. II. Auriacus Belgarum verus
in vita & morte Phœnix, niſi quod nimium juvenis o-
biit. Æquum autem erat ut & ejus exequias tristes vel
unus hic celebraret, qui cum multis regalibus ejuſdem
nuptiis fauſta Panegyrico acclamarat. Quo item in di-
cendi genere pluries Boxhornius excellere auditus eſt, ut
ſuâ quidem facundiâ, ita temporû felicitate quâ de Bredâ
ſubactâ, pace denique armis non minus quàm hoſtium
petitione acquiſitâ eſt triumphatum primum quidem in
campo Martis, dein in Academia, non minus quam ur-
bium theatris. Nunc hiſce finem imponerem, niſi paucis
dicendum eſſet de iis quæ ſuper Dea Nehalenniâ 1647.
primum in Walachriæ oris inventâ eſt commentatus,
& inde ad Scythicę gentis linguam, antiquitatem & mo-
res indagandos multa ingenioſè ſane ſcripſit & ſcriptu-
ravit nō vernacule modo, prout inceperat ſed & Latine.
nominatim librum originum Gallicarum. in quo Gallos
à Germanis ortos ex veteri ipſorum lingua afferere co-
natur qui tamen non niſi à morte authoris & alia ejuſ-
dem, prodiit in lucem, obſtetricante Georgio Hornio in
profeſſione Historiarum non indigno ſucceſſore. Porro
inter cætera varia quæ ſcripſit tum Historica, tum poli-
tica, tum litteratoria, tum denique critica. Delectabatur
& illo ſcribendi genere, quod *ῥαρχαιολογικόν* Græci vo-
cant, in quo ſicut inter veteres Græcos quidem excellit
Theophrastus, ita inter recētiores Joſephus Hallus, Exo-
niensis in Anglia Episcopus, qui uterq; virtutum & vi-
tiorum characteres ſcripſit. Dedit & Boxhornius hujus
ſpeci-

Vita Marci Zuerii Boxhornii.

specimen non unum, oratione versâ non minus quam prorsâ, linguaq; nō vernaculâ modo ut illi sed & Latinâ conscriptum. Vernacule profaiceq; scripsit characterem militis, subjunctū orationi Panegyricæ à se præter alias ejusdem versæ editæque de Bredæ expugnatione. Latine vero dedit characteres Amoris, causarum Patroni & Fortunæ, quibus inter poëmata suus locus debetur. Hęc quidem aliaque perfectâ edidit ipse. reliquit autem affecta non pauca, præ cæteris est, ut de iis, quæ illustrandæ linguæ Scythicæ multa sunt, nunc non dicam, Opus seu Bibliotheca eruditione & scriptis illustrium foëminarum. item Commenrarius de supellectile Romana. Quod quidem ut ei commune fuit cum plerisq; mortalium, ita nō aliunde evenit, quā ex magna hominis occupatione, præ negotiorum tum varietate tum mole aliisq; ex aliis inde nascentibus avocamentis, & præter hæc adversâ sub finem vitæ valetudine. Quâ tamen ad annum trigessimū quintum & ultra sic satis firma usus est. excepto uno alterove graviori morbo, quo decubuit. Atque ex his omnibus de subtilitate & promptitudine ingenii Boxhorniani judicare licet. quod & loquuntur varia ejus poëmata, nominatim, epigrammata; quæ prolixiora primū, dein curta &, ut suo veroq; nomine ea indigetem, *Σίσυρα*, quæ ex tempore & aliud agens fundere solebat. Et licet in poësi excelluerit, major fuisset, si eam plus excolere voluisset. adeoque eam merito inter *πάρεργα* quæ vocant, rejiciebat, minime illud ignorans,

Sape pater dixit, studium quid inutile tentas?

Mæonides nullas ipse reliquit opes.

Non dico de aliis animi dotibus, addito hoc uno quod cum Brabantus & quidem Bergizomius esset referretq; genium gentis suę, Martiale quiddam & heroicæ indolis spirabat ut inquit in oratione qua ei parētavit Lambertus Barlæus Græcæ ling. in Acad. tum Profess. Statura corporis ipsi fuit longa & erecta, & quā cum subfuscâ facie crines efficiebant qualemcunq; deformem nigredinem eam candore animi sui albicantē reddere solebat. Unde cum Bredâ captâ inter exeuntiū Hispanorū spectatores & ipse esset, & à nostrate quodā milite ipso audiente pro Hispano ob dictam nigredinem habitus, illi homini facere nō
, mi-

Vita Marci Zuerii Boxhornii.

minus quam vere respondebat , Tu me ex vultu &
crinibus Hispanum judicas , sed malè : nam si can-
dorem animi Belgici mei noffes , qui tam magnus
est ac nigri sunt mei crines; & in mea effèt potestate,
pro amore in communem patriam vel hodie Hispa-
niarum Regem febrì affigerem lectoque alligarem &
metu sic terrerem, ut impofterum abftineret ab inju-
fta liberorum Belgarum oppreffione & oppugnatio-
ne. Quod tu mecum ipfum narraffe & nos , vidiffè
meminifti. Sed ad finem vitæ accedo , paucis de con-
jugio ejus præmiſſis quod ſub finem anni 1639. cum le-
ciffimâ virgine Suſannâ , Ampliffimi & optimi viri
Petri Duvelarii Medioburgenfium Conſulis filiâ con-
traxit, & ſecundâ prole utrâque femellâ beatum vidit.
Tertiûm uterum gerens illa maritum amiſit, & paulo
poſt obitum mariti partum enixa , ut inaudiſi maſcu-
lum quidem ſed mortuum aut moribundum, utrumque
deinde ſecuta eſt. Sub finem ergo vitæ Boxornius do-
mum primum, dein lecto affixus officium ſuum facere
pro morbo & imbecillitate impediri tum pedes tum
manus, tum ſtomachus. Sola mente linguâque, quod
quam rarum tam ſalutare eſt, ſi utraque officium ſuum
faciat, illa ſe ad Deum elevando, hæc ſacra meditata
eloquendo, ad extremum uſque vitæ ſpiritum integris
manentibus. Quare & ipſe tum meditatione, tum lo-
cutione ad mortem ſe præparavit in tempore, quam
conſtanti animo amplexus, ſiſus non propriis quod
nullis, ſed Chriſti ſolius meritiſſimis meritis, ſæpius
occinuit illud Simeonis mortem meditantis effatum,
quod corda & ora morientium præ cæteris occupatum
habere debere judico, Nunc dimitte ſervum tuum in
pace, ô Domine, ſecundum verbum tuum, nam oculi
mei viderunt ſalutem tuam. Et ſic cum dolore de
peccatis ſuis ſecundum Deum dolens, obiit Lugduni in
Batavis Anno 1653. Octobris die 111. ætatis ſuæ qua-
drageſimo primo vix elapſo, profeſſionis vero vigefimo
ſecundo corrente: Cæterum obiit illo ipſo die quo &
in Patriâ urbe æque ac Leydæ ob liberatam ab obſidio-
ne utramque urbem, illam ante annos unum & trigin-
ta, hanc undeſtuaginta annis elapſis læta, undique

Vita Marci Zuerii Boxhornii.

ex more personarent. quæ sua, Leydenſes præcipuè, ſi bona norunt, haud denegabunt læta in triſtia, & dulcia in amara, exceſſu huius viri, eſſe verſa, cum tam diligenter, eruditum, affabilem, comem, celebrem amiſerit Academia. quæ & honorem ſolitum parentationis publicæ à funere ipſi decernens luctum ſuum teſtata eſt. Sicut & univerſa ſtudioſorum cohors, è qua nonnulli Epicediis præceptorem ſuum proſecuti poſtremum ipſi honorem præſtiterunt. Tu quoque, Vir ampliſſime, Præceptoris noſtri mortem non uno epigrammate defleviſti, imprimis autem Bergopzomium noſtrum conſolatus es, ob amiſſum illum virum, qui nativitatem ſuam ei debebat & quam præter militarem gloriam, ex illuſtri quorundam ingeniorum, interque ea Soceri tui Godefridi Udemanni, Theologi celeberrimi doctiſſimique, nativitate aut cultu habet, laudem, eam quaſi proſecit & ad culmen evexit. Et hæc quidem de magni huius Bergopzomani noſtri vitâ, morte laudibusque dicenda habebã qui hoc quicquid eſt officii memoriæ filius viri me debere exiſtimavi. Tum quod ſtudia mea ſi quæ ſunt humaniora non alii poſt Deum accepta referre debeam (Domæſtica quippe inſtitutione ejus ab anno decimo quarto ad decimum oſtavum uſus) tum quod quæ Zueriis olim cum Baſeliis interceſſit, neceſſitudo conſuetudoque, privata poſtmodum converſatione æque uxore mea ſubſecuta cognatione, non intermorta ſed aucta ſit. Tu vero, Vir Doctiſſime, in iis elegantiam deſiderabis merito, non veritatem aut ſinceritatem quam propoſitam habere debet is, qui vitas clarorum virorum, non infimam Hiſtoriæ partem, conſcribit, ut ſine ira & odio libere judicandum eſt de quibus agit, ita & ſine amore aut affectu. Nec vitia tendenda ſunt aut virtutes. Illa ut alii vitent, hæc, ut imigentur. Vale vir Ampliſſime & me amare perge, qui te virtutes tuas magni facio. Kerckwervix in Scaldia
10. Sept. 1659.

Ampliſſimo nomini tuo

Obſtriſtus dicatusque

JACOBUS BAſELIUS.

Sequi-

SEQUITUR
CATALOGUS LIBRORUM

Quos

MARCUS ZUERIUS
BOXHORNIUS,

Aut ipse scripsit, aut ab aliis scriptos
Commentariis illustravit. vel ad-
ditamentis auxit.

Plerique secundum seriem temporis dispositi.

I. IN HISTORICIS.

Theatrum sive descriptio Comitatus & Urbium
Hollandiæ cum tabulis Geographicis. 4. 1632.
Typis H. Hondii, Amstel. In Belgicum vertit
Petrus Montanus, apud eundem item in 4.

Monumenta illustrium virorum æri incisa & Elo-
gia. Fol. Amstel. apud Joan. Janssonium 1638.

Historia obsidionis Bredanæ & rerum anno 1637.
in Belgio aut alibi gestarum Lugd. Bat. apud J. Com-
mel. 1640. Fol.

Dissertatio de Typographicæ artis inventione & in-
ventoribus ibid. apud eund. 1641. 4.

Dissertatio de Trapezitis, vulgo Longobardis, qui
in fœderato Belgio scænebres mensas exercent. apud
eund. 1641. 8.

*Nederlandtsche Historie eerste boeck, behelsende de eer-
ste veranderingen in den Godsdienst en leere tot de tijden
van Keyser Karel de V. tot Leyden by C. Banheyning.*
1644. 4.

Historia Universalis sacra & profana à nato Christo
ad annum 1650. quo excusa est Lugd. Batavor. apud
P. Lessen. 4.

II. In

II. In Politicis, litteratura antiquitateque Romanâ & Belgica.

Apologia pro navigationibus Hollandorum adversus Pontum Heuterum, prodiit cum Mari libero H. Grotii, item Clauso J. Seldeni in 24. 1633. & 8. 1638.

Emblemata Politica, & Orationes, de quibus mox separatim Amstel. apud J. Janssonium 1635. in 12.

Quæstiones Romanæ, in quibus causæ antiquorum rituum explicantur Lugd. Bat. apud D. L. de Haro, 1637. 4.

Spiegelstijen van 't lanck hayr ende hayrlocken by de Hollanders ende Zeelanders gedragen tot Middelb. by J. Fierens, 1644. 12.

Spiegelstijen vertoonende 't kort hayr by de Hollanders en Zeelanders jonghst gedragen en van de vremde ontleent. ibid.

Dissertatio de successione & jure primogenituræ in adeundo Principatu ad Car. II. Magnæ Britanniae Regem. Lugd. Bat. 1649. 4.

De Majestate liber singularis adversus J. B. cogitationes subitaneas in præcedentem dissertationem ibid. 1649. 4.

Commentariolus de statu confœderatarum Provinciarum Belgii prodiit II. edit. J. Verhoeve Hagæ Com. 1650. 12.

Disquisitiones Politicæ, id est LX. Casus Politici ex omni historia selecti, apud eund. prodiit II. edit. 1651. in 12.

Bediedinge van tot noch toe onbekende Afsgodinne Nehalennia; over ettelycke hondert jaren onder 't sant begraven ende onlanghs ontdeckt op het strandt van Walcheren. Tot Leyden by W. C. vander Boxe. 1647. 4.

Antwoort op de vragen voorgestelt over de bediedinge van de Afsgodinne Nehalennia, in welke de gemeyne herkomst van der Grieken, Romeynen ende Duytsche tale nyd den Schythen duydelijck bewesen ende verscheyden ontbeden van dese volckeren ontdeckt ende verklaert worden. ibid. 1648.

Catalogus librorum Marc. Zuerii Boxhornii.

Originum Gallicarum liber, in quo Veteris & nobilissimæ Gallorum gentis origines, antiquitates, mores & linguæ aliaque eruuntur aut illustrantur. Cui accedit antiquæ linguæ Britannicæ Lexicon Britannico-Latinum, insertis explicatisque passim Adagiis Britannicis. Prodiit Amst. ap. J. Janf. 1654. 4.

Dissertatio de Græcæ, Romanæ & Germanicæ linguarum Symphonia, subjuncta Grammaticæ Regiæ quæ 2. prodiit Lugd. Bat. 1650. 12.

Orationes varii argumenti Amstel. apud J. Janf. 1652. 12. in qua editione ex underriginta orationibus ab ipso habitis & impressis, vel separatim in folio & 4. vel eum aliis tractatibus in 4. 8. aut 12. puta de Polymarhiâ seu disciplinis veterum; de Virâ & moribus Trajani, de Eversionibus Rerump. de Constitutione Tragœdiarum & sapientiâ Civili, de Poësi veterum, de Satyricâ veterum sapientia, de Sapientiâ Æsopi, de verâ Nobilitate, de ineptiis sæculi, de Theologiâ Paganorum, de Fabulis Poëtarum, de animarum immortalitate, In Obitum Dominici Molini, de Majestate Eloquentiæ Romanæ, de Breda expugnata, in obitum Danielis Synapii, de somniis, de Classe Hispanorum profligata, in Nuptias Principis Guilelmi & Mariæ Britanniciæ Regis Filie, in adventum Henricæ Mariæ in urbem & Academiam, in Obitum Constantini Alexandri, in Obitum Cornelij vander Mijle, ad Belgas Hispano adhuc parentes, post Zassam expugnatam, de Belgarum pace, de Historiarum lectione ac usu, de Cornelij Taciti Annalibus, de Trajano Cesare & Panegyrico Plinii, in obitum Adriani Falcoburgii, in obitum Guilelmi Principis Auriaci, non aliæ quàm quæ hic alio Charactere expressæ sunt, præter duas allocutiones Nuptiales, leguntur.

Ideæ orationum ex selectiori materia moderni status politici desumptæ, accurante I. G. Nesselio Lugd. Bat. 1657. in 12. editæ.

Institutionum Politicarum lib. 2. Goslariz primum, dein Lugd. Bat. 1657. in 12. à morte item authoris editæ sunt.

Præter alias Orationum & Epistolarum, Ideas MS. extant

Catalog. librorum Marci Zuerii Boxhornii.

extant & ejusdem Disputationes Politicæ de Romano-
rum imperio & variis argumentis in Acad. habitæ edi-
tæque in 4.

Latent & alibi ejusdem Decisiones Politicæ in libros
Historiarum Taciti, ut & notæ uberiores in eisdem &
Annales præter alia juvenilia in vita memorata. qui-
bus adde quæ nunc eduntur, Epistolas & Poemata se-
lectiora.

Sequuntur Commentaria & additamenta.

I. HISTORIA.

*Chronijck van Zeelandt eertijds beschreven door Joh.
Reygersbergen, nu verbeterd ende vermeerderd door M. Z.
van Boxhorn het 1. en 2. deel tot Middelburgh by Z. Ro-
man 1644. 4.*

*Chronijck van Hollandt, Zeelandt en West-Vrieslant
door Johan Veldenaer over ontrent twee hondert jaren ge-
schreven, nytgegeven ende met aenteyckeninghen als oock
verscheyden Graeffelijcke brieven rakende de ontheden en-
de saecken van de gedaechte landen verrijckt door M. Z.
van Boxhorn. Leyden 1650. 4.*

II. Critica, politica & literatoria.

Historiæ Augustæ Scriptores cum animadversioni-
bus ac notis iv Tom. in 12. Lugd. Bat. J. Maire 1632.

Poëtæ Satyrici minores cum Commentariis ibid.
1632. 8.

Julii Cæsaris opera cum variorum Commentariis ex
recensione M. Z. B. ibid. 1634. Fol.

Plutarchi Quæstiones Romanæ cum Commentario
uberrimo, subjunctæ Q. Romanis supra memoratis.

Justinus cum notis Amst. 1638. 12. & dein sæpius.

Agricola Taciti Commentario uberrimo illustratus
Lugd. Bat. 1642. 12.

Apologia pro eodem adversus Dialogistam. ibid. 12.

C. Taciti opera animadversionibus illustrata Am-
stel, 1643. 12. & pluries,

Catalog. librorum Marci Zuerii Boxhornii.

C. Plinii Panegyricus primum 1632. in 12. seorsim, dein idem & ejusdem Epistolæ ab eodem recensitæ item 12.

Plautus, Curtius, alii denique auctores classici quos aut edidit ipse & notis illustravit tum solus tum cum aliis, aut ad quorum accuratiōres editiones symbolam contulit.

Præter hæc varios auctores Veteres edidit recensuitque ut nominatim Haymonis Historiæ Ecclesiasticæ Breviarium. Cui adjunxit prima Religionis Christianæ rudimenta vetustissima Alemannorum & Saxonum linguâ conscriptâ 1650. 12. Lugd. Bar.

Elberti Leonini dissertationem de Trapezitis Belgii 8.

Heinsii adversus Balsacum & Croyum scripta apologetica.

Levinum Lemnium de Terminis vitæ, P. Justum de Ludo alcæ, aliaque tandem collegit & digessit varias 1. respublicas quales sunt Moscovitica anno 1631. Leodiciensis 1632. Germaniæ 11. Tom. 32. aliaque 2. tractatus historicos & politicos, nominatim metamorphosin Anglorum 12. 1653.

VALERIUS ANDREAS

IN

BIBLIOTHECA BELGICA.

MARCUS ZUERIIUS BOXHORNIIUS, Bergizomii, quod Brabantia oppidum est ad Scaldim fama belli celeberrimum, anno c10 10c xii. natus est. Puer incredibili litterarum amore incensus, ingenio prompto ac facili, æquales omnes est supergressus; atque ætatis anno duodecimo studiosorum numero in Academia Lugduno-Batava adscriptus, eruditissimorum hominum, præcipuè Danielis Heinsii, publicis lectionibus ac familiaritate usus, ad solidæ doctrinæ fructum ac famam ita profecit, ut, anno ætatis decimo & nono haud dum accepto, à Curatoribus ejusdem Academiae ad publicam Eloquentiæ & bonarum literarum

rum

rum Professionem admotus sit. Evocatus superioribus annis à Suecorum , ad Ordines Fœderatos Legato , Reginae , & Procerum nomine , ad amplissimas dignitates in Sueciam , illi Septentrioni amorem prætulit patriæ. Varia edidit, & quidem ex iis quædam penè puer adhuc nimirum decimo sexto , septimoque ætatis annò: &c.

A D R I A N I H O F F E R I

In effigiem

MARCI ZUERII BOXHORNII.

SI Romana suis posset facundia fari;
Et populis vellent tempora prisca loqui:
Hoc vultu responsa darent, nec dignius unquam
Jurarent Latiiis ora soluta modis.
Aspice, Belga, virum, famâ qui iudice gentes
Pervolat, & spatium nescit in orbe sui.
Hoc tamen arctatur magnus Boxhornius ære,
Lata sed ingenii regna papyrus habet.

C. B A R L Æ I.

In Effigiem

M. Z. BOXHORNII,
admodum adhuc Juvénis.

ADspice Palladii vultum , spectator , ephebi,
Claraque facundis vocibus ora lege.
Ipsa senum velox sapientia prævenit annos,
Et spatiis ætas fallitur acta suis.
Vir loquitur, scribitque, senex vernante juventa,
Et Satyra mores liberiore notat.
In Batavis prætexta sapit; sub sidere nostro
Dum juvenis fatur mascula verba Cato.
Pingitur imberbis, qualem se pingit Apollo.
Quantum est, ipsa etiam fronte referre Deas!

VINCENTII FABRICII

A D

Marcum Zuerium Boxhornium

De utriusque natali, qui in annum eundem, & diem incidit.

E Mensus fulvi flagrantia terga Leonis
Æstivam rabiem mansueto Virginis astro
Temperat ætherius Titan. Doctissime Zueri,
(Si tamen absentis cura est meminisse sodalis,
Nec toti excidimus) fundamus mollia vina,
Natali Genio, qui nos conjunxit eodem
Sidere nascentes. Quantumvis largius illud,
Marce, tuo capiti superastitit, indulsitque
Uberius lumen; dum me declivior afflet,
Et leviser radius vix summo fulgure stringat.
Sic nos, cum vernus quondam descenderet imber,
Vidimus immaduisse agros, gaudente colono,
Felici pluvia: pariter vicina malignis
Aspergi pluviis, parcisque novalia guttis.
Fundamus genio: fundamus & altera Parcis.
Hæc mea fatali cum nectare stamina fuso
Ingressæ, rudibus torquerent licia telis;
Et tibi, materia sed de candente, cucurrit
Nobilius, Zueri, pensum. Sic tempore junctos,
Atque annis, precio placuit discernere fili.
Hinc est, quod primo fortunam ordiris ab ævo,
Et vix dum tenera malis languine pingens
Auspicium sequeris famæ, traherisque, rapisque,
Ingentemque animum magnis successibus æquas,
Interdum superas. Dum nos post terga relicti
Fatorum invidiam querimur. tardeque movetur
Impetus, & timidus languens conatibus ardor
Deficit in cursu. Ceu littore sapinus uno
Descendunt geminae puppes, pariterque rudentes
Excutiunt, pariter remis propiora lacessunt
Æquora, dissimili fato. Dum fortiter illa

Flucti-

*Fluctibus indomitis nequicquam aversa, ferentes
 Explorat Zephyros velis, portuque potitur
 Jam pelagi secunda prior. Lentatur in undis
 Altera, degeneremque trahit gravis unda carinam:
 Sepe etiam mergit. Vel eodem pulvere Circi,
 Carceribus currus cum præcipitantur ab iisdem,
 Admissique riuunt pariter. Volat alter, & addit,
 Diffunditque feris, spargitque undantia lora,
 Ferventique rota metam transitque cavetque.
 Alter destituens frenum, temone revulso,
 Heret, & in media excussus spem fallit arena.
 Hanc mihi nascendi sortem cum fata dedissent,
 Non spes ingenii puerum, non Indolis ardor
 Eripuit plebi. Non pondera divitis antri,
 Non celebres utroque atavi de sanguine ducti
 Addiderant fastum. Sed opum, sed stirpis egentis,
 Quod potuit, solos animos fortuna reliquit,
 Indomitos, laudique pares nisi fata negassent
 Liberius calum, & pubente ætate magistros
 Ut decuit, similesque tuis; quos mollibus annis
 Indulsi fortuna loci, superisque faventes,
 Et magna virtutis avus. Qui vix pede primo
 Conantem gressus, & adhuc materna petentem
 Ubra, sollicitans felicia semina mentis
 Virtuti adseruit prima, fameque capacem.
 Fecit, & ingenio teneras circumdedit alas.
 Tale rudimentum, Zueri, crescentibus annis
 Leida auxit, facilesque Deæ, quas lenibus umbris
 Jucunda tiliæ, formosæque detinet unda
 Pegaseis potior; postquam Parnassia rupes
 Viluit, Aoninsque latex, & Castalis aret.
 Hæc te materiem laudis, virtutis amorem,
 Sacraque Musarum, nulli tangenda profano,
 Intonsus docuit sub qualibet arbore Phæbus.
 Jamque puer famæ manceps, adsuescere magnis,
 Quos Batavi mundo jactant, Heroibus ansus,
 Sen generosa ingens obverteret Heinsius ora,
 Mansuetusque senex platano Scriverius amplæ
 Suppositus, lepido deduceret ordine Musas;
 Quolibet occursu studio incrementa dedisti,
 Ingenio stimulos. Sic præceptore parente.*

Magnanimus tiro Pyrrhus, nutritus in armis,
 Ardorem adsumpsit, quoties occurreret Ajax,
 Aut aliquis Sthenelus, quasque olim effudit in hostes,
 Hauserat ex ipsis Tytide vultibus iras.
 Auspiciis tantis ingressus candida fama
 Omina, quod superest vita sperabis, amice,
 Fortuna transire pari. Quod Apollo Batavus
 Et Lugdunensis Pallas tutela Lycei
 Annulat. Ipsa tibi trabeam, plansumque Juventa
 Ambiit, ipsa suas vestigia fecit ad arces.
 At mihi florentes inscitia distulit annos,
 Abjctusque labor, praeceptorumque meorum
 Fatalis stupor, & vesana libido docendi
 Quisquiliis. Facit, quantum fuit indolis alta,
 Oppressum tenebris, immortalique veterno
 Defecit. cecidere animi, languorque malignus
 Forsitan ausura pressit primordia mentis.
 Sic ego ludibrium fati, ter quinque per annos
 In panam vixi. Donec mea vincula rupi;
 Evicitque dolor tandem secernere vulgum:
 Meque mihi adserui: devitatoque viarum
 Limite plebeio, Cyrrham tentare patentem
 Praesumpsi, & doctas clam sollicitare Camænas,
 Sepositus fidis laribus, tenerisque libellis
 Elicere, & tacito Phœbum concludere tectō.
 At veluti, qui se prædoni forte viator
 Eripuit, celerique fuga vicina petivit
 Camporum secreta, metuque paventia membra
 Abdidit in silvas, animo redeunte salutem
 Molitur quacunque via. sed devius error
 Suspendit trepidum; tenebrisque exterritus ipse,
 Et triviis centum, quo pergat tramite nescit,
 Consumitque metus primos majora timendo.
 Sic Juveni, studiisque vago, dumque omnia tento,
 Incubuit gravior ferme fortuna, ratemque
 Imbellem, pelagique rudem, sine remigis usu,
 Et viduam clavo, nec sidera certa notantem
 Exposuit ventis, & vastis intulit undis.
 Exiguum est, Zueri, quod viximus, undique sevis
 Raptati fati. Unum est, quod numina magna
 Excensare queat, Batavos vidisse, tuique

*In partem venisse boni. Nec distulit Ingens
Heinsius amplexum. subitoque adfusa famæ
Fussit, & audaci Musa tentare Merillam,
Ardoremque animi, si quis superesset, amando
Exerere, innocuoque laceffere carmine Cyprin.
Nec tuus ingresso primos Scriverius ignes
Defuit. Ille manu placida, mitique loquela
Sustinuit timidum, nec adhuc bene nota tenentem
Sacra manu. Non Cunnæ notissima virtus,
Non tuba Barlai, non blandi Vossius oris
Abnuerant junxisse manus, geniumque calentem,
Audentemque aliquid magnus Salmasius auxit
Æternis monitis. Produxit denique totum,
Exhibuitque suæ prudens Hugenius Haga.*

*Jamque aliquo poteram famam sperare videri
Carmine. Prævertit sidus, quod presserat ante
Nascentem, fatumque anos extendit in omnes;
Et me præripuit Musis, mentemque molesta
Implicuit curæ: fruticesque herbasque legentem
Compulit immanem morborum ediscere censum.
Hæc tamen abjeci tandem pertæsus, & aliam
Complexus Themidem, trepidantia vota novavi
Serus, & instabilem defixi hoc limite sortem.
Nec satis hæc fortuna fuit de parte severa:
Exilium accessit. Postremam ejectus ad Arcton
Igniculos cæli vestratis frigore tanto
Consumpsi, totoque excussi pectore Phæbum.
Nunc demum patrium sed eo illaudatus ad Albim,
Immersus titulis legum; sterilique papyro
Immoriens, præsumo fori convitia mente,
Et miser æs meditor lites, quæ deinde tribunal
Personet: atque invisæ reis subsellia plaudant.
Hæc inter Genio diffundo debita vina
Luce mea, pariterque tua. Speroque secundas
Postmodo successus fatorum, & mitius astrum.*

ADRIANI HOFFERI

In Nuptias,

M. Z. BOXHORNII

&

SUSANNÆ DUVELARIÆ.

I.

DUm sua fœminea celebrat miracula fama
Zuerins, & Latiis expolit ista modis:
Spectat ut illustres animas, affinia cœlo
Ingenia, & summis æmula dona Viris:
Fertur in insolitos sexus muliebris amores,
Atque oculo formas circumcunte notat.
Sed velut ad primum collimant singula centrum,
In spem venturae conjugis, una placet.
Una maritali faculas accendit amori,
Una facit lentos ad nova festa dies.
Ipsa etiam totum moderans Sapientia pectus
Nunc videt & Cypriam per sua regna Deam.
Sepositisque tuis pro tempore, Musa, libellis,
Vatis Acidalio sudat in igne labor.
Sollicitatque torum, fatisque monentibus urget,
Nec requiem votis mens generosa capit.
Sed variata suæ deducens flumina lingua
Elicit à Dominâ mollia verba sua.
Differit in vacuo quæ sint dispendia lecto;
Enumerat vitæ conjugialis opes:
Multaque de nuptiis recitat, de cœlibe multa;
Damnat inaccessæ virginitatis onus,
Illaque, quæ teneras possent tardare puellas,
Discutit eloquio lemnata trita suo.
Mutua sic junctis firmantur fœdera dextris,
Conjugiique novi munia capta Amans.
Atque ita, posthabitis alijs sub sidere nymphis,
Digna fuit tanto Virgo Zelanda toro.
Hoc juvat esse virum, cum jam devota marito
Consonat: obsequiis nupta novella suis.

*Si modò Scribentis caluerunt viscera flammis,
Sponsus ab oblatâ conjuge qualis erit?
Dumque ea jam meditor, Musa mihi dulce loquentis
Blandula vox aures personat ista meas:
Fausta superveniant genialibus omina tedis,
Quas parili junxit fœdere castus Hymen;
Et thalamo sit amica quies, semperque renascens
Quæ juvenum flamma est, sit quoque flamma senum.*

II.

*Maxime Boxhorni, post aspera pralia Trompi,
Bellaque quæ dixi, mitia bella gere.
Nunc tibi de thalamo petitur, Sponsaque triumphus,
Et spoliis casta virginitatis ovas.
Dum tibi materies belli pretiumque Susanna est,
Suavior hic Trompi laude triumphus erit.*

DANIELIS HEINSII

In Nuptias

MARCI ZERII BOXHORNII,

&

SUSANNÆ DUVELAER.

Ille novem nuper gratissima cura puellis,
Et cui non alie tam placere Deæ,
Tandem unam præferre novem centumque puellis
Cœpit, & externo captus amore calet.
Trans mare queruntur thalami. Neptunia tellus
In mediis ignem sparsit & auxit aquis:
Cui Mare non totum poterat succurrere & undæ;
Una obstat, quæ plus omnibus una potest.
Quid superest? Jam victa favet, jam gaudet amari,
Captaque jam, nollet non potuisse capi.
Ardeat, & totos Domina bibat ossibus ignes,
Ardeat, & flammis sit minor ipse suis.
Dum patrem matremque simul non una propago
Reddat, & hic vultum spectet uterque suum.
Hoc tantum nunc Leida rogat, si mille puellis
Prætulit hanc, posthac sit quoque cura novem.

ANTONII MATTHÆI

IN NUPTIAS

M. Z. BOXHORNII,
cognati fui.

Nunc demum aut concha genitam, aut salsugine creato,
Ipsa Venus tibi dum ducitur orta mari.
Consilium laudo: quid enim sine conjuge vita?
Quidve orbo poterit siccus esse sene?
Virronis causa, captatorisve Macelli,
In vacuo cœlebs discernere thoro?
Quin pereant turdi, boletus, squilla, placenta,
Munera quæ vetulis, Gargiliane, dabas.
Mundo hominem, patriæ civem debemus, & hæres
Extet legitimis cuique suis tabulis,
Sin minus, aut semis calamo trepidante relictus,
Aut as irato jure caducus erit.
Imperio patribus cedes, & honore maritis:
Tam tristis viduo prodita lex thalamo est!

WENCESLAI THEODORI

BARONIS de BUDOWA

Ad

Marcum Zuerium Boxhornium,
Sponsum.

I.

Ad superum venerant placida sacraria Muse;
Duxerat Aonicum doctus Apollo chorus;
Quaque verecundas sibi finxit, Sponse, querelas
Excussit causam qualibet antè Jovem,
Proque suo cultore omnes petière Camæna:
Prima favet parti Calliopea tua;
Applauditque Deæ, quæ te jam prodidit orbi;
Ah! pleffatur, ait, Marcus amore pari!
Non Venus aurato descendere jussa cubili
Zueriada inflexit dulcia tela meo;

Certain

*Certatim tacito reliqua plansere susurro
Et socias Clio te vocat ad choreas.
Fortè pererrantem sensisti membra calorem;
Nam tibi per venas dicitur isse Dea.
Mascula vix tanti valuit jam porticus aui
Ut dicaris amans præposuisse Stoam.
Ad Zueri voces, vocem tenuere tot ora,
Et linguâ facilem diuitem flexit amor.*

II.

*Qualia Romana produnt connubia charta,
Zueriades fertur composuisse suum.
Cynthia cum pleno vultum diffunderet orbe
Fas erat argenti subdere colla iugo:
Illius evictos Hymenæus poscit amores
Tempore quo vacuo milite cuncta strepunt.
Diis juncti auspiciis quondam, & Junone secundâ:
Annuerè auspicio carmine quisque probat.
Prælatus veterum thalamis coeuntibus ignis;
Sanctaque legitimo præfuit unda thoro.
Nunc migrant Helicone Dea, sponsoque ministrant,
Et de Pieriis fontibus unda venit,
Hesperia testes firmant hac vincula flammæ;
Dum cadit in Britonum classis adusta vadis.
Sic veteres iterum thalamis imponere ritus,
Atque faces, Juno promuba, ferre, iuvat.*

NICOLAI HEINSII D. F.

IN

EASDEM NUPTIAS.

Qui male dilatos contempserat hæcenus ignes,
Cui nullo tetigit vulnere corda Venus,
Zuerius accensis nunc saucius ossibus ardet,
Et toto validas ventilat ore faces.
Ardet, & in Valacro male littore devius errat:
Ipsaque contignis tela foveantur aquis.
Tota peregrinas senserunt æquora flammæ,
Tactaque Zueriacis ignibus arsit humus.

Talis

*Talis in Ismariis errabat rupibus olim,
 Euridices Orpheus dum calet igne sua.
 Talis & in solis Minoide captus arenis,
 Attonita Liber Mœnade cinctus, erat.
 Si qua fides, hæc Diva suis Cyprique Paphoque
 Littora præposuit antetulitque Venus.
 Non alibi sua tela magis pharetramque Cupido
 Devius exercet, cordaque plura ferit.
 Fallor? an & vultu sua numina Sponsa fatetur?
 Littore non alio debuit illa peti.
 Tot viduos istis bene pensat amoribus annos
 Zuerius; & tanti est, vix potuisse capi.
 Jamque dies genialis adest: jam pronubus instat,
 Luminæque aurata lampade gestat Hymen.
 Ipsa Venus Tyrio saturatum murice lectum,
 Strataque purpurea splendida texit acu.
 Ipsa tuis, Zueri, præludit læta triumphis:
 Ipsa tuis armis militiæque favet.
 Aspice, jam faciles ut debellata lacertos
 Sponsa tibi pandat, purpureosque sinns.
 Hoc dignum virtute tua est. Post condita Bredæ
 Funera, & eloquio mœnia victa tuo,
 Expugnanda tibi nunc obsidione puella est:
 Nec minus hoc laudis, nec minus artis habet..
 Hactenus ingenio feliciter arma movebas:
 Auspiciis nunc sunt illa movenda tuis.*

ROCHI HOFFERI

Ad

Marcum Zuerium Boxhornium.

AD nos fama loquax agitatæ pervolat alis,
 Nec patitur flammæ delituisse tuas.
 Et narrat facili Superos in amore secundos,
 Et Domina pronas in tua vota manus.
 Nuncia si veri est, nec nostras decipit aures,
 Jam refero sacris ter bona verba tuis.
 Sin minus, auditos voveo tibi totus amores.
 Fama quidem ludit, sed tamen omen habet.

EJUS.

E J U S D E M

In Nuptias

M A R C I Z U E R I I
B O X H O R N I I

E T

SUSANNÆ DUVELARIÆ.

Ad Sponsam.

JAm Puer Idalius jaculis instructus, & igni,
In tua flammigeras egerat ossa faces.
Hinc tuus insolitos animus conceperat æstus,
Et Domina, facto vulnere, totus erat.
Torquebatque tenax succensas cura medullas:
Non erat in læso pectore certa quies.
Nocte querebaris diuturna silentia Luna,
Luce datâ, tardos currere solis equos.
Segnius Aonidas consueti more colebas,
Numina cultori semper amica suo.
Traxerat una tuos in se Duvelaria sensus,
Illa tua studium, cura que mentis erat.
Hoc Phœbus, totusque Helicon, cum Pallade, questus
Hos indignato reddidit ore sonos:
Ergone lascivæ patiar jam longius artes,
Quas furtiva Venus, vel meditatur Amor?
Ut, mea qui sacris venerantur Numina curis,
Distrahat insignes in sua castra viros?
Asperius dicturus erat, sed fervida cæptas
Non potuit voces sustinuisse Venus.
In studium sic ira Desum certaminis ibat;
At solvit tali Juppiter ora modo:
Quò ruitis? tantane animis cælestibus ira?
Sic pudor, & pietas dissimulata jacet?
Si qua mei vobis superest reverentia, dixit,
Me finis motæ iudice litis erit.
Zuerius ardet amans, Puerique volatilis arcu
Zuerius in vacuo pectore vulnus habet.

Hæc

*Hac est, Phœbe, tuo potius res digna favere.
 Tu votis obstat nescius ipse tuis.
 Si quid amatori Paphia nocuere pharetra,
 Auxilium parili vulneris arte ferent.
 Non secus ac quondam Pelida Telephus hastâ
 Vlnus, & hac medicam cuspidē sensit opem.
 Ipsa Cupidineas quoque jam Duvelaria flammās
 Haeriet, & molli spicula corde geret.
 Sic sponsam petet ille suam, petet illa maritum,
 Coniunctique fides plena calorū erit.
 Nec mora, legitimo tædâ quoque iure coibunt,
 Et dabitur, quicquid fingere possit amor.
 Phœbe pater vatū, solito tunc reddet honore
 Zuerius assiduās in tua iura manus.
 Aligerique Dei facinus tibi proderit olim,
 Et tua speratum damna rependet opus.
 Quum post delitias socii Duvelaria lecti
 Pignora Lucinâ sepe favente dabit.
 Producetque alti plures Heliconis alumnos,
 Qui tua sacra, suo cum Genitore, colent.
 Sic ait, & placido litem sermone diremit,
 Sic ait, & reliqui conticuere Dei.*

E J U S D E M

In excessum

MARCI ZUERII BOXHORNII.

*J*Am sub pallentes ivit Boxhornius umbras,
 Et clausit, fati lege iubente, dies.
 Conditur & gelido, Leida comitante, sepulchro,
 Quantum nigra suo viscere terra capit.
 Cætera sunt cæli, & mansura pignora famæ,
 Quæ nequunt Marco jam moriente mori:
 Dum vixit, Batavis facundia luxit Athenis,
 Nec cessit Latiis æmula lingua viris.
 Conscenditque sacri suprema cacumina montis,
 Et Vates Clario largius amne bibit.
 Gesta recognoscens annalibus eruta canis
 Sapiens & docto pectore prompsit opus.

Dum.

Dumque domi latuit cunctas volitavit in oras,
 Et si non pedibus, mente peregit iter:
 Ut posset populorum audire, & reddere voces,
 Et quas prisca refert, quasque hodierna refert.
 Scilicet & Scythicos percurrit sedulus orbes,
 Linguarum varias edocuitque vices.
 Leta fuit gravitas, quâ robor a sestimil oris,
 Pondere quaque jocos conveniente dedit.
 Dum licuit, sic vita fuit, totamque videri
 Jam potuit famam demeruisse sibi.
 Nunc cæli sequitur requies, lætoque laborum
 Libertas animo non peritura venit.
 Edomitâ tellure suo transcriptus Olympo est,
 Equaque cum Superis sæcula pacis agit:
 Atque mori nescit, a Jam scit, quod scitur, & ipsi,
 Quod nescivit adhuc, jam quoque scire datum est.

a Alludit ad scitum Heinſii, quod sonat:
 Quantum est quod nescimus!
 Et Boxhornii, quod sonat:
 Quantum est quod scitur!

E F U S D E M

A D

B E R G O P Z O M I U M,

De obitu

M. Z. B O X H O R N I I.

Bergopzomani,

B Erga, Brabantinis quas stas fortissima ripis,
 Quamque rigant Zomæ lene fluentis aqua:
 Jam dum Leida graves testatur sancita luctus,
 Fas est & lachrymas addere, Berga, tuas.
 Illa tuo proles Genio gratissima, Marcus
 Zuerius ad manes funere carpsit iter.
 Musarum hoc illustre decus, Phœbique Sacerdos

Debuit,

*Debuit, heu! terris oculuisse caput.
 Nil ipsi ingenium, Latia nil profuit artis
 Eloquentium, aut calami nobilioris opus,
 Felix Berga, tuis primum sub mœnibus altis
 Contigit huic vita limen inire suæ.
 Nec tibi progenies fuit hæc ingrata Parenti,
 Cœnarum meritis præmia digna dedit.
 Illius dum fama sacrat tua nomina fama,
 Illius vivis munere, & ille tuo.
 Quid loquor? ah! vixit. Doctis fer debita bustis,
 Contineant fletus lumina nulla suos.
 Jamque tui plangent Boxhorni funera colles,
 Jamque tibi querulo murmure Zoma sfnat;
 Misceat & Scaldi lachrymas, qui largius aucto
 Flumine lugentes in mare fundat aquas.
 Ille quidem Batavis clausit sua lumina terris,
 Leida quidem tumulto continet ossa suo.
 Qui docuit Vates sacrata Palladis artes,
 Pace tuâ, extinctum Palladis aula tegat.
 Magna satis, lituos inter, Martisque furores,
 Laus erit, hunc mundo te genuisse virum.*

F. T U R C Æ I

L A C H R Y M Æ

In obitum

M A R C I Z U E R I I B O X H O R N I I.

P Langite jam Batavi, lachrymas jam funde Lyceum,
 Occidit heu splendor Palladis atque decus!
 Occidit exemplum mundi BOXHORNIIUS, eheu!
 Occubuit, mentis judiciiue vigor.
 Quem neque Leyda virum, nec quem Brabantica tellus
 Cepit, at immensus quo patet orbis erat.
 Heu! truculenta nimis mors, quæ tot gaudia tollis;
 Quo nobis aliud nil nisi mœror adest.

Non

*Non satis ingluviem potuit satiare voracem
CLAUDIUS? & MARCUS debet adesse tibi?
Omnia nunc tecum perierunt gaudia nostra
BOXHORNII, tecum Palladis arma jacent;
Ni novus accedat, tua qui vestigia servet:
Quique premat gressus dexteritate tuos.*

Ejusdem

EPITAPHIUM.

CONDITUR HOC TUMULO BOX-
HORNIIUS, ECCE VIATOR;
NEC TAMEN HIC TUMULUS DIC-
TUR ESSE CAPAX,
CORPUS HABET TANTUM, VERUM
MONUMENTA MANEBUNT;
NAMQUE HORUM POTUIT JURIS
HABERE NIHIL.

L. D E L I N D A,

Poloni

M. Z. BOXHORNIO,

Sacer honor novissimus.

VOs, qui sublimi conscenditis aethera mente,
Atque polos vasto numeratis in orbe remotos,
Tempora quid longis frustra deducitis annis,
Fastos aeterno memores transmittitis aeo?
Imminet ecce dies, quæ rerum fulcra relaxet,
Et chaos informi facie cæcumque reducat.
Effæti mundi latam properare ruinam,
Decretum est Superis. Dum Lumina maxima Mundi
Sede ruunt celsa, finem timet orbis, & aether.

Nuper

*Nuper Leyda tui luxisti sidus honorum
 SALMASIUM, ingenio solus qui summus & arte,
 Regum apices æquans animo, sed pectore Divos,
 Naturæ absolvit magna miracula Parentis.
 Hic cum mortali superavit sorte, profanas
 Humani laudes oris, famamque potentem,
 His major : sidus jam claro fulget Olympo.
 Ex hoc ingenti consedit funere, luctu
 Leyda, piæ fundens lachrymas : deflevit & æther
 Imbribus irriguus, DEPOSTUM hoc, morte repostum.
 Nec dum dedoluit, sua cum mortalia linquit
 Spiritus, astra petens, BUXHORNII Nomine magni
 Ingenioque Viri Clari, quem fama per orbem
 Extulit, eterno mactans virtutis honore.
 Mensibus una dies, qui jam fluxere, duobus, a
 Una dies, ast atra dies, duo Lumina condi
 Vidit, post nunquam, postris majora datura.
 Scilicet ingentes animos, cælestis origo
 Quæis una est, unumque decus, laus una stupenda
 Doctrinæ, vitæque piæ, certæque salutis
 Spes, bene conjunxit mortali in sorte, doloris
 Una dies, multis facta & tristissima damnis.
 Abstulit hæc, dolor hunc, dolor, ô dolor ! atra sub umbras,
 Gloria qui Leyda fuerat; fulcrumque celebris,
 Delicium magnis Ducibus, claræque juventæ
 Summus amor, Suada Romana summa voluptas:
 Quem coluere suis Germani sanctius oris,
 Siderea mentis mirati pignora : tantum
 Sedibus excivit Nomen, tot millia Gentis
 Huc EUROPEÆ. BOXHORNII rostra diserta,
 Andivisse, graves vultus, vidisse, loquentem
 In Marco Magnum Ciceronem, summe lingue
 Magnificum Tacitum, votum fuit omnibus unum
 Et summum. Summis mortalibus ipse stuporem
 Fecerat, hic annis juvenis, sed pectore, & arte,
 Mente senex fuerat : reliqui cum discere debent,
 Hic docuit Doctor juvenis, juvenesque senesque.
 Principibus magnis sobolem formavit ad omne
 Præclarum Imperii decus, & virtutis honores*

• 3. Septemb. 3. Octobr.

Ingen-

*Ingentes. Felix, tanto quæ Regna Magistro
Jam tractat, magnis meritis studiisque probata!
Tam benè de Regnis meritis, populisque, bonisque,
Orbeque de toto, BOXHORNIIUS, integer annis,
Judicio, ingenio validus, sed corpore fessus,
Post tot librorum molem, vigilesque labores,
Reddidit ipse Polis animam, mûndoque reliquit
Jacturam ingentem, Musis, Leydaque dolorem,
Et desiderium Doctis, lachrymasque juventæ.
In MARCO CICERO jacet heu! TACITUSQUE disertus!
Jam tacet! hæc numquis vellet tot damna tacere?*

E J U S D E M.

Zuerius jacet hîc, cui fata secunda dedere
Ingenio terris vivere, mente polis.
Exuvias alii claudant, cineresque sepulchris;
Tullius hîc, Virtus, hîc Tacitusque rigent.
Zuerius jacet hîc, et æs cui nulla priorum
Vidit, posterior non habitura parem est.

HEN-

HENRICI BRUNONIS

In obitum

M. Z. BOXHORNII.

Cujus adoranda concessit laurea lingua
Quem coluit patrius, quem peregrinus honor,
Qui toties lauro præclaros dixit utraque,
Magnaque sive togæ nomina, sive sago,
Nunc tacet æternum, numero nunc ille silentium
Additus, emeritis letus inerrat avis.
Leida quid illius præconia dicere tentas?
Nulla capit Zueri linguæ, mensve decus,
Dedidicit se nunc avi faciundia, Zueri
Desiit (hoc nunc moverat) ore loqui,

MARCI ZUERII
BOXHORNII
EPISTOLÆ.



MARCI NELLE

ROMA

EPISTOLAR.



JOH. ISACIO PONTANO,

Cognato suo,

M. Z. BOXHORNIIUS, S.D. PL.

*Hardersvicum.**Clarissime Cognate,*

EX quo doctissimas illas litteras tuas una cum Tacito accepi, quem integritati suæ, iaudabili operâ, post tot magnos viros restituiſti, ego fere tacitus; filui, inquam, aliquamdiu, non negligentia observantiæ, quam tibi debeo; sed quod metuerem, ne præclaras illas curas, quibus nominis tui famam cum omni immortalitate conjungis, importunâ scripſione interromperem. Testor Deum immortalem, nullas mihi gratiores fuisse unquam, quam eas, quas ad nos nuper dedisti: primas quidem illas, fateor; sed tot amoris, & ingenii tui salibus adspersas, ut primas facile in amore, & eruditione tenerent. Ego ex præscripto tuo, & imperio aliquot doctorum virorum, Granatarum hoc encomium nuper in publicum dedi: quod licet indignum sit, ut in manus tuas veniat, quæ non nisi elaborata omnia tractare solent, veniam tamen daturum te ætati nostræ, in quâ nemo aut eruditionem quærat, aut inveniat, quæ es humanitate, nequaquam dubito. Vale doctissime virorum, & Cognate suavissime. Si inter publica negotia tua gratissimas litteras tuas ad nos dare aliquando fueris dignatus, feceris ad debiti nostri, & benignitatis tuæ magnum incrementum. Salve, una cum uxore tuâ, & liberis, à reverendo sene, avo meo, fratre, & sorore item meâ. Iterum vale.

Lugduni Batavorum, 4. April. 1630.

Incomparabilis Heros Daniel Heinſius, cui hodie adfui, voluit ut te suo nomine humanissimè salutarem. Dicebat mihi, se esse totum in consignandis rebus gestis anni præcedentis; quæ ut amplissimæ sunt, & longè maximæ, ita me hercule præstantissimum scri-

A

ptorem

ptorem, qui eas inferet tabulis æternitatis, pro merito, & magnitudine suâ sunt nactæ. Quærebat ex me, an non intellexissem de historiâ tuâ Regis Danorum, cujus editionem parare te, aut absolvisse propemodum, ex litteris tuis ad amicum quendam tuum datis accepisse se agebat. Tu de hac re, si vacabit, paucula. Vale, vir magne, magnum & gentis tuæ, & litterarum decus. Habe me animo, & sub hastâ tuum.

JOH. ISACIO PONTANO,

M. Z. BOXHORNII, S. P.

Hardersvicini.

Clarissime D. cognato.

Litteras tuas, 3. Cal. Octob. Strylo Veteri exaratas, diebus superioribus demum accepi. Quod operam meam Hondio commendaveris, recte se habet; & gratias ego tibi habeo immortales. Non dubito quin in Hollandiæ nostræ rebus, præsertim quæ antiquitatem ejus spectant, observata & notata tibi sint plurima: quæ, ut benivolè spondes, si mihi, ubi provectus aliquoties fuero, suppeditaveris, vadatum me tibi semper agnoscam. Elegantissima, & ut judicat V. Cl. Vossius, eruditissima Samuelis Petiti Miscellanea, ex voto tuo, nactus sum in Officina Elzeviriana. Si M. S. illa, quæ Petitus iste dilaudat, præsertim Olympidori in Platonem nostrum commentaria, in lucem publicam exponeret, quanto bono Remp. Litterariam bearet. Agitur hic, si forte ad aures tuas perlatum non sit, de evocando huc Cl. Salmasio, singulari Galliæ & ætatis suæ ornamento. Quid futurum fiet, scit is, qui omnia. Vale, cognate eruditissime, & me ama, qui te efflictim. Salvere te & uxorem tuam volunt omnes nostri.

Raptim uti vides, Lugd. Bat. 18. Octob. 1630.

Pro Macrobio tuo, grates tibi dico, quas possum maximas. Scire velim ex Hondio in quod tempus absolvendum sit Theatrum illud Urbium Hollandiæ. Videre etiam figuras æneas ex te nota fuerit.

JOH.

JOH. ISACIO PONTANO,

M. Z. BOXHORIUS, S. D. P.

*Hardersvicum.**Cl. D. cognate,*

ECce tibi carmen in Historiam Danicam, unâ cum litteris Scriverii nostri; qui superioribus diebus tantâ me humanitate & benivolentiâ suâ est amplexus, ut prædicare heic satis non possim. Cerrè per sex horas continuas usque in profundam vesperam præsentîâ & affatu suo me lubentissimè est dignatus. Opem & operâ suam spontè mihi obtulit, surrogaturus M. SS. nonnulla, & Principum diplomata, quæ præclara & plurima solus ferè habet. Proposui illi aliquot meas opiniones sive conjecturas (talibus enim opus in tanto deliquio Historicorum) circa Hollandiæ antiquitatem, quæ ut à nullis hætenus observatæ sunt ita summo illi viro, ac in his cum paucis exercitato, argumentis non contemnendis mirum in modum probavi. In multis ab eruditissimo Junio longius & cum ratione ab eo, ad quæ, cum ab aliis ante nos natos animadversa non sint, producenda in publicum, & fortiter propugnanda idem me summopere est hortatus. Sed de his & aliis alias, cum specimen ad te mittam harum mearum observationum. Icones ab Hondio & simul litteras tuas accipi. Vale vir observande, & Cognate, præsidium & dulce decus meum.

Leyda, raptim, 9. Decemb. 1630.

JOH. ISACIO PONTANO,

M. Z. BOXHORIUS, S. D.

*Hardersvicum.**Clarissime Cognate,*

Litteræ tuæ, 7. Februarii, stylo vestro datæ heri demum ad me perlatae sunt. Historia Danica Muerisii, quam nunc mitto, Vossii nostri est. Tuam videre

& ego, & omnes avent. Editæ apud Merium est Historia, & descriptio civitatum Hanseaticarum, auctore Joanne Agellio Werdenhagen, Administratoris Hallensis quondam intimo Consiliario: si hanc desideras, scribe modo, faxo ego ut habeas. Mitto etiam tres priores Hollandiæ urbes, prout à nobis descriptæ sunt. Cætera quæ generalem Hollandiam spectant, describere non patiebatur temporis angustia. Ex hoc vestigio reliquorum mensuram facile cognosces. Rogo te, ut primâ quaque occasione, una cum judicio de his tuo, remittas. Si quid minus vel in stylo, vel in methodo tibi placuerit, gratum erit, si in tempore monueris. Vossius, & ille vatum nostri sæculi Princeps Barlæus plurimam per me tibi dicunt salutem. Hic etiam carmen in Hollandiam nostram scripsit. Tale à te non postulo tantum, sed, pro amicitia nostra, etiam flagito. Heinsius suum promissit. Vale, Cognate dilectissime, & me ama. Frater meus te, & tuam humanissimè salutat.

Lugduni Batavorum, 23. Febr. 1631.

Habes hic etiam notas, & castigationes, quas in Sætyricon nonnemo eruditus scripsit. Pro me etiam pugnat. Sed de his alias.

JOH. ISACIO PONTANO,

M. Z. BOXHORNII, S. Pl.

Hardersvicum.

Dilectissime Cognate,

Ultimas litteras tuas una cum Hollandiæ tabulis rectè accepi. Dordrechtii originem quod attinet, eam indubitata nunc inveni apud * Baldericum Noviomensem, lib. 3. Chronici Cameracensis, cap. XIX. qui disertim testatur Theodoricum tertium, Arnulphi Gandensis filium, *municipium*, verba ejus sunt, *fecisse eo in loco, qui Mereweda ab incolis vocatur, ubi videlicet*

Mosa,

* *Vixit Baldericus ille hujus Comitatus temporibus.*

BOXHORNII EPISTOLÆ. 5

Mosa, & Walfluvius de Rheno effluens pariter corrivantur. Dordrechtum itaque dictum fuerit quasi Dideichsdrechtum, uti suo loco pluribus ostendam. Mitto nunc tria capita priora, quæ generalem Hollandiam spectant. Tu, si quid desit, superadde, si quid commissum sit, pro humanitate, & eruditione tuâ corrige. Tot negotiis nunc distineor, ut relegere non vacet. Itaque non mirabere, si quædam scripturæ σφάλματα intercurrent. Res mihi est cum Satyrographo illo, . . .

qui magnas turbas, magno suo cum damno, & ignominia in Academia nostra dedit. Reliqua mea transmittam suo tempore, ubi otium nactus fuero. Vale, Vir Clarissime, & me amare perge.

Scribebam raptim, quod vides, Lugduni Batavorum, die undecimo Martii 1631.

Moneo caput tertium integrum non esse. Illa enim quæ Trajectum spectant, adhuc sunt superaddenda.

JOH. ISACIO PONTANO,

M. Z. BOXHORNIUS, S. D.

Hardersvictum.

Clarissime, & dilectissime Cognate,

Heri Amstelodamum veni, ut agerem cum Hondio. Statueram simul ad vos excurrere, sed mutavi propositum. Cras iterum domum cogito. Ego mea, volente Hondio, Lugduni Batavorum excudi curabo; ut ipse, si quid commissum ab operis Typographicis sit, præsens corrigam, ac si quid mutandum addendumve sit, ipse superaddam. Itaque obnixè te rogat Hondius, ut suo nomine agas cum Typographo illo, cui Hollandiam nostram addixerat, eique dicas ipsum auctorem opusculo suo excudendo corrigendoque velle præesse. . . .

Remitto nunc reliquas duas Hollandiæ tabulas, quas proximè ad me miseris. Quod in scripto nostro quædam

dam mutaveris, alia emendaveris, nonnulla etiam addideris, gratias tibi habeo immortales, & quanti te propter hæc faciam publicâ inscriptione aliquando, si Deus vitam & otium dederit, ostendam. Scriverio mea omnia legenda tradidi, quæ ipsi perplacuerunt. Non possum satis prædicare singularem, & inusitatam, ut ita dicam, humanitatem, quâ me immeritum summus vir ille complectitur. Nullus ipso in Hollandiæ antiquitatibus doctior, nemo nobis familiarior. Vale præstantissime Cognate, salutatus à D. Thyfio, & Vossio, quibus dixeram me ad vos abitum parare. Misisset Vossius ad te Oratorias suas institutiones nuper editas, sed paratæ, aut compactæ nondum erant, cum abirem.

Amstelodami, 8. Aprilis.

Reliqua mea velim quamprimum remittas.

JOH. ISACIO PONTANO,

M. Z. BOZHORNIUS, S. D.

Hardersvicum.

Litteras tuas, dilectissime Cognate, 3. Kal. Aprilis à te perscriptas, una cum reliquis meis, rectè accepi. Commodè ad vos transissem, cum Amstelodami hærerem, si Dii Viales favissent. Aura enim & ventus erat adversus. Non mutavi tamen propositum, sed distuli, & circa Majum fortè ad vos excurram, datâ opportunitate. Westfrisiâ Theodori Velii habeo, illam capiti tertio, ex consilio tuo, subjungam. De versibus C. Barlæi singularum urbium descriptionibus adjiciendis quid suades? Utar hic tuo consilio. Reliqua mea, quæ Hollandiæ Insignia, Nobilitatem, Ingenium incolarum, terræ fecunditatem, atque alia id genus spectant, non opus videbatur ut transmitterem. Visa hæc omnia, lecta & probata Scriverio. Non alienum ab instituto meo futurum putem, si Chronologicam seriem Comitum Hollandiæ ejus in gratiam adjungam. Nam in urbium descriptionibus frequens

Comi-

BOXHORNII EPISTOLÆ. 7.

Comitum mentio; quorum temporibus hoc vel illud gestum esse memoramus. Titulus operis nostri hic erit: *Amphitheatrum, sive Accurata descriptio Comitatus & Urbium Hollandiæ, &c.* Si commodiorem habes, velim nobis quamprimum indices. Historiam tuam Danicam videre, & legere aveo. Ex illâ haud dubiè multa hauriam, quæ Nortmannorum & Danorum in has oras incursiones spectant. Gratissimum igitur erit, si prima quaque occasione transmittas. Et si alia ad amicos exemplaria dare velis, curabo omnia diligenter. Hollandiæ meæ priora proximâ septimanâ Typographo tradam. Quæ disceptationem nostram de Hollandiæ nomine ejusque origine spectant, ita variavi, & mutavi, ut non dubitem, quin omnia cum Scrivenio nostro sis probaturus. Fixum tamen & immotum stat, Hollandiam ita nominari ab Oelandia Danorum. Iterum te rogo, ut Historiæ tuæ Danicæ exemplar quamprimum ad nos mittere digneris. Quæ enim Vestratis Oelandiæ descriptionem & Danorum irruptiones spectant, usui mihi futura sunt in capite primo, jamjam excudendo. Vale Oculissime Cognate; & me ama, qui te efficitim. Plurimam salutem tibi tuæque addicunt omnes nostri.

Scripsi raptim, Lugd. Batav. 18. April. 1631.

Audiivi nonnulla de te in locum Vossii huc evocando. Quod faxit Deus immortalis.

JOH. ISACIO PONTANO,

M. Z. BOXHORNIIUS, S. D.

Harderfocum.

Litteræ tuæ, Cognate oculissime, à Typographi vestri uxore rectè ad me perlatae sunt. Ego omnia curavi diligenter. Heinio, tuo nomine, gratias egi pro historiâ Silveducensi ad te transmissâ. Elsevirius folium illud, cujus signatura erat littera I. jam ad te per litterarum tuarum gerulam dedisse se ait. Manum Lipsii.

à Scriverio nostro impetrare non potui, sibi etiam à Consule vestro quædam promissa, non tamen transmissa causante. Angeli Rocchæ caput de Veteri Gallorum linguâ superioribus diebus exscripsi, quod his additum invenies. Opus nostrum iam sudat sub prælo; folia priora quatuor excusa jam sunt, quæ proximâ occasione una cum urbis Amstelodamensis descriptione ad te dare statui. Vale Clarissime Cognate, & me ita porro ama. Avus, Avia, omnesque nostri plurimam tibi, tuæque salutem adscribunt. Moram nostram in scribendo apud te non excuso. Iterum vale, ô & præsidium, & dulce decus meum.

Heuteri historiam invenire non licuit. Salmasium huc migraturum certa fama est. De te in locum Vossii evocando multa inaudivi. Faxit hoc Deus.

Anno 1631. 16. Jun.

Λύξ, ☉ corvum linguâ Celticâ significare indeque dictum Lugodunum author est Plutarchus de fluminibus. An autem vox aliqua sit Belgica, aut Danica, quæ huic respondeat, valde velim à te doceri, cui vetus Gallica satis est perspecta.

JOH. ISACIO PONTANO,

M. Z. BOXHORNIIUS, S. D.

Hardersvicum.

ECce tibi, oculissime Cognate, disputationem Cognati nostri Joannis Boscharti de justificatione &c. cum laude publicè habitam, & clarissimo nomini tuo inscriptam. Totus jam sum in illis describendis, quæ urbis Amstelodamensis historiam, & descriptionem spectant, & proximè ad vos transmittam. Amplissimus vir, & amicus tuus, Adrianus Pauwius, superioribus diebus Hagam me evocavit, communicavitque plurima, ex patriæ archivis deprompta, quæ urbium Hollandicarum antiquitatem, & immunitates spectant. Nihil hic novi de bello, aut Repub. Silent omnia. Illud tamen

tamen non reticendum : vidisse nos litteras illas , quas
 Currentes vocant , editas Antverpiæ , in quibus Leidâ
 perscriptum dicitur, Daniele Heinsum , & Casparem
 Barlæum ingens , & grande volumen de felici nostro-
 rum in Flandriam expeditione moliri , illum quidem
 prorsâ, hunc vorsâ oratione. Ita quidem illi. Sed non-
 dum præteriêre omnium dierum soles. Ignorant quam
 nobis fortunam serus vesper sit advekturus. Plura vel-
 lem : sed is qui has tibi tradet , stat in itineris sui pro-
 cinctu. Vale, Cognate dulcissime , & me tuum ama.
 Salutant te cum tua omnes nostri quam officiosissimè.

Lugd. Bat. Anno 1631. Julij 16.

DANIELI HEINSIO,

M. Z. BOXHORIUS, S. D. P.

Non peccavi, Vir Illustris, dum Suetonium Tran-
 quillum nova ista facie exornatum in publicum
 protrudo. Scriptor est inter eos , qui ad res gestas po-
 puli Romani illustrandas accessere, & facundia, & gra-
 vitate præcipuus, ac , quod haud inter postremas ejus
 laudes pono, incorruptam veritatem professus. Ea au-
 tem tempora prosequitur , quibus terrarum orbi Ro-
 manus jam par esse cœpit : ac proinde dignissimus , ad
 ejus lectionem se accingant illi , qui ad militares & ci-
 viles dignitates adspirant. Videbunt hic, fato quodam
 generis humani, quemadmodum syderum, ita & rerum
 vices : potestatem populi, temporum infelicitate ad pri-
 mores delapsam , & ibi fractam discordiis, apud Cæsa-
 res demum fessam consedisse : ac à Julio quidem pri-
 mum arreptam, deinde ab Augusto auctam , à Tiberio
 confirmatam ad reliquos omnes postmodum fuisse
 transmissam. Videbunt statum reipublicæ Romanæ fe-
 licissimum & miserrimum, lætæ, tristem, ambiguum;
 Principes bonis malisque artibus mixtos ; aliquot eo-
 rum ferro interemtis, oppressam Senatus auctoritatem,
 & evektam ; Patres infensos Principi vel obnoxios, po-
 pulum & florentem gratia, & depressum ; disciplinant
 A J omnem

omnem nimia Ducum lenitate aut severitate corruptam; abjectos & petitos honores; districtam incendiis urbem, & instauratam; bella civilia & externa; triumphos & clades; simultatis, fidei, perfidiæ, constantiæ, clementiæ, crudelitatis magna exempla, &, ut verbo omnia amplectar, virtutum vitiorumque certamen. Quæ dum per otium semel iterumque evolvo, notata mihi sparsim nonnulla sunt, quæ, quamvis rudia adhuc & impolita, quia lucem aliquam huic scripto mutuare videbantur, flagitante Typographo, in publicum exire passus sum. Quamquam enim magnus ille litterarum vindex Isaatus Casaubonus tam luculentis & eruditis animadversionibus Scriptorem hunc illustraverit, ut nihil à quoquam adjici potuisse videatur; ab eo tamen sive majoribus negotiis districto, sive humani ingenii lege, nonnulla prætermissa & commissa fuisse dubitari non debet. Argumento illa fuerint, quæ sparsim hic, modeste tamen & candide indicamus: magnam partem sub manu nata, & pro penso operarum typographicarum perscripta. Potuissem forte meliora; sed obstitit otii penuria, quod omne mihi auferunt eruendæ, ut nosti, Patriæ antiquitates, quæ cum plusquam Cymmeriis tenebris sint involutæ, totum me sibi habent mancipatum. De his bonorum omnium, & tuum judicium esto, Vir Amplissime: qui non obscurum hoc amoris & observantiæ nostræ indicium inscripsimus. Et alii qualiacunque hæc offerrem, quam tibi? Tibi ut litteræ nostræ humaniores, & hiltoria omnis Augusta, ita Scriptor hic plurimum debet; plura adhuc debiturus, dum eum publice nobis explicandum sumisti. Et tanta sunt in me beneficia tua, ut officium hoc prætermittere non poterim. Justo pudore suffundor cum recogito, quoties præclaras illas curas tuas à me passus sis interrumpi: quibus famam nominis tui ad posteritatem magis magisque transfundis. Agnosco meam tenuitatem. Quod eruditione & fama tua dignum rependam, nihil habeo, præter hoc animi & litterarum redhostimentum. Majore tamen fiducia accedo ad te; qui non tam offerentis munus, quam animum didicisti æstimare. Summa voto-

rum fuerit, si libello huic, ad Musarum tuarum sacrarium tendenti aditum non præcluseris: in quo stabit, ut spero, exiguum hoc magni in te animi mei monumentum. Vale, Vir Illustris, & gloriæ tuæ longum supervive.

Lugd. Batav. Anno MDCXXXI. Kal. Aug.

JOH. ISACIO PONTANO,

M. Z. BOXHORIUS, S.

Harderwicm.

Dilectissime Cognate, litteræ tuæ posteriores 27^o Augusti exaratae, ut & illæ, quæ proximè has antecesserunt, rectè ad me perlatae sunt. Debuissim maturius respondere. Sed facilè mihi ignoscet, ut spero. Scribendi enim officium intermissum est, non negligentia aliquâ, sed partim ob varias occupationes, quibus etiamnum distringor, partim ob valetudinem adversam, quæ ex oculorum humoribus, & doloribus contracta validè me diebus plusculis afflixit. Suetonius noster jam in publicum prodiit: secunda pars ejus operis, cujus titulum descriptum hic habes. Pars prima, & tertia jam pene typis descriptæ sunt. Assiduis precibus Typographi, flagitantis, ut recensendo, & illustrando huic operi præessem, tandem me passus sum exorari. Utinam illis scriptoribus, post tam sedulam aliorum curam, ego etiam aliquid lucis possim mutuari. Si hac in parte, re aut consilio tuo prodesse nobis potes (posse autem scio) velim quamprimum significes. Suetonius tanto omnium favore exceptus est, ut clarissimi hujus Acad. Profess. ad linguæ Græcæ professionem, quæ jam vacat, adspirare me voluerint. Sed vitam privatam, quietam illam, adhuc degere constitui. Theatrum nostrum Hollandicum operarum; non meâ, incuria, aut injuriâ aliquamdiu intermissum nunc satis magnis passibus procedit. Quidquid excusum est, adjunctum his habes. Reliqua, ut & urbis Amstelod. descriptionem, proximè transmittam. Vale, clarissime cognate, & me ama.

Salutant te, tuamque reverendus senex avus meus, frater, & omnes nostri.

Raptim, Lugd. Batav. 29. Septemb. 1631.

JOH. ISACIO PONTANO,

BOXHORNIIUS, S.

Hardersvicum.

Clarissime D. Cognate,

Litteras tuas 26. Octobris stylo vestrati datas hodie demum accepi, & cum iis florenos tres, quos tuo nomine, pro Samuelis Petiti miscellaneis, apud Elzevirios exposueram. Si quâ in re ulterius officia nostra inservire tibi heic possunt, perscripseris modo, habebis illa quam paratissima. Notas tuas in Fulgentium nostrum adhuc inspicere magis, quam legere otium fuit. Solennem tamen genium, & eruditionem tuam in istis vidi. Urbes Hollandicas ab Hondio necdum accepi; velim ut quam primum illæ ad me veniant. Bataviam optimè, & elegantissime descripsit præstantissimus Junius; inveni tamen, quod iis, quæ ab eo notata sunt, possit superaddi. Sed hæc alias, & otio meliore. Vale vir, & Cognate observande, & me quod facere te video, redama. Salveat à me tua uxor. Plurimam tibi, tuæque salutem adscribunt reverendus avus meus, & frater.

Raptissime, uti vides, Leyde, 14. Novemb.

CLAUDIO SALMASIO,

M. Z. BOXHORNIIUS, S. D. P.

Redeunt ad te, Vir Illustris, ex Baravia nostra sex Scriptores isti, & ecce ultro in eruditionis tuæ involant sinum. Erubescunt tamen in hac lacinia se tibi sistere, qui eos ingenii tui purpura & sago excultos non huc modo, sed & in universum hunc literarium orbem

orbem nuper emisisti. Formæ, fateor, magnum hic invenies decrementum, non tamen ullum splendoris detrimentum. Nihil autem hic mihi assumo. Spicæ aliquot sunt, & nescio quæ reliquiarum reliquiæ post uberrimam tuam messem. Utut enim ad lucem auctorum aliquid faciant, ita nihil dignum in se habent, quod ad industriam & curas tuas addere aliquid posse existimarem. Veniam dabis adolescentis ingenii mei tenuitati, dabis temporis angustiiis, quæ me, ista potius effundere & ἀντοσχιδιάσειν quam scribere permittunt. Dabis etiam tibi, qui post infinitæ industriæ & eruditionis virum, Isaacum Casaubonum, cujus apud te gratissimam memoriam esse scio, tot exaratos manu codices & tam accurate excussisti, tot loca desperata; & quæ jam inde à renatis litteris eruditorum acumen exercuerunt, feliciter sanasti, tam multa ex omni ævi antiquitate, quæ sepulta & ignorata hæctenus fuerunt, eruisti, tot Græciæ, tot Latii voces redonasti, tot eadem opera bonis auctoribus vel obscuris lucem, vel corruptis Medicinam dedisti, ut nec doctissimi cujusquam possit æquare diligentia, nec affectare doctrina. Adeo ut si quis illa, quæ industriam tuam semel exercuerunt, repetere instituat, aut nihil omnino reliquum sit habiturus, aut hujusmodi tantum, ad quæ eruditionis tuæ fastigium se vix inclinat. Cape itaque qualecunque hoc munusculum admodum adolescentis quidem, & in his antiquitatis tenebris ἀμφορόντων, sed ut bonarum omnium litterarum, ita eruditionis & virtutum tuarum admiratoris unici. Volui hac via aditum mihi ad te sternere, Vir Clarissime, quem in excelsa illa gloriæ & eruditionis arce positum admirabundi omnes veneramur. Tu, si humanitatem tuam recte novi, non dedignaberis vel unam tantum horulam gravioribus illis tuis curis, quibus & præsens hoc sæculum & posteritatem omnem tibi meritò devincis, suffurari, ac excutiendæ tumultuariæ huic nostræ lucubratiunculæ, sed facilem & faventem, commodare. Ego, quoties tui in mentem venit, venit autem sæpissime, vota facere non desino, ut Deus Optimus Maximus te quam diutissime mortalium cœtibus patiatur inter-

interessē, ad litterarum dignitatem magis magisque instaurandam; quæ abiturum, nescio quo fato, his temporibus minantur, quibus non memini me legisse corruptiora. Sed manum de tabula, ne in publica commoda peccem, quibus solis omnes curæ tuæ sacrantur. Vale litterarum Stator, & solidæ omnis eruditionis Vindex unice.

*Lugd. Batav. anno natæ Salutis MDC XXXI.
Kalend. Decemb.*

JOH. ISACIO PONTANO,

M. Z. BOXHORNII, S. D.

Harderwicum.

Dilectissime Cognate;

PECCAVI fateor, & quidem graviter. Sed culpam omnem jam deprecor. Et tu ignosces mihi, si humanitatem tuam recte novi, ubi hujus tam diuturni silentii mei causam cognoveris. Etenim præter occupationes, quibus tanquam equus sagmarius adhuc premor, morbus gravissimus aliquamdiu lectulo meo me affixit; & tantum non ad plures jussit commigrare. Theatrum nostrum Hollandicum jam carceres mordet. Epistola illa tua, qua pro Amstelodamensibus tuis contra Heuterum, virum cætera non ineruditum, depugnas, mihi perplacuit; & commodum locum invenit in urbis Amstelodamensis descriptione. Carmen, quod Hollandiæ nostræ cum aliis Heinsii, Scriverii, Barlæi, & aliorum præfigatur, pangere pro amicitia nostra non dedignaberis. Velim illud proximis tuis litteris, & quidem quamprimum, habere. Salmasius proximo vere ad nos cogitat. Vir ille, ut ex Animadversionibus ejus ad Plinium, Solinum, & Rei Augustæ Scriptores scō, quos jam verso, probe intelligo, non nisi ad ista indaganda & explicanda natus est, quam quæ alii non intelligunt. Partem tertiam Historiæ Romanæ nomini ejus inscripsi, quam proximis diebus ad vos mittam: Nondum enim tota affecta est. Grotius in Galliam denuo reversus est; parum absuit, quin in pristinum Luposteinianum

BOXHORNII EPISTOLÆ. 15

num carcerem conjiceretur. Ordines, ut & Princeps, adventum ejus gravissimè tulerunt, dederuntque Ballyvis omnibus in mandatis, ut, sicubi lateret, in vincula conjiceretur. Sed hæc talia jam inaudisse vos opinor. Vale Cognate Clarissime, & me ama, quia ego te perdirè. Plurimam tibi salutem adscribunt reverendus Avus meus, frater, & omnes nostri.

Lugd. Bat. 18. Decemb. 1631.

CLAUDIO SALMASIO,

M. Z. BOXBORNIIUS, S. D.

Letet. Paris.

Ecce tibi, Excellentissime Salmasi, qualèscunque nostras in sex istos Historiæ Augustæ Scriptores animadversiones. Tam bene de his, ut & universa republica litteraria eruditissimis scriptis tuis meritus es, ut hoc officii genus prætermittere non potuerim. Sed trepidat animus, quoties tuæ in omni disciplinarum genere consumatissimæ eruditionis in mentem venit; cujus fastigium ad has paupertimi ingenii nostri sordes se vix inclinât. Positâ tamen verecundia accedo ad te, qui munusculum hoc non ex libelli tenuitate, sed dicantis affectu didicisti æstimare. Difficile est post Homerum Iliada scribere, & post te in Scriptores istos Animadversiones. Potuissèm fortè meliora, sed obstixit otii penuria, quod omne mihi auferunt eruendæ patriæ nostræ antiquitates, quæ, cum plus quam Cymmeriis tenebris sint involutæ, totum me sibi habent mancipatum. Theatrum meum Comitatus, & Urbium Hollandiæ, in quo singularum civitatum origines, incrementa, jura, privilegia, immunitates, & res domi, militiæque gestas prosecuti sumus, sub prælo est, & jam carceres mordet. Adeo ut paucas tantum horulas, flagitante Typographo, minoribus rei Romanæ Scriptoribus recensendis huic operi potuerim suffurari. Nos te, vir incomparabilis, avidè hic omnes exspectamus. Tu Atlas litterarium hoc cælum apud nos sustinebis. Sed desino, ne in curas tuas peccem, quibus famam nominis tui ad omnem posteritatem transfundis, Deus Optimus.

Maximè

Maximus te publici egregii bono quam diutissimè incolumem servet.

Scribebam Lugd. Bat. An. M DC XXXII. Kal. Febr.

Cl. V. Petrus Scriverius noster, plurimam tibi, Vir præstantissime, salutem dicit.

JOH. ISAACIO PONTANO,

¶

PETRO SCRIVERIO,

M. Z. BOXHORIUS, S. D. P.

QUò altius, Viri Clarissimi, in populi Romani historiam penetro, eò longius à pristino felicitatis flore illam terrarum, gentiumque Deam descivisse comperior. Nempe raro tam felicia gentibus fata sunt, ut in eodem statu tranquillæ perdurent. Florentes populorum res fere cum singulis sæculis convertuntur. Præter enim infinita alia, quæ quotidie experimur, naturales quædam imperiorum conversiones sunt, ut divinus Platonè existimavit. Ex quo enim Bruti, Scipiones, Valerii, Marii, & præclaræ ejusmodi animæ in Republica Romana defuere, præstantia ingenia non illuxere. Semel dicam: cum re Romana etiam lingua defecit, quæ quo longius ab Augusti ævo decessit, eò magis splendorem amisit. Ammianum ne longius digrediar videre: qui quidquid ab ingenio ad scribendam historiam attulit, dictionis genere deformavit. Nemo tamen adeo infans rerum est, ut ea de causa aspernandum putaverit. Aliunde enim eloquentiam, aliunde rerum cognitionem peti debere existimamus. Quam alte Principum, & aulæ versutias Ammianus excussit? Quam eleganter regionum, & præcipuè Galliæ & Germaniæ veteris, in qua stipendium ipse fecit, situm nobis depingit? Quam multa passim interserit, quæ ex intimis naturalis Philosophiæ aditis desumpta? Quam multa de vita, qua publicè, qua privatim rectè instituenda

tuenda inculcat? Unde factum est, ut inter alios Rei Augustæ scriptores inexcussum hunc relinquere non potuerim. Tentavi igitur aliquid post clarissimum Lindenbrogium, cujus in hunc scriptorem laudatæ animadversiones exstant; sed id quod cœperam perficere otium non permisit. Vos, excellentissimi Viri, de hac opella judicate; quibus pauperrimi ingenii mei fasces libenter submitto. Suffecerit mihi, si quaecumq; hoc grati mei in vos animi monumentum exstet, quo significem nihil affectui defuisse, præter remunerandi facultatem. Debui infinitis tuis, eruditissime Isaci Pontane, in me meritis; debui eruditioni tuæ, quæ tanta est, ut affectata aliis, tibi ingenita videatur. Loquuntur id tot illustria ingenii tui monumenta, quæ Principes litterarum passim admirantur. Macrobio, scriptori præstantissimo, qui veterum Philosophiam, non vanam illam, & quæ ad solam ostentationem pertinet, sed cordatam, & masculam, altissimè penetravit, vitam & simul tibi famam prorogasti. In cæteris etiam auctoribus non calore, cum vulgo Criticorum, sed ratione cum paucis tibi datum fuit judicare. De Annalibus tuis Danicis, qui tanto nuper omnium applausu excepti sunt, quod satis pro merito dicam, non habeo. Venio ad te, eruditissime Scriveri, cujus stupendas dotea non possum non deprædicare, ex quo me earum intimum & domesticum spectatorem esse voluisti. Quot sæpe palmarias in optimis quibusvis auctoribus emendationes nobis proposuisti, quæ inter fabulandum ex solo ingenio, sed infinitâ lectione subactò, nascebantur. Criticam tuam facilitatem unus Martialis, vel me tacente, apud posteros loquetur, cui post tot sæculorum intervalla lepores suos reddidisti. De cæterâ ingenii tui amœnitate, quam sæpe expertus sum, nihil jam dicam. In patriæ tuæ historia ita versatus es, ut nemo hac in parte tecum possit componi. Memini adhuc ejus diei, quo de Hollandicorum Comitum primis initiis, atque adeo historia eorum universa non ex aliorum judicio, sed ex tua sententia libere & graviter differebas. Testabitur id mecum, qui tunc aderat, Adrianus Verrius noster, novum Zeelandiæ suæ decus, qui præ-

ter accuratam juris cognitionem in omni disciplina-
rum genere ita versatus est, ut juventutis nostri tem-
poris sibi vindicaret principatum, & historia patriæ ita
instructus, ut de hac nemo melius, nemo accuratius
possit judicare. De Bibliotheca tua quid dicam? quæ
tot M. SS. veterrimisque codicibus, aliisque pluribus
ejus generis cimeliis referta est, ut magnam felicitatis
meæ partem semper existimaverim, quod cum ad hu-
manitatem tuam, simul ad ipsam aditum mihi esse vo-
luisti. In qua non tantum de historia, & re litterariâ u-
niversa, sed de earum conservatrice arte, Typographia
Harlemensi dico, certissima mihi patuerunt documenta.
Cæterum animadversiones nostras quod attinet, eas ra-
ptim omnes exaravimus. Ita enim mihi decretum est,
nullo labore talibus insudare, & quæ memoriæ tenor
illibatus non suppediat, illa nec inquirere. Temporis e-
nim jactura gravissima est, & hæc studia non sunt nisi
interludia feriarum occupationum. Deus immortalis
seram illam diem esse velit, quæ cæleste vestrum depo-
situm nobis invidebit; cumque summus Imperator, ex
hac mortalis vitæ statione evocaverit, pares vobis Ba-
ravia habeat, quia majores non potest. Præter votum
hoc nihil habeo. Tantum vobis ego, tantum respubli-
ca nostra litteraria debet, quantum solvere non possum.
Valete, Doctissimi Belgarum & Musas nostras, inno-
centissimas Deas, ab inficere sæculi Barbarie ita porro
vindicate.

Lugd. Bat. an. MDCXXXII. Kal. Aprilis.

JOH. ISACIO PONTANO,
BOXHORNIIUS, S. D.

Hardersvicum.

Cognate dilectissime,

Litteræ tuæ rectè ad me perlatae sunt. Respondissem
in tempore, nisi in Zelandia & curandi funeris
& amicorum causa hærendum diutius fuisset. Quo
nomine meæ in scribendo negligentiae ignoscas velim.
Operam posthac dabo, ut litterarum frequentiam diuti-

BOXHORNII EPISTOLÆ. 19

na earum absentia pensetur. Hollandia nostra finem jam invenit, quæ me hæcenus totum sibi voluit addictum. Hondio, ut exemplar ad te mitteret, in mandatis, cum nuper Amstelodami essem, dedi. Quod an factum sit, scire aveo. Ammianum etiam hic habes, clarissimo nomini tuo, merito tuo, inscriptum. Ingenuè fateor, plura tibi debeo, sed majora non possum. Tu non ad munusculi tenuitatem, sed animum hunc meum, candidum, infucatum, & quod rei caput est, devotum tibi, oculos tuos convertes. Historia illa Gelro-Hollandica Hermanni Goudani penes Scriverium Amstelodami est. Is quamprimum se ad te missurum nobis promisit; & tu, nisi grave sit, per litteras urge. Anni hujus felicem, ut ex initiis auguror, expeditionem consignare est animus. Tu me juva, si suades. De Venloæ, Ruremondæ, atque etiam Stralensæ urbium inter alias Gelriæ munitissimarum, quæ Auriaco se jam dedere, antiquitatibus si quid comperit tibi, velim quamprimum indices. Nihil mihi acceptum magis futurum. Vale, vir clarissime, & me amare perge.

Raptim Lugd. Bat. xi. Junii CIO IOC XXXII.

Salutant te tuasque, uxorem & filiam omnes nostri,
ac inprimis avus atque frater meus.

JOH. ISACIO PONTANO,

BOXHORNIIUS S.

PECCAVI largiter, dilectissime Cognate, non quod amicitia nostræ aut oblivio, aut satias me ceperit, sed quod satisfacere illi non possem. Cum argumentum satis prolixum ad te scribendi sæpius habuerim, otio semper fui destitutus. Male sit publicis illis occupationibus, quæ non tantum fatigant hunc hominem, sed & ingratum illis esse cogunt, à quibus ut maxima quævis accepit, ita majora adhuc debet. Sæpius ardor te compellendi me cepit, sed publica negotia illi moram injecere. Ignosce mihi, Vir Clarissime, homini ut occupatissimo, ita qui maximi te & tua facit.

facit. Sed de proluxa tua erga me benivolentia non dubito, cum sciam, quam facile possis, amicorum vitiis condonare. Epistola hac, & munusculo priorem moram, quâ in amicitiam nostram non leviter peccasse me profiteor, absolvi patieris. Habes ibi prælectiones nostras in Sulpitiam publice nuper hic habitas, tridui unius laborem. Quod addo, ut si quæ parum tersa, aut explorata invenias, festinationi ignoscas. Familiaris est quidem nostra commentatio, sed qualem Satyra, ut de corruptis Domitiani temporibus perscripta, ita per injuriam temporum corruptissima postulabat. Quædam alia ejus generis veterum scripta accessere. Ratio eorum habenda hic fuit ne perirent. Etiam reliquias Veteris ævi admiramur. Laudabis me scio quod recensendis, atque illustrandis veterum Satyris, quam novis scribendis maluerim infudare. Tuius multo leguntur prioris ævi mala, quam nostri culpantur. Nescio enim quo pacto fieri soleat, ut cum avidè peccemus, nolimus tamen reprehendi. Danus quidam homo jam barbatus, & procerioris staturæ plurimam mihi tuo nomine salutem nunciavit. Ad hanc descriptionem risum, scio, non tenebis. Sed cum nomen ejus hominis ignorarem, non potui eum aliter tibi hac epistola repræsentare. Putabat commendationem meam alicujus apud te ponderis esse; proinde illam avidè flagitabat. Quamvis nomen ejus non succurrat, de ingenio tamen possum testari. Diligentiam suam, & eruditionem in privato Eloquentiæ collegio, quod sub me nobiles aliquot Dani instituerunt, non semel mihi probavit. Ut tu valeas, ut uxor, ut filia, ut affinis tuus se habeant, scire desidero. Audio ad umbilicum perductam Historiam tuam Gelricam. Et hoc per te nolim ignorare. Vale, oculissime cognate, & me amare perge. Uxorem tuam, & filiam, & affinem, & te ipsum meo, & fratris mei nomine salutabis quam humanissime.

Raptim Lugd. Bat. XIX. Junij. CIO IDC XXXII.

Fac sciam, si placet, hæc mea rectè ad te fuisse perlata. Ego, quotiescunque per occupationes licebit, ad scribendum me accingam.

ADRIA-

ADRIANO VETTHIO,

M. Z. BOXHORIUS, S. D. P.

EX quo me litterarum ardor cepit, *eruditissime Vetti*, non potui non summopere Panegyricas veterum Orationes æstimare. Enimvero in iis omnem dicendi & ingenii vim mihi explicuisse auctores videntur. Ut non sine magna Reipublicæ litterariæ jacturâ multa ejus generis temporum iniquitate sint intercepta. Constat enim in singulis pene urbibus laudatos olim Cæsares & illustrissima quæque ingenia ad agendas iis gratias auctoritate publica fuisse excitata. Nihil autem est quod cum hoc Plinii Panegyrico possit comparari. Ut enim in Latinitate postremum non negamus, ita ævo Augustæo dignissimum esse in dubium vocari non debet. Quo nomine superioribus diebus ejus excutiendi impetum cepi, & recensendo aliquot horas dedi, cum plures gravioribus curis non licet suffurari. Tibi id quidquid opellæ nostræ est dedicamus. Tanta sunt tua in me beneficia, ut quaecunque hoc officii genus sine scelere diutius prætermittere non poterim. Eruditione autem tanta es, illisque ingenii præstidiis instructus, ut de hoc scribendi genere nemo melius, aut æquius possit judicare. Præterquam enim, quod Romani Juris adita accurate penetraveris, omnis antiquitatis omniumque disciplinarum cognitione tam probè imbutus es, ut litteratæ juventutis principatum merito tibi deferamus. Vale novum Zelandiæ tuæ, & litterarum decus.

*Lugduni Batavorum, Anno CIO IDC XXXII.
Kal. Novemb.*



JOH.

JOH. ISACIO PONTANO, BOXHORNIIUS S.

Harderwicen.

Clarissime Cognate,

Quantum in te diuturno hoc silentio peccaverim probe intelligo. Sed ne tu ignorare potes, quantum opere me agitaverint novæ Professionis curæ, & occupationes. Nunc demum intelligo privatæ vitæ fœlicitatem. Publica enim illa secum trahit appendicem magnarum molestiarum. Sed devoranda magno animo principia, quæ ut plurimum solent esse difficiliora. Nunc quia per ferias nostras vacat, ad singularum litterarum capita respondebo. De Salmasii adventu ita est, ut scribis. Illius viri conjunctam cum singulari, & stupendâ eruditione humanitatem præfens aliquotiens sum expertus. Vidi illustre apud eum Cymelion Codicem Latinorum Epigrammatum longè antiquissimum, & hætenus, quod caput rei est, ineditum. Ego certè Reipubl. huic, & Academiæ admodum gratulor, cum magno Scaligero virum succenturiatum esse, ad quem, tanquam oraculum, recurrere nobis licebit, quotiens in his litteris gravior nodus occurret. Florum sub manibus habet, quem jam affectum pene editioni parat. Totus in eo est, ut florentissimi illius scriptoris admissos passim in Chronologia errores indicet, atque emendet. Quamquam meâ quidem sententiâ, eo nomine Floro adeo non sit insultandum, qui compendium hoc, sive potius florilegium Historiæ Romanæ, non juxta accuratam temporis seriem, sed, declamatorum more, per capita quædam, & locos communes digessit. Sic uno eodemque capite omnium pene seditionum Historias complexus est, inter quarum nonnullas sæculorum aliquot intervallum est. Idem etiam à Velleio Paterculo factum videmus, qui subinde in unam pagellam rejecit quidquid ad idem argumentum spectaret. Talis est lib. 1. illa bene longa coloniarum

enu-

enumeratio, quæ à Romanis aliis atque aliis temporibus in diversas orbis partes transmissæ sunt. Parat idem Salmasius *Rituale veteris Ecclesiæ Christianæ*, in quo omnes sacrorum ritus, & instituta plenissime, atque accuratissime deducit. Werdenhagenium quod attinet; ille Bremam nuperrimè evocatus est, ut ejus loci Episcopo à consiliis esset. Quare ante menses aliquot eò profectus est. De *Nabalia*, & Taciti loco quod notas, validè mihi placuit. Nisi potius pro *Naba*, aut *Nabalia* legendum sit, *Navalis fluminis pons*. Navales pontes sunt, qui navibus coadunatis superstruuntur: quorum magnus hodieque in militiâ nostrâ usus est. De his multa Lazarus Baysius in commentariis de re nautica, & Stewechius ad Vegetium Renatum. Qui Renatus nuper ex novâ Scriverii recensione in lucem prodit. Non dubito quin ejus exemplar proximè ad te sit transmissurus. Prodierunt etiam his diebus è Musæo nostro Panegyricus Plinii, Trajano dictus, quem publicè jam prælego, atque etiam Respubl. & Historia Episcopatus Leodiensis. Utriusq; exemplar hic habes. Ut vel hoc argumento tibi esse possit, Musas nostras non fuisse otiosas. E Zelandia hodie ad me perscriptum est, Philippum Lansbergium, illum Mathematicorum nostræ ætatis facile principem, ad plures commigrasse. Idem etiam Groningæ fecit Janus Gebhardus, Eloquentiæ ibidem Professor, vir eruditissimus, ut ex animadversionibus ejus ad Tibullum, aliisque operibus, quibus humaniores litteras haud parum illustravit, ignorare non potes. Indicem ejus Topographicum, ad Curtium excudent Elzevirii; quo indice in Curtio id præstitit, quod in Julio Cæsare Scaliger fecit. Vale clarissime cognate, & frequentiores à me litteras in posterum exspecta. Sed restat, quod pene oblitus eram scribere. De Hermanno meo Goudano semel, iterumque, & serio Scriverium commonui. Qui quamprimum Amstelodamum venerit, se eum ad te transmissurum promisit. tu per litteras mecum urge. Iterum vale, salutatus à me, & fratre meo una cum uxore liberisque tuis quam humanissime.

Lugd. Bat. An. M DC XXXII. die xx. Dec.

ERICO

ERICO ROSENCRANTZIO,

Olig. F.

M. Z. BOXHORNIIUS, S. D.

Singularis illa tua humanitas, Juvenum Nobilissime, qua me complexus es, facit, ut hic te debeam affari. Sciat posteritas amicum me habuisse, cujus & eruditionem, & diligentiam & morum elegantiam cum stupore sum admiratus. Testari possum. Assiduus quippe virtutum tuarum spectator. Quanti vero me semper feceris, non possum aut ignorare aut diffiteri. Præsentia tua totiens docentem me honestasti, ut absente te docuisse me non meminerim. Non quod discendum aliquid haberes, sed ut benevolentiam probares. Dicam ingenuè; quamquam in aliorum frequentia vultus tui conspectus, inter tot labores & animum mihi auxit, & ardorem excitavit. Nobilissimos majores tuos, & præcipuè magnum illum parentem tuum imitaris, quem tanquam virtutis & eruditionis prodigium soleo venerari. Proinde accipe hoc grati in te animi mei redhostimentum; tenuè quidem illud, sed ubi otium permiserit, in majus extollendum. Vale, Danicæ Nobilitatis decus, cum Mulenio, viro diffusæ & humanitatis & eruditionis.

Raptim, Lugd. Bat. MDCCXXXIII. Kal. Maij.

VINCENTIO FABRICIO,

S. P. D.

M. Z. BOXHORNIIUS.

Nortvicum.

ITa me Deus amet, doctissime Fabrici, ut litteræ tuæ mihi gratissimæ acciderunt. Tu tamen jejunam epistolam tuam audes appellare, meumque mihi de te iudicium relinquere poluisti. Profecto aut tu te ipsum non capis,

capis, aut ego bona ingenia non possum æstimare, quorum illud fieri non potest, hoc autem in me non cadit. Ex quo suavissimis tuis sermonibus licuit interesse, & erotica aliaque tua poemata, quæ nuper edidisti, penetrare, singularem quandam ingenii tui facilitatem simul & amœnitatem non videre tantum cœpi, sed venerari. Est in versibus tuis, præter alia multa, quæ ut hoc sæculo rarissima, ita in te quam maximè laudanda, in affectata quædam puritas dictionis, quam tantopere in antiquitate exosculamur, in nostri ævi Scriptoribus, paucis admodum exceptis, quærimus hætenus, & invenire non valemus. Asiaticum tumorem pene omnes induere, & castitas sermonis contemptui esse cœpit. Conatus eorum omnis insidias quasdam auribus facit, animum non capit, qui ut divinitatis tradux est, ita vanitate illa non vult inescari. Sed condonandum est vitio sæculi, quod ut pro senio largiter delirare jam cœpit, ita majestatem illam diutius non capit. Ad deteriora se quævis ingenia jam deflexere, ut consistere insania non possit, quæ semel animos invasit, præsertim accedente eorum prædicatione, qui ut robusta illa & seria non intelligunt, ita ineptias pro angustia sua solent dilaudare. Aliam tibi, mi Fabrici, mentem gratulamur; erectam, masculam, quæ quo propius abest ab antiquitate, eo magis hoc sæculo debet æstimari. Idem nos sectamur, modo assequi possimus. Hæc sunt, suavissime Fabrici, quæ me non tantum amicum tuum, sed & laudum virtutumque tuarum præconem fecere. Nec aliud de me tibi debes persuadere. Scriptionem, fateor, paullulum intermisi, sed propter publicas occupationes, quæ quam severe nobis imperare soleant, non ignoras. Tu tua ad me dare ne gravéris, quibus impense soleo delectari. Faxo ego ne de me queraris. Vale, eruditissime Juvenis, & me ama.

Raptim, Lugd. Bat. IX. Aug. MDCCXXXII.

B



JOH.

JOH. ISACIO PONTANO

BOXHORNIIUS, S.

Hardersvicum.

CLarissime cognate, litteræ tuæ ad me perlatae, gratissimæque fuerunt, nisi quod hoc ingrati haberent, penultimas meas, easque sic satis prolixas ad te curatas non esse. Doleo eo nomine quam maximè. Perfidia est, aut negligentia nantarum; quorum tamen fidem hæcenus non habui suspectam. Neque enim meminisse possum ejusmodi quid mihi litterisve meis alias evenisse. Sed ferendum, quod mutari non potest; imo ejus jactura frequentia scriptionis in posterum facile potest instaurari. Sed nimis multa his impendo, cum verba tantum sint, quæ perière. Dissertationes Botanicas Salmasii quod spectat, illæ omnes in eo versantur, ut, notatis passim recentiorum Botanicorum erroribus, ostendat, non easdem illas plantas, exempli causa, esse cum illis veterum, quibus tamen eadem nomina Botanici nostri indidère, & ita porro. Adeo ut criticum sese aut Grammaticum Salmasius hac in parte sit probaturus. Gaudeo Poëmata tua jam excudi, quæ non vanitate verborum, ut vulgò fieri solet, sed rei, & argumenti præstantia adsurgunt, quod ut frustra hodie quærimus, ita in veteribus quam maximè admiramur. Avide opus hoc tuum, ubi excusum fuerit, exspectabo Vale oculissime, & me amare perge. Tuis omnibus meo, & fratris nomine bona verba imperties.

*Raptim Lugduni Batavorum M DC XXXIII.**Kal. Septemb.*

JOH.

JOH. ISACIO PONTANO

BOXHORNIIUS S.

Hardersvicum.

Vir clarissime, cognate dilectissime; Nihil prius mihi fuit, quam & desiderio tuo satisfacere, & promissis meis stare. Sed ita me Deus amet, ut tibi, ut mihi ipsi morem gererem, occupationes publicæ illæ, quæ invitum me cogunt, non permiscere. *Præteritos utinam referat mihi, Jupiter annos!* Utinam dies illos, quibus curarum vacuo & mihi, & amicis licebat vacare. Sed felicitatem, & facilitatem illorum temporum non nisi præterlapsam nunc æstimamus. Publicum illud professionis meæ munus, ut honoris nonnihil, & estimationis contulit, ita me ipsum mihi, amicis, & inter eos potissimum tibi ademit. Pecco, fateor libens, sed non sine animi dolore, dum illa humanitatis officia totiens prætermitto, quæ merito tuo tibi debentur. Cum Scriverio, de Hermanno Goudano cgi. Interpellavi sæpius Habere se eum hic loci testatus est. Nihil tamen effectum hætenus. Sed manus ejus chiragra laborare non ignoras. Citius clavam Herculi, quam illi depositum evellas. Insto tamen adhuc, & instabo diligenter. Salmasium jam compellassem, sed graviter lecto adfixus decumbit.
Nec manus, nec pedes movet. Arnobius jam ipse typis descriptus est. Notæ Salmasii tantum restant, & animadversiones; quas morbo hoc præpeditus afficere non potest. Quamprimum convalescere percepero, a dibo, tuo nomine salutabo, tuas in Arnobium animadversiones, quæ haud dubie placebunt, exhibebo, & de iis omnibus statim te faciam certiores. Dissertationum illa de tabaca, & helleboro veterum à te instituta impense me cepit. Caput herba illa, ut & helleborus, purgat, quantum video. Proinde pergam eandem insaniam insanire, haud dubie expurgatum defæcatumque caput ex illo fumo reportaturus. De Macrobio cum

Elzeviriis egi. Nihil ipsis prius esset, quam cum juxta cum Geillio meo typis suis exarare.

De Repub. quod scribam non habeo. Princeps Arau-
sionensis in Zelandiam jam concessit, brevi Hagam re-
diturus. De Dionysii Vossii, lectissimi juvenis, imma-
turo obitu jam intellexisse te opinor. Morbilli, qui
regnum ubique jam tenent, vitam ipsi, & spiritum præ-
cludere.

Raptim, Lugd. Batav. 28. Octob. 1633.

Meo, & fratris mei nomine, uxori tuæ, Matthæo,
cæterisque liberis bona verba.

JOH. ISACIO PONTANO,

M. Z. BOXHORNIUS, S. P.

Hardersvicum.

Litteræ tuæ, suavissime cognate, & illæ per Isen-
dornium, & illæ per Clavigerum vestrum rectè
mihi redditæ sunt. Ut ad ultimas prius respondeam,
Venceslaus Clemens, de quo in litteris tuis agis, su-
perioribus diebus, tentandæ fortunæ, in magnam Bri-
tanniam concessit. Alias vir iste iis ingenii, & doctri-
næ dotibus erat instructus, quibus scholæ vestræ com-
modi multum, & fructus potuisset fœnerari. In præ-
sens autem talis aliquis nemo nobis jam occurrit. Pro-
fectò, ut verum fatear, non ita facile virum habituri
estis, & qui eruditus, & qui musicus pariter sit. Ut
eruditi simus, si ingenium modo faveat, industriæ no-
stræ est, & laboris, ut Musici, beneficium naturæ est,
cui invitæ hic non possumus reluctari. In me certe il-
lud exerior. Asinus ad lyram sum. Nemo musicam
infelicius attingit, nemo, cum non succederet, facilius
eam deposuit. Memini in primis illis sex syllabarum
rudimentis bene cantillandis dies quatuordecim me fu-
isse occupatum, quibus exactis tantum profeceram, ut
omnia ignorarem. Agam tamen cum aliis, & aliquem
parem sustinendæ huic functioni, sic satis lautæ, co-
nabor

BOXHORNII EPISTOLÆ. 29

nabor expiscari. Post triduum, aut quadriduum vos denuo faciam certiores. Vale, vir & cognate clarissime. Matthæo tuo, cui professionem Trajectensem oblatam, & acceptam gratulor, bona verba.

Raptim, Lugd. Bat. CIO IDC XXXIV. April. IX.

JOH. ISACIO PONTANO,

BOXHORNIIUS, S. M.

Hardersvicum.

VIR, & cognate clarissime, factum jam tandem est, quod voluistis, & haud dubie curatoribus Gymnasii vestri placebit. Quartæ classis Rectorem habituri estis Dominicum Acronium, Juvenem, ut proximè etiam ad te perscripsi, iis doctrinæ, ingenii, & vitæ dotibus ornatum, ut non tantum isto, sed majori etiam loco sit dignus. Rector vester vidit eum, loquentem audivit, & negotium omne cum eo transegit. Gratias tibi habeo, quantum possum, maximas, pro animadversionibus tuis ad oram Juvenalis, & excerptis ex M. S. Codice tuo ad me transmissis. Faxe ego, ne in ingratum, aut immemorem beneficium hoc collocasse videaris. Me ipsum, & quidquid in me est, libens meritoque tibi depono. Scire velim inultusne Jesuita ille, antagonista tuus, sit abiturus. Profecto apologiam & tibi, & nomini Christiano, & impudentiæ ejus dicam, an imperitiæ debes. Posses te scio; velle etiam oportet. Quid si brevi aliquâ dissertatiuncula obviam ipsi ires, ne impune in te strinxisse stilum lasuum videatur? A parte tua veritas stat, & suffragium totius Christianæ antiquitatis. Vale suavissime, & me amare perge. Salveant à me omnes tui.

Raptim Lugd. Bat. CIO IDC XXXIV. April. XII.

JOH. FRED. GRONOVIO

M. Z. BOXHORNIIUS, S.

FActum bene, vir præstantissime, quod & affectus in me tuus, & studiorum, quæ uterque colimus, similitudo, ad scribendum te incitarint. Paratio apud me opus non est, qui patere & vacare semper soleo literarum & bonæ mentis, candidatis. Et tanto quidem lubentius, quanto sæculum hoc sæcundius magnarum nugarum. Pleraque enim ingenia aut capere non possunt studiorum nostrorum amoenitatem, aut cum capere se putant ineptiis suis corrumpunt. Assurgit mihi certe animus, quotiens adhuc supereffe video; qui Musas nostras amant, quibus exilium jam indictum esset, nisi per illos sibi constarent. Video lectas tibi animadversiones nostras, quas in Satyrica quædam veterum scripta nuper in vulgus exire passi sumus. Quod factum non esset, nisi pertinaciam meam expugnassent continue flagitationes amicorum, qui bono publico sic utcumque gratificari me posse existimabant, ita me Deus amet, unius tridui labor est, quem legisti ea quidem occasione natus, quod finito Plinii panegyrico, cum feriæ nostræ jamjam instarent, ne interea nihil agerem, Sulpiciæ Satyram publice explicandam sumpsissem. Ad quam quæ à me dicuntur protrita pleraque esse scio, sed alia commentandi ratio hic instituenda non erat, cum unicus mihi scopus esset, mentem & ἀρετὴν illius Satyræ, quam plerisque eruditorum parum exploratam videbam, eâ qua fieri posset, facilitate commonstrare. Gaudeo indicium à te mihi factum fuci, quem Stephanus, vir cætera candidissimus & doctissimus, eruditis omnibus fecit. Quanquam ut libere scribam, quod sentio magis credam Hospitalium Satyram illam, hic aut ibi à se repertam edidisse, quam ipsummet composuisse. Præsertim cum sciam ab eruditis nonnullis in membranis lectam fuisse. In quod ubi occasio tulerit, propius inquiram. Catonis *Diras* quod spectet, scribis non persuaderi tibi ob agros inter creditores divisos in

in execrationem hanc effusum Poëtam. Mihi secus videtur idque ob hanc rationem. Extrema ætate Cato *Diras* istas effudit. Probo ex versu primo :

Battare Cygneas repetamus carmine voces.

Cygneas voces esse, quas effundimus instante jam vitæ termino, de quo in senio potissimum cogitamus, nemo nescit. Testatur autem Suetonius Catonem extremam senectam in summa paupertate transegisse, postquam Tusculana villa creditoribus cesserat. Facit hoc etiam versus secundus Catonis:

Divisas iterum sedes & rura canamus.

Ergo jam ante sedes, & agelli ejus fuere divisi, nempe, inter milites, durant: Syllana tempestate. Nunc autem à creditoribus erant occupati. Si enim primo cesserint creditoribus, profecto statuendum est, cum postea redemisse illos, atque progressu temporis infesos à militibus Syllanis fuisse. Sed pugnat hæc cum verbis Bibaculi quæ ex Suetonio pag. 121. in testimonium vocamus. Dicitur ubi exutum Catonem agellis suis ad summam prope senectam in summa inopia vixisse. Dicitur Tusculanum creditoribus venditum fuisse. Quid, quod disertim testetur Suetonius, prima purritia, aut adolescentia à Syllanis Catonem exutum patrimonio fuisse. Verba ejus sunt: *Ipse libello cui est titulus indignatio, ingenuum se natum ait & pupillum relictum, eoque facilius Syllani temporis licentia exutum patrimonio.* Quæ ultima verba neminem dubitare sinunt, quin in *indignatione*, de Syllanis Cato egerit, non in *Diris*. Ut ergo paucis me hic expediam, si extrema senectæ poëma hoc Cato scripsit, ut & versus primus, & Suetonius liquidò ostendunt, de creditoribus omnia accipienda sunt, non de militibus Syllanis. Quæ enim creditores vendiderant, Cato cum illa bonæ mentis sorore paupertate colluctatus, postea non redemit, quod Bibaculi versiculi satis probant. Senem quippe circumvenerunt creditores, & ita circumvenere ut denuo.

non posset eluctari. Syllani ergo primo invaserunt agellos Catonis, non creditores. Si enim post creditores Syllani invaserint, invaserunt non quidem agros Catonis, sed aut creditorum, in quorum venerant potestatem, aut illorum, quibus vendiderant creditores. Primo ergo & prima ætate scripta *indignatio* in Syllanos. Postremo extrema senectæ Diræ in creditores. Vides sententiam Scaligeri stare non posse, cum nostra solidæ rationi innitatur. Nec contra me facere video illa Catonis,

*Exsul ego, indemnatus, egens mea rura reliqui,
Miles ut accipiat funesti præmia belli.*

Loquitur enim ibi de tempore jam elapso, quo exarserat tempestas Syllanorum: Jam vero cum creditoribus colluctabatur. In præsentibus autem malis, ut plurimum de præteritis cogitamus. Cæteras conjecturas tuas quod spectat, mihi satis arrident, præsertim illa,

*Muta prius fuerit, quam non mea libera avena.
Muta pro multa.*

Versum autem illum quod attinet;

Ludimus & multum nostris cantata libellis.

In quo legi vis,

Lydia te o multum nostris cantata libellis.

Optime mihi constituisse Scaliger videtur,

In nemus, & nostris multum cantata libellis.

Esset enim præter decorum *Lydiam*, quam passim tanquam virginem & amatam inducit, *optimam Syllanorum* nominare, ut omittam, quod parum vero simile videatur, per *Lydiam*, frondosam & amœnam arborem denotari. Venerea enim, quæ passim hic, præsertim sub finem, occurrunt aliud evincunt. *Lydia* aut virgo fuit, quam Cato amavit, aut Cato fingit aliquam quasi amaret. Quorum hoc non infrequens Poëtis, quibus solis aliquid creare licet quod non est; Unde & Poëtæ nominati. Vides quam candide tecum agam, vir doctissime. Jus amicitiae ignorat, qui creptam ipsi vult hanc

hanc libertatem. Testor interea nihil mihi gratius litteris tuis accidisse, in quibus genius tuus elucet supra sæculum, & ævi melioris. Non possum non nisi magna omnia de te mihi persuadere. Quippe peculiari quodam instinctu ferri mihi videris ad vindicandam litterarum nostrarum majestatem. Vellem te hic loci præsentem complecti. Nunquam te frequentatæ Academiæ nostræ poenitebit. *Musis heic sedes fata quietas ostendunt.* Facile hic vivitur. si quis abdicata nepotulorum familiaritate, sibi tantum & Musis suis vivat. Me certe illum experire, qui excitata quævis ingenia, & interea tuum, didicerit æstimare. Vale, Vir Clarissime, & ignosce, quod hæc ad te, scripserim aliena amanuensis mei manu.

*Raptim, Lugd. Batavor. CIO 106 XXXIV.
April. XXIX.*

JOH. FRED. GRONOVIO,

BOXHORNIIUS, S. D. P. L.

JAm futurum existimaveram, eruditissime Gronovius, ut non per interpretes litteras amplius, sed præsentibus invicem hic loci amplecteremur. Ita quidem statutum apud te erat, & nihil æque votum meum aut expectatio ferebat. Testor tuam meamque fidem, ægre me à conspectu tuo & colloquio divulsam, cum à nobis abires, nihil autem male adeo habuisse, quam quod de tuo intra paucos dies ad nos reditu vanas spes meas esse viderem. Impense mihi placent illæ amicorum, & inter eos potissimum tuæ sive seriæ, sive jocosæ de litteris nostris confabulationes. Quibus nuper tantum apud me obtinuisti, ut serio animo meo persuaserim, vitam, quam sine te hic ago, planè mihi esse invenustam. Interea tamen solatium aliquod à litteris tuis, binis illis, accepi. E quibus facile etiam colligere mihi licuit, qua de causa Groningæ adhuc tibi sit subsistendum. Heinsum nostrum heri, ut soleo, compellavi, de te, & Saryra tua sermo fuit. Expiscari sedulo

conatus sum num quid displiceret. Crede mihi, suavissime Gronovi, lectione libelli tui impenſe ſe oblectatum, cum in eo præclara omnia, accurata, & ſupra ſæculum videret, candide teſtatus eſt. Nolo tibi adulari. Cauſa enim non eſt: quam qui non habet non adulatur. Interea tanto viro, & in his caſtris Veterano placuiſſe, non infimam laudem debes exiſtimare. Libellum tuum Scriverio noſtro jam tradidi; nec aliud ab ipſo iudicium debes exſpectare. Vale, ſuaviſſime rerum,

Lugd Bat. Anno CIO IDC XXXIV. Junij XXI.

JOH. ISACIO PONTANO

BOXHORN IUS, S. PL.

Harderſwicum.

CLariſſime vir, & Cognate; quas ad me pridie Kal. Jul. ſtylo veſtrate, dediſti, recte accepi. In quibus, quod de pytiſmate mones gratiſſimum mihi fuit. Auſim deſerare nihil omnino eſſe in litteris noſtris quod adeo exercuerit & ſuperiore ſæculo, & noſtrâ tempeſtate, ingenia eruditorum. Conjecturæ pleræque omnes ſunt, quæ mihi nodum expedire non videntur. Forſan nobis hic aliquid ſæculum debebit. Nec promittere tamen auſim, quia nondum ſatis cogitavi. negligentiam dicam, an impudentiam, miratus ſum. Injuria certe facta eſt optimo, & doctiſſimo Politiano, qui in epistoſis vineta ſua, hoc eſt, quæ in miſcellaneis ſtolidè erat commentus, ipſe cæcidit. Nec opus erat alio monitore.

Illud Salmaſii noſtri de acia apud Celſum in eo fere verſatur, ut doceat, quid nomen hoc designet, adverſus ſententias aliorum, additis ex antiquitate, & illuſtrariſ ſis omnibus, quæ acu apud veteres aut conſuebantur, aut ornabantur. Unde & opus hoc ſuum *περί τοῦ ἀκίου* nominavit. Quid locus Celſi de acia ſibi velit, ſingulari libello nuper etiam oſtendere conatus eſt

Chif-

Chiffletius, quem nescio an videris. Vale suavissime
& me ama.

Raptim, CIO IDC XXXIV. Julij xx.

VINCENTIO FABRICIO
S. D. P.

M. Z. BOXHORIUS.

Hamburgum.

Litteræ tuæ, eruditissime Fabrici, duplici nomine gratissimæ mihi accidere. Et quod sospitem ad tuos venisse, & quod memoriam mei non deposuisse te ex iis intelligerem. Utrumque voto meo respondit. Nobis adhuc bene valere hic licet, & jam per caniculæ æstum à lectionibus feriari. Otium hoc ad Juvenalem meum recensendum porro illustrandumque applicavi, in quo multa adhuc diligentiae nostræ reliqua tot eruditi, & superioris & nostri sæculi, interpretes fecere. Conabimur certe de scriptore illo bene mereri, qui non sine causa tanti semper ab omnibus habitus fuit. Nemo vitia sæculi sui altius penetravit, nemo gravius, & cum majore indignatione perstrinxit. Quod nullus diffiteri potest, qui diligenter & cum judicio legit. Sed quid tu moliris? Nam nihil te agere vix credam; & facilem illam ad fundendos versus venam sistere apud amicos, quibuscum jam agis, non potes. Noli aut hæc, aut te diutius nobis denegare, quem avidè omnes expectamus. Quantum jam licet votum interpono, ut salvum te ad nos vehant Dii viales, quemadmodum abeunti faventes fuere. Vale suavissime rerum, ab Heinsio, & Scriverio salutarus quam humanissime.

Raptim, Lugd. Batavor. CIO IDC XXXIV.

Jul. XXI.

IOH. FRED. GRONOVIO,

M. Z. BOXHORNIIUS, S. D. PL.

FActum est, quod voluisti, eruditissime Gronovi, Heinsio & Scriverio nostris tuas ipse tradidi, & utrique gratissimæ acciderunt. Alter eorum jam respondet, ut vides, alter post dies pauculos Amstelodamum cogitat, ubi Satyram tuam ipse tibi tradet, quemadmodum quidem serio promisit & ut ad te scriberem, voluit. In ædibus fratris sui cui Sopio nomen, diversari solet, quas Vossius facile indicabit. Quod libelli tui editionem spectat, promovere eam non desistam. Dignus enim ille est videre lucem, qui tot antiquis scriptoribus illam dedit. Ita ego quidem judico, ita qui apud nos statores harum litterarum, quorum suffragiis quantum hac in parte deferendum sit non ignoras. Sola votis nostris jam obstat chartæ inopia, cum qua typographi omnes colluctantur. Compellabis tamen si placet, dicesque me auctore editionem ipsi te offerre. Vir est, & humanissimus, & qui me amat, & commendationem meam sic satis magni facit. Rescribes quid acceperis responsi, & ego tunc litteris de te atque opere hoc tuo cum ipso agam. Vale, suavissime amicorum. Salveat à me Rijckwartius noster, cujus ingenium & eruditionem singularem multorum fama mihi commendavit. Litteræ ejus, quas ad me datas scripsisti, nec redditæ mihi sunt, nec in hospitio Strateni latent. Avidè eas desidero, & metuo tamen, ne perierint. Iterum vale.

*Raptim, Lugdun. Batav. CID IDC XXXIV.
August. XVI.*

JOH. FRED. GRONOVIO,

M. Z. BOXHORNIIUS, S. D.

ERuditissime Gronovi, facile crediderim, quod scribis, exspectatione Scriverii nostri, & schedarum tuarum, quæ penes ipsum sunt, te consumi. fieri non potest, quin de Martiali, editore lentulo aliquid inaudieris. Mihi crede idem adhuc ille cunctator est. Qui annos jam, non animum mutavit. Experiendo non simul didici, nihil, æque Heroëm nostrum ex institutis Mathematicorum odisse, quam temporis, quo subinde adfuturum se dicit, intercalationem. Hæc tibi, Gronovi, ut non sit in hac ejus mora quod mireris. Interea post ferias Falcoburgenses, equestres illas, in quibus tamen Hippiaæ Juvenalis mei potissimum dominantur, hoc est post octiduum, Amstelodami futurum se serio mihi affirmavit. Vitæ institutum, quod jam iniisti, impense probo, donec melius & te dignius offeratur. Præsenti hoc Catone contentum te esse oportet, & interea ad majora adspirare. Nondum præterire, ut ille inquit, omnium dierum soles, & forsan diei crastini vesper promovendæ magis fortunæ tuæ se dabit. Interea vale, suavissime. Salveat à me cruditissimus Rijckwartius noster, cujus elegantissimas, & plenas amoris litteras heri demum accepi. Proximis diebus respondebo.

Raptim, Lægd. Bat. CIO IDC XXXIV.

Septemb. IX.

JOH. FRED. GRONOVIO,

M. Z. BOXHORNIIUS, S. D. PL.

SCio desiderio tuo à me non satisfactum, Suavissime amicorum. Et occupationes, quas, quia assiduæ sunt, Hæcticas vocare soleo, & morbus, qui nuper me
inva-

invaserat, nunc autem deseruit, in causa fuere. Scriverium quia dies plusculos jam Amstelodami fuit haud dubie convenisti. Janssonium superioribus diebus Francofurto reversum esse intelligo. De editione libri tui proxima hebdomade per literas cum ipso agam. Quod Silvanas tuas emendationes spectat, mirifice me ceperunt, nec me tantum, sed & Heinsum nostrum, qui cum tuæ traderentur, mihi assidebat. Litteras ejus ad te Scriverio nostro discedenti tradidi, & nullus dubito, qui acceperis. Vellem plura, sed ecce pulsant fores, per quos mihi meo esse non licet. Proxime uberius tecum agam. Vale

*Lugduni Batavorum CIO IDC XXXIV.
die XIX. Octob.*

J. F. GRONOVIO

BOXHORNIIUS, S. D.

Quamquam litteris tuis impense semper delectatus sum, eruditissime Gronovi, hesternas tamen omnium gratissimas fecit ille, cui eas ad me perferendas committere voluisti: Tobiam Andream dico, cujus singularis humanitas, & eruditio & comis facundia mirum in modum mihi placuere. Erant sæpe & à te & ab aliis laudatæ ejus apud me virtutes, quarum nunc ipse cepi experimentum. Quo nomine & mihi gratulor, & tibi multum debeo. Quod in illis versiculis Silianis;

Parva obtreffante sæorum

Invidia revocare animos, agitare negata

Cogebatur opè, & senio torpescere rerum.

Pro *agitare* legendum mones, *at stare*, statim se mihi probavit & sane emendatione nihil mihi unquam visum ineptius. Qui ut nihil præter obtreffationem, invidiam, scommata, &, ut verbo dicam, nugæ, ad hunc scriptorem contulisse videtur.

tur. *Stare* tamen ut plurimum de eo, qui in procinctu est aut pugnae se parat, vel jam pugnat, usurpatur. Apud Senecam de Troade:

Stat avidus ira victor, & lentum Ilium metitur oculis.

Juvenalis meus Satyr. 111.

Si rixa est, ubi tu pulsas, ego vapulo tantum:

Stat contra, stareque jubet, parere necesse est.

Virgil. ix. Æneid.

Conclamat ab agmine Volcens

State viri.

Adeo aut raro, aut nunquam *stare* simpliciter positum pro pugnam declinare usitatum est. Tu videris. In illo Silii ex libro xii.

*Stabat Cannarum Graja ad maximina ductor
Nequicquam.*

Nihil est, quod sententiam tuam probat. Nec enim simpliciter dictum *Stabat*, sed additum, *nequicquam*. Verum judicio tuo hæc relinquo. Vellem criticæ tuæ exercitationes lucem viderent. Nam merentur. . . . proxima hebdomade huc venturum se dixit. Opusculum tuum commendabo, quantum quidem per me licebit. Nullus dubito, quin typis suis sit descripturus. Alias ab ejusmodi argumentis scriptis alieni esse solent hoc sæculo, quo omnia ad quæstum comparata, & litteræ nostræ, ita ut par est, non æstimantur. Vale, Suavissime, & ab Heinio nostro salve.

Rapin, Lugd. Bat. 1634. 26.

JOHANNI KRUUS, JESPERI MATTHIÆ KRUYSS

ab Harvila &c. Fil.

M. Z. BOXHORNIIUS, S. D. P.

CUm primum in litterarum nostrarum arcana penetrare cœpi, generose Domine, duo hæc potissimum in antiquis mirificè me ceperunt, sapientia ipsa, quam docebant, & modus quo eam inculcabant. Et in hoc, & in illa est, cujus inopia sæculo nostro laboramus, quod ineptiis ubique occupatum prisca illa & tantopere à sapientibus laudata instituta, ignorat & contemnit. Nam ad cætera bona mentis impedimenta etiam ambitio accedit, quæ, quia sua tantum didicit admirari, cætera capere aut non vult, aut non potest. Cæterum ut ignorasse veniam habuerit, ira non tantum non sequi, sed odisse quod non ignoratur, quod veteres illi ad posteros in exemplum transmisere, quod omnis ævi sapientum suffragio probatum, quod tot virtutum prodigia olim dedit, quod supra cæteros nos attollit, quod denique cum Deo proxime nos conjungit, hoc vero detestandum mihi videtur. Illud enim simplicitate sua se absolvit, hoc autem cum malignitate conjunctum est. In sapientia olim usum spectabant, qui non alius erat, quam quod bonum & malum scire. Bonum & divinum, & humanum erat. Divinum quidem ipsum Deum: humanum vero unionem mentis nostræ cum Deo vocabant, quam scientia & virtus absolvit. Propius enim sapiens à Deo abest, qui & ipsa bonitas est, & nihil ignorat. Unius quippe omnia esse, & omnia unum; unius, ut omnium causæ; unum ut omnia unius causæ: sententia est veterum Philosophorum. Et sicut heliotropium ad solis motum, ita secundum divinos cœlestesque imperus animum sapientis componi existimabant. Nec obstat, quod tam longè à cœlo absumus. Tantò enim melius eo penetramus.

Ut Ulysses fumum patriæ suæ videre tanto magis desiderat, quanto magis ab eo remotus est. Et profecto sapere, quid aliud est, quam Deum æmulari? qui omnium arbiter & moderator, rationem, quâ nos & alios regere, atque etiam aliis subesse possimus, præscribit. Qui imperat vices ejus hic gerit, & sequitur exemplum. Qui subest, ita aliis se submittit, ut sapiens Deo. Qui quanquam cæteris major, hoc solo minorem se agnoscit, ita tamen, ut quantum fieri potest, adæquare laboret. Nam in repub. & scire, & bonum esse præcipuum usum habet. Utrumque autem est Deum sequi, & in nobis aliisque esse, quod in nobis est Deus. Quod sane difficillimum in rebus humanis, & non nisi certis quibusdam statisque animi nostri conversionibus obtineri Plato statuebat. In quibus sapientia omnis, & virtus posita erat. Quemadmodum enim cœleste illud depositum, quod solem vocant, & Deum credebant antiqui, in assiduo motu est, & hoc ipso vires suas per totum universum expandit; ita quoque portio divinæ mentis, quam fragili hoc corporis hospitio circumgestamus, tanquam cœli, & cœlestium cognata, attollit se quotidie, & maximarum rerum capax, divinâ quadam mutatione, meliorem majoremque se ostendit. Conversio in deterius hic locum non habet; pertinax illa animæ desidia, quæ abjectis aliis, quibus ad divinâ se posset promovere, obliviscitur & Dei, & sui & aliorum. Talium quippe memoriam perdidisse summus animi morbus habebatur. Enimvero & ad virtutem & ad sapientiam indices magis magisque intendi oportet: Ut mens nostra, quantum per corporis vincula licet, quibus est impedita, nihil quod aut bonum aut sciri potest, prætermittat. Ad utrumque autem obtinendum triplicem animi conversionem necessariam esse divinus ille, quem jam dixi, Plato statuebat: ad Deum scilicet, ad alios, ad se. Ad Deum, quem cum totum exprimere non possumus, sequi conamur. Ad alios, à quibus petimus exemplum. Ad se, cum ubi non est, se non quærit, sed in se descendit. Quemadmodum *ἡ ἐν σοὶ θεὸς ἐστὶν ψυχή* Plato nominavit. Cujus est secedere extra res humanas, ut tantum melius eas possit mode-

moderari, secum de magnitudine virtutis suæ certare, & in cælesti illo certamine de se victoriam, de se triumphū referre. Sic nosmet nobis componimus, sed ita componimus, ut iidem non simus, primò nihil, mox aliquid, deinde aliis pares, mox magni, & deinceps, ut ille loquitur, magnorum summi, summorum maximi & maximorum regnatores. Hoc est illud animi incrementum, quod cum ipso corpore quotidie alius promoveatur, nec tamen cum corpore senectutem sentit; quod quia æterna modo sectatur, & capax æternitatis, non potest non esse æternum. Æterna autem ista sunt bonum esse, & scire. Semper enim bonum est, & semper scitur, quod semel fuit. Quorum utrumque simul conjungi debet, aut non est æternum. Cadit quippe, si disjungatur. Ut corpus cadaver est, postquam emisit animam qua sustentabatur. Nec bonum nobis est, quod non scimus, nec scire hic debemus, quod non sit bonum. Nam & quæ mala sunt scire bonum est, sed scire, ut evitemus. Ita Socrates quid ira, quid adulterium, quid tyrannis non ignorabat, & utebatur ira, ut virtuti magis animum pararet. Cum iram in aliis videret, affectum sedabat, cum adulteria, castitatem amplectebatur, cum tyrannidem, ridebat & non nisi rationis atque sapientiæ dictamen sequebatur. Ut qui hostem, & ejus vires novit, tanto magis suas explorat, & impendit. Bonum non nisi quoddam pulchrum est. Cui ut se dedat animus noster, innatus amor est, quem celestem Plato vocabat. Qui tunc demum quod suum est habet, cum pulchro se jungit. Cujus vim in actione virtutis, dotem in æternitate esse arbitramur. Ad cæleste hoc animi cum pulchro matrimonium, nihil præter divinum amorem istum desideramus. Non à Venere æstus, quos pulchrum subdit, non à Cupidine arcus aut tela, quæ pulchri cogitatione sibi ipsi mens nostra imponit. Sic ut hoc demum sit bonum esse, pulchrum amare. Nemo autem amat, quod non intelligit, aut videt. Proinde videre oportet pulchrum, ut amemus. Et videre non possumus, nisi ubi pulchrum est, ibi sit animus, & quem in eo potissimum quærimus, amor. Qui hic amat ab eo, quod amatur, nec repulsam patitur, com-
petit,

petit, nec deseritur, cum accepit. Iasonem Medea, Æneam Dido mutuo amore complexæ, sed ut desererentur, & desertæ nec viverent amplius, nec amarent. Qui modo hic amasse cœpit, jam obtinuit, quod amat. & qui obtinuit, nunquam deponit, quod semel accepit. Quippe animus & pulchrum jungunt, trahitur utrumque, & trahit. Sicuti enim in illa cœli statione, quam quotidie oculis usurpamus, sol & luna invicem se excipiunt, ita continuo pulchrum animo, animus pulchro succedit. Pulchrum animo, cum eum invadit, animus pulchro cum ab eo invadi se sinit. Est enim in animo, quod pulchrum capit, est in pulchro, quo animus delectatur. Ita ut utrumque & amet & ametur, & magis utrumque amet, quo magis amatur. Quemadmodum signum annulo impressum non quævis materia exhibet, sed mollis tantum, & quæ cedit: sic etiam non quivis animus pulchrum apprehendit, sed tantum capax. Alio reges, alio qui è plebe hospitio excipiuntur. Pulchrum quoque cœleste illud pignus, & quo majus homini in hac vita exhiberi non potest, par sibi animi domicilium quærit. Humilem, ignarum sui, & ineptiis devotum aspernatur: masculum, erectum, Deo & cœlo suo proximum quærit. In hoc sedem ponit, nec excedit. Non luxus aulæorum, non splendor gemmarum, non aurum, non argentum, quibus pretium sola dementia mortalium fecit, pulchrum hoc capit. Satis ad pulchrum obtinendum est petere pulchrum & amare. Nam petere, & obtinere in idem momentum hic cadit. Nec ideo huic pulchrum deest, quia ille accepit. Omnibus enim pariter præbere se potest. Totum est omnium, totum est singulorum. Tantum hic Socrates habet, quantum Callias, & Callias quantum Socrates. Sed quemadmodum cytharam pulsare non potest, nisi qui artem novit, ita bonum, & quod in bono pulchrum est, nemo apprehendit, nemo sequitur, nisi qui novit. Loquar porro ex sententia Platoniorum. Scire bonum animus dicitur, cum cœlestes imagines habet, & circa eas versatur. Quorum id à Deo, hoc à nobis esse existimabant. Sic ut scientia duplex sit, una innata, altera ex hac acquisita. Illa in imagine;

hæc

hæc in ejus usu consistit. Illa hujus caussa est, hæc veluti filia, utraque autem est caussa boni. Illius exemplum Alcibiades dedit, qui ignorare se dicebat, quando nesciverit illa, quæ postmodum cognovit. Certe non quæsierat aliquando, aut à præceptoribus acceperat unquam. Quod si neque quæsiuit, neque accepit ab aliis, merito propius cælo defluxisse dicitur, & innatum. Quod imaginem vocant, quæ divinorum contemplationi incumbit. Ex hac verò aliam illam scientiam acquirimus, quæ docet quomodo in hac vita divina eorumque ordinem possimus æmulari, sive imperium nobis, sive obsequium sit relictum. Quæ duo omnia absolvunt. Ita Principi imperandum, ut Deus, ita Principi à populo parendum ut Deo. Et quemadmodum duplicem scientiam, ita etiam ignorantiam iidem illi sapientes credidère. Prima est habere imagines, sed ignorare, altera habere eas, & scire, sed non uti. Habent imagines fatui, sed ignorant, ut Miletides. Habent, & habere se sciunt, sed non utuntur, qui sive desidia, sive pertinacia quadam eas in se extinguunt; non alia de caussa, quam quod se, quam Deum sequi malint. Ut Dionysius tyrannus cum Jovis in imperio imaginem exprimendam sibi sciret, eumque Deorum, & hominum parentem esse non ignoraret, non talem se suis, sed tyrannum probavit. Sic ut in scientia primum sit imaginem Dei habere, secundum eam ubique exprimere, & æmulari. Usus autem est à præceptis sapientum; qui aliam quidem atque aliam eorum habent rationem, omnes tamen occasionem quærunt, quam oportunitatem, à qua scientia & bonum est, Pythagoras nominabat. Stupendum ejus, & cui forsitan fidem quidam non dabant, in Socrate & Alcibiade experimentum habemus. Socrates à genio suo impulsus ad Alcibiadem properabat de virtute, sive de pulchro apud ipsum verba factururus, & eodem momento domo egressus est Alcibiades, ut de ipso hoc pulchro Socratem rogaret. Socrates Alcibiadem, Alcibiades Socratem venire ignorabat; venit tamen uterque eadem de causa; hic ut disceret, ille ut doceret. Et tanto melius docere poterat Socrates, quanto avidius ad discendum Alcibiades.

eibiades properabat. Nimirum ita se res habet, ut & is
 qui tradit, & qui accipit mutuo se complectantur.
 Agere hic debet, & alter pati. Nec pati quis potest, nisi
 sit qui agat, nec agere, nisi sit qui patiatur. Quemadmo-
 dum autem inter medicos febres aliâ, atque aliâ subin-
 de portione curantur, ita in purgatione animorum non
 eodem antiqui sapientes modo versabantur. Quæ di-
 versitas omnis nascitur ex ingeniis eorum, qui agunt,
 & patiuntur. Quidam risu, ut Democritus, alii lachry-
 mis, ut Heraclitus, utebantur. Notis quibusdam
 Ægypti; brutis Æsopus, litteræ uni & numeris Py-
 thagoras, cæterique aliis insisterant. Sic docere possu-
 mus, & non loqui. Sic idem est legere, & litteras non
 videre; sic imagines sunt quod verba. Ita filio suo Tar-
 quinius respondit. Summa papaverum capita in horto
 virgula decussit, & interficiendos esse Principes intel-
 ligebar. Cujusmodi sapientiam in Emblematis habe-
 mus. Quæ non hodie, aut heri nata, sed sapientum
 primis in usu fuere. Verum multa in hoc genere ætatis
 injuria nobis invidit. Unicum modo jam exstat, quod
 prudentissimo Cebet in mentem venit. Cujus Ta-
 bulam totius sapientiæ instar, & magistram esse sem-
 per existimavi. Et idem ardor nuper animum meum
 cepit. Cujus fructum tibi jam, Generose Domine, &
 publico damus. Quemadmodum enim tu, & studiorum
 meorum, & remissionum, quæ ad has litterarum amœ-
 nitates se componunt, jam pridem domesticus specta-
 tor fuisti, ita ego tuarum virtutum, Præsertim summæ
 humanitatis atque morum comitatis, qua omnes & me
 potissimum devincis. Ut nihil de tuâ in bonæ mentis &
 studiorum cultu, quibus illustres animæ, qualis tua,
 publico bono & fortunæ suæ parantur, assidua conten-
 tione jam dicam. Et erecti ingenii tui specimen nuper
 omnibus hic dedisti, cum maximi Regis tui manibus
 diserta, & quam in te mirati sumus, oratione pa-
 rentasti: in quo generosa indoles tua illuxit, quam à
 majoribus hausisti. Illustris parens tuus, belli non de-
 cus modo, sed fulmen adversus Danos Polonosque Ca-
 rolo & Gustavo, Suecorum Regibus optimis, maxi-
 mis, virtutem suam ita probavit, ut memoriam ejus
 vestra-

vestrates cum admiratione, hostes cum terrore recollere adhuc soleant, & venerari. Triginta fere vulnera bello reportavit, totidem suæ, totidem tuæ gloriæ monumenta. Vitrici etiam tui, Gabrielis Oxensternii, viri à virtute & natura consummati, quem Senatorem, & Tutorem regni primum Succia jam habet, decus ex prudentia quadam infinita, & animi magnitudine singulari comparatum, laudi tuæ, atque ardori accedit. Quid quod ex illustri Gardæorum familia, cui nobilissima parens tua te inseruit, nomen etiam amplissimum in te sit derivatum. Cujus invidenda gloria ex bellicæ virtutis fama; quæ tantum summis mortalium agnata est, & à Diis æstimatur. Quis Pontum Gardæum nescit, qui prudentiæ, & roboris militaris non exemplum in se, sed prodigium ostendit. Hæc decora tua, generose Domine, hæc tua ad parem gloriæ atque virtutis contentionem incitamenta. Et jam majoribus tuis parem te spes omnium atque expectatio ostendit. Nec falles, ubi fortunam acceperis, cui destinaris. Vale, Illustris Domine, cum Weidenhemio, & Brucknero, quos singularis eruditio & in bonarum artium cultum infinitus amor tibi mihiq; impense probavit.

Lugd. Bat. 1634. Kal. Novemb.

THEOD. GRASWINCKELIO

M. Z. BOZHORNIUS, S. D.

ECce tibi, Vir Clarissime, quæ nuper hic è Cathedra ad delicias meas, Juvenalem, in frequentissima eorum, qui ad audiendum convenerant, Corona dixi. De ineptiis sæculi differendum fuit, & quia maximus auctor eo vocabat, & quia eodem quo Romani olim, morbo laborare nos videbam, nominibus tantum mortalium & numeris annorum mutatis. Volebant viri eruditi, ut prælum typographi fatigarent, quæ exercuerant meam vocem; ut oculos iis impenderent,

rent, quibus aures non licuerat commodare. Urgebat etiam litterata juvenus nostra quæ satisfactum sibi non putabat, nisi eorum quæ semel audierat, & sæpius repetere volebat, publicam lectionem impartirer. Quod persuaderi mihi passus sum, quemadmodum vides. Nemo ex me quæret cur nomen tuum hic voluerim usurpare qui utriusque nostrum animorum conjunctionem novit. De qua tamen nulli magis, quam nobis inter nos constat. Imo sine illa & infinita eruditio tua & illustre ingenium & cæteræ magnæ dotes quaecunque hoc officium imponebant. De quibus jam omnes possunt testari. Et præsertim Italia agnoscit, inque ea, potissimum æterna Resp. Venetorum, pro cuius primigenia & semper duratura libertate eas vindicias scripsisti, quas merito omnes admiramur, & nemo improbabit præter illos, quibus invisum est libertatis nomen, quia tantum servire didicerunt. An non instar omnium videri debet, illustrissimo heroi Dominico Molino te tuaque probari? in cuius cœlestium virtutum & summi nominis procudenta æternitate certatim contendunt omnes eruditi. Qui nuper in litteris sui in me immerentem affectus ea indicia dedit, quibus solis innixus ridere possum ronchos omnes invidorum. Deus Optimus Maximus illum Serenissimæ Reipub. Venetorum, & te communi orbis bono quam diutissime incolumem conservet. Vale Vir Amplissime Bataviæ tuæ insigne decus.

Raptim, Lugduni Batavorum 1635.

Martij 14.

JOH. ISACIO PONTANO

BOXHORNIIUS, P. L. S.

L Argiter hætenus, clariss. Cognate, & in te & in me peccavi. In me quidem, quia id quod officii mei erat non sum exsequutus. In te autem, quia singulari illa
tua

tuâ humanitate & patientia tam diu sum abusus. Ad tot gratissimas litteras tuas nihil respondi, & id unum egisse videor, ut pertinaciter silerem. Possem ad excusationem mei multa adferre, sed fatebor ingenuè, culpa negligentiae omnino non vaco. Nec enim malignitatis alicujus apud te debeo urgeri. Id unum me jam solatur, quod sciam quantum amicis tuis soleas indulgere. Proinde & per illam animorum nostrorum mutuam conjunctionem, & per praesides amicitiae Deos, & per communia studia Musarum enixe te quaeso, atque obtestor, ne diuturnum hoc meum silentium in pejorem partem velis interpretari. Ego in posterum operam dabo, nequid in me possis desiderare. Sæpissime Scriverium nostrum conveni, & de obsidione Lovaniensi Damiani à Goes cum eo egi. Semper se exemplar redditurum promisit, & quod valde mirari soleo, nunquam reddit. Sed mores ejus tu ipse satis nosti. Quid si ad ipsum litteras dares? Forasan sic obtineres quod merito petis, & diutius carere non potes. Audio enim Historiam tuam Geldricam ad umbilicum jam fere esse perductam. Quæstiones meæ Romanæ carceres jam mordent, & brevi prodibunt. Quibus absolutis statim ad Juvenalem illustrandum me accingam. Vale, suavissime cognate, & me, ut cœpisti, amare perge.

Raptim, Lugduni Batavorum Kal.

Junij, CIO IOC XXXV.

DOMINICO ACRONIO à BUMA,

M. Z. BOXHORNIUS, S. D. P.

Harlemum.

Suavissime Amicorum, Quod discedenti tibi à me promissum fuit, differre, quanquam variis occupationibus distentus, nefas existimavi. Ægre admodum à te sum divulsus, cùjus ingenium & modestiam singularem diutius voluissem contemplari. Disces experiendo, ubi volueris, nihil præter occasionem bene de
te

te merendi hætenus mihi defuisse. Quamprimum illa se obtulerit, quidquid ad promovendum ardorem tuorum studiorum, & incrementum honoris facere existimabo, libens meritoque impendam. Tu tantum perge, ut cœpisti. Non est argumentum illustrius, in quo exercere te & famam possis, quam illud, quod jam suscepisti. Debebit tibi patria universa, debebunt sanctissimi manes Principum maximi, qui primus auctor nostræ libertatis sic vixit, ut non debuerit mori, sic mortuus est, ut æternum superesse memoria virtutum ejus debeat. Est autem illa in illustrium scriptorum monumentis. Vale, suavissime amicorum. PONTANUM meum tuumque salvere jubeo. Proxime ad eum de omnibus, quorum in literis suis meminit, diligenter perscribam. Iterum vale, *amice lector*, & me porro ama.

Raptim Lugd. Bat. CIO IOC XXXV.

JOH. ISACIO PONTANO

M. Z. BOXHORNIIUS, S. P.

Hardersvicum.

Verba mihi defunt, clarissime cognate, quibus culpam tam longi & pertinacis silentii mei possim deprecari. Satisfactum tibi existimabis, si non verbis tantum, sed reapse in posterum diligentior me præstitero. Latui hætenus, grassante nimium pestilentia, partim in Zelandia, ubi avus meus aviaque fato nuper concessere, partim in agro suburbano, in villâ Scriverii nostri. Prodiga illa nostrorum hominum in moriendo liberalitas mihi, alias non illiberaliter educato, vehementer displicebat. Secesserant studiosi plerique omnes, itaque subsellia & auditoria nostra in medio æstu frigebant. Tandem autem visum Opt. Max. Deo vim morbi illius, quem carnificem generis humani appellare soleo, qui tot hominum millibus hic extremus fuit, paulatim averruncare. Proinde in urbem Professores, quotquot abfuimus, reversi sumus, & ordinarias lectiones nostras habere cœpimus. Sed, ubi cathedram conscendimus,

Apparent rarinantes in gurgite vasto.

Indies tamen numerus studiosorum accrescit, adeò ut magnus me animus habeat, futurum brevi, ut pristinum splendorem Palladi nostræ restitutum videamus. Emendatio tua in Juvenale meo, quam proximis literis indicasti, mihi Scriverioque admodum arridebat. Brevi editionem novam ejus Poëtæ cum commentario & animadversionibus meis Typographo tradam. Quæstiones meæ Romanæ circa festum Paschatis, si Deus volet, prodibunt. Pauca adhuc excudenda restant. Proxima septimanâ Ultrajectum cogito, ibique CL. Matthæum videbo. Vale Clarissime cognate & me ama.

Raptim, Lugd. Bat. 1635. Decemb. 19.

WILHELMO BONTIO

M. Z. BOXBORNIIUS, S.

Dignitas tua, Vir amplissime, qua in Urbium ocello cum singulari integritate defungeris, & benevolentia, qua me non semel es complexus, & eruditio, qua historiam pene omnem, & præcipuè hanc nostram, de navigationibus Hollandorum, penetraisti, hunc hominem impulere, ut Apologiam hanc, adversus Pontum Heuterum, amplissimi nominis tui præsidio usurpato, ad te ablegaret. Argumentum est nec magnitudine tua nec judicio indignum. Non ingratum certè futurum tibi, opinor, qui in res patriæ, præsertim horum temporum, propius semper inquiris. Quod tanto magis laudandum est, quanto plus habet utilitatis. Cape igitur, Vir summe, hoc observantiæ monumentum ab eo, qui vivit

Amplissimo nomini tuo æternum devotus

M. Z. BOXHORNIIUS.

J. F.

J. F. GRONOVIO

BOXHORNIUS, S. D.

QUod ad postremas tuas tarde adeo respondeam, Doctissime Gronovi, fecit qui me in urbem reversum invasit, sed jam deseruit, languor, dicam an morbus, per quem nec valere mihi, nec ægrotare licebat. Stomachum meum, ut quidem Medicus assererat, magna vis pituitæ invaserat. Itaque & dierum aliquot abstinentia, & haustu, quem purgantem vocant, & pilulis partim Rufi, partim Bontii ante cœnam, partim illis quas appellant sine quibus (subintelligitur, ne ignores, sine quibus valere non possumus) opus fuit. Sic factum, ut expurgatum jam ventriculum habeam, adeo ut ædilem non metuar. Porro, ita est, calendario- rum tuum apud nos reliquisti. Sed famulus meus se Scriverio id tradidisse dicit. Proinde ab eo reposces. Est jam ille Amstelodami, sed proxima hebdomade, quantum audio, reversurus. Interea Schediasma ejus rusticum hic habes. Quod sine dubio probabis. Vale, vir eruditissime, & me ama, quia ego te.

Raptim Domi mea 1636. Jan. IIIV.

JANO BODEC. BENNINGIO,

M. Z. BOXHORNIUS, S. D.

TEndit ad te, Vir Clarissime, dissertatio hæc nostra unius aut alterius horæ opus, sed comparata tamen ad subvertendam sententiam, qua jamdudum & nostra & patrum memoria plerique eruditorum fuere occupati. Disticha quæ sub Catonis nomine circumferuntur, æstimo suo & loco movere conamur. Quod quam feliciter à nobis factum judicii tui esto. Qui præter accuratam omnis Philosophiæ cognitionem, cujus prima cura in Acad. nostra merito tuo tibi est delata, humaniorum etiam litterarum scientia, quæ apud tuæ professionis

homines raro invenitur, pectus tuum & serio & fæliciter imbuisti. Quod & ea probant quæ in vulgus jam emisisti, & brevi editione poematum tuorum, quibus antiquas & cordatas omnes Veneres complexus es, aliisque, quæ premi à te scio, amplius probandum expectamus. Unicum jam rogo, ne quaecunque hoc officium nostrum asperneris, quod quidem indignum te, sed in majus postea augendum publice hic & candide volumus profiteri. Vale.

Raptim, domi mea, Kal. Januar. 1636.

JOH. ISACIO PONTANO

BOXHORNIIUS, S.

Hardersvicum.

CLarissime Cognate, doleo profecto quod fere semper mearum ad te litterarum initia in excusanda earum infrequentia debeant occupari. Iterum morbos loquor, & occupationes. Aliquot jam menses nec ægroto, nec valeo, sed, ut ille loquitur, in statu querulo sum, & moroso. Occupationes meas omnes præter publica negotia, vendicant sibi Quæstiones Romanæ. quæ jam carceres mordent, & brevi in publicum exhibunt. Gratas tibi ago pro tuo in eas affectu, quem proximè indicasti. Si liceret nobis præsentibus subinde sermones commutare, profecto multa ornando isti operi ex te audirem. Sed nunc magno nimis intervallo divisi sumus. Emendatio tua in vexatis illis versiculis Catullianis & ingeniosa est, & erudita. Itaque ejus mentionem feci. Mihi tamen videtur lectionem vulgatam, quæ habet *Patrona virgo*, sollicitari non oportere. Quid enim obstat, quo minus Poëta Minervam Patronam appellet, & Præsidem suarum Musarum? Exemplaria Maris Clausi, quæ in Anglia excusa, apud nos non possunt haberi. Forsan in officina Janssoniana exstant. Graswinckelio ab Ordinibus datum in mandatis est, ut Seldeno respondeat. Certum etiam est.

Gro-

Grotium aliquid in hoc argumento pro libero Mari suo moliri. Ego notas tuas, & animadversiones vel scriptas, vel excusas videre aveo. Diligenter Seldenum iterum atque iterum legi. Ex omnibus argumentis, quæ inseruit lib. 2. ubi quæstionem facti excutiendam suscepit, ne unum quidem bonum, & validum erui potest. Obiter mihi quædam observata, quæ si tua editurum te intelligam, transmittere non gravabor. Et ut tua quamprimum typis describenda cures, unicè suadeo. Non poteris nisi bene de Repub. mereri. Salmasius brevi est reversurus. Condit post Lipsium opus de Militia Romana. Vale, & salve Clarissime Cognatorum.

Raptim, Lugd. Bat. 1636. Junij 14.

CONSTANTINO HUGENIO,

M. Z. BOXHORIUS, S. D.

Hagam-Comitis.

Redit ad te, amplissime Hugeni, ad dissertationem amici tui hæc Epistola. Quam nobilissimo nomini tuo publicè inscribendam existimavi, quia privatim inscripta jam erat. Quæ multa ex recondita antiquitate eruebat, quæ hominis petulantissimi audaciam merito castigabat, luce mihi dignissima videbatur. Interea non mihi, sed sibi . . . irascatur. Non exspectaverit forsitan hanc pœnam, sed meritis fuit. Ut verò audaciæ meæ ignoscas, unicè rogo. Elegiam tuam de supellectile antiquitatis Romanæ, quæ apud Smethium est, nuper rectè accepi. Multum profecto humanitati tuæ debeo. Quam publicè profiteri visum fuit. Versus tuos plenos non ingenii tantum, sed eruditionis, Quæstionibus meis Romanis, quæ jam carceres mordent, commodè inserui. Interest orbis literati, ut sciat esse te in Batavia, qui in summa fortuna, inter tot molestas occupationes, omnem & doctrinæ & ingenii principatum accepit, & fovendis eruditibus totum se liberaliter impendit. Ego autem immor-

taliter gaudeo, quod ad contemplationem, & usum virtutum tuarum propius me admittere fueris dignatus. Heinsius, & Scriverius, magna sæculi nomina, cultum omnem tibi per me offerri voluere.

Raptim, Lngd. Bat. 1636. Jun. 21.

PETRO SCRIVERIO

M. Z. BOXHORNIIUS, S. P. D.

Offero tibi, Petre Scriveri, Vir clarissime, tres nuper à me publice dictas orationes: primam de Theologia Paganorum, cum principem Satyricorum, Juvenalem meum, sequutus ad sacra Ægyptiorum explicanda me accingerem; alteram de fabulis, & quæ sub iis later sapientia veterum Poëtarum, cum ad Nasonis Metamorphosin, opus quod inter prima utriusque antiquitatis ponere soleo, industriam meam conferrem; tertiam de animarum nostrarum immortalitate. Quo argumento inprimis opus erat, cum florentissimæ pridem urbi huic atque Academiæ extrema omnia vis grassantis pestilentia intentaret; cum expulsis aliquamdiu sapientiæ studiosis regnum vespillo teneret; cum inter tot acervos tumulorum, inter tot cadavera, illos, quos nondum vita deseruerat, de æternitate sua securos esse non oportebat. Misera profecto rerum facies, & ex quæ posteri pericula nostra metiantur. Terra illis, quos in mortem clades hæc affligerat, & viventibus quasi vita deesse videbatur. Ut enim his antea, ita illis tunc laboratum fuit. Quæ quanquam injucunda ideo dicenda hic erant, ut magnitudine beneficii, quo me tunc obstrictum voluisti, constaret. Fugientem enim atrocem illam moriendi tempestatem suburbano tuo comiter excepisti. In quo ut omnia plena amœnitatis, ita de tuo, eruditissime virorum, consortio potissimum mihi gratulabar. Qui incomparabili industria, & animo invicto omnis antiquitatis & doctrinæ scientiam ita invalisti, ut ubique eam circumferre videaris. Quo fit, ut à sermone tuo, &, quas interspargis, eruditis amœnitatibus doctiores semper discedamus.

Accipe

Accipe autem interea tenue hoc redhostimentum; donec majus sit, quod æternitati virtutum tuarum destinetur. Erit autem illud si effectis, in quæ tendi, plures ad curas vitam produxero

Langd. Bat. 1636. Junij 26.

CONSTANTINO HUGENIO

M. Z. BOXHORIUS, S. P. D.

SI Balsaco tuo visum fuisset, Nobilissime virorum, intra patrum sermonem, cui exornando totum se impendit, nominis existimationem cohibere, nemo tam præclaro instituto non faveret. Majoris verò eruditionis famam cum ambiret, ne disertus magis, credo, quam eruditus videretur, summum decus sæculi aggressus est, qui ingenio sublimi, nec judicio minori, tum scientiarum omnium cognitione, & antiquitatis utriusque instructus, nusquam jam hæere potest. Id tentandum interim suscepit, quod, cum omnia sint summa, inter prima ejus monumenta numeramus, Herodem, scilicet, infantidam: Tragoediam, ut breviter hoc dicam, excitatam, & coelestem: quam universus ordo litteratus cum stupore admirationis legit, prædicatque. Quæ antiquitatis ita vim omnem geniumque expressit, ut (ne quid dicam amplius) æquarit. Quæ leges Aristotelis tam accuratè repræsentat, quàm certum est non satis perspexisse eas, qui de iis dubitare vult, ut se commendet. Quæ decorum in personis singulis tam graviter servavit, quam verum est, amicum tuum quærere id in ea voluisse ut non inveniret. Vides quam temere in arenam hanc descenderit, dum litem ei mover, quem certissimum est tantum scire quantum omnes eruditionis hostes pariter ignorant: dum in eo curiosus vult videri, de cujus imitatione alii desperant. Quanquam suum adhuc illi decus constitisset, si privarim, si ingenuè cum Auctore ipso judicium communicasset. Nunc cum publicè legatur, ipse videat, atque alii, quo successu aliorum judicii se exposuerit hic judex. Quod si ve ab eo factum est, si ve ab amico; factum sane nollent qui Balsaco tuo favent. Interim in manus meas ad eandem amici tui

Dissertationem hæc Epistola pervenit. In qua quid præstiterit obineatque (ut erectos cordatosque habet spiritus quodcumque ab illo principe ingeniorum venit) erudite & cum venustate ostenditur. Editio ejus cum speranda ab auctore non esset , mearum partium existimavi , ut in publicum prodiret. Non Balsaci quidem tui causa , aut ut ægre illi esset , quem vel scripti vel editionis pœnitere , ex amicis ejus , viris cordatis , intelligimus (quorum causa , si quæ acerbius hic dicta videbantur , cum obnixè id nomine ejus peterent , delevimus , expunximusque ; frustra renitentibus plerisque , qui ad ea quæ & libere & jam publice effudit , nihil falsè satis posse regeri à laceffito judicabant :) verum in eorum gratiam , qui quantum nesciant libenter profitentur , ac doceri poscunt. Multa quippe ex ultima antiquitate , quæ sacra , quæ profana , singulari cum genio hic eruuntur , quæ ne modestia Authoris perirent , orbis literari interesse existimabam. Causam interim non dico , cur amplissimum hic nomen tuum compellarim. Tuum enim omne est , quod de argumento hoc in lucem prodit , ex quo infanticida famæ tuæ atque æternitati consecratus est. Nec judicium de controversia exposco tuum ; qui , quæ es ingenii & doctrinæ magnitudine , cum eruditis cæteris , Balsaco quoque ipso , qui id ubique profiteretur , quid & quantum debeat Heinssio , intelligis. Vale , Vir Magne , & me , ut cœpisti , porro amare ne dedigneris.

Raptim , Lugd. Bat. 1636. Jul. 12.

GRONOVIO BOXHORNIIUS, S.

A Ut fallor , Eruditissime Gronovi , aut aliquando apud te vidi litteras Magni Grotii de studio juris rectè instituendo , quæso earum copiam mihi facias. Ego etiam desideria tua semper explere conabor. Stratum tuum sub prælo esse audio. Nuperi interpretes multa adhuc in eo scriptore diligentia tuæ & ingenio reliquere. Itaque bene poteris de eo mereri. Quæstiones meæ Romanæ jam carceres mordent , & hac hebdomade,

bdomade, nisi me fallant Typographi, prodibunt. Sic ut proxime exemplar ad te sit destinandum. Vale Amicissime mortalis, & voto meo ne desis.

Lugd. Bat. 1636. Jul 22.

CONSTANTINO HUGENIO

BOXHORNIUS, S. D. P.

Hagam-Comitis.

AUdeo tibi opus hoc meum offerre, Nobilissime Hugeni. Argumentum est, quod ætate nostra ferre neglectum; sed in quo veterum auctorum optimi quique industriam suam exercuere. Quorum monumenta injuria temporum, & negligentia ad tam præclara fastidientium intercepta tanto impensius desideramus, quanto plura ex iis peti potuissent, quæ jam nescimus. Nihil enim vel utilius vel jucundius in omni hoc studio antiquitatis, quam rituum, qui sacri, profani, publicè, privatim, domi, militiæque usitati, origines & causas non ignorare. Nos aliquid hic conati sumus. Tu pro humanitate tua ad lectionem hujus operis (si modo tanti videbitur) eò plus veniæ conferes, quo magis ab ingenio omni & solida eruditione defectum illum videbis, qui scripsit. Sæpius enim infantia meæ ignoscendum erit. Vale, vir amplissime, & me inter virtutum tuarum primos æstimatores habe.

Raptim, Lugd. Bat. 1636. Aug. 9.

JOH. ISACIO PONTANO

BOXHORNIUS, S.

Hardersvicum.

Clarissime Cognate,

TAndem prodit Commentarius meus ad Quæstiones Romanas, Qui utinam tibi tantum placeret!

Conjecturis fere insistendum fuit, ut vides. Vix enim aliquis ætate nostrâ in causas, & rationes rituum inquirere ausus fuit. Si intelligam hæc viris eruditis non displicere, in reliquis pertexendis nemo operam meam desiderabit. Atque hæc quidem raptim scripsi, itineri in Zelandiam accinctus.

Lugd. Bat. 1636. Aug. 11.

JOH. FRED. GRONOVIO

BOXHORNIIUS, S. D. PL.

Clarissime Gronovi, Tandem ad te remitto litteras Grotii. Pro usu earum gratias tibi, & quodcumque à me proficisci obsequium potest, debere volo. Exemplar Quæstionum Romanarum libens meritoque tibi dono. Serius quidem fateor, sed in præstandis ejuscemodi officiis sollemnem negligentiam meam non ignoras. Cui ut ignoscas facile ab innata tibi humanitate imperabis. Opus autem hoc ita leges, ut infantie meæ habeas rationem, quod boni viri, & accuratè significes, si quid culpandam videbitur, quod est amici. Scire aveo, quid rerum geras. Vale, & salve dilectum caput. Heinsius, & Scriverius salutatum te voluere.

Raptim; Lugd. Bat. 1636. Sept. 26.

ADRIANO HOFFERO

M. Z. BOXHORNIIUS, S. D. P.

Zirizaam.

Candorem meum testor, amplissime virorum, nihil mihi unquam gratius litteris tuis evenisse. Quibus quas mihi adscribis ingenii & doctrinæ dotes, in me ipsum iniquus sim, si agnoscam. Nomen inter illos profiteor, qui bonæ mentis, & litterarum sunt candidati. Nihil in hæc ætatis meæ crepundia cadit, quod possit æstimari, præter industriæ, & conatus laudem.

Moli-

Molimur subinde aliquid, *dum*, ut ille loquitur, & *vanitas est, & spes, & favor, & audere non dedecet, & si quid desit operi atas suppleat*. Satis mihi est, si tenuitati ingenii ignoscant, qui ut pro magnitudine suæ eruditionis non nisi magna, & quæ supra sæculum, condere possunt ac æstimare, ita pro candore suo veniam audenti non possunt denegare. In quorum censu te habeo. Qui Zelandiæ tuæ primum decus, cum summa dignitate præclaram omnem doctrinam, & amorem in eruditos conjunxisti. Ego certè de amicitia tua, quam adeo prolixè mihi offerre voluisti, vehementer mihi gratulor. Meum erit omni obsequio huic benivolentiæ tuæ respondere. In filio tuo & cordatam indolem, & excitatas ingenii virtutes, & propensum in præclara quævis studia animum, & denique paternæ gloriæ non spem tantum, sed imaginem unicè sum exosculatus. Nihil unquam in me patiar desiderari, quo, quantum fieri poterit, ardor ejus possit promoveri. Unicum mihi desiderium erit desideria tua & hic, & alibi explere. Vale, Vir amplissime, & me inter primos nominis tui, & eruditionis, æstimatores habe.

Raptim, Lugd. Bat. 1636. Novemb. 11.

Reverendos viros, D. D. Udemannum, & Bruynvisshium, meo nomine plurimum salutare velim. Ad quorum litteras, quæ mirifice me affecerunt, proxima occasione, si Deus volet, respondebo.

JOH. FRED. GRONOVIO

M. Z. BOXHORIUS S. D. PL.

ERuditissime Gronovi, equidem futurum existima-
veram, ut te cum aliis aliquot Heroibus convi-
vio, pro mediocritate nostra, exceptum perfunderem
suavissimo illo liquore, qualem

--- *Coronati Thræsea Helvidinsque bibebant
Brutorum & Casl natalibus.*

Sed me absente nimis propere discessisti. Itaque do-
leo, & differre cogor, quod vehementer cupiebā. Super-

rioribus diebus ad me scripsit Pontanus noster, voluitque ut has ad te curarem. Quas quidem ante biduum transmissas oportebat, sed imbecillitas ventriculi mei non permisit: Non quod eo ad scribendum sit opus, sed quod affecto illo, totius corpusculi languorem miser sentirem. Cypriani codice M S. si usus fueris, velim ad me transmittas. Ubi enim accepero cum fide ad Dominum ablegabitur. Quippe nunc temporis usui sibi futurum scribit. De loco Statii, quem nuperrime indicabam, nondum sententiam muto. Exstat lib. 1. Syl. Epithalamio Stellæ & Violantillæ, versu 89.

*Vidi & Abydeni juvenis certantia remis
Brachia, laudavique manus, & saepe natanti
Pralusi.*

Pro *pralusi* legendum esse, *praluxi*, rectè moneñt eruditi: Ego pro, *laudavique manus*, reponendum existimaverim, *lassantique manus*, certe elegantius est, quàm id quod vulgò legitur; adeo ut sic aut scripserit, aut scribere debuerit Statius. Porro in Protrepico ad Crispinum, lib. v. Syl. versu 7. mea editione legitur:

*Vela sequar, spectemque ratem, jam fessus ab altis
Rupibus, atque oculis longè querar aëre vinci.*

Leve mendum est, sed quod premit eruditionem & venustatem Auctoris. Pro *oculis* quis dubitet rescribere *oculos*? Quid elegantius quam *oculos longo aëre vinci*, quo minus abeuntem amicum diutius possint contemplari? Et omnino Philosophica est hæc loquendi ratio. Sed forsitan frustra hæc monemus, & *oculos* legunt castigatæ editiones. Quod tu videris. Vale, amicissime mortalis, & Boxbornium tuum semper ama.

Raptim, Lugd. Bat. 1637. Jan. 23.

VINCENTIO FABRICIO,

S. P. D.

M. Z. BOXHORIUS.

Hamburgum.

ERgo adhuc vivis, Jucundissime amicorum, & Boxhornii tui meminisse voluisti. Quemadmodum diuturni silentii tui pertinaciam culpare non audeo, ne eandem mihi opponas, suavissimi carminis tui lectione mirifice erectum me fuisse, dubitare non debes. Itaque gratias tibi habeo immortales, quod ad procudendam promovendamque nominis nostri æternitatem tantū conferre volueris. Victura enim scribes, & quæ omnis erudita posteritas merito semper æstimabit. Quas mihi laudes adscribis non nisi in versu tuo agnosco. Novi quam curta mihi sit domestica supellex; & in hanc ætatem meam nihil æstimandum cadit. Certe non nisi ad confessionem ignorantiae profeci. Quam lepidus autem es, mi Fabrici, fortunam tuam cum nostra contendis, & ita quidem, ut tuam postponas. Causam hercle non video. Torum te tibi soli debere potes, & pretium tui tibi includis. Virtus se extra se non quærit. Magnitudine ingenii datum tibi est quidvis assequi, & ridere pecuniosas ineptias homuncionum illorum, qui, cum non sint, stolide nimis beati sibi videntur. Ego fortunæ tuæ apprecor, quemcumque expectare potes, successum rerum. Porro Natalem nostrum absolvit suavissima memoria tui, & flos Liberi Patris, more institutoque majorum, liberaliter coronavit. Diem noctemque pariter madefecimus. Sacra enim ista aliter non constant. Quando autem te, quando novam Poëmatum tuorum editionem videbimus? Nihil est quod efflictim magis desideramus. Nuper prodiit commentarius meus Quæstionum Romanarum scriptus ad exemplum Plutarchi, quem in eodem argumento versatum fuisse ignorare non potes. Exemplar per Gronovium nostrum ad te destinavi-

mus.

mus. Restat jam ut ad Juvenalem meum serio me accingam. Quid interea rerum Fabricius meus gerat, ex te potissimum cognoscere aveo. Vale amicissime mortalıs.

Rapim, Lugd. Bat. 1637. Kal. Febr.

JOH. FRED. GRONOVIO

M. Z. BOXHORNII, S. D. PL.

DOmum reversus, jucundissime Gronovi, in Papi-
nii tui Sylvas sum digressus, ut nonnihil me ob-
lectarem. Imprimis autem captus sum erudita illa re-
rum, quæ passim inferuntur, varietate. Scriptor est di-
sertus admodum & copiosus. In stylo ejus nec tumo-
rem esse dixero, nec majestatem. Nam ut frustra verba
non impendit, ita sunt qui puriora & magis perspicua
ad poësin contulere. Dolendum autem huic scripto
tantopere nocuisse & injuriam temporis, & petulan-
tiam correctorum. Proinde optimum factum, quod eâ,
quæ par est, ingenii tui felicitate, laboranti succurrere
destinaveris. Mihi quædam inter legendum observata,
quibus an diminuerim, an auxerim malum, tu videris.
In Epithalamio Stellæ & Violantillæ vulgo legitur;

*Nec forma, nec stirpis egens; nam docta per urbem
Carmina qui juvenes, quæ non didicere puella?*

Particula causalis, *nam*, locum hic non habet; nec e-
nim redditur ratio præcedentium. Itaque jam velim
reponi. Jam docta per urbem &c. *Nam* tamen retine-
ri posset, si pro *forma* legatur *fama*. Nec famæ, nec
stirpis egens, nam docta per urbem &c. Et fortè sic
scripsit Auctor. Præstat sanè virum à fama, quam for-
ma commendari. Sed hæc levia. Paulò post legitur;

*Jamque aspera cœpit
Flectere colla libens, & jam sibi dura videri.*

Postea

BOXHORNII EPISTOLÆ. 63

Postrema illa omnino in mendo cubant. Si enim Violantilla post suavioriam Veneris orationem cœperit flectere aspera colla, & Stellam amare, quomodo potuit etiamnum sibi dura videri? Haud dubiè scribendum est

Nec tam sibi dura videri.

Nolo tamen dissimulare commodo sensu & acuto explicari posse vulgatam lectionem. Ut mens sit, Violantillam tunc demum, cum Venerem loquentem, & ad nuptias hortantem audisset, seridè agnovisse, se duram nimis & pertinacem adversus Stellam fuisse. Non longe post legere est:

*Dat Juno verenda
Vincula, & insigni geminat concordia tædæ.*

Hærent interpretes, ut nosti. Nihil difficultatis est, si nobiscum legas:

Et insigneis geminat concordia tædæ.

Insignis haud dubiè antiquè scriptum fuit, pro insignis, & hinc natum illud insigni in libris vulgatis. Geminat autem idem est, quod conjungit. Pergo ad Tiburtinum Manlii Vopisci. Inter alia exstat:

*An picturata lucentia marmora vena
Mirer?*

Offendit me continua illa repetitio sonoræ vocalis, & propterea sic corripo:

*An picturata lucentia marmora vena
Mirer?*

Hoc est, an præcipue mirabor marmora illa, quæ picturatas venas, id est, ductus colorum variegatos habent? Marmora duûm generum. Venæ in quibusdam naturales, in quibusdam artificiales. De his agit Statius, & meminit Seneca lib. XIII, Epist. 1. *Pauper sibi videtur,*
nisi

nisi *Alexandrina marmora Numidicis crustis distincta* sint, nisi illis undique operosa & in pictura modum variata circumlitio prætexatur. Nihil æque facit ad mentem Statii. Sub finem ejusdem Tiburtini hæc verba leguntur:

*Sive chelyn tollis heros ad robora, sive
Liventem Satyram nigra rubigine turbes.*

Ultima illa admodum turbata turpes emendat. Sed quæso quid est Satyram vel turbare vel turpare? Somnia sunt & nugæ meræ; Nullus dubito, quin sic scripserit Auctor:

*Sive chelyn tollis heros ad robora, sive
Liventem Satyram nigra rubigine turba.*

Tollis à πὸ τοῦ αὐτοῦ repetendum, & subintelligendum est versu secundo, per rubiginem scelera, & malas artes; per nigram turbam homines pravi ingenii elegantissime Poëta designavit. Notum illud;

Hic niger: hunc tu Romane caveto.

Progrededer ad Soteria, nisi Soteriis ipse, æger & languidus, indigerem. Scire avebo, quid de iis sentias, quæ hic raptim exaravimus. *Ingd. Bat. 1637. Februar. 15.*

Non desino quotidie illustrem Heinsum nostrum hortari, ut de scribendarum Sylvarum ratione ad te instituat dissertationem. Nec dubito quin sit in grat. am. tuam factururus.

Epicedio in Patrem, lib. v. Sylvar.

Quis Apolline merso] 1. verso i. e. ex alacri & excitato in tristem & languidum mutato. Sic Tacitus lib. XIII. Annal. Tum Agrippina versis artibus per blandimenta juvenem aggredi, &c. Quippe paulo antè atrox nimis fuerat & severa.

Hic ego te inferni cum laude loci] Quid si? *Huic ego te inferni cum laude loco.* Ut idem sit, quod sepulturæ tradidi. Sic Epicedio in filium, se eum vitæ inseruisse dicit.

Sed nec modo se natura dolenti Nec pietas injusta dedit] Divide injusta & lege *injusta*; vel cum Heinſio junior, *in busta*. Nondum aut natura mea aut pietas tota in *justa* funeris se effudit.

Crinemque afflato monte sepulti Pone super tumulos] Nullus dubito quin pro *crinemque* reponendum sit, *cineremque*.

*Cineremque, afflato monte, sepulti
Pone super tumulos.*

Id est, exere te Parthenope, & incenso monte Vesuvio cineres in tumulos alumni tui effunde. Sic Epicedio in filium, *Cinereſque oculis & carmina ferte.* Crines locum hic non habent. Ambusti illi in Parthenope. Unde versiculo præcedenti semirutos ejus vultus nominavit.

Inde suam longo probat ordine vitæ Maonidem alieque aliis natalibus urbes diripiunt &c.] Locus intricatus, quem facile est expedire, si sic nobiscum distinguas;

*Inde suum longo probat ordine vitæ
Maoniden. Alieque aliis natalibus urbes
Diripiunt, cunctæque probant non omnibus ille
Vernus, alit victos immanis gloria falsi.*

Non omnibus ille vernus, id est, apud omnes illos unus Homerus natus esse non potuit.

Epicedio in filium.

Acclivis tumulo luctus in carmina verti] Elegantius est, & ex indole Statii, si legas, *Acclinis*. Ita de Nerone Tacitus lib. xiiii. Annal. ubi de cæde Britannici agit. *Ille ut erat reclivis, & nescio similis.* Malè vulgo legitur *reclivis*.

Qui vivos potui mulcere dolores] Non est sollicitandus hic locus. Vivi dolores sunt dolores viventium, propter amicos extinctos.

Potius

Potius fugientia ripas flumina devincas] Lego flumina detineas, levi mutatione.

Ludusque tenello fusus & è nostro veniebant gaudia vultu] Illud ludus parum placet. Quid si, *Multusque tenello risus &c.*

Hæc judicii tui sunt, amicissime Gronovi, & feliciter vale.

JOH. ISACIO PONTANO

BOXHORNIIUS, S. D.

Hardersvicum.

CLarissime Cognate, ex litteris tuis libens admodum intelligo parata jam illa omnia quæ Seldeni Clauso Mari foeliciter opponere occeperas. Doleo tamen, (quod indicare magis, quam scribere voluisti) honestos conatus tuos prohiberi. Causam hercle non video. Cur enim improbabuntur eruditorum inter se de tam illustri argumento velitationes? Nec enim malæ in rempub. artes sunt ejuscemodi laudata semper exercitia ingeniorum. Nihil etiam aut adversus serenissimi Britanniarum Regis Majestatem, aut reipubl. nostræ decus scripto tuo, si rectè novi prudentiam tuam, inseruisti. Sed quid omnino aut tibi, aut libro tuo factum sit scire velim. Imo exemplar ejus ad me curare non dedignaberis. Gratissimum id mihi eveniet, quod ut tanto facilius eliciam, mitto Heinſianum illud, quod nuper lucem videre jussi. Nec enim ab auctore expectandum id erat. Misissem id in tempore, quemadmodum debebam, nisi jam misisse me existimassem. Ignosces itaque occupationibus, quæ quia variè me distinebant, fecerunt ut in humanitatem tuam tam turpiter peccarem. Misi superioribus diebus amoris Characterem, quem in manus tuas venisse opinor. In eo jam sum, ut vitam Julij Agricolæ commentariis meis illustratam publico donem. Si quid apud te sit, quod juvare me possit, candidus imperti. Gronovii nostri Statiana brevi prodibunt. Cyprianum tuum MS.

ad

ad me curaturum se promisit. Codex, ut audio, optimæ est notæ. Petiit à me Nicolaus Heinsius, par Patri ingenium, ut humanissimè te salutarem. Scire desiderat, an unquam vel in Dania, vel Anglia, vel item Italia excusseris MSS. Codices Ovidianos. Si quid penes te sit transmittere ne graveris. Adornat ille accuratissimam magni illius Poëtæ editionem. Grafwinkelierii mare Reclusum, oppositum Mari Clauso, affectum jam est. Excutiunt id nonnulli inter Ordines Generales. An proditum sit illud opus, ipsorum judicii erit. Nescio an videris Ammianum Marcellinum nuperime prolixis, & eruditis commentariis Vallesii, Critici novi, & satis felicitis, illustratum. Lutetia Parisiorum superioribus diebus illum accepi. Vale, vir eruditissime, & me ama.

Raptim Lugd. Bat. 1637. Martii 21.

JOH. ISACIO PONTANO

BOXHORNIIUS S.

Hardersvicum.

CLarissime Cognate, Nullus dubito, quin postremas meas, & adjunctam iis Heinsii adversus Balsacum dissertationem rectè acceperis. Responsum avidissimè exspecto, ut & illa quæ adversus Seldenum in vulgus edidisti. Quæso desiderio meo satisfacias. Heinsius junior humanissime salutat te voluit, quæritque sintne vel MSS. codices Ovidiani, vel ex iis notata penes te. Si sint, transmittere non gravaberis. Tutor omnia, & ex fide restituentur. Adornat ille accuratam illius Poëtæ editionem. In Agricola Taciti illustrando jam sum. Tu me juva qui potes. Lectissimam uxorem tuam cum gravi morbo confictari audio, & simul doleo. Deus Opt. Max. illam sibi, tibi que valentem restituat. Vale clarissime Cognate, & me ama.

Raptim, Lugd. Bat. 1637. April. 4.

JOH.

JOH. ISACIO PONTANO

M. Z. BOXHORNII, S. M.

Hardevvicum.

ET tu vero, vir clarissime, ita reſeraſti clauſum pridem Mare, ut hætenus non videam quomodo illud denuo à Seldeno poſſit recludi. Non poſſum quin apud te deponam verſiculos, quos nuper hujus argumenti occaſione effudi :

Libera nunc igitur tolerabit, vincula Tethys?

Quid mare, quid faciles quid meruiſtis aquæ?

Qui vos infami concluſit carcere nuper

Hoc meruit, quod vos non meruiſtis aquæ.

Certè tuum erat oſtendere, quemadmodum luculenter ſatis oſtendiſti, quantum non tam eruditioni ſuæ, quæ ſumma eſt, quam vel ingenio, vel adulationi indulſerit vir magnus. Habent proſecto quo nomine & ſereniſſimus Rex veſter, & hæc Reſpubl. tibi debeant. Librum tuum nonnulli Ordinum noſtrorum, quos compellare mihi licuit, diligenter excuſſere, & imprimis placere intellexi. De edendo Graſwinckelii opere, quod ejusdem argumenti, etiamnum dubitatur. Futurum tamen exiſtimo, ut tandem prodeat. Erit etiam in eo haud dubie quod non diſplicebit. Scriverius, & Bodecherus pro munere plurimum ſe tibi devinctos agnoſcunt. Nihil hætenus tuorum à Scriverio impetrare potui. Gronovius brevi ſe Cyprianum tuum MS. mihi traditurum pollicetur; nec faller, ſi fidem ejus, & integritatem rectè novi. Princeps noſter ſuperioribus diebus Haga abiit. Zelandiam verſus aut Flandriam iter inſtituit. Octoginta cohortes pedeſtres convenire juſſit. Sunt qui exiſtimant in Hulſtum aliquid ipſum meditari. Quid tandem futurum ſit eventus brevi docebit. Cædem Comitum Warſufæi jam intellexiſſe te opinor. Pro Animadverſionibus Urſini in Agricola

Taciti gratias summas diligentiae tuæ & humanitati habeo. Sed eas junctim uno volumine cum cæteris ejusmodi eruditorum notis edendas Cl. Gruterus curavit. Dum hæc scribo magnus Heinſius noſter has filii ſui litteras ad te mittendas tradit. Quid velit facile ipſe videbis. Quæſo deſiderio ejus ſatisfacias. Ille ſemper debere tibi volet. Vale, dilectiſſime cognate, cum uxore, & familia omni

Rapim, Lugdun. Batav. 1637. April. 29.

CLAUDIO SALMASIO

M. Z. BOXHORNIIUS, S. P. D.

R Epetenti mihi quos de voce *Sudarium*, quæ in Hiſtoria paſſionis Domini exſtat, ſermones facere dignatus es, Vir illuſtris, omnino videtur origo ejus ex barbarâ, ſive Scytharum linguâ petenda. Ita ſe res habet, ut dixi. *Su* Scythis ſignificat aquam, & quidquid liquidum, aut liqueſcere natum eſt; idque vocabulum, ac eâ ſignificatione, Turcis, quos Scytharum ſobolem eſſe conſtat, hodieque manet Lexicon Turcicum Latinum; *Su*, aqua, *Taſli ſu*, aqua falſa; *Talei ſu*, aqua dulcis; *Saſi ſu*, aqua clara; *Snoli*, aquæ ductus; *Snden*, ex aqua. In fluminum plerorumque omnium nominibus idem apud eoſdem ſuper eſt. In eodem Lexico; *Halijs Aijtozu*, *Akbar ſu*, flumen quod per agros labitur, ut de aliis jam non dicam. Id ipſum vocabulum Græcorum pariter ac Romanorum, qui & ipſi ex Scythis orti, lingua etiam agnoſcit. Neque enim aliunde ſunt Græcorum *ὕδωρ*, Latinorum *Sudor*, & *Succus*, & alia infinita. Unum hoc addam. Suculæ Romanis ſint ſtellæ, quæ Græcis *ὕαδες*, à pluviâ ita dictæ. Orientales quippe ac occidentales pluviæ cient. Aut admodum fallor, aut à Scytharum *Su* ita dicuntur. Germanis autem, ex Scythiâ etiam, ut vaginâ, ſicut Jornandes loquitur, gentium & officinâ nationum; progreſſis, idem nomen, & idem ſignificans, ſuper eſt in vocabulis prope infinitis;

Sue,

Sue, so, sen, aqua, in quâ carnes coctæ, jus.

See, si, su, (varia enim dialectus est Germanorum) mare. *Glesu*, succinum. *Glesum*, vocant vel scribunt veteres. Succus est, qui marinis undis congelatur, unde & succinum dixerunt Romani. Germani, quia plerunque pellucet, ac ex aquâ coit, *glesu* vocant, nomine factò ex *gles*, sive *glas*, quod pellucidum notat, & *su*, quod aquam.

Sudewint, ventus pluvius, auster, Anglis *sontwint*, Gallis *Jud*.

Sunt Danis frerum; unde *Sunda* Danis, *Oresunda*, aut *Sonda* hodie appellatur.

Sutvloet, sive *Sundtvloet*, diluvium.

Snvel, lac, & quicquid ex lacteo liquore conficitur.

Snveren, aqua lavare, purgare.

Sueet, sudor. Anglis, ex Germanis ortis, significat pinguedinem. Unde nostrum *Vet*, pinguedo.

Suc, soch, succus. Et id ipsum, *succus*, haud dubiè ejusdem originis.

Sugen, sugere, liquore pasci.

Susen, bibere.

Sucht, hydrops, &c.

Longum enim esset omnia, quæ huc faciunt, recensere. An ergo *Sudarium*, in Historiâ Evangelicâ significat linteum liquore aliquo, aut unguento, quod putredinem avertit, madefactum? Stultæ enim videntur, quas alii hætenus promunt, interpretationes. Quomodo enim cadaveri conveniat lintuem, quo sudores abstergantur, *een Sweetsdoeck* / ut hætenus interpretes omnes vernacula lingua nostra reddidere? Potestne eo uti cadaver? Mirum certe sacrarum litterarum interpretibus id commentum hætenus potuisse placere. Hæc ex Commentariolo Scythicarum antiquitatum nostro raptim nunc excerpti. Vocem *bise* quod spectat (de eâ enim, nisi fallor, etiam quærebatur) verum est, & vetus Scytharum id vocabulum. Significat autem Septentrionem, aut ventum septentrionalem. Galli vestri dicunt, *Vent de bise*.

Biesen / & *Bijsen* æstu agitari Germanis significat. *Biesen* dicuntur Belgis boves, cum plus solito mu-

mugiunt. Quod septentrionali vento tribuendum esse, nemo neget. Scarabeum iidem vocant *Bieshout* / ut, nempe, alis strepitantem, & cum impetu se moventem. In Latini Psalterii interpretatione vetustissimâ, Ludovici Pii temporibus, præter propter, concinnatâ, *Bisa* est *turbo*. Glossariolum vetus, à Lipsio editum, *Bisa*, turbo. Non abludit ab his Persarum *Bes*, quod ventum iis significat. Fortè & *Bistones*, ultimi Thraciæ populi, hinc nomen accepere. Hæc raptim ad te, vir maxime, qui, cum nihil ignores, ut temeritati meæ ignoscas, unicè te rogo.

JOH. ISACIO PONTANO

BOXHORIUS, S. D.

CLarissime Cognate, & ego quidem vehementer indolui, cum excessum Hoeingii vestri ultimis tuis accepi. Magnam sane jacturam schola vestra fecit, cui regundæ auctoritate sua solus ille par erat. Nobilis Danus ille, cujus meminisse me voluisti, superioribus diebus à nobis discessit. Amstelodami nunc agit, brevi aut Angliam aut Galliam visurus. Fasciculum, quem curæ ejus commiseras, ad Frisium transmisit. Quod ut nomine suo tibi indicarem, jussit. Statiana Gronovii haud dubie accepisti. Criticus est eruditionis magnæ, & quod rarissimum, judicii paris. Nonnunquam tamen à via aberrat. De quo plura aliàs. Cyprianum tuum ad me misit. Quid illi fieri velis, tuum erit indicare. De editione operis Graswinckeliani nihil certi adhuc ab Ordinibus statutum. Quin tamen proditutum sit tandem, nullus ambigo. Quæ amplissimus Brinkius vester notaverat tradita ipsi, & gratissima fuere. Agricola noster post ferias, si vitam Deus & otium fecerit, prodibit. Quid autem Gelricis tuis sit? Diutius illa differre non debes. Quod de Apologia adversus Antagonistas tuos, Gallum alterum, alterum Leodiensem, edenda nominiq; nostro inscribenda promittis, multis nominibus mihi gratissimum evenit. Ut quamprimum publicâ lucem videat, interest tua; interest religionis, inquam

quam alter adversariorum tuorum impingit; interest veritatis, quam quemadmodum tueris, ita illa non spem tantum, sed fiduciam victoriæ tibi facit; interest denique nostra, qui à te potissimum cupimus doceri. Noli igitur desideria nostra diutius morari Salmasii commentarius de scenore apud Elzevrios nostros sub prælo est. Horum volui nescius ne esses. Salve, Vir Eruditissime, & me, si quemquam, inter amicos habe. Uxori tuæ, & amicis omnibus bene volo.

Raptim, Lugd. Bat. 1637. Jul. 8.

Hofferò nostro discussiones tuæ Historicae imprimis placuere. Proximis diebus quantum tibi debeat litteris suis significaturus.

JOH. ISACIO PONTANO

BOXHORNIIUS, S. PL.

Clarissime Cognate,

CUm penultimæ tuæ mihi redderentur, stabam itineri in Zelandiam accinctus. Atque hæc causâ cur voto tuo in tempore non potuerim respondere. Huic autem occasione deesse nec volui, nec debui. Mitto ipsum exemplar Johannis à Leidis. Tu ipse facile excerpendum curabis, quod ex re tua videbitur. Adjeci libellum quem vides. Forfan enim in manus tuas hæcenus non pervenit. Cum amicis nostris in Zelandiâ optimè agitur. Brevi patruus futurus sum, si Lucina uxori fratris mei velit favere. Quod ut fiat animus voveo. Plura jam nunc ad te volenti alia quædam, ad quæ vocor, injiciunt manum. itaque quod humanitatis tuæ est, ignosces brevitati litterarum. Proximè pluribus tecum agere decrevi.

Raptim, Lugd. Bat. 1637. Septemb. 15.

ADRIA-

ADRIANO HOFFERO

BOXHORNIUS, S. D. P.

Zirixæam.

LEidam sospes reversus sum, singulari tuæ comitati inprimis obstrictus, vir amplissime. Filio autem tuo quid factum sit, admodum scire desidero. Metuo ne in morbum inciderit, cum, abeunte me, non parum langueret. Quod si ita sit, doleo vehementissime. Sed aut adventus ejus, qui longè gratissimus eveniet, aut litteræ tuæ, si eas ab occupationibus tuis impetrare liceat, tollere possunt hunc metum. Porro, ut hospitalitati, ac, ut de ceteris jam non dicam, suavissimis ac eruditissimis sermonibus tuis plurimum debere me libens meritoque agnosco, ita audacia exorbitantis ingenii non semel à me peccatum facile mihi persuadeo. Nescio enim quî fiat, quod excusanda semper agam. Sed in humanitate tuâ spem certam repono, futurum ut facile ignoscatur illi, qui omnem animi sui cultum tibi tuisque in perpetuum obtulit, devovit, consecravit. Lemnii libellum de Vitæ Terminò proxime Typographo tradam Breda, moris atque existimationis ergo, acriter etiamnum se tuetur. Faxit Optimus Deus ut brevi, & feliciter cum nobilissima illa expeditione transigat Princeps noster. Qui ut ab heroica magnitudine animi non est defectus, ita præsentibus periculis nimium se exponit. Heinsius & Scriverius, ingenii & virtutum tuarum æstimatores summi, officia sua tibi per me deferri voluere. Ut toti familiæ tuæ bene sit, unicè voveo.

Raptissime Lugd. Bat. 1637. Septemb. 26.

D

CON-

CONSTANTINO HUGENIO

M. Z. BOXHORNIUS, S.

*Hagam-Comitis.**Vir illustris,*

ET ego quoque inter tot omnium applausus ac gratulationes tacere non debebam. Quippe in Brabantia natus, transactis pueritiæ annis eâ in urbe, quam tam feliciter expugnatam publico gratulamur. Mitto Panegyricæ orationis meæ exemplaria duo, alterum celsissimo Principi offerendum, si ita tibi videatur, alterum vero tibi. Cæterum totus jam sum in consignanda Bredanæ obsidionis historia. Ad quam accuratè persequendam multa requiri satis intelligo. Omnis autem fiducia mihi reposta est in singulari tua humanitate, à quo facile impetraturum me confido, quodcunque ad maximi Principis adeoque totius hujus Reipub. decus ac æternitatem facturum existimabis. Scribo hæc raptim & in Bredani itineris procinctu. Proximis diebus, volente Deo, reversus ipse ad te excurram. Vale, Nobilissime Domine, & inter dedititios ac clientes tuos me habe.

Raptim, Lugd. Bat. 1637. Novemb. x.

ADRIANO HOFFERO

M. Z. BOXHORNIUS, S. D. P.

*Zirizæam.**Vir amplissime,*

INter tot omnium gratulationes, ob felicissimam Bredæ expugnationem, mihi, quamquam probe conscio & ingenii & dicendi tenuitatis, non licuit silere. Qualiscunque autem industriæ meæ documentum ad te fero; in quo placere mihi constitui, si tibi tantum intelligam probari. Breda capta & Poëtas omnes

mnēs fecit, & disertos. Semel ferro cellissimi Principis, iterum stylo luxuriantium ingeniorum Hispanus succubuit. Certè tam illustris facinoris memoria in omnium temporum æternitatem superesse debet. Quin ingenio etiam tuo, hoc est, consummato & exacto, in hujus victoriæ prædicatione usus fueris, nullus dubito. Cujus specimen si videre nobis contingat, longè gratissimum eveniet.

Rapim. Lugd. Bat. 1637. Novemb. 24.

ADRIANO HOFFERO

M. Z. BOXHORIUS, S. P.

Zirizæam.

ET tu verò, Vir amplissime, non uno nomine humanitati tuæ, obstrictum me voluisti. Non satis tibi visum, si me amares & in amoris pignus suavissimo filii tui convictu dignareris, nisi & illa adjiceres, quæ ut mereri non potui, ita sperare non debebam. Itaque vêtigalem me tibi potissimum agnosco, & ut aliqua saltem ex parte debito satisfaciam quidquid officiorum à me proficisci poterit, exposcere non dedignaberis. Sed hoc proprium nostræ tenuitatis, quod ut facile devinciri me patior, ita haud facile ex voto alios possim demereri. Cæterum vix verbis assequar, quantum Poëmatum tuorum lectio animum meum affecerit. Quotusquisque est hoc sæculo, qui solidam pietatem cum pari eruditione conjungit? Quod ut rarissimum, ita præcipuè in te commendandum; qui erectam poësim ad divinum, & cœleste argumentum contulisti. Imagines Zirizæorum, qui eruditionis nomine clari, subjecta iis acutissima Elogia tua valde placuere. Sunt inter prima illustris Heinii, & quantillæ bibliothecæ meæ ornamenta.

Iussimus archetypos pluteum servare Cleanthas.

Unum Amandum, vestratem etiam, desidero : cujus Chronicon breve quidem , sed , ut illa tempora erant, satis concinnum & eruditum sine dubio vidisti. Intellexi ex filio tuo valetudinem tuam nonnihil turbatam, & eo nomine quam maximè indolui. Tantum me ademptum velim (ut in veteri formula est) quantum ad tuam accedat. Vale, Vir incomparabilis, & me amare non desiste. Lectissimam uxorem tuam & familiam omnem plurimum salvere jubeo. Nec reverendis viris Udemanno & Bruynvisshio obsequia mea offerre dedignaberis.

Rapim, Lugd. Bat. 1637.

CONSTANTINO HUGENIO

BOXHORNIIUS, S.

Hagam.

QUOD superioribus diebus excurrere non licuerit, Vir illustris, partim aëris inclementia, partim adversa valetudo fecere. Nec interea dubito quin parata sint ea, quæ pro incomparabili tua humanitate offerre non es dedignatus. Quæso ne ægrè tibi sit audacia hujus hominis, qui, quo accuratius respondeat temporum ac magni Principis gloriæ, nec non rerum gestarum veritati, comitatus tuæ genium totiens sollicitare non erubescit. Indies alia atque alia in destinatum opus conferuntur; unum tamen illud deest quod nosti. In tua autem manu est, ut honesto desiderio nostro satisfiat. Ego, quemadmodum in eo opere jam sum, in quo locum sibi vendicat illustre tuum nomen, ita in cujusvis obsequii fidem æternum me tibi obstringo. Quod celsissimi Principis beneficio mihi in me ac alios liberali esse licuerit, curæ tuæ potissimum deberi intelligimus. Calendæ Januariæ nemini lætiores, quam illuxere. Verbis exprimi non potest quantopere in oblati nummis sibi placuerit. Hac enim liberalitate factum est, ne sub initium

tium anni novi esuriret. Admodum metuo ne pro more operosæ gentis ira porro pergat nugari. Cæterum nos quod spectat, nec ea solvimus quæ tam illustri victoriæ debebantur, & quæ accepimus etiamnum debemus. Vale, sæculi tui immortale decus, & me inter clientes tuos habere non dedigneris.

Raptim, Lugd. Bat. 1638. Jan. 28.

ADRIANO HOFFERO

M. Z. BOXHORNIIUS, S. PL.

Zirixæam.

Vir Amplissime,

Clausum hætenus mare effecit, quo minus hæc litterarum commercia potuerint exerceri. Aperto autem illo committendum non putavi ut in humanitatem tuam longiori silentio peccarem. Epigramma, quod in raptum aggerem aliquando apud vos conceperam, quanquam tanti non esset, volente tamen filio tuo, prælo fatigari passus sum, ut vides. Spero interea tanto vulneri jam obductam cicatricem, & nos cladem cecinisse cum de remedii successu potius fas esset vobis gratulari. Quod vero vos nuper metuebatis, ira Dei immortalis, nobis jam evenit. Leckani quippe aggeris horrendo hiatu vicinis agris, etiam Leidenfibus nostris, tanta vis aquarum incubuit, magisque indies incumbit, ut agrestium calamitatem verbis adsequi non possimus. Porro illud Lemnii vestratis de vitæ Terminis jam exercet operas typographorum. Vitam disertissimi Scriptoris paucis complecti & præfigere est animus. Si quid in eam conferendum existimaveris, ut desiderio nostro quamprimum satisfiat, etiam atque etiam rogo. Audio Rectorem scholæ vestræ ad Drechtenenses abiturum, & proinde commendare apud te volui Richardum Lubbæum, qui eo munere apud Bergizomates meos in præsens defungitur hominem recti,

& antiqui moris, de cuius integritate, fide & singulari raraque eruditione summa omnia possum & debeo polliceri. Vale, vir amplissime, & de Rocho filio tuo magni quidvis tibi persuade. Lectissimam uxorem quam, ac familiam omnem plurimum salvere jubeo.

Raptim, Lugd. Bat. 1638. Febr. 8.

ROCHO MOGGIO

M. Z. BOXHORNIIUS, S. D. P.

Zirizeam.

QUàm certum est, amicissime Moggi, me scripsisse hactenus, tam certò tibi persuadeas velim, interventu gravissimarum occupationum, quas nunc Mevius, nunc Titius imponunt, factum esse, quo minus tempestive, ut par erat, comitati tuæ potuerim respondere. Accedit de Bredana obsidione, spissum ac lentum opus, quod ut gloriæ sæculi est destinatum, ita in singula serio, & accurate exquirenda totum me impendo. Operosæ diligentiae res est, nec minus invidiæ secum trahit, præsertim temporum gesta fide Annalium complecti. Lædere aliquem intutum est, nec tamen fas est vel silentio vel assentatione impingere in normam veritatis. Quæ ut historiæ anima est, ita solius ejus rationem habere decrevi. Cætera, mei in te animi prolixa officia ac cultum experiri tibi licebit, cum voles. Plura in posterum superaddam, ubi intellexero aliquid ponderis apud te habuisse hanc longioris silentii mei excusationem. Vale vir doctissime, & me, ut cœpisti, amare perge.

Raptim, Lugd. Bat. 1638. Febr. 8.

GODEFRIDO UDEMANNO

M. Z. BOXHORIUS

S. D. PL.

*Zirixam.**Vir reverende,*

Cum ea, quibus navigationes nostras ex divino humanoque jure eruditissime nuper asseruisti, beneficio Hofferi nostri avidè perlustrarem, imperum cepi ad te scribendi. Placuerunt liberales, & in affectatæ styli venustates, quemadmodum, cum adesset vobis nuper, os disertum. Placuit instituti tui ratio, quæ non prudentiæ minus, quam pietatis, pro inusitato in patriam affectu, scripto tuo adfudisti. Perges ita porro, si nos & hanc Rempub. amas; nec ea differre integrum erit, quorum in hoc argumento spem jam fecisti. Utinam verò illi, quorum curæ divina providentia commisit ne quid Patria accipiat detrimenti, heroicæ conferrent manus ad tollenda ea mala, quibus nisi in tempore tollantur, pessum imus! Sed, quod dolendum in primis, eo quo Milesii loco stamus, & qui strenui olim, imbelles sumus. Nostrum autem est precibus averruncare iram supremi illius Numinis, quod quorum res everfas vult, consilia corrumpit. Vale, vir eruditissime, & me ama. Amplissimum Hofferum plurimum salvere velim; de ejus autem filio maxima quævis sine fūco, & fallaciis audeo polliceri.

Raptim Lugd. Bat. 1638. April. 21.

ADRIANO HOFFERO

BOXHORNIIUS, S. P. D.

Zirizæam.

QUod præter expectationem tuam dilatum aliquamdiu, quod vestratis & denique tuum est, tandem ad te venit, Vir amplissime. Quis vitæ nostræ terminus præfixus, & fatalis ille an mobilis, magno illastrum ingeniorum ambitu nuper est certatum. Quorum omnium conatus Beverovicus noster, raræ eruditionis Medicus, & excitavit primus, & uno mox volumine conjunctos in publicum emisit. Sed verò cum non una omnium hac de re sententia fuerit, in sectas itum est, ut vides. Sive quod nonnullos corripuerit fatalis quædam dissentienti libido, proprium & adultum sæculi nostri malum; sive quod plerique omnes justo liberaliores simus in illis excutiendis, quæ quò propius inspeximus, magis adhuc ignoramus. Profecto incredibilis quædam perulantia est animi humani, qui dum arcana cœli & abdita rerum curiosius rimatur, nonnunquam præposterè illi legem condit, à quo accipere debebat. Quod nomine ac specie eruditę subtilitatis commendant illi, qui eorum, quæ scire & poterant & debebant, rudes sunt ac imperiti. Non ibo extra præsens argumentum, in quo piè versatus est, qui paucissimis se absolvit. Vitæ & excessus terminum cuique præscripsit ille rerum omnium, & æternitatis arbiter Deus, à quo quemadmodum est quidquid fuit, ita solus ipse esse est dicendus. Nec enim extra ipsum est ex quo dependet, & proinde fixus, immotus, constans est nobis nostrisque, sicut suis & sibi. Quod qui de Deo & divinis non credit, ipsum negat. Fit igitur necessario quidquid fit, quia fit ex eo qui quidquid prævidit, præscripsit, definivit. Si enim ad actionem attendamus, quàm necessaria causa tam necessarius est effectus. Jam verò prima omnium, immobilis, necessaria

cessaria est Deus, ac proinde immobile, necessarium
 quidquid semel definit. Stupenda autem est sive ratio,
 sive, ut veteres Christiani loquuntur, Oeconomia pro-
 videntiae divinae: quæ quemadmodum in plerisque
 media non excludit, ita eandem illis quam extremo
 eventui necessitatem adsignavit. Media enim veluti
 causæ quædam secundæ sunt, ut in scholis loquuntur.
 Causæ nimirum quoad ea quæ sequuntur, quemadmo-
 dum effecta quoad ea quæ præcedunt. Quod enim unum
 est sæpe diversas & naturas induit, & appellationes re-
 spectu eorum quibus applicatur. Jam verò sine mediis
 ad id non pervenitur, quod finis loco est & omnia ab-
 solvit; aded ut illa tam necessaria sint, quàm necessa-
 rius est ultimus eventus. Ad duo tamen inprimis hic
 attendendum, & ad proprium hominis, quod est Deum
 exprimere ac imitari, & ad corrupti animi nostri cæci-
 tatem, qui quid Deo de nobis visum, & quid futurum sit
 ignorat. Quid autem aliud est Deum imitari, quam
 is frui quæ & liberaliter dedit, & quibus eum conti-
 nuo usum ex præcedentium temporum, & rerum hu-
 manarum serie scimus. Inter ea verò sunt illa, quæ me-
 dia vulgò appellamus. Quæ qui propter fati necessita-
 tem seponit, se à Deo suo, se & suis disjungit. Ad quod
 accedit, quod sicut per secordiam animorum à futuro-
 rum cognitione defecti sumus, ita remedium prudentia
 invenerit. Quæ quemadmodum nihil certi persuadere
 sibi potest propter incerta rerum, ita omnia ante even-
 tum cogitat, & omnibus, tam certa de singulis sepa-
 rat. Enimverò ex arbitrio cœlestis providentiæ rerum
 omnium colligimus necessitatem: quam in universum
 & in singulis immotam quidem credimus, sed tamen
 qualis ea in singulis sit ignoramus. Adeo ut singula re-
 spectu nostri non necessaria videri possint, quæ necessa-
 ria sunt respectu Dei. Proinde pie ac prudenter homo de
 eventu dubitat, & propter eum deliberat, quem tamen
 Deus immotum decrevit. Deliberare verò nihil est al-
 iud, quam futura animo complecti, ac de mediis sibi
 prospicere, quæ & ad promovenda alia, & alia aver-
 tuncanda, plurimum factura creduntur. Non aliter at-
 que Imperator, quamquam de successu prælii incer-

rus, ordinat tamen aciem ac disponit. Atque ut in omni hac rerum humanarum varietate, ita in Medicina quoque res sese habet. Nemo artem abnuat quam Deus commendavit; fructum cujus & commoda plurimi ante nos sunt experti. Frustra quippe certo aut tempori aut morbo aut loco adscribimus fatalem illam moriendi necessitatem, quam incognitam nobis, soli sibi & tempori & morbo & loco suo, quem nescimus, Deus assignavit. Frustra vitæ Terminum credimus, ubi spes est vitæ; & præsentem habemus quem ignoramus, quia futurum tantum prædixit ille, qui omnia disponit. Paris quippe omnia necessitatis sunt, & nasci, & ægrotare, & medico uti, & convalescere, & mori. Cœlesti admirandoque illi ordini sapientiæ divinæ & rationi & sibi injuriam facit qui hic à nobis dissentit. Sed verò (quod felix, faustumque sit generi humano & toti profapiæ Medicorum) pauci tam ægro animo sunt ut malè affecto corpori ab arte præsidium non quærant. Plerique aliter animati sunt cum lasciviam ingenii exercent, aliter cum in statu valetudinis languido sunt & moroso. A seipsis dissentiunt cum morbo affliguntur. Aliter longè disputant, aliter ægrotant. Qui in Schola Medicum contemnunt, lecto affixi vocant eum & admirantur. Hæc apud te paucis præfari visum est, Vir gravissime, dum Lemnium tuum tibi remitto. Cujus accurata hac de re dissertatio, quod in paucorum manibus esset, digna videbatur quæ iterum in publicum exiret. Beneficio autem tuo usi sumus. Quod sine pompa omni candide hic debuimus profiteri. Tu enim ille es, qui singularis cujusdam doctrinæ cultum, & inusitatum in eruditos amorem cum prima dignitate, in quæ administranda graviter, prudenterque versaris, foelicissime conjunxisti. Exstant prompti ingenii tui publica monumenta, dum à majoribus curis subinde deflectere tibi vacat ad litterarum nostrarum amœnitates. Poësin potissimum, quam Quiritium & patrio sermone cum applausu omnium excoluisti. Ad quæ omnia incredibilem quandam adjicis humanitatem, qua longe inferiorem me agnosco, qui prolixè eam sum expertus. Vale, Patriæ tuæ de-

cus, & à magnis illis viris, Heinsio & Scriverio, plurimum salve.

Lugd. Bat. 1638. Kalend. Julij.

A X E L I O T U R O N I S

Domino in Tranebergh, Fors &c.

M. Z. BOXHORNIUS, S. D.

Quemadmodum, Axeli Turonis, Juvenis Nobilissime, frustra res cognoscit, qui loqui non potest, ita frustra loquitur qui in re seria sermoni majestatem non impendit. Nam ut aliorum interest ut intelligant, quæ scimus, ita eorum, quæ scimus, ut ita tradantur quemadmodum sciri debent. Proinde quæ gloriæ suæ & publico se parant & scire & loqui debent. Scire, ne desit quod loquendum; loqui, ne dicendo decrescat illud quod scitur. Nam & ne quidem loqui videtur, qui res non proponit; & res ne quidem dixisse videbitur, qui dicendi majestatem earum magnitudini non adæquavit. Quam ut omnes non assequuntur, ita potissimum deesse huic seculo videmus. Paucos enim excipio, qui supra pædagogorum ineptias & ingenio & judicio se evexere. Ad quorum imitationem excitatas mentes hac oratione de Majestate Eloquentiæ Romanæ provocare sum conatus. Nam & auctoritas publica & ardor meus eo me impellebans. Tibi autem qualecunque hoc industriæ nostræ argumentum inscriptum imus. Singularis tuus in me amor & quæ supra plebem animi tui dotes, & impetus ad ea quæ in studiis nostris præclara, hujus officii necessitatem mihi imposuere. Fecerunt, amor, ut te deperirem; dotes, ut vel ob solas illas te æstimarem; impetus ut incomparabili huic in tanta fortunæ lascivia contentioni tuæ responderem. Tu pro candore tuo munusculi tenuitatem non averseberis, quo quemadmodum magnitudinem mei in te animi exprimere non potui, ita

eius experimentum, quotiens voles, percepturum te confide. Vale, Nobilissime Juvenum, cum Wijnblatio tuo, quem tecum merito & æstimo & amo.

JOH. ISACIO PONTANO

M. Z. BOXHORNIIUS, S. P.

Harderovicum.

Non effundam me in multa verba, ut longioris silentii culpam deprecem, Vir Clarissime. Veniam meretur, qui peccasse se agnoscit, & cujusvis diligentiae pertinaciam in posterum pollicetur. Videndi tui causa Harderovicum cogitat illustris Heros Oxenstiernius noster, filius magni illius Gabrielis Oxenstiernii, qui Tutoris primi in Zuecorum regno nunc fungitur dignitate. Videbis indolem infinitae cujusdam humanitatis, & maximae etiam expectationi parem. Quidquid in eum contuleris aut per amplissimum Brinckium vel alios conferendum curaveris, pro gloria tua & existimatione erit. Sed ipse satis se tibi praesens commendavit. Pro elegantissimo carmine nuper misso gratias tibi dico; dicunt etiam omnes amici. Quibus adversam valetudinem tuam nuper intelligere molestissimum fuit. Gelricae Historiae tuae desiderio maxime omnes tenemur. Deus te tam praeclearis conatibus incolumem diu conservet. Salmasii de Usuris librum vidisse te opinor. Theologis sententiam suam vix probasse videtur. Nosti quam periculosum sit in ejusmodi argumentis ingenium exercere; praesertim cum contra receptam ab omnibus sententiam in aliam, & novam itur. Obsidionis Bredanae Historiam, molestum & satis prolixum opus, post ferias nostras, si Deus volet, videbis. Sub finem Augusti & Scriverius, & ego ad te excurrere decrevimus. Heinssii exercitationes facrae sub finem anni prodibunt. Amores Baudii, edente Scriverio nostro, jam carceres mordent. Vale, Cognate dilectissime, & ut soles, me ama. Ab Heinssio utroque, & Scriverio plurimum salve.

Rapin, Lugd. Bat. 1638. Julij 15.

ELL

E L E G I A
ADRIANI HOFFERI

Ad

M. Z. BOXHORIUM.

DUm sol à rapido paulum se contrahit astri,
 Nostraque descendens mitigat arva Canis;
 Dum matura Ceres flavis se tollit aristis,
 Et suo Triptolemus munera falce metit:
 Huc propera, vir docte, & me visurus amicum
 Otia da Musis liberiora tuis.
 Et caput adstrictum studiis, animumque relaxa
 Risibus, & gratis non sine melle jocis.
 Hic simul admixtos letabimur inter amicos,
 Quos gravis eloquii detinet aura tui.
 Deinde etiam nostris, si quæ sint, gaudia terris
 Conspicies, quamvis sint meliora tuis.
 Quadrupedum juncto pariter temone vehemur,
 Quà tumidum victrix sistit arena mare.
 Sin potius captes spatiosis cursibus auras,
 Fortia conscindes terga volucris equi.
 Illic nos recreant montes, vallesque profunda;
 Sylvaque, & arboribus quæ cadit umbra suis.
 Hic Haamsteda jacet, bibulis contermina clivis,
 Et resonans Musis Burga subinde meis.
 Tunc Moermonda subit, fastisque inscripta Renissa,
 Cum quondam Comiti non bene fida fuit.
 Hic lepus in vacuis deprenditur obvius arvis,
 Sepius & celeri fit bona præda cani.
 Multaque arenosis animalcula collibus errant,
 Curva quibus terræ est ipsa caverna domus.
 Illa premeas canibus, si post carecta latebunt,
 Aut capies alacres per juga summa feras.
 Si tamen ex solitis negat ire cuniculus antris,
 Dum latebras vita spes facit esse sue:
 Retibus expositis, & quo decet ordine, varis,
 Viverrâ poterit mox præeunte capi.

Si vaga te perdix, si te cassita iuvabit,
 Has quoque sub maculas ancupis arte trahes.
 Adde quod & ramo residens, & in aethere pendens
 Anribus argutâ voce placebit avis.
 Fluctifragum si litus ames, & in aequore pisces,
 Dulcia piscatus prœmia, fortè petas:
 Proxima verremus sinuatis littora linis,
 Quâ vario pingues pisce natantur aquæ.
 Hic maris assuetæ volucres fulicæque, larique
 Concipient rostris furtiva jocosa suis.
 Interea quàm sit mutabilis unda videbis,
 Quamque ferat tristes terra Zelanda vires.
 Namque ubi tam lati fluitant nunc ostia Scaldis,
 Parvulus antiquo tempore rivus erat.
 Nunc fremit Oceanus, tumidisque potentior undis
 Exitium nostrâ sepe minatur humo.
 Nos tamen objectis arcemus cernitæ vallis,
 Atque ita sollicitum fallimus arte malum.
 Sed quod mirandum magis est, vi subdita tellus
 Stramineâ tantum veste fatigat onus.
 Et quæ plura meus fert oblectamina Scaldis,
 Obvia sunt oculis illa futura tuis.
 Aspice ut in totum sit delectabilis aër,
 Et levis æstivum ventilet aura solum.
 Tu modò fac properes, nec te, licet innatet undis,
 Et saliat, ventis terreat acta ratis.
 Ipse gubernabit venientia carbasa Phœbus,
 Diriget & faciles mellea Suada vias.
 Sic cum Pieridum labor, & studiosa quiescunt
 Mœnia, te recreent rus, nemus, unda, feræ.
 Forsan & hac nobis poterit prodesse voluptas,
 Si modò non possit displicuisse tibi.
 Scilicet ingenii sua se post otia virtus
 Erigit, & vatium nobile sudat opus.

BOXHORNII EPISTOLÆ. 87
ADRIANO HOFFERO
BOXHORNIIUS, S. D. PL.

Zivizaam.

UTinam verò & singulari humanitati tuæ & desiderio meo respondere liceret, Vir amplissime! Aliò enim trahor, dum tam comiter me ad vos invitas. Versabar inter amplexus amicorum &, ecce, præter expectationem intelligo ferias nostras excessisse, quibus novi laboris auspicio proximo die Jovis exsequias imus. De quo cum primum dubitarem, mox Calendariorum omnium consensus necessitatem credendi imposuit. *Noch Italiaenschen Waersegger, noch Almanacken van Geervliet, ofte Antwerpen kunnen my tegenwoordigh helpen.* Vides quam magni auctores sint, ex quorum præscripto labores nostros aut otia metimur. Intererit profecto ordinis nostri, & amœnitatis illustriorum ingeniorum, ut publicâ auctoritate in posterum malè consultum sit illis, qui dierum canicularium calculos maximo nostro incommodo tam infelicitè disponunt. Si ejuscemodi agyrtis aqua atque igni, ut olim in Rep. Romana, interdiceretur, ex usu generis humani foret. Sine dubio singulis mensibus caniculam in Calendariis suis celebrarent, si æstus ejus, qualia nobis, otia etiam illis adferret. Jam verò per illorum nebulonum invidiam minus felices sumus, quia à tam illustribus beneficii usu destituuntur. Et ut otia illis nunquam eveniant, præpostera sua diligentia meruere. Querelæ nostræ justissimæ sunt, & ejusdem fere ponderis, cujus illæ parasiti cujusdam apud Plautum, qui ventris sui calamitatem deplorat post horologia inventa; ex quorum judicio cibum capere debebat, cum antea quotiens visum esset, epulis se expleret. Ignosces ardori meo, Vir amplissime, quem præsens calamitas, quia ad vos excurrere non licet, magis magisque accendit. Ceterà versuum tuorum elegantia inprimis me cepit. Debeo judicio tuo id quod in me non agnosco. Debeo amœnitati ingenii tui, quam existimationi nominis nostri impendisti. Debeo denique singulari
huma-

humanitati tuæ, cui quovis cultu respondere semper decrevi. Invitas me ad delicias urbis vestræ, & agri circumjecti, quas omnes merito tibi postpono. Porro equum offers in equestri arte non versato. Quid dicturum existimas, amicum tuum, D. Marci equitem, si collegam acciperet equitem pulverulentum? Domi subinde caballus me exercet, sed tam honestæ ac compositæ indolis est, ut inter familiares meos Suetonii Tranquilli meruerit cognomentum, existimantibus aliis ob tarditatem incessus cum Plauto Asinium appellari oportere. Ita modestiam innocentissimi animalis ingeniorum quorundam petulantia proscindit. Piscium, ferarum, aviumque capturam etiam offers. Gratias debeo, quia obtulisti. Sed quid piscatori fieret in aquam prolapso, quid infelici? Natâre non possum, qui forsitan litteras novi. Nec Delphines præsidio essent, & quia longius à vobis absunt, & quia, vitio familiæ nostræ, infelicitèr admodum cano. Et forsitan Arion magis in fabulis Poëtarum, quàm inter undas est servatus. Ego autem qualis, quantusque in Musica arte sim, norunt delicatæ aures, quæ, quotiens cantillare occæpi, silentium nostrum præ cæteris commendant. Cum enim puer aliquando Musico traditus essem, incredibili diligentia tantum profeci, ut, annuo spatio exacto, ipsa artis principia adhuc ignorarem. Venationem quod spectat, si reibus res gerenda, nimis lentæ sunt amœnitates, si canibus, metuo Actæonis fortunam. Pluribus jocari vellem, vir maxime, sed nec tibi legere ineptias nostras vacat, nec mihi scribere, dum ad prælium atrocissimum me accingo. Proximo enim Jovis die adversus Cæsarem cum Pompeio sum pugnaturus. Non quod bellis civilibus obnoxius mihi sit animus, sed quia Lucanus meus eo me vocat, scriptor gravissimus, & cujus auspicio extra omnem periculorum aleam positus, victor ac immotus consistam: Certè longè aliter atque illi, qui ad Calloam, aut Geldram nuper tam improspere rem gessere. Vale, vir amplissime, & audaciæ meæ ignosce. Uxori tuæ matronæ integerrimæ, liberisque omnibus devinctum me agnosco.

Rapin, Lillia 1638, Septemb. 23.

Moggius

Moggius tuus, meusque misso elegantissimo carmine
nuper admodum me obstrinxit. Plurimum salvere
eum cupio, responsurus quamprimum fuero domum
reversus.

JOHANNI BEVEROVICIO

M. Z. BOXHORIUS, S. P. D.

Quid, Beverovice, Terminum vitæ petis
A me explicatum? sitne decretus Deo,
Suisque vitæ semper & morti suis
Nunquam movendus? sitne sistendus dies
Funestus ille, dirus, illatabilis,
Manni medentum? tempus an præoccupet
Vitæ statutum carnifex Cato sui?
Stupenda quæris, digna quæ polo sata
Tantum reponant & recludant pectora.
Mens vestra talis, maximarum particeps
Et plena rerum, digna quæ mysterio
Præsit verendo, quo nec intricatius
Nec majus ullum disputant omnes Sophi.
Proinde quid me destitutum ab omnibus,
Vir summe, poscis? qui nec interpretes Deorum,
Nec scientiam scriba Parcarum fui,
Nec fata novi? Nunquid est tibi satis
Tot magna sæcli nomina hoc libro legi,
Et inter illa quod superbit Heinsii
Illustre nomen? Solus hic pro millibus,
Rex erudite gentis, & quod haud ulli datum,
Qui mente penetrat, cuncta; quæ cuncti sciunt
Complexus unus; atque omnis simul
Quid ergo poscis? Heinsius dixit satis,
Quamque ille dixit approbo sententiam.
Hæc Woelwica, (villa quæ Scriverii est,
Qui te salutatur æstumatque plurimum)
Raptim exarabat principe Octobris die
Tuo dicatus nomini Boxhornius.

JOH. ISACIO PONTANO

BOXHORNIIUS, S. P.

*Harderwicam.**Clarissime Cognate,*

Mitto ad te Orationem funebrem, nuper dictam discipulo quondam tuo (cujus beneficii etiam honorificam mentionem injecimus) Collegæ autem nostro, Danieli Sinapio. Scripseram ad te nuper, addito Epigrammate in Historiam Gelricam, quam brevi prodituram intelligo. An acceperis nondum scio. Scire tamen inprimis velim, ut & quo valetudo tua sit loco, quam tot laboribus, & inusitata illa diligentia non parum læsam esse amici tui ad nos retulerunt. Historia Obsidionis Bredanæ sub finem anni in lucem progredi audebit. Hactenus singula hinc inde petenda, & non sine magna molestia digerenda fuere. Nuperus morbus meus, qui me adhuc per intervalla exercet, ardori nonnihil sufflaminis injecit. Superabimus tamen omnia, si Deus volet. Nescio an videris Florum apud Elzevirios nostros editum, cui sub calcem Julium Ampelium, cujus Sidonius alibi meminit, auctorem hactenus non editum, & breviter orbis historiam quasi per locos communes persequentem, Salmasius noster adjecit. Accepi ex nonnullis in eo te esse ut concinnes Bibliothecam doctrina, & fama illustrium sceminarum, egregio hercle instituto. Pergas quæso, & erit forsan in Bibliotheca nostra quo juvare te licebit. Berovicus simile quid dicebatur meditari. Sed aliud longe est argumentum. Quippe eas tantum Philosophorum, Medicorumque quæstiones amœniores persequitur, quæ sexum illum concernunt, quem cur sequiorem dixerint Romani, equidem nescio. Vale, amicissime Cognatè, & me ama. Uxorem tuam, omnemque familiam seriò salvere jubeo.

Raptim, Lugd. Bat. 1638. Novemb. 7.

JOH.

JOH. ISACIO PONTANO

BOXHORNIIUS S.

Clarissime Cognate,

Tuas diu expectatas tandem accepi, eo animo quo istas soleo quibus tristissima nunciantur. Doleo, & ex animo doleo afflictam adeo valetudinem tuam. Spero tamen futurum, ut Optimus ille Maximusque Deus te restituat tibi ac Reipub. litterariæ, quam multis nominibus tibi devinctam pluribus adhuc posses demereri. Velim, quamprimum Gelrica tua prodierint, videre exemplar. Teneor enim eo legendi desiderio, ut majus unquam mihi fuisse non meminerim. Superioribus diebus apud me Hortensius noster fuit, quem in Italiam ante menses aliquot abiisse acceperam. Narravit dilatum iter in proximi anni vernam tempestatem. Iturus tamen non est, si verum sit, quod ex Collega meo Golio audivi, Galilæum de Galilæis pluribus additum. Quod si verum, maximam in acutissimi illius viri morte jacturam disciplinæ Mathematicæ fecerunt. Profectæ jam erat ætatis, & quod miserrimum, utroque oculo captus. Scriptum ab eo Systema mundi, & Latio donatum ab optimo virorum Berneggero nostro ad te Argentorato nuper demum missum intellexi. Quis tam lenrus alieni negotii curator fuerit, scio juxta cum ignavissimis. Casauboni Epistolæ prodierunt. Gaudeo editas. Quippe multa me docuerunt. Fuit in eo homine de magnitudine & probitatis & eruditionis assiduum pulcherrimumque certamen. Tales mori non debebant. Vale, & Deus te multos adhuc annos servet, mi Cognate, quem in animo & oculis quotidie fero.

Raptim, Lugd. Bat. 1638. Novemb. 24.

ADRIA-

ADRIANO HOFFERO

M. Z. BOXHORNIUS, S. D.

Zirizeam.

MOriar igitur ingratus, Vir Amplissime. Nec id tam ab animo nostro est, quam magnitudine tuorum beneficiorum, quibus majus nuper pondus adjecisti. Integra vera apud me est illustris doni tui æstimatio. Quo nec tu innocentiam meam à recto transversam agere voluisti; nec ego corruptus sum, ut plurimi eorum qui hodie in republ. versantur. Accipe igitur candidissimi hominis confessionem, qui exsequi non potuit quæ destinaverat, & tamen accepit quæ meruisse debebat. De excessu porro Cunæi nostri quid scripturus sim aut non scripturus vix scio. Amisit Academia nostra virum incomparabilem, & in quo omnem splendoris sui jacturam ac famæ fecit. Mori profecto non debebant, qui quotidie non nascuntur. Lachrymas meas in sinum tuum nunc effunderem, sed eas per filium accepisse te intelligo. Nescio an credere debeam, quæ de Barlæi & Pontani nostri pari fato superioribus diebus referebantur. Certe non libenter credo. Uterque tamen cum morbo gravissimo conflictatur. Si sic mori pergant eruditi, quid, quæso, futurum est sæculo nostro, quo à plerisque, inominato quodam odio ac contemptu litterarum, magnis passibus ad Barbariæm itur? Optimus Deus te patriæ; & nobis diutissime servet, Vir amplissime.

Raptim, Lugd. Batav. 1638. Decemb. 15.

ROCHO

ROCHOMOGGIO

BOXHORIUS S.D.

Zirixam.

Quod felix sit faustumque, Moggi amicissime, vi morbi propemodum novissimi oppressus hactenus & tantum non extinctus pristinae valetudinis robur indies colligo. Vides autem quid ob febrem laudatam mihi evenerit, quæ ne ingrata esset, meo me exemplo falsi convicit, & ne sine collega noceret, Aphthas etiam injecit. Cum his hostibus tantum mihi negotii fuit, ut interea de turbatis Germaniæ, & afflictis Belgarum rebus, multò minus de marrimonio, ad quod serio me invitas, cogitare licuerit. Næ tu es homo facetissimus, qui apud querulum adhuc, & ex morbo languentem de nuptiis verba facere voluisti. Gratias ago pro Epithalamiis, & ingenium tuum æstimo. Debeo etiam ob sapientiæ præcepta. De conjugio autem quid statuendum sit, respondeo nondum lique-re, & amplius deliberandum censeo. Et cum tam diversæ ævi omnis sapientum hac de re sententiæ fuerint, hodie aut cras Senatusconsultum condendum non existimo. Justinianum vestrum cum viderem, verba ejus me terruere. Nuptiæ sunt unius viri & foeminae conjunctio. Ubi est illa animorum? Continent individua vitæ socieratem. Perpetuæ igitur illorum calamitates, qui Xantippen domum duxere. Ne tamen temerè aut tu me monuisse videaris, aut ego consilii tui rationem sequar, ad hæc pauca velim mihi respondeas. Cur sequiorem foeminarum sexum appellavit populus Romanus? Quare homines proletarii inter vilissimos habebantur? Quid magis Trojæ nocuit an Paris, ob perfidiam, an verò Helena ob pulchritudinem? An male fuit Boxhornio uxorem hactenus non habenti? Num melius futurum si haberet? Quamobrem Amazones viros non admisere? Vides ex eo, amari posse, quæ amantem odere. Nos crurifigium
appel-

appellamus. Quod tamen ne dedecori esse existimes, ætatis nostræ maximo Regi in Hispania evenit. Nuper in somnio dominam ejusmodi mihi finxeram, & ex-
perrectus ac pœta factus ita eam compellavi;

Te placuisse mihi doleo, suavissima rerum,

Sed me plus doleo non placuisse tibi.

Denique quæro an plures tales sint, qualis tua? Et, si sint, An Boxhornius possit mereri? Exemplo enim tuo uti voluisti. Vale, amicissime, ac me ama; sed & iterum atque iterum considera, num mihi expediat nomen habere inter illos, qui Patres aut mariti vulgò appellantur. Iterum vale, & lituris ignosce. Nec enim tam scripsi hæc quam festinavi.

Raptim, 15. Decemb. 1638. Lugd. Bat.

JOH. ISACIO PONTANO

BOXHORNIIUS, S.D.P.

Harderwicium.

Vir Eruditissime,

ITerum ad te scribo, non tam ut meis tuas eliciam (quomodo enim nunc molestus esse tibi ausim?) quam ut de valetudine tua me inprimis sollicitum esse intelligas. Libenter autem ex Acronio vestro accepi de morbi tui atrocitate aliquid remissum; sed & ad finem perductam Gelrorum Historiam, maximoque Ordinum applausu exceptam. Me miserum vero quod nondum videre eam contigerit! Si scires, quanti te faciam, quanto me gaudio operum tuorum lectio perfundat, quantum fructus ex iis reportem, quantum tibi debeam, & debere adhuc velim, desiderio nostro jam jam satisfaceres. Si quid obtinere à te possim, id mihi beneficium præstes velim. Et si bene humanitatem tuam novi jam desiderio meo est satisfactum. Nos superioribus diebus extulimus unicum fere Academicæ nostræ

nostræ ornamentum, Petrum Cunæum. Justa illi facta sunt eâ oratione, quam hic vides. Quid futurum existimas, si in hac barbarie, & inscitia sæculi, tam illustra ingenia, Fata nobis porro eant ereptum? Vale meum, & ætatis tuæ decus. Hofferus noster quidvis tibi defert. Litteras ejus, quæ meis nuper additæ, accepisse te opinor. Iterum vale, & me ama. Iterum quoque Gelrica tua flagito. Ignosce tamen audaciæ hominis, qui tui, tuorumque æstimationem omnibus præponit.

Rapim, Lugd. Bat. 1638.

Vigilia nativitatis Christi.

VINCENTIO FABRICIO

S. P. D.

M. Z. BOXHORIUS.

Trajectum ad Rhenum.

Amicissime Cognate,

MIraberis forsan tam arctæ necessitudinis nomen à me usurpari, cum consanguinitatis vinculo, quod sciam, conjuncti non sumus. Ausus tamen sum ita apud te ordiri, insuper habitis quæ à Jctis vestris de cognationum gradibus operose disputantur. Solius Labeonis auctoritatem jam sequor, cui cognati sunt, qui commune nascendi initium habuerunt. Quod in nobis verum esse, ipse me docuisti, mortalium suavissime, cum Natalem nostrum, qui idem tuus est, eruditissimo carmine ante biennium celebrares. Et, profecto, ita est; eodem die inquilini terrarum uterque facti sumus. Gemelli sumus, nisi quod eandem matrem non agnoscimus. Ejusdem syderis sive favorem sive inclementiam experimur, si standum sit sententiæ Genethliacorum, quibus si genesis nostra excutienda foret, unâ fidelia duos parietes dealbarem. Itaque merito te sic appello, mi cognate. Et, si gradatim cognati, teste Ulpiano vestro, ad bonorum possessionem admittantur, jure

jure donationis inter vivos, hunc animum meum sine vi, metu, doloque lubens tibi transcribo. Quicquid per eum exsequi voles, arbitratus tuus nunc & æternum esto. Utinam vero hodie Zuerius tuus Lucum,

*Pocula potilet,
Adstet, accipiat, tibi propinet ut bibas?*

Adderemus, si ita tibi videretur, fumi aliquid, cujus delicias veterum ætate incognitas fuisse facile tibi persuasere. At vero cum loco divisi simus, votis me absolvo.

*Qui pariter nati pariter vivamus, amice;
Tam bene conjunctos non male jungit amor.*

Plures versus in sinum tuum effundere decreveram, sed ad aurium tuarum delicias adsurgere non licebat. Vale jucundissime Cognate.

Rapim Lugd. Bat. 1638. ipso natali nostro.

VINCENTIO FABRICIO

M. Z. BOXHORNIIUS, S.

Ultrajecti ad Rhenum.

IN nupera Poëmatum tuorum editione excitati ingenii nec minoris doctrinæ indolem, in cæteris humanitatem tuam libenter agnosco, juvenis eruditissime. Qui quicquid antiquæ venustatis est animo complexus, & nunc publico testatus, eorum tibi famam devinxisti, quos, quanquam plerique eorum paria haud possem, commendatos voluisti. Quid natali meo futurum sit nunc video, de Epicedii autore nondum sollicitus, quamvis eam curam atrocissimus morbus nuper injecerat. Ceterum, quoties tua evolvo (evolvo autem sæpissime) faciunt, ut absentem te vix feram. Redde te aliquando nobis, aut, si id non liceat, experiri velim, quantum pro te possim, candore, æstimatione
tui,

tur, amicitiae denique constantia cessurus nemini.
Vale Corculum Musarum,

Raptim Lugd Bat. 10. Januar. 1639.

Qui ex voto tibi eveniat.

GABRIELI OXENSTIERNIO,

Gabr. fil. lib. Baroni &c.

M. Z. BOXHORIUS, S. P.

QUantum vero tibi debes, tantum desideriiis nostris subtractum ivisti, illustris Domine. Et nisi maximi parentis tui ac publica expectatio aliò te vocarent, jure sistendi meritò ageremus. Ad Galliam enim nunc contendis, quæ te pridem nobis invidit. Qui Academiæ nostræ adscriptus Gabrielis & Axelii Oxenstierniorum, patris patruique tui, summorum herorum, virtute ac fama usus, tuam insuper contulisti. Nec jam votis tecum agam, cum quibus natus es, & quæ superasti. Quod Batavia omnis & nos privatim publico testamur. Quamquam enim nemo de te majora alii, quam tibi credat, pietatis tamen nostræ officium impulisti. Qui de te magis nobis, quam tu forsan tibi, gratulamur. Leyda, quam post patriam incoleres, prima fuit. Ubi itineris molestias amore litterarum dispunxisti. In quibus tanto magis progressus es, quanto propius illos contingebas qui earum beneficio in Republ. inclaruere. Ante omnia ævi cujuscunquevis historia in delitiis erat, quæ ut Persarum primum, mox Græciæ, dein Romanorum factis se commendat, ita eam quæ horum temporum adjecisti: cum male de hoc sæculo judicet qui ad vetus tantum adtendit. Quod divini Regis tui exemplo acceperas, qui cum Alexandros & Cæsares post se reliquerit, de ingratitude expostulat cum ætate; & omniâ indeptus ac meritis, existimationi quoque omnium ac famæ insertus, nescio; quo fato, cum secordia tantum aut defectu illustrium ingeniorum collactatur. Quod ne pa-

riatur diutius, gentis tuæ & terrarum orbis interesse existimamus. Tacitos aut non habet ætas nostra, aut non agnoscit. Quo scriptore abdita Imperii ac Principum nemo altius indagavit. Cujus amore capto tibi viam præire me voluisti, ut diligentiam potius nostram quam ingenium æstimares. Et ne artem dicendi postponeres, subinde ad me accessisti, cum declamatorum more, nato aut defuncto Rege vacuum vel occupatam Rempubl. fingeremus. Nec nostrum iudicium aspernatus es. Quod, cum laudanda omnia faceres, sæpe præveneras. Ex Philosophia autem modum tenuisti, gravi ac seriæ tantum intentus; nec masculam indolem tuam non profuturis occupasti. Intelligebas enim, quod in sapientia primum est, quid fortunæ tuæ deberes. quam aut nesciunt aut avertunt, qui, fatali fere ingeniorum contagione, inter acumina captionum, ac otiosorum somnia jactati, ut vetulæ Sabinorum, delirant potius quam excoluntur. Itaque labores tuos ad bonas artes recte atque ordine contulisti. In quibus & architectura militiæ fuit, ex cujus præscripto in charta, velut hostico, opera & arces meditabaris, minoribus, hercule, quam ad Bredam nuper periculis ac impensis. Namque castra etiam metatus es. Quæ inspicere quidem nobis, ingredi autem non licebat. quorum circinus Dux ac Imperator; & numeri instar militis erant. Ante omnia vero severioribus, Politicæ inprimis, satisfacere solebas. In quibus ea & celeritate & temporis æstimatione versatus es, ut cum studiis ac tuorum votis jam propemodum translegeris. Curas tamen aliquando remisisti, cum opus; sive corporis causa, ne dum se intendit semper animus, sterteret illud ac jaceret; sive etiam animi, cui ferias, quamquam extra caniculæ æstus, non tam otii, quam laboris, qui antecessit & sequitur, gratia subinde adsignamus. Cælum illud, quod spectas, tantum in perpetuo motu est & nunquam fatigatur. Tempus, quia nunquam quiescit, solœcismum sæpe facit, & ideo annos intercalamus. Jupiter apud Homerum nostrum, fractus scinet rerum curis, ad Æthiopum convivium vocatur,

aliquando & accedit. Exercitationes verò tuæ quam honestæ, quam compositæ? quæ oblectamenta tua, non occupationes. Usus inter otia tempore, fallere noluisti. Pilam agitare, equum conscendere, & imagine pugnae defungi, aliquando rus excurrere, & ut ille olim, inter agros veluti in Musæo philosophari; altitudinem istic solis aut turrium ex radiis seu umbra noscere, campos sine termino inter se partiri, fingere hostem qui non est, castra metari, in quibus nec aquilæ, nec legiones, condere castellum in mediis Batavia, ubi non opus, & animo complecti quæ istic nec facta sunt nec eventura, remissiones tuæ, & eorum quæ domi didiceras exercitationes erant. Nunquam ad aulam, quæ in proximo est, deflectebas, tam cognoscendæ ejus cupidus, quam à vitiis illorum alienus, qui in eâ non nisi delitias & inania rerum consecretantur. Ibi tu inspicere quidquid magnum; congregi cum primis; & tu non magis eorum consortia, quam illi tuum æstimare. Memini cum celsissimo Principi nostro te probares, qui ut magnitudinem rerum publico, ita comitatem suam privatim tibi testabatur. Inter viros enim principes eductus jam consuescere cum illis didiceras. Eadem in castris, & cum agmen nuper duceret, tui ratio erat. Quæ enim militiæ nostræ formæ noscere, ad curas tuas pertinere existimasti, Musarum partim & Martis candidatus. Instituto gentis tuæ, quæ cum utrumq; jungat, jam excellit; & pro hac sæculi tempestate in quam deveci sumus; qua fato aut ambitione Principum commisso terrarum orbe togæ ac belli artibus opus est imprimis illis qui Reipubl. commodis destinantur. Neque enim quis melius profecit, quam qui ea excussit quæ in rerum administratione locum, in viro usum habent. Quod qui prætermittunt, ab instituto suo ipsi dissentiant, & ad Remp. ut Claudius ad amplexus lunæ, aut boves ad ephippia accedunt. Ad ista insuper in Gelriam, Frisiam, Brabantiam iter adjecisti, non ut videres quæ tantum referres quod aliorum potius est, quam tuum; sed ut acciperes quibus animum adornares. Sunt qui illa fere suspiciunt quæ eorū manent apud quos spectantur, Placet sibi ingenium in portentis animantiū,

in quibus modum excessit natura , aut defecit. In cre-
pundiis alieni orbis sæpe viri in nostro oblectantur; &
quantivis pretii credunt quisquiliis Indorum , apud
quos nascuntur. Quæ ut obiter etiam inspicere tibi vi-
sum, ita prudenter majoribus posthabuisti. Quæ quam
nostra erant tam tua fecisti, mores, instituta, leges,
imperium, vim gentis. Quæ origine modica, cum su-
pra famam & admirationem omnium se evexerit, quid
sibi, aliis, hosti, felicitati, virtuti, loco denique de-
buerit, quantum licebat, discernere didicisti. Quod,
quanquam tibi nihil desit domi, ex usu tuo deinceps
erit: siue propter exempla, quæ, cujuscunque tandem
sint, à magnis ubique æstimantur, & semper profunt;
vel fœderis causa, cui vestræ nostræque gentes illiga-
tæ, animos hac tempestate, vota & consilia conjun-
gunt. Quæ cum non ignorares, ista nescire noluisti.
Et ne frustra tentares, primum domi lectione rerum
nostrarum, mox colloquiis judiciisque gnarorum ho-
minum te imbuisti. Quibus nec gravis, cum tempe-
stive, nec curiosior æquo videbaris, cum arcana re-
rum intelligeres potius quam extorqueres. In hac verò
urbe cum primariis congressus comitate omnes devin-
xisti. Tu tamen pro modestia cultum tui beneficium
interpretaberis; cum acceperit qui se tibi impendit. A
factionibus & petulantia juventutis nostræ tanto alien-
rior, quanto majoribus, quam cæteri, destinatus. Ea
vitæ integritate, ut hanc velut legem illis, qui tuæ
gentis, & exemplum aliis reliqueris. Ad quod pro-
vocandum deinceps erit. Quod in gloriam tibi, nobis
in solatium cedit. Mihi imprimis, qui abesse te ve-
hementer doleo. Hospitio enim nostro excipi, &
privatim me virtutum tuarum amplexu præferre vo-
luisti. Ita animatus, ut integra splendoris tui perso-
na, ad omnium æstimationem ac effectum te submit-
teres. Noveras scilicet heroicam vocem; *Unum se
ille ex nobis, & ideo magis excellit, quia se unum ex no-
bis putat.* Ea dicendi modestia, ut jam tum cæteris
major esses, cum animi causa dissentires; inter ser-
mones varios, quos studia, Resp. occasio, alios at-
que alios suppeditabant. Quibus injecti joci ac sales,
sed

sed innocentes, qui cum offenderent neminem, omnes oblectarent; verum epularum ac linguæ condimentum. Præ quo phasianum & attaginem spreverim. Quæ Apicii & Lurconum sunt, cætera erectæ mentis, & excitatæ. Prandium nobis unius horæ, cæna unius: & cuique alteram fabulando adjiciebamus. Nullum frequentius quam Germania argumentum. Cujus florentissimæ gentis casum dolebamus. Albis & Visurgistuz, Morini nostræ curæ erant. Et cum quisque patriæ suæ bene cuperet, utriusque eandem fortunam ac causam fatebamus. Aliquando de Repub. securis Germania qualis anteturbatorem Arminium, Batavia qualis ante Civilem erat videbatur. Non aliter atque prætextatos senes in curulibus sellis sedentes, velut Deos Geniosque, Gallorum adventum expectasse accepimus. Ne quis temeritatis nos postulet, aut sine exemplo secisse arbitretur Itaque alio subinde deflecebamus; studiorum scilicet amœnitatem: cum Planasiam aliquando cum Agrippa, Rhodum cum Tiberio secederemus, inter bella aliorum, exilia, cruciatus, extrema securi, immori. Fuit inter alia cum ea conditione ingenia commisimus, ut tantum dissentiremus. Pugnam vespertinam ingressi, & mox noctis torius inducias pacti, postera luce ad prandium simul & certamen concurrebamus. Quas animorum exercitationes imprimis antiqui laudavere? Anima autem omnium & norma temperantia fuit. Ad quam iisdem præceptis omnes imbuti videbamus. Nec laudaverim nisi ab eâ sæculi nostri mores jam essent alieni. Fuit cum nunciata illustri victoria unius poculi modestiâ integro triumpho defungeremur. Sed garulum me dices, illustrissime Domine, & ad Rempubl. non ad movendum, ne palam faciam imperiî arcana. Id tamen mihi credas velim, quidquid temporis & rerum tecum exegimus animo meo jucundum & semper aversaturum esse. Ac si, aliud forsan agendo, præsentem te non agnoverim, ut mihi ignoscas rogo. Quod ut fiat humanitatis tuæ accandoris nostri interesse existimabis. Viri maximi Heinssius, Vorstius, Scriverius quid tibi velint, ipse non

ignoras. Vale patriæ tuæ spes maxima & desiderium.

Lugd. Bat. 1639. Febr. 24.

CONSTANTINO HUGENIO

M. Z. BOXHORNIIUS, S. D.

Hagam-Comitis.

QUæ de Somniis nuper admodum disserui, in publicum exire passus sum, Vir illustris, & amœnitatis nostræ arbitrum te potissimum delegi. Adeo ut eodem facinore & stuporem meum, & audaciam prodiderim. Ignosce verò temeritati nostræ, quam magnitudine virtutum tuarum & incredibili comitate impulisti. Si modò vitam mihi Deus produxerit & curas majores se offerent, quibus ex amplissimi nominis tui auspiciis decus ac pondus accedet. Utinam tantum hoc corpusculum, quod perire indies sentio, egregiis animi nostri conatibus responderet! Nescio enim quid post nuperum morbum mihi evenerit; nec valeo, nec ægroto. Historiam tamen obsidionis Bredanæ adversâ valetudine interruptam sæpe aut impeditam, brevi affectam videbis. Fateor quidem paullo diutius eam differri; sed cum Tiberio apud Tacitum semper existimavi, non esse simplices nostras curas; & cautè admodum agendum illis, qui Regum Principumque ad posteros sunt legati. Vale, Vir maxime, & me constantè ama.

Raptim, Lugd. Bat. 1639. Martij 14.

Velim schedas meas, quas nosti, ad me remitti, ubi commodum tibi & visum fuerit. Vides autem quàm audacem me comitas tua fecerit.

JOH. ISACIO PONTANO

BOXHORNIIUS S.

QUod tardius ad tuas respondeam, tu ipse in causa es, Vir Clarissime. Quippe Gelrica tua ita me affec-

affecerunt, ut finem legendi facere non potuerim, nisi ubi tu scribendi fecisti. Itaque gratias amplissimas tibi debeo, & si iudicium meum desideras, testor te exemplum sæculi supergressum, & ita illustrissimi facinoris omnem gloriam occupasse, ut nullam ejus partem reliquam feceris post ausuris. Et jam ad laudem nihil tibi superesse scito; & votis pro longævitate tua non tam tibi, quam nobis, & Reipub. litterariæ est opus. Scriverio nostro exemplar tradidi, quo nihil expectatum magis, nihil gratius sibi unquam fuisse testatus est. Historia nostra Bredana brevi lucem videbit. Nec mirum tibi videri debet eam in hunc usque diem dilatam, quia temporis spatio opus fuit ad excutienda singula quæ si non alio nomine, saltem veritatis gloria, se commendabunt. Atque inter istas quidem occupationes nonnihil temporis somnio dedimus, in cujus laudem integram orationem contulimus; ut vides. Velim nobili viro Ernesto Brinchio gratias meo nomine agi, ob transmissum Syllabum eruditarum scæminarum. In quarum gratiam Bibliothecam meam, & amicorum scrinia nuper excussi. Deprehendi autem non poenitendum earum numerum, quæ vulgò ignorantur. Si tibi animus sit pergere in eo, quod aliquando cœpisse te intelligo, lubens qualiacunque mea transmittam, sin verò tibi visum lampada mihi tradere, ut tua non deneges, unicè rogo. Vale, magnum sæculi ornamentum, & diu & sospes vive.

Raptim, Lugd. Bat. 1639. April. 15.

De MSS. tuis apud Scriverium nostrum seriò sum acturus. Lentum enim illud nomen est, ut nosti. Cyprianum tuum mihi tradidit Gronovius, qui hodie in Angliam contendit. Martyrologium Ravii se mihi redditurum Thysius promisit. Hæc scripseram, & ecce, incidit in manus meas Decretum Sacræ congregationis Illustrissimorum S. R. E. Cardinalium, conditum sub Paulo Papa V. anno 1616. editum Romæ. In quo cernitur *Rerum & urbis Amstelodamensium historia, Authore Johanne Isacio Pontano, tanquam perniciosissima, & innumeris erroribus, hæresibus, blasphemis atque calumniis scatens damnatur.* Ipsa tibi verba retuli, ut sacerri-

morum istorum patrum operosas ineptias videres. Ipsum Exemplar penes me est. Si desiderare te intelligam, libenter transmittam. Iterum vale.

In decretum hoc Cardinalium ita lussit

JACOBUS ZEVECOTIUS.

Amstelodamensis quem scripsit Isacius Urbis

Damnabit verò Roma inimica Librum.

Non satis Urbanum te tunc, Urbane, probasti,

Ad Barbarinum, Barbare Papa, redi.

ADRIANO HOFFERO

M. Z. BOXHORNIUS, S.D. PL.

Zirizeam.

Virorum amplissime,

DUm abiturum ad vos paro & litteræ tuæ, & pariter novæ curæ offeruntur. Gratias tibi habeo pro perpetua illa humanitate tua quas possum maximas. Nec minus mihi ipse irascor aliis nunc occupato. Equidem quidvis desideriiis tuis ac affectui in me tuo libenter postponerem, si liceret. Sed urgent alia, atque alia, publica & privata. Et hic distineor, & donum, & ad te vocor. Cur dubites, quin aliquid hic sit DULCE MEUM? Qui neminem hætenus odimus, forsan unam nunc amamus.

Quos ego! sed motos præstat componere fluctus.

Sed deliberamus adhuc potius, quam decernimus. Et arcana Imperii non sunt vulganda mihi, palam tamen semper facturo quo animo, quantoque exosculer incredibilem tuam comitatem. Vale, vir patriæ tuæ & amicorum bono nate. Vale cum lætissima uxore, cum lætissimis liberis tuis.

Raptim Middelburgi, 1639. Aug. 18.

V A-

VALERIO ANDREÆ,

M. Z. BOXHORIUS, S.

Lovaniam.

Litteræ tuæ hesterno demum die mihi traditæ sunt, Vir clarissime, gaudeo tibi visos labores nostros probatosque: imprimis obiatam mihi nunc occasionem testandi, quanti semper fecerim facturisque sim summum illum candorem tuum, & eruditionem. Hanc ex scriptis aliis, istum ex insigni ista Bibliotheca tua jam olim collegi. Demeruisti tibi profectò multorum memoriam ac famam; tam diligenter undique conquiritis, qui eruditione ac scriptis vulgaris, in Belgio hoc nostro, cum cæterarum gentium invidia, tot ac tanti inclaruere. Perge ita, Vir eruditissime, & primas illas, adeoque laudabiles curas secundis nunc absolve. Vel enim hoc tantum nomine & prior, & hæc, & post futura ætas industriæ tuæ plurimum debebit. Hunc verò à me nonnulla observata, quæ, quia pro instituto tuo factura, & desiderari à te intelligo, libenter admodum proximè transmittam. Nunc enim non licet, festinante illo, qui has tibi est traditurus. Gratias verò plurimas; iudicio tuo debeo, quo hic homo, nullâ adhuc doctrinâ, multo tamen amore ejus, ac æstimatione instructus, dignus tibi creditur, qui

Se quoque Principibus permixtum agnoscat Achivis.

Pleraque pueri scripsimus, ut vides, & jubentibus amicis, in vulgus exire passi sumus. In quo si quis temeritatem nostram notandam existimaverit, solatio fuerit illud Quintiliani, *Audendum aliquid esse primâ etate, dum & venia est, & spes, & favor, & audere non dedecet, & si quid desit operi, ætas possit supplere.* Saltem diligentiae laudem nemo nobis negaturus est. Cunctus noster vivere & scribere desit, plurimum numero adscriptus. Orationes suas vulgandas filio commisit, Heinsius noster vivit floretque, cujus Sacrae

Exercitationes, opus ingens & eruditum, superioribus diebus prædiere. Sed quæ huc factura videbuntur, proximè pluribus indicabo. Vale, vir clarissime, & bono litterarum diu sospes vive. Salutat te magnus Heinſius noſter. Illuſtri viro Puteano veſtro, niſi grave eſt, obſequia mea velim offerri.

Rapſod. Lugd. Bat. 1639. 8. Eidus Sept.

ADRIANO HOFFERO

M. Z. BOXHORNIUS, S. D.

Zirizæam.

Ampliſſime Virorum,

HEſterno die domum reverſus ſum poſt graviffimas Occupationes. Quæ enim non agenda, quæ non dicenda fuere, ut unius virginis pectus ſuaviſſimum expugnarem? Viſ tibi compendio perſtringam quotidianas meas in Zelandia prælectiones? Audebo ſane, ut intelligas quàm amœnum fuerit illud, in quo verſati ſumus, argumentum. Præſandum erat, Profeſſorem eloquentiæ ad ſtudioſorum crepundia & Grammaticam labi. Primam Conjugationem ordiri & Amare. In eâ Paſſivum Activo præferri. Solitudinem declinare. Inter caſus Genitivum, inter particulas orationis Conjunctiones omnium auctores eſſe. In poëſi, Amo primâ brevi eſſe, & ideo longas moras neſci non oportere. Epithalamia Heroum verſibus celebrari. Aurea Veneris opera Homeri annalibus efferri. Qui cum cæcus eſſet ſentire potuit, quæ non vidit. Deſſe hodie Poëtis argumenta, dum negotia Reipubl. lente aut fruſtra geruntur. A me autem argumentum amicis deberi. Hofferos, Heinſios, Scriverios inter eos primos eſſe. Laborare jam Profeſſoris eloquentiæ partes, qui niſi virgini amores perſuaſerit, aſtum eſſe de uſu nobiliſſimæ artis, ac pariter fama noſtra & exiſtimatione. Verba ſuſpenſa ac dubia, qualia puellarum, ſumma vitia eſſe orationis. In Anthologiis & Florilegiis Ger-

manorum Nuptiarum titulo plures paginas occupari. Amores ac fidem conjugum inter facta ac dicta sum-
morum hominum referri. In Mathematicis amorem punctum esse indivisibile. In Arithmetice unitatem non numerum, sed ejus principium; par primum, ex sententia Pythagoræ, omnium perfectissimum. In nuptiis multiplicari

*Liberum gregem parvum,
Parvos Quirites.*

Ab Astronomis inter sidera etiam Virginem, sed & Geminos referri. Quos non nisi sublata matris virginitate nasci potuisse. In Geographicis, ubique gentium Matres esse, & amasios. Et cum ad Historiam flecterem, præcipue Romanam, delicias meas Tacitum, nisi fallor, in partes vocabam. Urbem Romam à principio Reges habuisse. A quibus raptu Sabinarum negatas nuptias merito vindicatas. Non præferendos mihi esse, qui dignitatibus & ambitione in administratione Reipub. utuntur. Nam non Syllæ, non Cinnæ longam fuisse dominationem. Mercatorum fortunas incertis tempestatum jactari. Periculosum esse Virgini viduos amplecti, & Novercæ odio laborare ante acceptam Matris dignitatem. Id Liviam docuisse, gravem Reipubl. Matrem, gravem domui Cæsarum Novercam. Sapientiam professis quietia studia, & iter ambitione vacuum ad famam aperiri. Hæc & alia tum nobis meditata, & parum abest, quin virgini lectissimæ jam sint persuasa. Adeo ut vix quidquam jam restet, nisi ut relicta triviali coctubernalium Schola, ad Academiam hæc nostram prompta, post inauguralem de Nuptiis disputationem, ex auctoritate Magnifici Parentis sui, Matris titulum accipiat, & dignitatem. Horum volui nescius ne esses, Vir amplissime; qui secundis litteris tam liberaliter me invitato, omnes humanitatis numeros implesti. Erit, ut spero, aliquando, cum virtutes tuas præfenti mihi, ut olim, licebit venerari. Iterum vale.

Raptim. Lugd. Bat. 1639. Novemb. 12.

Bene sit uxori tuæ, & liberis lectissimis.

C A R M E N

ADRIANI HOFFERI

Quo superiori Epistolæ ex parte respondet.

Siccine, cui primis facundia clarnit annis,
 Linguaque vel magnis vix imitanda viris;
 Qui toties Batavo, Cultissime Marce, Lycao
 Eloquentii applausus nobilioris habes;
 Laberis ad primas, puerique crepundia, partes,
 Grammaticesque tibi dogmata trita placent?
 Atque iterum docto crambe neglecta palato,
 Ponitur ante oculos illa recocta tuos?
 Res nova. Quid facias? Domina dum quæris amorem,
 Hac quoque, si possis, arte placere cupis.
 Totus amas, totâque à virgine poscis amari,
 Conjuga sic recitas prima elementa scholæ.
 Passivum præfers, sed in hoc, me iudice, peccas,
 Non patitur quisquam, ni prius alter agat.
 Quid juvat amplexus mulier passura jugales,
 Si vir habet pigro languida membra toro?
 Declinas soliloquium; Conjuncta requiris;
 Spesque placet, Casus quam Genitivus habet.
 Pace tua liceat tamen hîc junxisse Dativum,
 Quo sine nil genii vox Genitiva tenet.
 Vera loquor, nam si careat res illius usu,
 Accusanda vides hinc tibi facta sequi.
 Dicite Grammatici, cur postera regna Dativus
 Occupet, & genitum pone sequatur opus?
 Corripitur metris Amor, & non longus Amanti
 Esse cupit, brevitâs hac in Amore placet.
 Persuadere tuum tamen est; facundia flammâs
 Mulceat, & longas diluat arte moras.
 Ut Cytheræa suum bene per Genitiva Dativum
 Miscet, unitas detque coire facces.
 Fansta precor thalamo, postquam persuaseris illi.
 Casus inest illic, hic erit artis opus.

RICHAR-

RICHARDO LUBBÆO

M. Z. BOXHORNIIUS, S.

*Bergam ad Zomam.**Vir Clarissime,*

DOmum reversus Hortensium nostrum in ipso ætatis flore, atroci tæbe absumptum extinctumque intelligo. Et sane doleo hoc nomine quam maxime. Amisisti litteraria Respub. virum eruditionis & industriæ summæ, à cujus ingenio maxima quisque exspectabat. Et plurima jam pene absolverat, quorum edendorum spes fato tam immaturo omnino est intercepta. Amisimus uterque amicum candidissimum, cujus indolem ad omne humanitatis & officiorum genus factam cum maxima animi ægritudine jam recolo, &, quamvis pro merito non possim, tamen prædicare nunquam desistam. Sed hæc divinæ providentiæ sunt arcana, quæ, ut mortalibus fas est, venerabundi admiramur. Opusculum quoque tuum, quod nomini nostro consecratum voluisti, quod ille mecum faciebat maximi, cujus denique edendi curam susceperat, hætenus morbo ejus, nunc extremis debet, quod nondum in lucem prodierit. Aliam igitur viam insistam, & faxo ut fidem meam intelligas, in iis procurandis quibus justo desiderio tuo satisfiat. Causam intelligis, ob quam mihi agnoscas. Vale, Vir doctissime, quem inter primos amicorum ut hætenus habui, ita semper sum habiturus.

Raptissime Lugd. Bat. 13. Septemb. 1639.

JOH. ISACIO PONTANO

M. Z. BOXHORNIIUS, S.

Vir Clarissime,

ANte triduum reversus domum litteras tuas, Julio mense datas, rectè accepi. Quibus Apologia tua
pro

pro Originibus Francicis addebatur. Placuerunt mihi inprimis istæ dissertationes tuæ, quibus veræ antiquitatis ductum sequutus adversariorum tuorum nugas ac somnia, velut fumum, dispulisti. Agam proximè cum Typographo, & editionem maturabo. Gratias verò plurimas tibi debere me agnosco, quod hanc ingenii ac doctrinæ tuæ curam nomini nostro consecratam volueris. Faxo ego, hoc tam insigni beneficio obligatus, ut desideriiis tuis explendis, & cuius obsequio tibi potissimum præstando, natum, & semper victurum me intelligas. Statueram his feriis ad vos ire, sed dum alia, atque alia continuo offeruntur, paullo diutius in Zelandia distentus, iter id in alia tempora differre nunc cogor. Utinam vero rectæ valetudini te restitutum tandem aliquando intelligam! Dabit id, ut spero, votis nostris Deus immortalis. Heri litteræ Vallerii Andreæ, Professoris Lovaniensis, viri candidissimi, doctissimique, mihi traduntur. Bibliothecam ejus Belgicam vidisse te opinor. Eam secundis curis ornandam augendamque suscepit. In quam rem opem nostram & amicorum, qui hic sunt, seriò implorat. Respondi, in ejus gratiam quidvis me acturum. Nul- lus autem dubito, quin apud te quædam de viris Belgii eruditis passim observata sint, quæ juvando huic tam præclaro instituto conducere possint. Quæso quam primum, (Bibliothecam enim novam typographo jam tradidisse se scribit) intelligam, quid in hoc genere ab humanitate tua liceat expectare. Si Epistolam dedicatorem, operi tuo præfigendam adjeceris, plurimum tibi debeo. Vale, vir Eruditissime, & Conguate amicissime.

Raptim, Lugd., Bat., 1639. Septemb. 14.

JACO.

JACOBO BASELIO

S.

BOXHORIUS.

*Ungdomum Batavorum.**Mi Baseli,*

Litteras tuas recte & eleganter scriptas Neussâ re-
versus accepi. Quæ Historiam Bredanam concer-
nunt bene se habent & pro voto, pauculis quibusdam
vitiis typographicis exceptis, quæ correxisse te aut
Eusebium opinor. Alia nunc mitto, quorum parem
curam geres. Urge typographos & insta, ut progre-
diantur. Ubi reversus fuero, hoc acturus sum, ut eo-
rum sitientia ora, qualia veterum Afrorum fuisse cre-
diderim, liquore melioris notæ madefiant. Hoc e-
nim argumento omnia istis hominibus persuadentur.
Fons iste, cujus meministi, ab architecto tibi tradat-
ur, quem domi illibatum servabis. Nescio enim
quando ad vos reversurus sim, forsitan diutius hic hæ-
surus, prout valetudo futuri Soceri mei se habuerit.
qui æger Amstelodamo reversus hic decumbit. sed in-
dies convalescit. Si quid ad me litterarum sit, conti-
nuo mitte & ipse scribe. Oratio de causis impeditæ
Europæ pacis digna mihi videtur quæ in publicum
exeat. Quod Auctori Schoëlleno indicabis & officia
mea pariter deferes. Saluta Heroëm Cræsum, Hoffe-
rum, Ommerum & reliquos contubernales, Hospi-
tem quoque Hospitamque. Quæ hic nova, ad Hein-
sium filium perscripsi, ex quo omnia intelliges. Vale
& rem bene gere. Quæ excusa porro in Historia Bre-
dana sunt, confestim trans mitte.

Middelburgi 1639, Octob. 22.

JACO

JACOBO BASELIO

S. P. D.

BOXHORNIIUS

*Lugdunum Batavorum.**Mi Baseli,*

Misi ad te fasciculum litterarum ante octiduum, quem an acceperis tandem, inprimis scire aveo. Erant inter alias quæ amoribus meis, Nicolao Heinsio, inscriptæ. Erant quæ Historiæ Bredanæ porro excudendæ destinata. Nescio quid debeam suspicari. Hodie enim ad nos reversus Avunculus Seroskerckius die Mercurii elapso nihil istorum omnium accepisse te rettulit. Doleo & angor animi quam maxime. Si tandem acceperis, indica quamprimum, & metu me libera. Si contra, adi navam qui ante octiduum, die sacro, Middelburgo ad vos profectus est, inquire in fasciculum tibi inscriptum, & ab ancilla nostra (nisi mendax sit animal) ipsi traditum. Sed lubet optima ominari. Itaque alia operi nostro addenda nunc mitto. Quorum curam geres, ut ipse tui. Urge typographos, hominum genus lentum. De quibus plura in prioribus meis ad te perscripsi. Ob morbum futuri foci mei nulla adhuc magna facinora gessi. Meliuscule tamen se habere cœpit. Itaque proxima hebdomade (volentibus Deo & gratiis) nobilissimo desideratissimoque operi coronam imponemus. Quam paucissimis complexus ille est, qui dixit,

Accipe daque fidem.

Nihil hic rerum novarum. Socii navales

Vacuo spirant mendacia folle.

Inter tot dubia & incerta famæ placet illud Varro-
nis: CRAS CREDO, HODIE NIHIL. Classis
ramen Hispanica maximam partem attrita est & pro-
fligata. Vliſſingæ interea novem naves captæ, inter
quas

quas sunt aliquot immensæ molis, monumenta sunt virtutis Batavicæ, & ignaviæ Hispanorum, aëre omni perenniora. Hispani plerique, illato vix ferro, tanquam amarent nostros, se dedidere. O pecora generis humani! Quomodo victoriam referrent, qui nondum pugnare didicerunt? Sed hæc hætenus. Vale & quamprimum scribe, quæ me scire interest. Saluta omnis ætatis, ordinis & sexus amicos quam humanissime.

Raptissime 1640. Octob. 31.

ANTONIO MATTHÆO

M. Z. BOXHORIUS, S. P. D.

Ultrajectum.

Vir Clarissime,

DUplex mihi offertur & quam maximè diversum ad te scribendi argumentum. Dum enim Middelburgi Zelandorum hæreo inter oscula dominæ meæ & amplexus ecce, præter omnem expectationem, nuncio tristissimi excessus Soceri tui, cognati mei, viri modestiæ & eruditionis raræ, sum deprehensus. Verbis sanè assequi non possum magnitudinem luctus, quem desiderium tanti amici, & memoria tot ejus in me beneficiorum iniecit. Manet tamen, mansurumque est in animis nostris, quicquid in eo mirati sumus; & doctrinæ ejus ac ingenii & summa industriæ fama, tot præclaris & semper duraturis scriptis propagata, nominis ejus æternitatem abundè tuebitur. Nec alia nunc mihi apud te dicenda sunt, qui immortalis Dei immoratoram & invictam legem revereri & amplecti didicisti. Molior interea mei in defunctum affectus monumentum, quod additum Epistolis Apologeticis illi operi leges, cujus editionem mihi, dum decumbit & sensim moritur, commisit. Cæterum ad alia nunc flectendum. Amores enim nostri ad optatam me tam feliciter jam sunt perducti, & de virgine lectissimâ, Susanna Duvelaria, Senatoris Middelburgensis filia, triumphamus.

mus. Itaque ad nuptiarum nostrarum sollemnia, quibus dies dictus est Decembris septimus, te cum uxore tuâ nunc voco. In quo ut desiderio nostro satisfiat, cognationis nostræ & amicitiae interesse existimabis. Nec ab eâ alienum erit, si virginitatis nostræ exsequias, Epithalamio, ut mos majorum est, prosequaris. Hæc serio, iterumque iterumque flagito. Vale, Vir amplissime, & me inter tuos agnosce. Uxori tuæ & familiæ maxima quæque cupio.

Raptim, Lugd. Batav. 1639. Novemb. 13.

Hofferus noster, cujus amorem in Pontanum tuum expressum hic vides, plurimum te salvere jubet.

ADRIANO HOFFERO

BOXHORNIIUS, P. S.

Zirizeam.

Vir Amplissime,

Litteras tuas & fasciculum Middelburgi rectè accēpi, mox Lovanium ad Valerium Andræam destinatis, quæ desiderio ejus ac curæ, & tibi debebantur. Qui inter primos sæculi viros legendus, ac numerandus es hac ætate, qua sive ignorantia sive stolidi ambitione præclaræ artes omnes contemnuntur. Et libenter inprimis ad exemplum tuum provocamus, qui cum illustri dignitate eruditionem ac modestiam summam, & primum in literatos affectum, & idcirco horum quoque in te studia, conjunxisti. Ceterum ad pristinum argumentum iterum nunc labor. Nam faventibus Gratiis, eod inter amorum blanditias provecti sumus, ut initio Decembris ultimus virginitatis nostræ indictus sit dies; ad cujus exsequias Epithalamio celebrandas si Musas tuas conferre fueris dignatus, plurimum tibi sum debiturus. Vale, Vir Amplissime, qui, quâ es morum comitate, desiderio meo satisfacies aut ignosces. Moggium meum plurimum salvere velim, ad quem
litte-

litteras differo, nova & inusitata negotiorum mole obrutus, & tantum non oppressus. Tam operose omnes amamus. Lectissimæ fœminæ, Uxori tuæ, ac toti familiæ, prospera omnia sint & fortunata.

Raptim, Lugd. Bat. 1639. Novemb. 14.

CONSTANTINO HUGENIO

Hagam-Comitis.

Nobilissime Domine,

Quanquam aliis me nunc occupatum, publica tamen gaudia nuper disertum fecere. Nec enim ob privatos amores, ille patriæ postponendus erat; cujus specimen, quod hic vides, si uni tibi probari intelligam judicium tuum obtreçantium ronchis ac morsibus facile opponam. Bredana nostra sub prælo sudant, brevi proditura. Quod præsentī tibi indicare nuper animus erat; sed illustrem dextram tuam, distento te alibi & occupato, tangere non licebat. Interea vale, vir maxime, & me agnosce

Nobilissimo nomini tuo æternum colendo

Obstrictum, obligatum

BOXHORIUM

Raptissime 23. Nov.

1639, Lugd. Bat.

ADRIANO HOFFERO

M. Z. BOXHORIUS, S. D.

Zirixam.

Vir Amplissime,

Middelburgum, post summas aëris, & brumæ injurias tandem delatus, tuas rectè accepi. Iterum profecto

fecto tibi debeo, cui fasciculo litterarum nuper transmissis, gravis esse coactus sum, dum apud nos idonea occasio vix offertur. Meum erit, vel hoc tantum nomine, cum plurimis tibi sim devinctus, iussa tua, ac mandata semper explere. Sed, ut impudentiam meam agnoscas, Virorum summe, iterum Musas tuas sollicitare audeo, quibus si imminentes jam virginitatis nostræ exsequias ornare volueris, novum beneficium agnoscam, cujus causa procurandæ, quantum licet, nominis tui æternitati, quanquam eâ satis superque à te, & aliis instructus sis, totum me impendam. Vale, Vir amplissime, & ignosce audaciæ.

*Raptim, Middelburgi Zelandorum,
29. Novemb. An. 1639.*

ADRIANO HOFFERO

BOXHORNIIUS, S. D. PL.

Zirixæam.

Quod ille olim apud Imperatorem suum, meritò apud te usurpaverim; nullus locus est, qui me beneficii tui non admoneat, Vir Amplissime. Obsignaveram quas hic etiam vides, cum, portitore lepore, tuæ mihi redderentur. Quæ quo palato exceperim, nondum dixero; quo animo, nunquam satis expressero. Si vera sint, quæ ex superstitione veterum produntur, ad vultus nostri formam, ac decus non parum nunc contulisti; quem, cum virum fingeret, à pulchritudine natura noluit commendari. Equidem dixisse mihi visus es,

Formosus septem, Marce, diebus eris.

Quod an futurum sit, Heroïna mea viderit. Cujus beneficio proximum Mercurii diem in Veneris mutaturi sumus. Illa etiam comitati tuæ plurimum obstrictam se agnoscit. Utinam verò tuæ & Moggii nostri Musæ in tempore redderentur!

Raptissime Middelburgi, Decemb. 11. 1639.

ADRIA-

ADRIANO HOFFERO

BOXHORIUS, PL. S.

Zirizæam.

Qui nunquam dissimilis tibi es, Vir Amplissime, qui cum amoris tui magnitudine ejusdem constantiam conjungis, qui denique liberalis esse pergis, idem & illustrius indies gratiarum agendarum argumentum mihi obrulisti. Epithalamia tua quam grata mihi accidere, tam ingratum illud, quod cum inscitia & lentitudine Typographorum commissus, eorum lectionem amicis impartiri non potuerim. Aded ut coactus sim consilium mutare ac differre, donec Leidam reversus, uno fasciculo omnia jungenda operis nostris, longe profecto accuratioribus, tradam. Caussam vides, cur desiderio meo hætenus non sit satisfactum. Et uberrima mihi interim oblata est, ob quam eximia illa beneficia tua æternum & ubique debeam profiteri. Bene sit Scaldiæ vestræ collibus, quorum fecunditati cuniculos saporis optimi debuimus. Bene sit Zoöthecæ tuæ, quæ velut nova Africa, traduces ejus gallinas, optimè saginatas, suppeditavit. Bene, denique, sit tibi, cujus in frequentissimo amicorum congressu meminimus, & longævitati prolixa vota impendimus inter modesta, ut majorum mos est, pocula qualia

*Coronati Thræsa Helvidiusque bibebant
Brutorum & Cassi Natalibus.*

Socer meus verbis amplissimis gratias tibi à me agi voluit; ut & Venus mea, quæ, accepto jam Boxhorniæ cognomento, tibi debet quidquid mihi impendisti, qui sum incomparabilis benevolentia tuæ

Testis ipse & æternum monumentum

M. Z. BOXHORIUS

Vale, vir maxime, & in optima exempla nate. Uxor tuæ ac familiæ omnis felicitati vota omnia consecramus.

Raptim Middelb. Zelandorwm, 15. Dec. 1639.

ROCHO

ROCHO HOFFERO

M. Z. BOXHORNIIUS, S. D. PL.

Lugdunum Batavorum.

TUæ rectè mihi traditæ sunt, Roche Hoffere, Juvenis ornatissime. Pro Epithalamio Slichtenhortiano tibi, & auctori plurimum debeo. Prodiisset jam illud, ut & tuum ac aliorum si per Typographos licuisset. Quos rerum suarum & artis ignaros, lentos, & ut paucissimis me absolvam, barbaros hic offendi. Mutavi proinde consilium, & ad vos reversus Wilhelmo nostro tradam, quæcunque amici nuptiarum nostrarum festivitati consecrare dignati sunt. Inter quos vel primas obtinet vir maximus, Parens tuus; cujus aliis insuper beneficiis adeo in præsens sum obstrictus, ut quid pro merito ejus dicturus sim aut non dicturus ipse nesciam. De quibus plura coram. Brevi enim ad vos contendo. Quod ut Heroïnæ meæ persuasum sit, inprimis jam laboro. Paucula tamen ista, quæ hic vides, post aliquot dierum intervalla, Typographi præstitère. Quæ ut cum Heinſio utroque, Scriverio, & Blevio communices, & me ames, obnixè te rogo. Congubernales omnes, & clarissimum virum Hospitem nostrum, plurimum salvere jubeo. Vale, suavissime rerum.

Raptim, Middelburgi Zelandorum 1639. Dec. 14.

ROCHO MOGGIO

BOXHORNIIUS, S.

Zirixam.

QUANTUM judicio tuo tribuam, jam tandem agnoscis, Vir clarissime. Titulo enim sive nuptiarum, sive donationis inter vivos suavissimæ virginis nunc transcriptus, involavi ejusmodi deliciarum possessionem, quas post

post tot maritos ac patres velut adhuc vacuas alibi potius quam in chartis experimur. Bene igitur isti Diei sit, qui ut conjugii ita vitæ primus fuit, bene etiam tibi, qui forsan adhuc stertentem hortamine tuo olim excitandum putasti. Nisi quod plurima etiam debeam votis, quæ veluti centuriatis Comitibus vocato Musarum senatu, prosperitati nostræ augendæ conservandæque concepisti. Utinam verò ea typis descripta, velut publica, mihi cæteris ac tibi offerre licuisset! Sed desideria mea inopia Typographorum, aut, si qui sint, barbarie ac inscitia sunt intercepta. Nunquam vidi homines tam ignaros artis, quam profitentur.

Bætos crasso jwares aëre natos.

Sed in unum volumen conjicienda omnia, & Leidæ procudenda destinaturus. Quorum exemplaria brevi habebis. Proxime enim ed festinamus. Vale, amicorum jucundissime, & me non uno nomine devinctum tibi agnosce.

Raptim Middelburgi Zelandorum, Decemb. 15. An. 1639.

ADRIANO HOFFERO

M. Z. BOXHORIUS, S.D.PL.

Zirixæam.

Vir Amplissime,

VLissingæ blanditiis amicorum per dies aliquot distentus, & tandem Middelburgum reversus postremas tuas rectè accepi. Epigrammata, elegantissima sane, & in quibus nihil desideramus, quibus Nuptiarum nostrarum festivitatem prosequi dignatus es, jam ad te, quandoquidem ita velle te video transmississem, nisi illa Leydam delata essent cum sarcinulis cæteris, famulo meo ante hebdomades duas ed ire jussu. Scripsi tamen ut ea filio tuo traderet, ad te quamprimum curanda, ut quamprimum reddantur.

Die

Die enim crastino itineri me dabo, nuptiales illustrium ingeniorum lusus, Typographo quantocius traditurus. ut igitur desiderio nostro brevi satisfiat, unicè te rogo. Cujus humanitatem & famam eo cultu prosequar semper, qui magnitudini ejus ac meritis debetur. Vale, Vir maxime, cum familia omni quam felicissimè.

*Raptim Middelburgi Zelandorum, ipsis Kal. Jan.
anni 1640.*

Qui ut tibi, tuisque bene eveniat Deum poseo:

CONSTANTINO HUGENIO

M. Z. BOXHORNIIUS, S. PL.

QUOD promissum totiens ac flagitatum, Bredanzæ obsidionis opus, tandem ad te venit, Vir Nobilissime. Cui præter Spartæ nostræ varias occupationes, tarda Typographorum ministeria nonnihil sufflaminis injecere. Equidem statueram celsissimo Principi ad ipsam ejus dextram id consacrare, sed expeditionis interventu prohibitus, humanitatem tuam nunc convenio. In qua quantilla hæc cura nostra præsidium omne reponit. Nihil in ipsa scriptione propositum mihi præter fidem; nihil in hac dedicatione, præter gratiam tanti Principis & favorem. Si enim hos qualescunque conatus nostros haud displicuisse intelligam, vota omnia absolvisse me & complexum existimabo. Sed ausimne in comitatus tuæ sinum effundere desiderium honestæ nostræ ambitionis? Utique adjicerem animum ad pulcherrimum facinus, & ordiretur integram seriem rerum à celsissimo Principe gestarum, si ad industriam nostram ac fidem autoritas accederet; & Historici ejus titulo æstimerer. Quod ut præter veteris ac nostri ævi exemplum non est, ita si hujus spei nostræ audacia displiceat, quæso te, ne me scripsisse arbitreris. Primum enim mihi votum est pro summi imperatoris æternitate; & primum nomen meo tot insignium

signum tuarum virtutum cultum ubique testari. Vale,
Vir illustris, & audaciæ ignosce.

Lugd. Bat. 1640. Iplis Kal. Junij.

ADRIANO HOFFERO

BOXHORIUS, S.

Zirizeam.

Non concedit jam tibi mihi ve scriptionem longam infirmior valetudo mea, Vir amplissime. Sed nec per beneficiorum tuorum, nec per candoris nostri in iis agnoscendis rationes quaecunque hoc curarum nostrarum monumentum diutius apud te differre licebat. Quod, quæso, eo animo accipias quo offertur. qui meus, ut suæ sibi tenuitatis est conscius, ita in doctissimorum, qualis tu, hominum non tam exactis judiciis, quam humanitate spem omnem veniæ ac fiduciam reponit. Talibus enim modo scribimus, non sycophantis, qui litterarum & alterius famæ exitio reperi, quantumvis summa eruditione instructi propter vesanam, & nullis sæpe rationibus innixam calumniandi libidinem suæ ipsi existimationis jacturam apud probos omnes ac bonos merito patiuntur. Vale, Vir amplissime, &, quod facis, me constanter ama. Leticissimam uxorem tuam, & familiam omnem diu salvam Deus conservet.

Lugd. Bat. 1640. Junij 14.

Exemplaria ista, per famulum, amicis, quibus inscripta sunt, tradi velim. Mala valetudo in causa est cur à litteris ad eos destitendis jam cogar abstinere.

dem posterorum & præsentis sæculi intererat ut felicitatis publicæ rarum hoc exemplum exstaret. Sed & felicius ingenium tam illustri argumento debebatur; cum in hac qualicunque industria nostra nihil præter fidem ac pietatem in Rempub. venerit commendandum. Quas saltim virtutes latratibus invidentium composito & invicto animo opponam. Est enim eorum hominum hæc ætas feracissima. Ne de Academia nostra nunc dicam, in qua à bonis litteris & humanitatis cultum professis, nescio quo fato, *Bellageri placuit nullos habitura triumphos.* Nullo saltim merito meo, qui istas litterarum exitio repertas factiones continuo exofus, id antiquissimum habui, ut Spartam meam pro virili exornarem, & summis, ac erectis ingeniis cultum quemvis ac æstimationem deferrem. Sed quid facias? Pessimi quidam delatores sunt, quorum artes in obscuro sunt & ideo difficulter evitantur. Qui ad gloriam sæculi nata ingenia inter se commiscere. Mihi interim solatium est in bonorum judiciis, ac imprimis tuo. Quæ ut mereri tantum possim, Deum rogo. Te verò, ut constanter me ames, quemadmodum eruditionem tuam, & virtutes quorumvis officiorum cultu æternum sum æstimaturus. Vale, Vir eruditissime, cum familia omni.

Raptim, Lugd. Bat. 1640. Junij 24.

ADRIANO HOFFERO

BOXHORNIIUS, S. PL.

Zirizeam.

STo in Hollandici itineris procinctu, & jam tuas accipio, vir amplissime. Quo minus ad vos me conferre licuerit, factum est pertinacissimo unici fratris, & clarissimi & jam pene depositi ac conclamati morbo. Quæ res ita animum meum affecit, afflixitque, & affligit etiamnum, ut fere ejus impos sim. Sed provocandum est, inquires, ad cæli legem; indurandus est animus, & acquiescen-

escendum supremi Imperatoris mandatis. Equidem id fateor lubens, sed nescio, quî fiat, quod in ipso adhuc adspectu ac sensu nostræ, aut charissimorum calamitatis hæc virilis sapientiæ præcepta, in quibus aliis præscribendis aliquando diserti sumus, vix admittamus. Hæret animo meo ille ejus vultus, continua mensium ferme octo atrophiam ita confectus, & exhaustus, ut haud alias-unquam viderim similem vivi hominis sepulturam.

Et nunc magna mei sub terras ibit imago?

Quidni enim sic exclamem, qui mihi videor in moriente illo ipse mori; qui inter amplexus calidissimis lachrymis imbutos vix dubito quin dixerim postremum Vale. Adhuc tamen spirat, sed vix quidquam restat quod speremus. Nisi è machina forsitan superveniat magnus Deus, & lentissimo, ac vitalia jam rodenti morbo (ed enim est ventum) imponat salutare manus. Hæc in sinum tuum effundo, vir amplissime; cujus desiderio ut satisfacere jam non possum, ita solatii non vulgaris loco fuit illa comis tua invitatio, illa blanda tua, & quæ supra merita nostra sunt, verba, quibus nostrum in te cultum non infimo apud te loco esse profiteris. Infelix sim, nisi hanc reputem magnam partem nostræ felicitatis. Deus hunc tuum in me animum ita conserve, ut ego statui quavis occasione, quantum virtutibus tuis debeam, ubique locorum tentari. Toti familiæ tuæ sit bene.

Raptissime Middelburgi Zeland. 1640. Aug. 20.

Salve, vir maxime, à me, qui sum

Amplissimo nomini tuo dicatissimus

M. Z. BOXHORIUS,

CON-

CONSTANTINO HUGENIO

M. Z. BOXHORNIIUS, S.

Illustris Domine,

EQuidem mea interesse video, ut intelligas, qui factum sit, quod ad illas litteras tuas, plenas, hercle, prolixissimæ comitatis, & quæ tam insignis beneficii meminerant, nunc demum responderim. Causam igitur pro me dicam. Ante quadriduum tuas primum accepi ac legi. Nec tamen ideo tabellarium negligentiae arguerim. Sed tunc demum ex peregrinatione æstiva, quam Caniculæ sydus permiserat, domum sum reversus. Nec, cum in itinere locum sæpe ac Provincias mutarem, certò uspiam poteram deprehendi. Et paullo diutius in Zelandiâ, sub finem feriarum nostrarum, hærare coactus sum ob contumacissimum unici & jam desideratissimi fratris mei morbum. Quem jam menses novem cum atrophia ac tabe colluctantem, ab humanæ omnis artis præsidio defectum, desertum, superioribus diebus vitæ exemplum ita doleo, ut ob recentem & atrocem adeo plagam, vix solatia nunc admitram. Atque hæc quidem causa est, cur serius & nunc demum intellexerim, quantum iterum tibi deberem. Celsissimo Principi pro rara ista liberalitate quod rependam nihil habeo, præter sanctissima vota, quæ magnitudini tantæ ejus fortunæ, & communis patriæ desideriis debentur. Atque istis quidem accinctum & imminentem hostibus velut præsentem & auxiliares, inter quævis discrimina, comitamur. De te vero quid dicam, Heros nobilissime? Cum tuum sit bene agendo non defatigari, & Musarum nostrarum, quæ a contemptu, in aulis præsertim, vix hac ætate se possint vendicare, gloriam ac innocentiam, quod strenuè facis, tueri; cum summorum hominum exemplo in auctoritate tua ac gratia omne præsidium reposuerim; cum, quemadmodum & illi, mancupio sim tuus, multis & maximis nominibus obstrictus tibi ac obli-

gatus, & , si pateris , adhuc obstringendus ; Deus tibi seruet hanc mentem , & producat hanc vitam tuam , has tuas curas , quibus hanc Rempub. eruditionem omnem , ac ejus candidatos , & hujus ac sequentis sæculi famam continuè tibi demereris. Hæc mihi distant merita tua , & meus in ea , quanquam impar , remotus tamen ab adulatione , affectus. Sed audebo ne plura apud occupatissimum verba facere ? Unum est , quod hic silentio non involvendum , & stuporem omnem excedit negat illum , cui nostra merito inscripsimus , dicendum esse Imperatorem ; & multò minus vocari vult , Supremum. Ac proinde dedicationis nostræ caput velut atrocissimum crimen , apud quosvis proscripsit. Quid censes ? Profecto nimis crudele est illud ingenium , & non tantum aliorum impatiens , sed etiam sui. Nobilissimus Heinſius plurimum te salvere jussit.

Rapim , Lugd. Bat. Sepemb. 8. An. 1640.

GULIELMO GOESIO

M. Z. BOXHORNIIUS, S. P. D.

QUam mihi à contentione omni averſus animus , tam studiosus veritatis est , Vir amplissime. In quam cum nec defuerint unquam , nec jam desint , qui invehantur , ab iis semper dissentiendum mihi existimavi. Non sane alium in finem , quam ut cæteris exprimerem merito mihi persuasæ & satis assertæ veritatis confessionem. Quod à candidis ac cordatis facillime obtinetur. At ita animati sunt hominum plerique , illi inprimis , quorum in eruendis rebus abstrusis , & à memoria nostra longissimè remotis , curæ occupantur , ut prava semel opinione imbuti , plus in contumaciâ laudis ponunt , quàm confessione veritatis. Illa autem confirmati , cum nihil in ratione aut fide dignorum hominum auctoritate habeant præsidii , ne nihil agere aut temere falsa amplexi videantur , ad cavillas & illiberales jocos , sæpe etiam contumelias & convitia dilabuntur.

tur. Pestis illa licet olim haud incognita, hodie tamen, nescio quo fato, latissimè grassatur. Quâ qui aucupantur famam, inveniunt tantum apud ignoros, & similes sibi; & mox cum ipsis, inter quos nata est, perit. Interim cum eo homine mihi in hac quam vides dissertatione res est, qui dum à nobis dissentit, majorem modestiæ rationem habuit, quàm veritatis. Quorum illud, ut alias ejus virtutes, & eruditionem diligentiamque singularem, agnoscimus libenter ac æstimamus; hoc autem excusare & silentio transmittere non licebat. Et mihi, post multas & majores curas, Canicularium feriarum beneficio otium erat, cum liber ejus prodiret. De Typographica arte omnis hæc disputatio instituitur. Cujus inventæ gloriam Harlemensibus, non Moguntinis, ut olim, nunc denuo assertum imus. Tota facti quæstio est, ut juris vestri auctores loquuntur. Nec ex me causam quæres, cur nomini tuo oppellam hanc inscribendam censuerim. Nam ea in te & juris, & humaniorum litterarum, & rerum patriæ nostræ exacta peritia, eaque judicii rectitudo est, ut sicut ad alios omnes, gnaros veri ac studiosos, publico hoc scripto, ita primo loco ad te debuerim provocare. Et quæ virtus tua ac quanta sit, patria tua non agnoscit nunc tantum, cura tui in te collata & amplissima dignitate, sed etiam experitur. Quantum quoque singulari tuæ humanitati, cujus suavissima consuetudine per annos jam multos utor, deferrem, hic profiteri debebam. Ut & studia mea omnia ac vota meritis tuis dedicare. Quam animi mei de te sententiam serio hic testor, & immotam tibi ac constantem addico. Qualis si in hac controversia mansura sit ejus, cum quo hic contentio est, ejus saltem causa poteram filuisse. Sed vel propter alios deferendæ non erant partes veritatis. Tu interim hæc boni consules, dum majora tibi destinamus. Vale, Vir amplissime, &, ut soles, me ama.

Raptim, Lugd. Bat. 1640. Kal. Novemb.

ROCHO MOGGIO

BOXHORNIIUS, S. D.

Zirizæam.

EGo verò, vir amplissime, unici fratris tristissimo excessu ita hætenus sum confusus, ut vix mei meminisse potuerim aut amicorum. Gratias tibi debeo pro affectu, & masculis verbis, quibus animum meum nonnihil erexisti. Quid enim? Divinæ providentiæ consilio ac inevitabili necessitate inter adversa omnia confirmandi sumus. Erit etiam mihi aliquando supremus dies. Quem sane nescio cur non impensè debeam optare, inter tot sæculi mala, inter tot dissidia ac factiones, quæ litterarum etiam regnum jam invasere. Pudet me horum temporum, ac propemodum studiorum, quæ dulcissimè olim colebamus, dum iis ad humanitatem vocantibus, quidam ad invidiam, odium, virulentiam, obtrectationem, & iniquissimos cavillos abutuntur, homines non aliorum tantum impatientes, sed etiam Interim calumniæ nec regunt, nec vulnerant. Nec minor vis est veritatis. Cujus pretium ac æstimationem nemo nobis maledicendo extorquebit. Itaque aggressus sum de Trapezitis, sive Longobardis nostris, eorumque ortu ac conditione, Dissertationem, multa ratione, & instrumentorum publicorum fide confirmatam. Est ea jam sub prælo, & brevi ad vos ibit. Atque eas modestiæ in ea sequuti sumus leges, ut facile me probaturum bonis ac candidis confidam, adversarium, cætera vitæ & inferiorem, maledicendo tantum superiorem esse. Habeat illam laudem sibi. *Non equidem invideo; miror magis.* Summo viro, & quem meritò tanti facio, Adriano Hofferò, offeres omnem officiorum nostrorum cultum. Ad quem exemplaria Dissertationis istius, ut & alterius de Typographica arte inventa (ad quod argumentum denuo tractandum à Moguntinis nuper compulsi sumus) brevi destinabuntur. Sed & proxi-

proxime ad eum scribam. Nam nunc id cogitanti mihi non una cura injicit manum; sed & ab aliis nunc ad te scribendis avocat. Vale, vir doctissime, & me ama, qui te colo.

Raptissime Lugd. Bat. 1640. Novemb. 11.

ADRIANO HOFFERO

M. Z. BOXHORNIIUS, D. PL. S.

Zirizæam.

Amplissime Vir,

QUOD in aliis virtutis est, in te consuetudinis aut naturæ esse, majoribus experimentis indies compertum habeo. Beneficia enim, quæ ut agnosco libens, ita nunquam meritis sum, anniverfaria esse voluisti. Pro quibus ut uberiores gratias nunc agam, nec mihi permittit eorum magnitudo, nec finit erecta illa Indoles humanitatis tuæ, quæ quamvis maxima præstiterit, nihil eorum sibi patitur imputari. Interim oppellam hanc meam ad te ablego, in qua nihil quidem placere tibi poterit, præter confessionem veritatis. Cui ut paterer vim inferri, meum non erat, qui jam ante annos aliquot, post Junium, & Scriverium, ea produxeram argumenta, quibus silentii lex omnibus, veritatis studiosis, necessario imposita videbatur. Sed sunt, qui amant λογομαχεῖν. Quorum tela cum verba tantum sunt & voces, facillime repelluntur. Andreæ Valerii Bibliotheca Belgica sub prælo est. Excrevit ea in magnam molem, ut ex litteris ejus intelligo. In quibus etiam de miserrima rerum ac temporum in Brabantia conditione conqueritur. Cum peste enim, & annonæ caritate, & bello colluctantur. Quamprimum liber prodierit, confestim eum ad te transmittam. Ble-vii, cujus meministi, juvenis doctissimi & elegantissimi, Rochi tui quondam familiaris, Poëmata sub prælo sunt Amstelodami. Heinſii nostri Musas renatas, & filii ejus, qui Parentem pari jam gradu sequitur, lit-

teras hic habes.

Salmasius in Galliam nuper delatus est. Ego meam causam contra eum tuto sum aggressus, & publico scripto ostendi, qui de Trapezitis nostratibus, sive Longobardis, ex ipsa Magistratum sententia, sit statuendum. Carcerem illud jam mordet. Non dubito quin omnibus studio partium non occæcatis, inprimis tibi, sim satisfactorius. Habui interim tantum modestiæ rationem, quantum veritatis. Nam nunquam mihi se probabunt illi, qui, dum ab aliis dissentiant, non tam scribunt, quàm irascuntur. Vale, Vir maxime, & ut soles, me ama. Scriverius noster tibi, & nupero beneficio tuo, plurimum obstrictum se agnoscit, ipse hoc litteris brevi testaturus. Deus te, & lectissimam uxorem tuam, & familiam omnem diutissime incolumem conservet. Gaudeo illum tantæ spei filium tuum salvum in Gallias venisse. Talis ut patriam & te, & nos denuo videar, quibusvis votis contendo.

Lugd. Bat. 1640. Novemb. 23.

Cl. Moggio à me salutem. Ejus sit alterum illud Dissertationis nostræ exemplar.

CONSTANTINO HUGENIO

BOXHORNIIUS, S.

Prodit jam tandem & ad te venit, Vir nobilissime, dissertatio hæc nostra de trapezitis, quam & patriæ, & veritati, & adversario, & mihi me debere existimavi. Interim tantam in eâ modestiæ rationem habui, quantam veritatis. Nec enim ejus, cum quo hic commissus sum, exemplum mihi sequi licebat. Scio atrocissimum bellum & ipsam Styga calumniarum mihi imminere. Sed & scio, calumnias nec tegere nec vulnerare. Utinam multi essent similes tui! cujus exquisitæ eruditionis, candoris, & humanitatis exemplo ut diu fruamur, Deum rogo. Vale, Vir illustis, & me, ut soles, præsidio tuo complecti perge.

Lugd. Bat. 1640. Decemb. 12.

ADRIA-

ADRIANO HOFFERO

BOXHORNIUS, S.

*Zirizgam.**Amplissime Vir,*

PRodit tandem dissertatio hæc nostra de Trapezitis. quam & veritati, & mihi debere me existimavi. Quid ab adversario mihi expectandum sit, facile divino. Sed qui in calumniis, & maledicentia tantum præsidium ponit, eo ipso apud æquos arbitros caussa cadit. Hactenus saltem, Politicorum & Theologorum iudicio, & modestia, & argumenti veritate ac fide . . . major sum. Videbis etiam in qualicunque hac commentatione, quid debeam tibi. Plura scriberem, sed clarissimus vir nauta, qui jamjam ad vos contendit sufflammat plura meditantem manum. Vale, Vir amplissime. Deus familiam tuam incolumem diu conservet. Spectatissimo viro Moggio proxime exemplar transmittam. Aliud enim jam non erat ad manum.

Lugd. Bat. 1631. Jan. 28.

RICHARDO LUBBÆO

BOXHORNIUS, S.

VIr Doctissime, & amicorum integerrime, Disputationem Medicam filii tui nudius tertius rectè accepi. Deum rogo, ut favere porro ejus studiis velit, qui jam non magna tantum promittit, sed præstat. Legi frontispicio à te inscriptam querelam. Quid facias? Inficetum sæculum est; quo major est, quisquis strenuè contemnit. Interim ecce tibi duas nuper hic editas dissertationes nostras, diversi argumenti. Nunquam futurum existimaveram, ut in polemico illo scribendi genere, à quo naturâ abhorreo, curas meas ac studia occuparem. Sed nefas mihi erat, deserere, partes veritatis. Cujus quantam rationem, tantam etiam modestiæ ha-

bui. Quid præstiterim, tu videris. Systema tuum, cuius nomine plurimum debere me tibi hic serio testor, nondum typographo tradidi. Est is Johannes Janssonius, & Amstelodami agit, & morbo distentus suum hætenus, quem addixerat, ad nos differt adventum. Confido eum hujus libelli tui editionem in se tandem suscepturum. Typographis enim nostris id haud potui persuadere. Vale cum omni familia, vir integerrime, & indica, si quid pro te, aut filio tuo me posse existimaveris.

Raptim Lugd. Bat. 1641. Febr. 13.

Exemplaria hæc incomposita ad vos mittere coactus sum, angustiis temporis circumscriptus. Amplissimo Turcæo à me salutem; quem ad postremas hætenus non respondisse, valde mirari subit.

CONSTANTINO HUGENIO

M. Z. BOXHORNII, S. D.

JAm verò id certissimum est, quod de Musicorum in Ecclesia instrumentorum usu, publico & elegantissimo scripto adseruisti, Vir nobilissime. Quidni enim pro tam illustri beneficio ita gratias tibi agam, qui & sic deo, & aliter non possum? Nec enim hujus argumenti tui sententiam ad me transmittere tantum dignatus es, sed etiam, quod merirò pluris facio, ipsam persuasisti. Memineram, cum tua legerem, Justinī Martyris, qui inter primos & sanctissimos Patrum Christianorum, sive ætatem videas, sive eruditionem, censetur. Is, ubi de Musica, quæ Christianorum Ecclesias decet, agit, assuetas Ethnicorum scenis, fides canusque inanimorum organorum pariter cum saltationibus & crotalis, ab Ecclesia perpetuo vult exulare. Adit interim, eodem loco, placere sibi, ut in Christianorum ceteribus relinquatur ἡ χεῖρ τῶν τοῖς τῶν ὀργάνων. Quæ autem est illa laudata χεῖρ; ipsa illa, quam tu tot rationum pietate commendasti. Illa, quam religiosam mulcedinem, ad Donatum, vocat Cyprianus. Illa cujus, ut & Organi tui, meminit Prudentius;

Quid.

*Quidquid in ære cavo reboans tuba curva remugit;
 Quidquid in arcano vomit ingens Spiritus haustu;
 Quidquid casta chelys; quidquid testudo resultat;
 Organa disparibus calamis quod consona miscent;
 Æmula pastorum quod reddunt vocibus antra;
 Christum concelebrat, Christum sonet; omnia Christum
 Muta etiam fidibus sanctis animata loquantur.*

A quâ veterum pietate multis passibus defleximus; ex quo Musicorum instrumentorum concentu, in Christianorum templis, non cœleste aliquod, sed vanum argumentum; non animos; sed aures intramus. Quod nisi sit prostituere fana nostra, quid sit nescio. Hoc interim scio, & imprimis id debeo tibi; ut magna & stupenda quædam Musicæ vis est in animos humanos, ita cum incredibili conjunctam esse hominum utilitate, si in divino & Christiano argumento occupetur. Sæpe ego experiendo didici, intimos sensus meos hac ratione, vel maximè commoveri. Si enim mutata Musica, ut censuit Plato, etiam Respub. mutantur; (quo de argumento, à veterum aut recentiorum nemine satis, quod sciam, explicato, nonnulla olim privatim mihi sum commentatus) quantum illam posse credendum est, cum Majestate, & meditamentis divinarum rerum, conjunctam, ad conversionem, si-ve, ut ille loquitur, purgationem animorum? Quidquid, ut tu quidem, sicut alia omnia, censes rectissimè, populi in ecclesiis nostris non tam canentis fere, quam boantis, intemperies, solo Organorum, de quibus agis, beneficio possit profligari? Est quidem in templis nostris, & cæteris præit Phonascus aliquis, vocisque, ut Varronis verbis utar, suscitabulum,

Cantantiumque gallus gallinatus;

Non tamen rarò contingit, ut rugitum audias, ubi hymnum exspectas, postquam sine ordine ac lege

Insonnere cava gemitumque dedere cavernæ.

Quidni enim hæc experto tibi & testato sic exponam? Agnosco quidem turpissimæ hujus *ἀταξίας* causam

causam in imperitia populi, & illa multitudinē ac varietate modorum, qui longē diversissimi in Psalteriis nostris deprehenduntur. Sed interim ita mihi persuasum est, eam varietatem vel maximē esse necessariam. Quod Carolus ille Magnus non ignoravit. Cum enim eā tempestate Gregoriana Musica maximē vigeret, quæ non omnibus modis in Ecclesiis locum concedebat, ille incredibili diligentia, singulorum modorum vim ac leges propius investigans, diversos, qui antea in usu non erant, invexit, quibus Ecclesia Dei omnis argumenti hymnos commodius exprimere posset. Ac sanc plurima in sacris litteris, Psalmis imprimis, offeruntur, quæ non bene iisdem modis, sed multò melius aptiusque hoc quàm alio exponuntur. In causa sunt varii animorum motus varique affectus, qui pro argumenti diversitate legentibus offeruntur. Quis enim est, qui non sentiat; nunc rapi animos in sanctissimum quendam furorem; nunc iterum reddi placidiores; nunc dejici in mœrorem & singultus; nunc iterum inde in spem, lætitiā, inque cœlestem amorem abripi, attolli? Quæ omnia qui iisdem modis obtineri & præstari posse existimat, næ ille, meo saltem iudicio, dissentit à ratione. Nec proinde laudare possum Anglorum institutum, qui intra arctas nimis angustias illud tam latè exporrectum, & variegatum argumentum cohibuere. Nec quidquam obstat, quo minus te sequamur. Qui ad imperitiā vulgi in ordinem redigendam, ac incendendum ardorem animorum, eam Organorum vim, ac usum commendasti, ac gravissimis rationibus asseruisti, ut nihil nobis addendum supersit, præter adensum, & ea vota, quæ summis virtutibus tuis debentur. Tuo enim ingenio omnem gloriam illustrium litterarum, tua humanitate eruditos, tuis denique curis omnem hanc Rempublicam agnoscimus maximē juvari. Deus te quam diutissime incolumem superesse velit, Vir nobilissime.

Lugd. Bat. Febr. 20, 1641.

CONSTANTINO HUGENIO

BOXHORNIIUS S.D.

Hagam-Comitis.

QUantum omnibus nobis, ac mihi imprimis, dolorem adtulerit morbus, cum quo nuper confictatus es, verbis haud facile expressero, Virorum nobilissime. Si quid interim vota nostra posse credendum sit, debes profecto illis, ut cum bona venia tua sic loquar, valetudinem meliorem, quam & gratulamur tibi merito, & indies magis magisque cupimus confirmatam. Agit apud nos, studiorum causa, Franciscus Bleuivius, gente Batavus, ætate juvenis, & ingenio ætatem supergressus. Is in vernacula Poësi, si te & majorum gentium paucos alios excipiam, præ cæteris excellit. Et jam quædam ejus sub prælo sudant, quorum lectione, ubi eam, quæ tibi raro, & tamen eruditissima semper, contingant omnia permiserint, si quod hic judicium meum est, delectaberis. Ausus est in illum tantopere expectatum & in sæcula, nisi durus pater esse pergās, iturum diem tuum, ista, quæ hic vides, nuper effundere. In quibus præter animum nihil omnino cupit spectari. Qui quam egregie in summas virtutes tuas affectus est, tam desiderat aliquando ad dexteræ tuæ contactum admitti. Quod ubi per occasionem licebit, dimittes haud dubie novum testem ac præconem illius tuæ quam raræ, tam nunquam satis laudatæ humanitatis.

Lugd. Batav. 1641. Martij 17.

CON-

CONSTANTINO HUGENIO

M. Z. BOXHORNIIUS, S. D. P.

Hagam-Comitis.

CUM in ære tuo jam pridem sim, Vir nobilissime, nec sit, unde satisfaciam, agam, quod illi, quorum mala sunt nomina, & debitum augebo. Est mihi focer, Petrus Duvelarius, qui Senatoriam aliasque dignitates in Middelburgenfi Republ. per viginti jam annos magna cum fide, omnium judicio gessit. Vacat in eâ, Marco de la Palma, optimè merito sene, nuper pluribus addito, consulatus. In cujus locum, quo substitui focer meus posset, inter alios nominatus est. Heros Knutius, qui non malè ei cupit, & jam Hagæ est, sua apud celsissimum Principem gratia plurimum in eo negotio potest. Apud hunc si commendationis tuæ auctoritate focerum meum juvares, obstringeres tibi optimi senis virtutes, meque incomparabili beneficio, si magis obstringi possim, magis tibi obligares. Sed ante omnia rogo, ut audaciæ meæ ignoscas. Vale, Vir nobilissime, & publico ac nostro privatim bono diutissime vive.

Lugd. Batav. 1641. Aprilis 9.

ADRIANO HOFFERO

M. Z. BOXHORNIIUS, S. D.

Zirizeana.

DUM & gratias tibi pro novo beneficio debeo, quas nunc ingentes ago, & quotidie ad te scripturio, virorum amplissime, elapsæ mihi sunt nautæ, viri profecto diligentissimi, festinatione, aut aliunde injectis curis creptæ, præstandi hujus officii occasiones. Tu pro humanitate tua, hanc moram bene interpre-

pro-

pretaberis. Litteras Rochi tui accepi; cujus & mores & ingenium ut ad exemplum tuum sunt, ita absentem illis votis prosequor, quæ & ejus meritis & expectationi tuæ debentur. Ecce autem tibi ea, quæ in nuptias filiæ Heinſianæ nuper meditatus sum. Ne ambitiosos conatus nostros nescias, egi militiæ Imperatorem. Si quid in iis displiceat severis istis Catonibus, quibus barba prolixior, & toga, & in fronte cohors tota rugarum insignia sunt pædagogicæ Majestatis, ratio argumenti apud bonos excusabit. In quo ut obscuro esse nolimus, ita non potuimus non esse urbani. Vale, Vir amplissime, & chartacea hæc munuscula non in solum accipe, sed ut debiti confessionem.

Lugd. Bat. 1641. April. 22.

CONSTANTINO HUGENIO

BOXHORNIIUS, S.D.

Genius lætitiæ publicæ iterum disertum me fecit, Vir nobilissime. Neque inter lituos jam & acies agenti tibi displicebit tam illustre pacis argumentum. Quod sermone celebrari publico, rei gestæ ac gerendæ porro interesse, prudentissimi quidam in hac Reptb. viri existimabant. Quantilla vero hæc cura nostra si, auspiciis tuis, juventutis nostræ Principis oculos subeat, ingens beneficium tuum interpretabor. Hoc interim scias velim, non esse aut qualiscunque nostræ fortunæ, aut ingenii nostri liberalitatis, quidquam aliud, præter gratiam principalem, ex ejusmodi scriptis expectare. Vix scio an diutius jam morari, debeam tot majores curas tuas; unum tamen est, quod superioribus diebus observatum mihi, celare te nec possum, nec debeo. Exstat in Anglorum annalibus illustrissimum exemplum Principis, alteri extero desponsatæ, & quinquennium modo egressæ, sponsum aut maritum sequutæ. Est illa Caroli, magnæ Britannæ Regis avia, Maria, Scotorum Regina, quæ Francisco Galliarum Delphino obstricta, licet quinquennis

tan-

tantum, eum est sequuta. Cambdenum auctorem hic sequor, scriptorem longè gravissimum. Mihi saltim in hoc exemplo nonnihil & argumenti & ponderis esse videbatur. Vale, virorum illustrissime, &, ut soles, amore tuo me amplecti perge.

Lugd. Bat. 10. Julij 1641.

ADRIANO HOFFERO

M. Z. BOXHORNIIUS, S. D.

Zirixam.

Amplissime Vir,

Nuper privati hominis, & amici, nunc publicæ, & Principis Nuptiæ disertum me fecere. Nisi quod haud suffecisse me magnitudini illustrissimi argumenti libenter agnoscam. Sed eorum, qui qualiacunque hæc nostra lecturi sunt, candida ac faventia iudicia, impares curas nostras haud difficulter excusabunt. Tuum inprimis, Vir humanissime. Nam utraque laus tua est inusitatæ & eruditionis, & humanitatis. Futurum spero, ut feriarum nostrarum, quæ hodie natæ sunt, occasione, propius, ut ante, non oculos tuos tantum subeam, sed etiam virtutes. Vale, Vir amplissime, cum uxore lectissima, & familia omni.

Lugd. Batav. 1641. Jul. 16.

CONSTANTINO HUGENIO

M. Z. BOXHORNIIUS S. D.

Nobilissime Domine,

Imminet anniversaria Consulum Middelburgensium designatio, & iccirco repetitis precibus pro focero meo humanitatem tuam convenio. In quem quidquid virtus tua & excellens apud Principem gratia contulerit, ingens tuum beneficium, & immortale totius

tius familiæ nostræ debitum erit. Meum in primis, qui quanta audacia virum optimum, & per annos plurimos Senatorem integerrimum, & inter capaces amplissimæ dignitatis nunc iterum suorum suffragiis receptum, & nulla unquam in te obsequia intermissurum, commendo, tanta fiducia eidem non tantum veniam peto, sed, tot aliis pridem nominibus tibi devinctus, impetrasse me confido. Vale, Vir illustrissime. Deus te Reipub. Principi, & privatim nobis diu servet.

Middelburgi Zelandorum 1641. Aug. 14.

CONSTANTINO HUGENIO

BOXHORIUS S.

SI pro gemino beneficio, iisdem literis, gratias tibi nunc agam, Virorum nobilissime, recentium potius, quam veterum videbor meminisse. Auctoritate enim tua, quam summam in optimi maximique Principis aula excellens virtus tua & ingenium fecit, aurea Deorum munera iterum referre mihi licuit, tam non merenti, hercule, quam non expectanti. Et qui ni auctam soceri mei, Integerrimi senis, dignitatem eidem debeam imputare. Ita enim sentit ipse, & nos agnoscimus, & eo nomine æternum omnes debitori sumus. Equidem pluribus magnitudinem gratissimi animi in sinum tuum hic effunderem, si post tanta ac pristina tot in me merita novas agendarum gratiarum formulas quantillæ facundiæ meæ reliquisses. Itaque quod pace tua fiat, ad alia me converto, & tibi in castris agenti bellum non tantum indictum nuncio, sed jam geri. Enim vero superioribus diebus non nemo, sine nomine tamen & tribu, Typographo Leydensi tradidit dissertationem satis longam, qua illam elegantissimam tuam de Musicis Instrumentis, in Christianorum ecclesias admittendis ita est aggressus, ut dubitem, an Impudentia ejus an Inscitia sit major. Nam utraque excellere proprium pridem terrigenarum esse non ignoras. Ac proinde licet hostis
tuus

tuus lectus tibi nondum aut visus sit, victoriam tibi certissimam, huic aut perpetuam nominis, si quod habet, infamiam audeo polliceri. Clam nomen quidem dissimulavit. Quod unum prudenter fecisse videri potest. Ubi prodiisse insulsum opus intelligam, exemplar ejus continuo ad te transmittam. Quamvis merito dubitem, an tali id honore debeam dignari. Quæ de Hellenistica controversia leges, Voetium, ut fama est, auctorem habent. Vale, Vir illustris, & me qualem fecisti, talem agnosce, totum tuum.

Raptim Lugd. Bat. 1641. Octob. 12.

ADRIANO HOFFERO

BOXHORNIIUS S. PL.

Zirizæam.

Postremas meas, quas, priusquam ex Zelandia nuper discederem, ad te, Vir amplissime, destinaueram, quin acceperis, vix possum dubitare. Cæterum in iis exposueram rationes gravissimas, ob quas humanitati tuæ ac expectationi, meisque promissis mihi satisfacere haud licebat. Injeceram & aliarum rerum mentionem, ejus inprimis quæ patriam vestram concernit, & in qua humanitas tua, totiens oblata mihi, & totiens perspecta, plurimum poterat prodesse. Et potest etiamnum. Itaque audeo easdem preces nunc repetere. Constitui vero Chronicon Zelandicum vulgare, quod Reygersbergium auctorem habet, prælo denuo subjicere, urgentibus primariis aliquot in vestrâ Repub. viris, quorum vel auctoritate vel precibus factum est, ut Romano, Bibliopolæ Middelburgensi omnes in eam rem curas meas addixerim. Nam in Bibliotheca mea plurima sunt, *multa*, ut ille loquitur, *anteiquitus sepulta*, quæ quam hætenus ignota, & paucis, aut nullis visa, tam lucis plurimum & ornamentum ad gentis vestræ historiam possunt conferre. Interim ad partem egregiæ hujus curæ te voco, Vir maxime. Scio enim plurima, præsertim quæ Zirizæam & Scaldiam vestram spectant, aliaque ex instrumen-

ris publicis accepta, & accurate consignata penes te esse (& ante annos aliquot , nisi fallor , vidisse me opinor) quorum usum , quam mihi & publicæ & existimationi nominis tui (quod quanti faciam , & merito faciam , nescire non potes) profuturum , tam facile ad dies aliquot impetraturum me confido. Est autem periculum in mora. Nam Typographus noster jamjam operi se accingit. Itaque ut ad magnitudinem tam illustris beneficii , ejusdem adjicias celeritatem , obnixè te rogo. Vale, Vir amplissime, &, ut soles , constanter me ama. Raptissime, inter plurimas occupationes.

Lugd. Batav. 1641. Octob. 24.

CONSTANTINO HUGENIO

M. Z. BOXHORNIIUS S.

Hagam-Comitis. 1

QUæ ex castris reduci tibi officia debebam ipse , litteris transcribo , Virorum nobilissime. Nam postremas meas accepisse te opinor , quibus eam gratiarum actionem sum complexus , ex quâ , in exprimenda beneficiorum tuorum magnitudine , Professore Eloquentiæ defecisse , haud dubie intellexisti. Qui has tibi tradit , natione Gallus , genere nobilissimus , religionis causa exul , ad præclara omnia non natus tantum , sed optimis etiam studiis imbutus , denique tuarum virtutum , quas nemini ignorare jam licet , summus æstimator. Quod ut significarem tibi , sua interesse existimavit. Et id , etiam non rogatus , meritis viri & causæ debebam. Virtutes tuæ faciunt , ut toties , non nostro tantum , sed aliorum etiam nomine , molesti tibi esse cogamur. Ex quo enim optimos quosque ad curam tuam pertinere non judicasti modo , sed ostendisti , audacter optimos quosque tibi commendamus. Vale , Vir illustrissime , & toties mihi peccanti , nunc quoque ignosce.

Lugd. Batav. 1641. Novemb. 3.

ADRIA-

ADRIANO HOFFERO

BOXHORNIIUS S.

Zirizeam.

Nihil nunc quidem ad te scribo, Virorum amplissime, nisi quod hodie par mihi otium non sit uberrimo scribendi argumento. Itaque pro singulari tua humanitate proxime gratias tibi acturus sum. Quod ipsum ut ab illustri Heinſio nostro exſpectes, voluit ut tibi indicarem. Sed & ſimul tibi luculenter aperiā omnem rationem inſtituti mei. Utar interim iis, quæ tam liberaliter ſubminiſtraſti. Vale, patriæ tuæ & meum decus.

Lugd. Batav. 1641. Novemb. 19.

ADRIANO HOFFERO

M. Z. BOXHORNIIUS, S. D.

Zirizeam.

ITaque indies debere tibi pergo, Virorum amplissime, & cum pro illuſtri beneficio quod reponam nunc aliud non habeam, reddo bonâ fide id, quo me plurimum tibi, nec me tantum, ſed & patriam tuam devinxiſti. Quod ipſum alii aliquando legent publicè, & agnoſcent. Nam in eo codice MS. cujus uſum impartiri dignatus es, plurima ad inſtitutum facientia & memoriæ annalium commendanda ſeſe mihi obrulerunt. Siquid ſimile apud te, aut tuos, apud quos magna meritò tua eſt auctoritas, exſtet, ut, quamprimum fieri poteſt, ad me veniat, votis omnibus contendo. Ne vero rationem huius inſtituti mei ignores, animus eſt, Reigersbergiano Chronico ea paſſim inferere, quæ ab eo, & aliis prætermiſſa, nescio quo rerum veſtrarum fato, hætenus ignorantur. Neque res anni quinquageſimi, ſæculi milleſimi & quingenteſimi excedere

cedere decrevi. Quæ enim post gesta sunt aliis curis fervare potius mihi visum est, & has in experimentum præmittere. Et jam annotationes nostræ mole sua superant, &, nisi fallor, præstantia quoque rerum excedunt quæcunque à Reigersbergio sunt consignata. Adeo ut si forte alia ad manus meas ventura non sint, tuto tamen subire possim periculum editionis. Vixenim tibi scripsero, quam rara, & recondita, sive, ut ille loquitur, *multa antiquitus sepolta* in medium adducturus sim. Quod non arrogantia, à quâ absum longissime, sed curæ, quam maximam impendi, sit argumentum. Heinsius noster plurimum te salvere jussit. Cujus litteras hic vides. Vale, Vir magne, & me non amare tantum, sed etiam juvare perge. Filio autem tuo quid factum est! Spero sospitem rediisse. Saltem id ex animo voveo. Scribebam hæc raptissime inter alias ex aliis natas plurimas occupationes. Quare lituris ignosces.

Lugd. Bat. 1642. quem felicem tibi, tuisque præstet Deus immortalis. Januarius, 22.

CONSTANTINO HUGENIO

BOXHORNII S.

Hagam-Comitis.

Qui has tibi tradit, etiam poposcit litteras, quod sic tibi impensius se probandum existimaret, vir nobilissime. Ego autem cum æquissima ejus desideria tibi curæ, & infucatas virtutes satis cognitæ esse intelligerem, ab ipso illo petii, ut mihi redderet apud te officium, quod exigebat, & me totum, ac mea omnia, qualiacunque tandem sint, velut mancipio tua, tibi offerret. Quod & manu mea nunc testor, quo plus apud te fidei inveniat; & breviter, ne peccem in tot tuas occupationes. Vale, Vir illustris, & me, ac hunc mei in te cultus interpretem, amare & fovere perge.

Lugd. Batav. 10. Febr. 1642.

CON.

CONSTANTINO HUGENIO

M. Z. BOXHORNIUS S. D.

Hagam-Comitis.

Singulare tuum in me studium, quam nullis meritis meis provocatum, tam solo humanitatis tuæ iudicio quotidie auctum est, Vir nobilissime. Et jam intelligo, quantum sollicitudinis habeat, tantum tibi debere. Interim mentem meam, virtutibus tuis imprimis devoram, sicut impari facundia, ita, summo candore, in hujus libelli aditu, publicè testari ausus sum. Sed & tuorum meritorum sic apud te meminisse debebam, qui tot nova & tanta iis quotidie superaddis, ut priorum oblitus videaris. Itaque in magna spe sum fore, ut quaecunque hoc officium nostrum, quod nisi ingrato diutius differre non licebat, haud ingratum tibi accidat; &, si mea displiceant (quomodo enim placere ista tibi possint, tantâ sapientiâ viro?) saltem non displicitura sint, quæ hic leges, quæque obviâ, ut cum auctore isto etiam hic loquar, similitudine exprimis, aliena. Vale, illustris Domine, & benivolentiam tuam integram mihi conserva.

Lugd. Bat. 1642. Kalend. April.

JUSTO TURCÆO

M. Z. BOXHORNIUS, S.

Bergisomium.

Cum superiore anno, caniculæ æstu anniversarium nobis otium faciente, ad te venissem, Vir amplissime, tum ut tui, amici veteris, tum ut dulcissimæ patriæ, cujus regundæ ornandæque cura tibi imprimis est demandata, aspectu me oblectarem, ea humanitate exceptus sum; ut nihil majoribus officiis aut bene-

benevolentia fieri posse judicarem. Quod in hujus libelli aditu agnoscere, haud absurdum est, cum ea occasione factum sit, ut de repetenda ejus editione ageremus. Meministi enim, inter alios atque alios, semper autem eruditos tuos, sermones: qui post annorum aliquot silentium, aut absentiam, fere esse solent jucundiores; cum, quem pernox alea, procul à fritillo, in Bibliotheca tua, suggererat, ad meridiem usque, ut cum Varrone nunc sic loquar, noctis aliquando nos detinuisse. In quo ab aleatorum more tum non defleximus, qui non diurna tantum, sed nocturna etiam, semper autem indefessa manu, in illo unius fritilli campo, non aliis instructi armis, quam talo, & singulari certamine commissi, si non alio nomine, saltim isto vigilantiae diligentiaeque, severissimorum etiam hominum judicio, veniunt commendandi. Et erat nonnulla nobis hic pugna, sed qualis esse solet dissentientium amicorum. In eo interim mihi tecum conveniebat; ut homines fortunæ ludus sunt, & jocus, ita quamvis eorum ætatem in aliquo exerceri; omnem illum vel in imitatione versari, vel ab affectibus quibusdam, quos animi morbos sapientes, haud sine causa, vocant, fingi ac impelli, avaritia maximè & ambitione. Et sane ita est, Juste Turcæe, jucundissime amicorum. Quàm faceri in infantia imitatores omnium sumus! quàm egregii à natura facti Pantomimi? Quamprimum repere desimus, tanquam aut cura nobis esset libertatis, aut in cunarum puparumque nostrarum exitium jurassent Iberiæ Reges, armati quasi ac accincti in arundine longa equitamus. Matrimonium etiam inimus nuper nati, & parentum, præceptorum, denique publica omnia, Regum quoque & Principum, nec interim rei majestatis, & privata munia usurpamus. Nos, nisi fallor, hæc olim agebamus; & si primæ ætatis nostræ scriberentur annales, non alia illos facinora implerent. At vero non consistimus intra metum innoxie imitationis. Alia enim, eaque in perniciem graviolem mox eruptura, ab affectibus, duobus imprimis, quos jam diximus, docemur. Quæ cum ætate vires accipiunt, & plus nocent, & rarissimo

exuuntur. Vis ambitionem? Inspice Βασιλίδαν, imperium & aulam puerorum.

*At pueri ludentes, Rex eris, ajunt
Si recte facis.*

Et sic sensim proficimus ad ambitionem. Cætera quippe ejusdem generis alia, olim hodieque à pueris reperta, ac prima arrogantiae nostræ & contemptus aliorum incunabula, nunc prætermitto. Alea enim, amor semper & deliciae prope omnium, ipsum avaritiæ regnum, hujus operis est argumentum. Cujus indomiti affectus vim pueri etiam sentimus, & ludere simul cupimus, & aliquid lucrari; ea augendæ rei, & quasi castrensis peculii acquirendi cupiditate, ut sortem sæpe totam, parentum liberalitate aut amicorum acceptam, Par vel Impar feliciter dicturus, permittamus. Et ipse meminisse possum, ea temeritate, puerili omni possessione, quæ tum terunciorum forte septem erat, uno momento olim fuisse me evolutum. Quam privatam cladem illa ad Allias aut Cannas Romanis illata haud minorem, tunc interpreterabar. Cæterum per hos gradus ad Aleam & veras clades itur. De quibus quod plura hic dicenda non sint, Paschasii Justi tui, Vir amplissime proavi, & ingenio & judicio & doctrina exquisita factum est. Quibus sicut & experientia instructus, libris elegantissimis duobus, quos nunc tibi reddo, totam Epidemici, ut vos loquimini, scenam mali aperuit, & ipsum profligavit. Qui olim editi & à plurimis expetiti, ac in publicum profuturi, nunc iterum, meo, & , nisi fallor, bonorum ac eruditorum omnium judicio, videre lucem debebant. Neque sub alterius auspiciis, quam tuis. Qui majorum tuorum non tantum sanguinis, fortunæ & honorum, sed virtutis quoque singularisque doctrinæ, hæreditatem adeundam tibi judicasti, & feliciter adiisti. Vale, Vir amplissime, & me amare perge.

Longd. Batav. 1642. Kal. April.

ADRIA-

ADRIANO HOFFERO

BOXHORNIIUS PL. S.

*Zirixam.**Amplissime Domine,*

PRæter omnem expectationem meam sub initium feriarum curis auctus, hesterno demum die in Zelandiam sum delatus; proximâ, si volet Deus, hebdomade ad te iturus. Sunt enim, quæ à te doceri debeo. Interim qualiacunque funebria hæc per otium leges, in quibus piis nobis magis esse licuit, quam disertis, quod ipse facile videbis. Vale, Vir doctissime, & ut soles, me ama.

*Raptim, Middelburgi Zelandorum,
21. Aug. 1642.*

ADRIANO HOFFERO

M. Z. BOXHORNIIUS, S. D. PL.

*Zirixam.**Amplissime Domine,*

ET litteræ tuæ rectè mihi traditæ sunt, & ea munera, quæ tu jam anniversaria esse voluisti. Pro quibus equidem nihil nunc tibi reddo præter constantem memoriam tot insignium tuorum in me beneficiorum; quam proinde, novis superadditis, necesse non erat excitare. Historia Zelandica jam sub prælo sudat; & ecce hic tibi specimen operis, de quo illud severum rectumque iudicium tuum requirò. In primorum certè Comitum historia, fabulosa, obscura, mutila non alia, quam ista observanda mihi sese offerebant. Et primam illam Reip. vestræ faciem nosse, ac penitus introspicere, nec inutile, nec injucundum videbatur. In cæteris alia quædam legentur. Primam partem postremis curis servavi; si fortè quid interea sese offerat, quod vel isti, vel secundæ

prodesse possit, ne id latere me sinas, officiosissime te rogo. Si in Musæo tuo exemplar aliquod primæ editionis Chronici Reigersbergiani sit, utinam ejus usum ad tempus impartiri dignareris! Habui ipse illud, sed nescio quo fato nunc factum sit fugitivum. MSS. has schedas tumultuariè satis scriptas ad partem operis primam pertinentes audeo tibi inspiciendas tradere, & si id patiantur otium tuum, valetudo, amor denique tuus & industria in Patriâ ornandâ, corrigendas, augendas. Intelligis, me hercle, plura adhuc me velle tibi debere. Sed & alii intelligent plurimum me tibi esse obstrictum. Clarissimi Viri, Heinſius & Scriverius gratissimo animo comitatem tuam agnoscunt. Spanheimius, Vir plane eximius, superioribus diebus Professionem Theologicam feliciter apud nos est auspiciatus. Talis Atlas illud cœlum debebat sustinere. Vale, Vir incomparabilis, & cum lectissima uxore, ac familia omni, meo meæque nomine ea vota accipe, quæ summis virtutibus tuis debentur.

Lugd. Batav. 1642. Novemb. 12.

CONSTANTINO HUGENIO

M. Z. BOXHORNIIUS, S.

Hagam-Comitis.

Illuſtris viri, Cornelii van der Wijle, cum id optime, tot per annos, de nobis merito Curatori deberi omnes intelligeremus, memoriam publica laudatione superioribus diebus proſequuti ſumus, Nobiliſſime Domine, & quod hic etiam dicendum eſt, Incomparabilis Patrone eruditorum. Ego vero, cujus ſemper imparem facundiam eſſe non ignoras, huc inſuper contuli multo ſingultu ac dolore impeditam. Adeo quidem, ut aliunde præſidia mihi nunc petere ſit neceſſe. Quare præter Foreſtianas aliorumque Muſas, & Heinſii noſtri lachrymas, tuarum etiam immortalè ingenium convenire auſus ſum: quamquam non ignorem tot gra-
viſſi-

vissimmas tuas, quas Aula indies requirit, & omnis patria semper probat, occupationes. Quodsi tamen hac tam audaci prece peccasse me existimes, patieris, hercle, ut, quamquam non sis eorum hominum, qui cœlo suo receptis sanctissimis manibus nimium tribuunt hujus defuncti, tot ingentia merita pro me apud comitatem tuam intercedant. Vale, Vir illustris, & ut soles, desiderio meo fave.

Lugd. Batav. 1642. Decemb. 11.

CONSTANTINO HUGENIO

BOXHORNIIUS, S. D. PL.

Hagam-Comitis.

CUM id humanitati tuæ haud displicere intelligam, Nobilissime Virorum, desideria mea hic expono: quorum nunc summa est, ut, si quidem id tibi concedant tot immensæ occupationes, die crastino agnoscere nobis liceat, & cum tua omnia nihil spirent nisi raram quandam elegantiam, & eruditionem exquisitam, admirari illam in Mylianos Manes florentissimi ingenii tui pietatem. Oratio enim nostra jam pene tota typis descripta est, cui nihil minus quam disertæ, singultienti ubique ac cespitanti, maximum pondus adtexta à te purpurâ accedet. Ante omnia autem Deum rogo, ut te Reipubl. & mihi istum animum tuum diutissime conserve.

Lugduni Batavorum 1642. Decemb. 18.

CONSTANTINO HUGENIO

M. Z. BOXHORNIIUS, S.

Hagam-Comitis.

Accipe tandem singultientem Orationem istam: Heros nobilissime, & siquidem humanitatis tuæ sit, nimia, quibusque minor sum, audenti mihi ignoscere, si hoc tam illustre, tam luctuosum argumentum neque explere possit disertissima ora, neque alia quam lachrymæ, & questus absolvant, si, denique non tanta facundiæ gloria sit, quanta est pietatis, nec veniam admodum nunc rogo, nec de qualicunque laude etiam despero. Tuo saltem iudicio hæc curæ nostræ non improbabuntur, quod jam luculentissimum expressisti. Quo nomine ut immortales tibi gratias ago, ita faxo semper, ut intelligas, non nisi ad præclara omnia contendere Boxhornium tuum decrevisse. Quidnū enim tuum dicam, quem tot ingentibus beneficiis talem fecisti? Vale, Vir illustris, & talis mihi ac Musis nostris esse perge.

Lugd. Batav. 1642. Decemb. 27.

ROCHO HOFFERO

M. Z. BOXHORNIIUS, S. PL.

*Hagam-Comitis.**Vir Clarissime,*

Litteras tuas, ipso Nrtali tuo (qui ut sæpius tibi & lætior semper redeat, Deum rogo, scriptas recte accepi. In quibus amorem in me tuum potius, quam iudicium agnosco, dum ea mihi tribuis, quæ in mediocritatem nostram non cadunt. Quod vel ex eo colliges, quod voto tuo vix nunc satisfacere liceat. Quæris enim de re antiquitus sepulta, & cujus origo nescio à quaquam accurate possit expediri. Interim qualiacunque ista accipe. Hydromylarum originem refero ad tempora Wilhelmi Romanorum Regis, patris Florentii Quinti,

Quinti, à quo & Præfecti aggerum, qui *Heimradii* vulgò dicuntur, primitus sunt instituti. De quo vide eruditissimum Hadrianum Junium in *Batavia* pag. 233. Certè isti aggerum Præfecti aut Curatores, hydromylis aliisque ad arcendas aquas machinis operibusque non reperitis demandata sibi munia nequaquam exsequi potuerunt. Unde haud operosum est colligere, & ejus magistratus, & hujus machinæ eadem cunabula existisse. Omnino etiam operæ pretium erit, videre in hanc rem litteras Florentii Quinti, quas ex *Rhenoburgensis Monasterii* archivis olim descriptas inserui *Theatro Hollandiæ* pag. 39. Si quid insuper sit, quod juvandis rebus tuis facturum intelliges, & à me expediri poterit, paratissimum tibi ac plane tuum cense. Scripsi nuper ad amplissimum Parentem tuum. Sed nihil adhuc responsi accepi. Spero tamen omnia salva esse. Schedas operis *Zelandici*, quas nuper tibi tradidi, ad eum destinatas esse nullus dubito. Rogo te, ut has quoque, quamprimum licebit ad eundem transmittendas cures. Vale, suavissime amicorum, & me ama.

*Raptissime Lugd. Bat. 1643. Ipsis Kal. Janna.
quæ tibi sint fortunatæ.*

HENRICO BRUNONI

M. Z. BOXHORNIIUS, S. PL.

EGO verò admiror ingenii tui fecunditatem; Juvenis ornatissime; cum & infans te fecerit disertum, & primi nascentis vagitus lepidissimi Epigrammatis subjecerint tibi argumentum. Jam ante illam eruditæ indolis tuæ elegantiam merito æstimabam, meus etiam exosculor & amo, postquam non eruditi tantum, sed etiam amici partes apud me egisti. Pro quo beneficio amicum tibi reddo, cui cum cætera omnia desint, optimæ saltem fidei & candoris nomine eadem virtutes vicissim debentur. Quæ quidem quantæ in me sint, experieris cum voles. Ne interim nihil tibi nunc repenam, accipe pro *Genethliaco* tuo, quanquam nostrum sit imparis ingenii, funebre hoc Epigramma, quod optimo, & cum omnis egregiæ doctrinæ, tum

litterarum orientalium peritissimo viro, Ludovico de Dieu, debebamus.

TUMULUS

LUDOVICI de DIEU.

ORIENS, VIATOR, OCCIDENTIS HIC
JACET.

FALLOR. SEPULCHRUM HOC OCCI-
DENS ORIENTIS EST.

Vale, Juvenis doctissime, & me amare perge. Illu-
stri Hugenio ut quævis obsequia debeo, ita per te offi-
ciosissime offerri velim.

Raptim, Lugd. Batav. 1643. Jan. 23.

ADRIANO HOFFERO

BOXHORNIIUS S.D.

Zirixcam.

NEquè erat cur longiorem moram excusares, Vi-
rorum amplissime, in eo conferendo beneficio,
quod ego ipse à te petere non debui, sine veniæ præ-
fatione; neque interim quidquam mihi gratius accide-
re potuit, quam humanitate litterarum tuarum, quæ
mihi proxime redditæ sunt, certa jam spes facta, futu-
rum ut desideria nostra quamprimum expleantur. Pro
quo nihil in præsens tibi reddo, præter animum anti-
quum, quam obstrictum tibi, tam beneficiis tuis mino-
rem, neque neglecturum unquam omnis, quamcunque,
hercle & quoties expromere licebit, suæ in te gratitu-
dinis edere significationem. Erat porro in litteris tuis,
quod silentio prætereundum non duxi. Bene mihi, &
filio nato precaris. Gratias ago, &, ut ea vota expleat,
sicut pro re, ac tuis nostra, Deum rogo. Sed an non eo
ipso graviter à te peccatum sit in Grammaticorum le-
ges, tu videris. Vir eruditissime. Enimvero nata mihi
est,

BOXHORNII EPISTOLÆ. 153

est, ac strenuè vagit Virguncula Juno, cui masculina vel nomina, vel elogia non tribuuntur. Sed ipse potius culpandus sum, qui Eloquentiam tot per annos professus, ipso opere ignorare me ostendo, mascula scæmineis digniora esse, ac ideo præmitti oportere. Interim non peccavimus sine gravissimorum clarissimorumque hominum, veterum, & recentiorum, etiam Heinſii & Scriverii tuorum, auctoritate, qui sic nobis præivere. Vale, Vir amplissime, cum uxore, & liberis, ac salve.

Lugd. Batav. 1643. Februar. 26.

ADRIANO HOFFERO

M. Z. BOXHORIUS S.

Zirizæam.

Fasciculum, Vir amplissime, rebus factum lectissimis mihi que acceptissimis, rectè accepi. In quo, præter alia, iterum iterumque te legere mihi visus sum. Equidem nescio quid magis hic debeam æstimare, an rerum Patriæ in te cognitionem singularem, an diligentiam indefessam, an amorem ac fidem in me incomparabilem. Sed his dicendis suus alibi erit, id est, quem merentur, publicus locus. De illo vocabulo, *Steenſchieten*, ubi per majores curas tuas licebit, paullo certior fieri velim. Syllabum eruditorum Zelandorum attexere operi, eumque, nî fallor, accuratissimum, decrevi. Sed an eum subire debeant etiamnum superstites, nondum constitui, idque tui plane judicii facio. Si enim horum meminerim quantum mihi paratum erit invidiæ apud illos milites gloriosos, qui iis seipsos laudibus extulerunt, ut existimem ne minimam quidem earum partem iis competere? Suppetunt interim mihi rationes, per quas Catzii, Hofferi, & si qui alii similium virtutum, ac meritorum, non silebuntur. Vale, & salve. Vir amplissime, cum uxore, & familia omni.

Raptissime, urgente tabellario, Lugd. Bat. 1643.

Mart. 17.

ADRIANO HOFFERO

BOXHORNIIUS, S. D. PL.

*Zirizcam:**Magnifice vir,*

ECce tibi, quæ ad Chronicon Reigersbergianum pertinentia nunc quidem plura transmittere constitueram, si per clarissimos viros Typographos, homines non nisi lentitudinem professos, licuisset. Sed diligentiores in posterum se fore addicunt. Interim maximo mihi usui sunt, quæ continuò tam liberaliter suggerere non dedignaris. Si quæ alia sub manus tuas se dabunt, ne ea me celes, obnixè te rogo. Eriam si ad posteriora usque tempora nunc progressi simus, animus tamen est amplissimam appendicem adornare, quam sequetur Syllabus eorum inter Zelandos eruditorum hominum, qui ad plures translati in ejusmodi legi ac superesse debent monumentis. Cui prodesse plurimum te posse scio. Itaque & ista exspecto. Neque enim eorum exemplar fervavi, quæ olim tuo nomine ad Cl. Valerium transmissi. Ejus Bibliotheca jamjam prodibit. Ita enim superioribus diebus Lovanio ad me scribit. Passus tandem sum meum hominis non adeo formosi vultum æreâ tabellâ accuratissimi artificis manu representari. In quam ut epigramma aliquod tuum legatur, mea interesse puta. Quod mihi non negabis, qui alia tam promptè & prolixè in me contulisti. Et me exuisse me putes indolem hominis impudentissimi, audeo epigramma tuum constringere intra angustias quatuor distichorum. Sed ipse forsân agnosces tam sterile hic Musis tuis offerri argumentum, ut toridem versus vix possit implere. Ad beneficium hoc, adjice, quæso, celeritatem.

*Raptissime, & occupatissimus hæc scripsi,
Lugd. Bat. 22. April. 1643.*

MAGNO

MAGNO GABRIELI
de la GARDIE.*Comiti in Leckö, &c.*

M. Z. BOXHORIUS S. D. P.

Cum omnium, qui Romanorum Cæsarum res memoriâ annalium complexi sunt, maximus auctor, Cornelius Tacitus, nunc iterum in publicum exiret, haud alius prior adeundus ei fuit, quam tu, Magne Gardæ, Comes illustrissime. Nihil nunc dicam de loco, quo plane excelso, aut sanguine, quo invicto ac triumphali natus es; nihil de majoribus tuis, qui non Septentrionem vestrum, Martis olim, siquidem fides habenda antiquis, certè fortissimorum ducum matrem semper aut palæstram, sed Belgium quoque nostrum, inter ausa prima & ancipitia libertatis, inusitatâ virtute ac felicitate auxere; nihil etiam de incomparabili Heroë, vero belli fulmine, Parente tuo, quem proximum Boream, ac ultimos ejus, & prope hominum recessus victoriis aut immisso terrore emensum, potentissimo, nec uno, hoste toties castris exuto, tot ad deditionem validissimis civitatibus compulsis, vel vi expugnatis, tantâque accessione amplissimi Suecorum Imperii finibus prolatis, duo inprimis Divi Reges vestri, Carolus, inter tot facta ingentia, Gustavus, inter tot opera prodigiosa, in tantæ gloriæ societatem haud inviti admittunt; cujusque, cum jam pridem senio fatiscat victrix dextera, optima nunc domi consilia, sive belli illa, sive pacis, audiuntur. Eruditio quippe & ingenium, judiciumque, ac industria immensa, quæ ut egregiæ omnis disciplinæ, ita hujus inprimis omnium prudentissimi Scriptores suam fecere possessionem, hic mihi maximè offeruntur. quæ, hercule, in ejus fortunæ aliis rarè aut nunquam agnita, in te tanta sunt, ut vel hoc solum nomine quantillæ nostræ in Cornelium curæ tibi uni offerri debuerint. Et quid tandem ego non debeo tibi? Tu absens me solâ, quæ plerumq; errar, fama commendatū prolixissimo judicio tuo, nisi amor potius sit, ornasti; tu præses te-

Etum nostrum quotidie subire, horas tuas mecum par-
 riri: tu in hoc tanto auctore explicando audire cespitan-
 tem, non tam ut disceres aliquid, qui ipse omnia absol-
 veras, quam ut cespitanti animum adderes, & ignosce-
 res, ac ignoscere etiam voluisti. Inter quæ cū idem talem
 mecum exputarem, qua maximè ratione grati animi
 pietatem testari tibi, & horum beneficiorum immorta-
 lem memoriam adstruere liceret, tu, ecce, splendidissi-
 me Domine, debere te mihi censuisti, & ingentis pon-
 deris, pulcherrimique operis torque liberaliter dona-
 tum, quamquam multo jam pridem nexu obstrictum
 tibi, præter omnem expectationem, in nova me vin-
 cula coniecisti. Offerebas tu quidem, ut alicujus nostri
 in te meriti, ego verò accepi, ut fortunæ tuæ, tuique
 in me animi illustrissimum monumentum. At virtutes
 tuas longe antiere posse cetera gratissimi hominis desti-
 nationes, neque prodigalitatis tuæ tibi constare semper
 rationem, ex me discere, qui aliud tibi reddere non pos-
 sum, neque nunc reddo, præter repetitam hic, & jam
 publicam confessionem; ei nimirum, qui gratus esse
 velit in tantorum beneficiorum auctores, nec possit, an-
 xia in primis curæ esse tantum debere. Si tamen partem
 aliquā istiusmodi gratitudinis absolvan, sanctiora vota
 nostra ac complectantur, iisque etiam Principes rerum
 juventur, scias velim, tuam & illustrissimæ domus ve-
 stræ incolumitatem, quotidianarum, quibus supremum
 numen convenimus, precationum nostrarum esse ar-
 gumentum. Vale, splendidissime Domine, & dum il-
 lustrem operam tuam Gallia haud minus quam Suecia
 ambit, ac ipso Christianissimi Regis judicio probatum
 te Augusti corporis custodi legioni imponit, hoc mu-
 nusculum, ut sic etiam plus debeam tibi, eâ dexterâ
 amplectere, quâ me solebas; & istum animum tuum
 semper mihi conserva.

Lugd. Bat. 1643. ipsis Kal. Maji.

REINERO NEUHUSIO

M. Z. BOXHORIUS, S.

Alcmariam.

QUOD inter tot atrocía passim odia, tantaque nunc
 regnante invidia eorum, qui humanitatis studia
 sic saltem non nisi nomine profitentur, in votis mihi
 semper fuit, id tuo nunc etiam iudicio assequutus
 sum, Reinere Neuhusi, Vir eruditissime. Neque enim
 suaviora offerri nobis possunt qualiumcumque cura-
 rum nostrarum delinimenta, quam si honestissimas
 destinationes iis, quos eruditio & virtus ac candor in-
 primis commendant, haud improbari intelligamus.
 Inter quos cum tua tibi præclara merita fecerint lo-
 cum, magnum sane illud gratissimumque habeo quod
 me tantopere à te amari intelligam, quem colui jam
 pridem & æstimavi. Ego autem qui tantum abest, ut
 earum laudem, quas mihi tribuis, magnitudinem
 admittere possim aut tueri, ut serio sentiam, tot hac-
 tenus à prima usque adolescentia in his litteris ausa
 nostra vix veniam mereri, pro isto tuo tam prolixo
 in animo parem tibi reddo, & quorumvis officiorum,
 quoties tu quidem experiri illa voles, sanctitatem ac
 constantiam addico. In cuius rei fidem hæc opuscula
 nostra nunc admitte, in quibus nova, antiqua, læ-
 ta, tristia, sacra, profana, denique satrago rerum
 diversissimarum, vel, quod potius, & solum di-
 cendum erat, temeritatis juxta, ac inscitæ nostræ pu-
 blica exempla. At quàm erudita, quam diserta, quam
 cum ipsa meliore antiquitate contendunt, quæ tuo
 nunc beneficio lego, quæ passim jam celebrantur,
 quæque pari veneratione ipsa aliquando posteritas in-
 tuebitur, Neuhusiorum ingenii monumenta? Tu
 quidem in illo Eloquentiæ tyrocinio fastigium ejus,
 ac verum robur absolvisti. Tantum est ex erudito,
 & ad immortalis gloriæ adeundam hæreditatem facto
 sanguine prognasci; tantum in Romanæ facundiæ
 alumna

alumna domo, & omnis egregiæ officina disciplinæ educari. Quæ dum scribo, Parentem tuum inprimis cogito, qui ista adeo exulta manu ea consignavit, ad quæ ipsa invidentiâ assurgere, & venerantium officia conferre necesse habet. Inter quæ, ut de aliis nunc non dicam, merito suo censenda est, cujus ἀντιστοιχία τῶν ad me misisti, *Infantia populi Romani*. Quæ quod in eâ ætate solenne est, nullos hîc vagitus edit; sed cum majestate quadam dicendi gloriæ suæ majestatem præludit. Hoc ipsum epigrammate nostro his diebus expressi, quod ut æqui bonique consulas, impensete oro. Vale Clariss. & amicissime Neuhausi, & sic bene de Repub. erudita mereri, ac me amare perge.

Raptim Lugd. Bat. 1643. ipsis Kal. Jul.

CONSTANTINO HUGENIO

BOXHORNIIUS, S. PL. D.

Assenedam.

Nisi generosi animi, ac proinde tuum esset, illustris Domine, prioris beneficii magnitudinem in ejusdem constantia tueri, nullus nunc apud humanitatem tuam precibus nostris locus esset. Socer meus Duvelarius, cum inter eos, quos ut gerendo Middelburgensis Reipubl. Consulatu pares judicium publicum Celsissimo Principi nunc sistit, se quoque Principibus permixtum agnoscat *Achivis*, auctoritatem tuam implorare per me iterum audet, experiendo ante biennium edoctus, quantum illa ad honestissimæ ambitionis explenda vota possit conferre. Patere itaque sic denuo te rogari ab iis, qui ut nunquam grati satis esse possunt in tantorum beneficiorum auctores, ita frequenter eos conveniunt, à quibus promoti hætenus sunt, & solis intelligunt se posse juvari. Vale, illustris Domine,

Middelburgi Zelandorum. ipsis Kal. Augst. 1643.

Ad hujus quoque causæ commendationem vel illud imprimis facit, quod optimo Principi visum fere hactenus sit, ad consularis honorem eos hic maxime provehere, qui eum ex fide recteque jam ante gesserant. Inter quos cum bonorum omnium judicio socer meus censeatur, conservandæ hujus tam præclaræ estimationis interest, ut in autoritate tua ac gratia, qua polles plurimum, decus nunc ac præsidium inveniat. Iterum vale, Nobilissime Domine, & audaciæ meæ ignosce.

ADRIANO HOFFERO

BOXHORIUS S. PL.

*Zirixam.**Amplissime Domine,*

CUm nullæ mihi unquam feriæ magis districtæ sint oblatæ; & in earum finem incidat terribilis visu moles monumentorum, quæ hæc ditio habet, publicorum; inque iis, ut oportet, excuriendis, opus sit lectione assiduâ, & prope infinitâ, veniam mihi, ut spero, dabis, culpam non nisi apud te excusandæ temeritatis profitenti, & licet aditum ad vos addixerim, abiturienti tamen potius; quam abeunti. Equidem scribo hæc invitus; at interim in eam conjectus necessitatem, quam ipse haud dubiè agnoscis, & ob quam nihil sequius de meo in te animo statuendum arbitraberis. Multa supersunt, fateor, ad quæ penitus cognoscenda, constitueram præsens oracula tua consulere; sed cum manum mihi injiciant ea, quæ præfatus nunc sum, & in tua manu sit docere etiam me absentem, in magnâ spe sum fore, ut per te quidem nihil eorum desiderem, quæ perficiendo suscepto operi, quod sane haud mediocrium curarum esse intelligo, factura videbuntur. Ecce tibi syllabum eorum, quæ rogamus; & cum eo conjunctam ingenuam ejus confessionem, qui quod totiens addixit, totiens invitus distulit, & inter charissima ac desideratissima habet habebitque semper, aliquando aliam,

si id

si id velit Optimus Deus, prolixè est expleturus. Vale, Vir maxime, & mihi ignosce. Lectissimæ conjugitux, totique familiæ omnia prosperrima eveniant.

Middelb. Zeland. 1643. ipsis Kalend. Septemb.
quæ me Leydam vocant, nec tamen, ob plurima, quæ agenda restant, nisi proxima hebdomade dimittendum.

ADRIANO HOFFERO BOXHORNIUS, S.

Zirizæam.

Amplissime Domine,

BInis litteris, ac fasciculis totidem, quæ Middelburgo ad te destinaveram, quid factum est, Vir amplissime? Nam tanto sollicitior hæc rogo, quod in eorum altero Codices aliquot rationum ejus Zelandiæ, quæ ad Orientem Scaldis est, quos beneficio tuo inspexeram, cum veteri Chronico Goudano, aliisque continerentur. Probe ea ad te curata esse, hætenus spero potius, quam credo. Quid, quod, inter alia, ex te quæfiverim nonnulla, de quibus imprimis certior fieri velim. Tu interim nunc demum intelligis, rem tibi esse cum eo homine, qui finem audendi, rogandi, & in graviores curas tuas involandi non facit. Nihilominus responsum tuum efflictim desidero. Sed & adimendis animi curis multum conferet si intelligam, haud vanas tibi esse visas eas rationes, ob quas, quanquam contra spes meas omnes, ac promissi fidem, proximè elapsis feriis, ad te ire me haudquaquam potuisse, significavi. Domum reverso mihi Lovanio ab Andrea Valerio, V. Clar. traduntur litteræ, quibus nunciat Bibliothecam suam Belgicam, opus, opinione, ut sit, vastius, jam prodiisse, & intra paucos dies exemplaria ad nos itura. Faxo ego, ut videas, quamprimum licuerit. Pars Chronici Zelandici altera ad finem perducta est, appendice exceptâ, ad quam augendam tu forte nonnulla adhuc potes conferre. Quod ut facias,

cias, iterum te rogo. In extrudendâ primâ, totus nunc sum; in quâ ea leges, ex quibus intelliges, quam multa antiquitus sepulta nuper in Zelandia inspexerim. Quid in eâ hæctenus præstitum sit, schedæ, quas hic vides, testabuntur. Typographi absentia fecit, quo minus id nunc præstare potuerim. Vale, Vir amplissime, & fac quamprimum intelligam, nihil à me commissum esse, ob quod amore tuo, quem sane maximi facio, indignus possim videri. Conjugem tuam, ac familiam omnem Deus sospitet.

Lugdun. Batav. 1643. Septemb. 19.

ADRIANO HOFFERO

BOXHORNIIUS S. PL.

Zirixæam.

Amplissime Vir,

PARUM abest quin crurifragium imprecer tabellario vestrati, homini quidem, quod sciam, non malo, sed, immane dictu, quàm nunc festinanti. Prope credas, Zelandiam salvam esse non posse, nisi hic ardelio actutum ad vos excurrat. Ignosces justissimæ indignationi. Sic enim fit ut in ipso exordio finem facere cogar litterarum. Et vix est, ut vota mea nunc consignem, quibus, ut carptim exponam eorum argumentum, satisfactum erit, si quamprimum ad me ea veniant, quæ augendo, ornandoque operi nostro sunt factura. Utinam etiam redirent schedæ istæ, in quibus Zelandicæ Dynastiæ (Ambactosi forte Cæsaris) sunt comprehensæ, quas, aut fallor, aut Middelburgo ad vos transmisi. Vix moram desideria nostra pati, ex his, quæ excusa vides, satis cognosces. Vale, Virorum humanissime.

Lugd. Batav. 1643. Octob. 20.

JOH.

JOH. FRED. GRONOVIO

M. Z. BOXHORNIUS, S.

UT nihil mihi gratius tua amicitia est, humanissime Gronovi, ita longo huic silentio nostro facile ignosces, præsertim si ex tuis occupationibus meas etiam collegeris. Quæ in Tacitum, qui multum certè debet tibi, per otium nuper meditatus sum, per Heinsium nostrum ad te inprimis destinanda curavi; non quod ea mihi talia viderentur, in quibus aliquid magnopere placere posset tibi, qui in hoc scripturæ genere eo ingenio, cæque felicitate versatus es, ut has litteras plurimum obstrictas tuis curis agnoscamus; sed ut limatissimum judicium tuum elicerem, de iis cum primis, in quibus (qualia forte pleraque omnia tibi videbuntur) aberrasse à recta via mihi contigerit. Quod ut facias, per amicitiam nostram, & candorem tuum, te serio nunc rogo. Tuas in Livium observationes avidè omnes expectamus. Manilii editionem novam, & uberrimos in eum Commentarios Gevartius tuus meditatatur. Freinshemius bonas litteras Ubsaliæ docet. Vale, Vir eruditissime, & me ama.

Lugd. Batav. Novemb. 13. 1642.

ADRIANO HOFFERO

M. Z. BOXHORNIUS S. D. P.

Zirizæam.

Patieris, Amplissime Domine, ut silentio tibi gratias agam, qui alio, atque alio identidem beneficio à te ornatus, non alia, quam superioribus annis testatus sum, adferre nunc possum, neque debeo eorundem instituere fastidiosam repetitionem. Obiter hætenus mihi inspicere licuit, ea quæ postremo transmittenda censuisti,

fuiſti, & ſic ſatis intelligere, merito tuo deberi tibi ORNATORIS PATRIÆ TUE cognomentum. De inſcriptione numiſmatis quod mones, gratiſſimum fuit. Ego eam modo ſemel inſpexeram apud ampliſſimum Schapium, harum inprimis rerum ſtudioſum, & memoriæ lapſu, præſertim tot diſtictæ curis, neque totam repræſentavi, & *immensas*, pro *indigenas* reſcripſi. Quod poſtremum planè probum eſt. Elegantiſſimi ingeni diſtichon illud eſſe ſtatim agnoſcebam; ſed de ipſo auctore nihil mihi conſtabat. Quouſque in opere noſtro perventum ſit, ex his facile colliges. In Middelburgenſis urbis deſcriptione offeret ſeſe Abbatum ſyllabus, ſed noſtra cura multo auctior, & niſi fallor, plane reſtitutus. In eadem leges ſeriem multorum ſive Corporum, ſive Collegiorum, & Magiſtrorum ſive Præſedorum nomenclaturas. Quod non tam iudicio meo dedi, quam illorum, qui id inprimis urgebant. Sic factum eſt, ut multi, qui ſine hiſtoriæ diſpendio omitti poterant, ſe quoque *Principibus permixtos agnoſcant Archivis*. Opus noſtrum exſpectatione ac deſtinatione majus ſit. Utinam in majore forma, ſive folio, ut loquuntur vulgò, in lucem exiſſet! Sed illa vota ſera jam ſunt. Ex illis tabulariis Brabantiae, quorum meminiſti, nonnulla Zelandiam, Veriam inprimis, ſpectantia, ad manus meas pervenerunt. Vale, Vir ampliſſime, & ſalve. Uxori tuæ, liberisſque etiam ſaveat propitium Numen.

Lugd. Batav. 18. Novemb. 1643.

ADRIANO HOFFERO

BOXHORNIIUS, PL. S.

Zirixam.

Ampliſſime Domine,

Cimelia iſta, quæ oculis noſtris ſubjicere dignatus es, ut jufferas, jam nunc remitto, & iterum me plurimum debere tibi agnoſco. Statueram in Zelandicarum Urbium deſcriptione, eorum etiam meminiſſe, quæ ſub initium

Bcl-

Belgicorum motuum evenêre; sed in eam molem opus excrevit ut ea aliis curis servare potius duxerim. Nunquam sane futurum credideram, ut hic labor tam diu nos distineret. Sed jacta est alea, & quod restat eodem, quo cœpi, animo, devorandum est; filio tuo non displicuisse nostra, ex elegantissimo carmine intelligo, quo industriam nostram celebrandam existimavit, & gaudeo; nisi quod modestiæ nostræ graves sunt nimis ejusmodi laudationes. Proxime apud eum gratiarum actione defungar. Non ignorat prope immensas meas occupationes, ideoque huic moræ faciliè veniam dabit. Sed & proxime Heinsius noster testabitur, quanti tuum istum in se animum faciat. Munera enim tua illi, Scribærioque, ac mihi, ed majora visa sunt, quia non debebantur. Quæ in Zelandicis nostris Commentariis notaveras libens legi; & amicos meos, quorum te Principem habeo, in qualibuscunque scriptis nostris excutiendis non ut amicos, sed ut hostes velim versari, & de iis serio severoque judicio me admonere, quæ perperam se habent; sed & monito etiam, quod humanitatis tuæ maximè est, ignoscere. Neque interim grave tibi erit, hujus hominis, qui minimè contumax est, audire defensionem super iis, quæ nonnullâ ratione licet tueri. Quod enim non dignationis singularum urbium, sed fitus, in earum descriptione pertexenda, rationem habuerim, datum est exemplo antiquorum, quos tamen forte nimis anxie sequor, qui in Topographico ejusmodi opere haud aliâ methodo utuntur. Neque sic singularum gloriæ aliquid decedit, cum in singulis meminerim ejus loci, quem in supremorum Ordinum Comitibus tuentur. Elegidia tua in aliquot Patriæ tuæ urbes & legi, & probo. Vale, Vir amplissime, & cum omni familia salve.

Raptissime Lugd. Bat. 1643. ipsis Cal. Dec.

Salmasius ad nos reversus est. *Arma, virumque cano.* Fortè in aciem nobis iterum prodeundum erit. *Quem dabis finem, Rex magne, laborum?*

ADRIANO HOFFERO

BOXHORNIIUS S.

*Zirix eam.**Amplissime Domine,*

BEne me habenti mihi tuæ traduntur; sed lectæ ægritudinem animo injciunt, dum nunciant tuam. Verna interim, quæ indies mitiorem se dabit, tempestas, & vora, quæ pro salute tua sanctissima concipio, optimè jubent me sperare. In excudendo opere nostro quam lentus sit typographus, ex paucis, quas hic vides, pagellis, intelligis. In magnâ tamen spe sum fore, ut sub proximi mensis finem ultima ei manus imponatur. Excrevit liber supra primas destinationes longissime; quod quanquam nonnihil laboris ac molestiæ mihi, tot aliis tracto, adferat, tamen tuebitur plurimarum rerum memoriam, quæ in luce hominum olim gestæ, in præsentissimo jam discrimine perpetuæ oblivionis versabantur. Ego certè id inprimis volui; an assequutus sim, eorum judicii esto, qui candidè judicare possunt de curis non omnino infeliciū, aut desidum ingeniorum. Ea, quæ monere dignatus es, faxo ut intelligas, mihi probari. Si quæ alia docendus sum, utinam in tempore intelligam! Hesterno die ex Scaldia in Zuydbevelandiam transgressus sum, & tamen, quod miraberis, hæc scripsi *Lugd. Bat. Martij 8. an. 1644.*

Inter par nobilissimorum, Heinsium, Salmasiumque, Illustrium Academiæ Curatorum interventu, pax tandem sancita est. Utinam tam facile in illa afflictissimâ nunc Europâ! De Monasteriensis Conventus fine ac exitu futuro, nuper ambigebam; nunc de initio dubitandum est. Inter has interim pagellas habes minus ardui operis nostri secundæ partis & initium & finem.

ADRIA-

CONSTANTINO HUGENIO

BOXHORNIUS, S.

Quod tuum est, tibi ego offero, Hugeni Constantine, Virorum Nobilissime. Puteani epistolæ sunt, amoris ac fidei, humanitatis ac elegantiarum omnium coagulum. Addo etiam, beneficium in publicum ac me tuum. Quod enim soli tibi scripta, non ego modo sed & alii jam legant, ac meis id votis datum sit, lubens gratusque agnosco. Tu autem, Vir illustris, talis porro esse perge, qualem, id est, omnibus ejusdem fortunæ ac loci aliis imitandum, te hic legis; & ab eo salve, qui ut rarissimum sæculi ornamentum te colit.

Quid ex *Scythiâ* illâ nostrâ, illâ, ut iste loquitur, vaginâ gentium & officinâ nationum, proxime expectandum sit ex his Quæstionibus, ad quas jam respondeo, facile intelliges.

ROCHO HOFFERO

M. Z. BOXHORNIUS, S.D.P.

*Zirizæam.**Vir consultissime,*

Non erat nunc otium multa scribendi, quanquam multa deberem tibi. Unum id verbis paucissimis, animo autem prolixissimo testari sic licet, & amplissimi Parentis tui morbo indoluisse me vehementissime, & intellecta valetudine in melius indies eunte gavisum esse quam maxime, ac denique optimum & maximum illum Deum rogare medullitus, ut eum servet quam diutissime. Vale, amicissime, & brevi à me aliud responsum expecta. Nunc enim judicare tantum licet, hominem jam occupatissimum non posse respondere.

Legd. Batav. April. 21. 1644.

ADRIA-

ADRIANO HOFFERO

BOXHORNIIUS, S.D.

*Zirizæam.**Amplissime, & Consultissime Vir,*

DE immenso mœrore, quē mihi gravissimus morbus tuus iniecit, multa jam non præfabor; unum id modo nunc dicam, haud minorem esse lætitiā, quam sum affectus, postquam te reddi sensim pristinæ valetudini accepi, cumque ea conjungi sanctissima vota, quæ virtutum tuarum causa, longævitati tuæ debentur. Chronicon nostrum rerum Zelandicarum ultimam manum & meam, & typographi, celeberrimæ lentitudinis hominis, jam accepit. Et postrema, quibus partem operis primam clausimus, probè ad te delata esse confido. Restant dedicatio, & præfatio. Non possum non istā ad Illustrissimos Zelandiæ Ordines ire, cum eorum ea omnia sint, quæ impari quidem ingenio & stylo, sed animo devotissimo, descripsi. Non lucelli alicujus reportandi spe (quæ ab animo meo, hercle, abest, quam longissime) sed ut industriam meam probem. Interim id & gratissimum & honorificum inprimis accideret nobis, si forte Historiographi Zelandiæ Ordinum titulo donaremur; non ambitionis causa, sed quo plus auctoritatis ac ponderis sic accedere possit ad ea, quæ in gentis vestræ annalibus, sive prisceis, sive recentioribus, dehinc adhuc ausuri sumus. Et sane identidem hæc animum meum subit admonitio, quod per ejusmodi hominem hætenus æternitati gloriæ suæ Zelandiæ non prospexerit, cum id jam pridem ab aliarum Belgii ditionum Ordinibus factum sit, in quorum annalibus, si cum vestris conferantur,

Infelix lolium, & steriles dominantur avenæ.

Non porui, aut debui apud te dissimulare honestissimam ambitionem, præsertim cum eā auctoritate sis, ut haud difficulter civitatis vestræ votum mihi valeas

COR-

conciliare ; & eo in me animo ac fide , ut etiam velis. Quod ut quamprimum fiat , per humanitatis tuæ genium te rogo ; sicut & , ut me certiolem facere non dedigneris , quid super hac re consilii tui sit ; quod mihi instar omnium est futurum. Sed næ ego sum hominum omnium , quotquot vivunt , impudentissimus , qui adhuc infirmo tibi , & vix ab atroci morbo satis respiranti , gravis esse audeo. At confido cœlo placuisse , & auditas esse nostras pro te preces , & optime , ac basilice , ut ille loquitur , te valere. Ita diutissime vale , & vive , Vir amplissime. Ita etiam semper valeant omnes tui.

Raptim Lugd. Batav. 1644. Maji 5.

Statui proximis Ordinum Comitibus curas nostras offerre. Quando autem illa celebrabuntur ?

NICOLAO BLANCARDO

M. Z. BOXHORNIIUS, S.P.D.

Noviœmagum.

Cornelius Tacitus , divinus scriptor , sæpe mihi in manibus : & fidenter dicam , non sinè immenso fructu. Sive enim prudentiam quæro , quis magis aperit , quis subtilius ostendit ? sive priscos ritus ; multa in eo recondita : seu denique majores nostros , quis curatius , melius , disertius descripsit ? Quæ de iis posterinoverunt , uni Tacito debentur. nam quæ Livius Asiniusque Quadratus & Plinius de Germania tradidere , iniquitas temporum consumpsit. Sed de auctore omitto , qui suis se virtutibus satis prædicat , suis se dotibus satis commendat. Is Lipsii censuris probè limatus : nisi quod vitiorum etiam nunc superest , emendandum nobis. Locus est primo Historiarum : *Dilapsis speculatoribus , cetera cohors non aspernata concionantem , ut turbidis rebus evenit , forte magis & nonnullo adhuc consilio , parat signa.* In manuscriptis , ut Pichena notavit , legitur ; *Ut turbidis rebus eventior te magis , & nonnullo ad-*

lo adhuc consilio, par signas. Ex quarum literarum vestigiis sic rescripserim; ut turbidis rebus evenit, reverentior magis, & nonnullo adhuc consilio, parat signa; an, quod postea creditum est, insidiis & simulatione. Ait, reverentior magis, nempe Principis, quam speculatores, qui Pisonem concionaturum deseruerant. Reverentior, ut alibi noster, metuentior, aut metu intentior. Nec ambigo, quin ea vox lateat in corrupto verbo, eventior. Sequitur: nonnullo adhuc consilio, quo hætenus sic ut-
cunque statuebant, utilius fore Reip. ac sibi, agnoscere Principem potius Pisonem, quam Othonem, nulla virtute redemptum. An illud postrema syllaba antecedentis vocis, signa, interceptit. Est verò particula dubitantis. Annalium quintodecimo legitur: *Vis fulgurum non alias crebrior, & sidus cometes sanguine illustri semper Neroni expiatum.* Ubi inducenda vox, Neroni. Ridiculum est, mortem illius in eo fidere expiando norari potuisse. Idem notat quod alio in loco, nempe eo fidere mutationem regis portendi, aut in simili re, parari rerum humanarum aliud caput. In Germania occurrit quod non mutem, sed distinguam. Lege sequentia: *Primo à victore ob metum, mox à seipsis invento nomine Germani vocarentur.* Clarum est interpungi debere: *Primo à victore ob metum, mox à seipsis, invento nomine, Germani vocarentur.* Nomen *Germanorum* olim unius tantum nationis fuit, ejus nempe, quæ deinceps dicta est, *Tungrorum*. Nota erant variarum gentium vocabula, ut Suevi, Vandali, Catti, Batavi. At Tunгри, cum Rhenum transgressi Gallos expulissent, aliæque vicinæ gentes, omnes transrhenanos populos communi nomine *Germanorum* insignivere. Hinc Tacitus: *Primo à victore ob metum Germanos omnes esse vocatos.* Postea transrhenani nomen ab aliis inventum libenter admisere; quod neque alienum esset, unum existare, quod commune esset multis, vocabulum; neque indecorum, id nomen à celebratissima fortissimaque postea Tungrorum gente mutuari. Hæc mens auctoris, cum statim subjungit, *mox à seipsis, invento nomine, Germani vocarentur.* Sagacissimus interpretes emendandum conjicit: *à reipsa invento nomine.* Germani enim

etymo prisco bellaces viri sunt. *Gerra* bellum. Invenisse ergo id nomen ait ab ipsa re, quia tales. Sed ea conjectura ingeniosa magis quam vera, ut ex dictis liquet. Est simillima ejusdem emendatio ad hæc verba: *Herthum*, id est, *Terram matrem colunt*. Ibi *Herthum* mutat in *Aerthum*, quia id vocabulum cum adspirata non terram nobis, sed focum notat. Sed *Hertam* scripsisse Germanos, testes antiquæ Glossæ nostræ, in quibus solum exponitur *herda*, *herdi*. Hos paucos locos, mi Blancarde, facio judicii tui.

Vale. Lugd. Bat. 1644. Idibus Maiis.

Nimium quantum desidero Johannis Smithii oppidum Batavorum. Tu, qui in Smithianis ædibus nobilis antiquarii Romanam supellectilem curiosa mente perlustras, monebis virum atque urgebis, ut cœptam telam aliquando pertexat. Quo nomine, quia id solus potest, apud præsentis favorem, apud posteros famam sempiternam demerebitur. Iterum vale.

ROCHO HOFFERO

BOXHORNIIUS, S. D.

Zirixæam.

Consultissime vir, & præcipue amicorum; Ego ad inexpectatum nuncium excessus optimi Parentis tui, quem paullo ante convalescere, quem me constanter adhuc amare, quem destinationibus ac commodis nostris promovendis pro virili incumbere, ex ruis, velut ejus, litteris acceperam, ita profectò sum consternatus, ut magnitudinem justissimi doloris scribendo non valeam adæquare. Tu tamen facile eam colliges si incomparabilem jacturam, quam ego etiam privatim feci, tecum reputaveris, eo mihi erepto, qui ad instar filii me dilexit, qui tot rerum testimoniis id probatum fecit, qui tot obtulit mihi, tot petiit præsentis, quibus nihil mihi gratius accidere poterat, amplexus, qui nuperrime tot publica instrumenta, ad augendum gentis

gentis vestræ splendorem facientia, benignissime communicare dignatus est, quo cultius locupletiusque illud opus prodiret, cui extremâ manu vix à me imposita, ossa ejus, ecce, & extrema componuntur, qui his in me prolixissimis officiis adversæ valetudinis momenta continuo dispunxit, & in his prope defecit, qui denique optimi sanctissimique amici virtutes omnes erga me ita excessit, ut cum injuria indulgentissimæ ejus pietatis conjuncta futura quæ mihi superest semperque superfutura est ejus memoria, si solo amicitiae nomine illam commendem. Vides igitur quanta mihi vobiscum dolendi imposita sit necessitas; ac pariter intelligis, à me consolantis officia, quæ mœstissimæ domui vestræ debentur, in præsens non esse exspectanda, cum ipse maximopere indigeam ejusmodi solatorum. Quod & optimæ matri tuæ, quæ jam *compari*, ut ille loquitur, *viduata gemit*, meo nomine significabis. Quàm primum se paullum collegerit animus, faxo intelligas cum desideratissimo parente tuo memoriam tot illustrium ejus virtutum apud nos haud esse sepultam. Vale, dilectissime amicorum, & animum sensim confirma constantibus exemplis; sed & patiaris adire me paternæ amicitiae hereditatem. Salveat à me mater tua, & familia omnis atrata.

Lugd. Bat. 1644. Junii 5.

HENRICO BRUNONI

BOXHORIUS S. PL.

Hagam-Comitis.

Amicissime virorum,

VIde quantam in virtutibus tuis fiduciam reponam, quamque iis quidvis debere constituerim. Litteræ, quas hic vides, ut ad manus ejus veniant, cui inscriptæ sunt, interest illius, cui ego jam pridem obstrictus sum. Itaque opem tuam nunc implorare ausus sum, eâ lege,

ut vicissim à me erigas, quidquid præstare posse judicabis. Inprimis autem, ut certo credas, me illud præclarum ingenium tuum constantissime & amare & æstimare.

Midd. Zeland. 5. Aug. 1644.

CONSTANTINO HUGENIO

M. Z. BOXHORIUS, S.

Prodit ergo tandem Zelandia nostra, & se tibi sistere audet, Vir Nobilissime; vetus simul ac nova, sedes illius gentis, quæ progenies Neptuni pariter ac Martis gessit plurima & tulit: quæ magnam partem obscuriora hæcenus aut ignorata, tibi existimo tam mirabilia legenti fore, quam mihi scribenti fuere. Occurrent & quædam, quæ more potius inter nostros recepto, quàm recto judicio probantur, populo potius data & scripta, quàm tibi, aut iis, quorum oculis nonnisi magnifica omnia subjiciuntur. Paucorum adhuc, sed id benignum satis, judicium intellexi de hoc opere, quod omnibus scripsi; ac idcirco, tanquam sit eadem omnium futura sententia, isto paucorum judicio, velut omnium, lætor. Auctores vero mihi fuere præcipuè hic dignationis viri, ut ad historiographi hujus populi titulum contendere auderem: & jam certus sum fore, ut de hoc desiderio nostro, quod amoris plurimum in hanc gentem ac fidei, nihil autem arrogantiae aut avaritiæ habet, proximis Ordinum Comitibus agatur. Assumo te in præsidium spei meæ, Heros maxime, ac supplere rogo, quæsoque, ut illustri Knutio, quem plurimum hic posse non ignoras, qualiacunque ista studia nostra commendare non dedigneris. Interest saltim Zelandorum, ut majores eorum tandem aliquando veris laudibus & perpetuo opere celebrentur, ac posteris sub eorum illustri exemplo præmoneantur, quâ potissimum viâ possint ad eandem gloriam eniti. Porro, officium pietatis, quod socero meo, Duvelario, hujus urbis Exconsuli, seni optimo & integerrimo, debeo, nunc

nunc etiam iungit mihi, ut repetitâ anniversariâ, quam nosti, prece eum tibi commendem. Quod ut petenti negare nefas erat; ita tu mihi facile ignosces, qui ejus gratiâ, cui obsequentissimum me addixi, tibi, cui nimium jam debeo, gravis esse cogor. Statueram ad castra ipse excurrere, & dextram tuâ supplice osculo contingere, sed trepida Venus nostra intervenit; quæ crebro occinit; *Bella gerant alii*. Deus te Patriæ, Principi, ac nobis quam diutissime servet, Vir illustris.

Middelburgi Zelandorum 1644. Aug. 15.

REINERO NEUHUSIO

S. P. D.

M. Z. BOXHORNIIUS.

Clarissime Vir,

Agnoscis epigramma hominis ab itinere recentis, & qui post anniversarium otium, quod caniculæ æstus hætenus nobis fecit, cum Musis suis nondum in gratiam rediit. Tua verò omnia quàm docta, quàm venusta! Quantum in iis elegantiae antiquæ! in publicum ergò securus prodi, Vates & disertissime & suavissime. Ac boni consule hanc imparem devotissimi tibi animi nostri significationem. *Legd. Batav. 1644. die Sept. 8.* quo ipso mihi è Zelandicâ reduci illæ tuæ gratissimæ tradebantur. Quæ ad amplissimum SCHOTANUM nostrum destinaveras, rectè tradita sunt. Vale, Amicorum jucundissime, & salve.

In NEUHUSIORUM

Nomen, Cum

REINERUS NEUHUSIUS

Poëmata vulgaret.

H*Astlenus antiquis desertis sedibus errant,
Nec certos habitant Numina nostra lares.*

H 3

Hac-

Hactenus & nostris pulsa queruntur in oris,

Hactenus ignota sed latuere Dea.

At pridem extorres, Neuhusi, haud querimus ultra;

Ecce Novam veteri praeponere Domum.

M. Z. BOXHORIUS.

JACOBO BASELIO

BOXHORIUS, S. D.

Bergizomium.

CUr in natalem urbem per has ferias non venerim, si rationes omnes explicarem, multæ essent, Baseli ornatissime. Reduci autem mihi tuæ traditæ sunt, in quibus à gratiarum actione incipere, necesse non erat apud me, qui virtutes tuas & amavi semper & ornare, ubi licebit, nunquam, desistam. Dum Middelburgi hæreo, scripsi vernaculâ linguâ commentariolum de Comâ. Argumentum est, majores nostros ab omni retro ævo Comam aluisse, ac proinde admodum eos falli, qui hunc morem ut novum pro concione damnare non dubitavere. Editus est ille Middelburgi apud Fierenfium, sed exemplaria nondum ad me transmissa sunt, quæ & causa est, cur jam ea ad vos destinare non potuerim. Specimen collectionis Proverbiorum fac, si placet quamprimum videam. Ego in iis multum sapientiæ latere semper judicavi. Et profecto rem ita se habere, magis magisque intelliges. Sed cavendum, ne, quod plerumque fieri solet, Phrases elegantiores cum Proverbiis confundantur. Neque enim hoc nomine alia veniunt, quàm in quibus est *γνῶμιον* *π.* Porro ad amplissimum Turcæum scripsi, & desideria tua serio commendavi. Tu has illi trades. Vale & salve, Juvenis doctissime, & hoc age.

Raptissime Lugd. Batav. 1644. Septemb. 20.

Salveant à me amplissimi Roucquii.

CON-

CONSTANTINO HUGENIO

BOXHORNIIUS, S. PL.

*Hagam.**Illustris Domine,*

NOvo, sed per tot jam annos optato huic Reipubl. more, revertenti à recentissima, felicissimaque expeditione imperatori gratulatus sum. Non esset rationibus nostris apud adversos locus nisi incomparabilis ejus virtus fecisset. qui longe lateque jam victor cum solus explere possit totius patriæ votum, & tot annorum, hanc non difficilis, ut spero, admitter, licet privato, nec diserto, ore expressam publici, quod hoc tantum nunc agit, ac expendit, judicii significationem. Vale, Virorum maxime, & ab illo te coli patere, qui æternum erit,

Illustri tuo nomini

dicatissimus

Lugd. Batav. 1644. Novemb. 7.

M. Z. BOXHORNIIUS.

ROCHO HOFFERO

S. D. PL.

M. Z. BOXHORNIIUS.

*Zirizeam.**Amicissime virorum,*

Multa profecto amplissimo Parenti tuo debeo; pauca tamen, nisi displiceant, imagini ejus meo nomine subscribentur. quæ nec pauca sunt, si animum videas. Potuissem si non dare meliora, certè istiusmodi plura; sed nosti intra præscripti spatii angustias & amplitudinem argumenti, & qualiscunque ingenii nostri ubertatem cohiberi. Erit alibi commodior locus explicandi virtutes ejus

Viri, quem, si quisquam, ego impatienter desidero. Vale, vir consultissime, &, ad Patris tui instar, me ama. Salveat etiam tua, ut & focer tuus, cui officia omnia merito defero. Raptim & ægrâ manu, (nam anniversarius mihi morbus, tumor lienis incubuit.)

Lugd. Batav. 1645. Januarius. 7.

IN IMAGINEM

Viri amplissimi, eruditissimique

ADRIANI HOFFERI,
Domini in Bommenedâ &c. Regalium Zelandiæ, quæ ad Orientem Scaldis est, Quæstoris generalis.

Patria quem toties sublimi in sede locatum
Majorum stupuit passibus ire parem;
Cui toto Phæbi perfuso numine, Musas
Debendi Phæbus credidit esse reas;
Hoc erat Hofferus vultu. Quod patria semper,
Quod semper Phæbus lugeat, ille fuit.
Sæpe viri, spectes quam tantum, offertur imago:
Hic quam, si possit, quisque sequatur, habet.

M. Z. BOXHORNIIUS.

CONSTANTINO HUGENIO

M. Z. BOXHORNIIUS, S.

Illustris Domine,

TAnti Principis liberalitati toties & nunc iterum, neque minus exquisitis illis tuis virtutibus, quibus fit, ut neque merentes illud, neque expectantes Musæ nostræ aureo Imbre ubertim se perfusas agnoscant, debui certe jam pridem solemnem gratiarum actionem.

Cære-

Cæterum ut ut ea lentitudine largiter in humanitatem tuam peccasse possim videri, veniam tamen ab eadem facile hunc hominem impetraturum confido, qui per menses jam aliquot languet, & dum neque valet satis, neque ægrotat, vix præsens aut literarum ministerio debita officia valuit occupare. Est mihi vetus hospita domi, quam obstructionem lienis vocant, quæ hac fere anni tempestate gravior molestiorque incumbit, & medicum sæpius, quam literas salutandi imponit necessitatem. Petieram ab identidem ad vos excurrentes, hoc nomine ut causam nostram apud comitatem tuam tueretur. Quod an ab eo factum sit, nescio. Hoc scio immodestia ac intemperantia oris per hos dies evenisse, ut sereno animo frui non potuerim muneribus Deorum Octiduum præter propter elapsum est, cum quæsit, an ad nobilissimum Zulichemium nondum à me literæ exissent. Nondum dedisse, quod res erat, tum respondi. Animi enim & corporis nescio quo languore fuisse impeditum. Tum ille magno supercilio exclamare; me boni moris ignarum esse, ingratum, & humanitatis omnis expertem; denique illustris Zulichemii amores in iram ac indignationem versos; id me experiundo cogniturum. Excepi ad ista ego, non esse illum censorem morum constitutum. Curaturum me ne inveniar ingratus. Molestissimum autem animo meo, supra quam dici potest, fuit, quod tanta adseveratione eum Heroa implacabiliter irasci mihi diceret, apud quem ipsam comitatem & mansuetudinem habitare, quem amicorum vitiis ignoscere etiam posse multis experimentis didiceram; cujus denique unius pacis ac amoris causa libenter cum omnium odiis velim colluctari. At non satis fuit ei hanc, nobis sollicitudinem iniecisse, pudorem etiam nostrum hesterno die, eodem in loco aggressus est. Quippe audiræ tum ex eo, ut est omnium, quotquot vivunt, in dicendo incontinentissimus, virulentæ voces: Nobilissimum Zulichemium munus offerendum Boxhornio hoc elogio commendasse; Gratissimum id Boxhornio futurum: egere quippe eum, res ejus in arcto esse, & ejus generis plu-

ra. Hæc, Magnifice Domine, cum crederem esse falsissima, cum & eæ res meæ sint, ut sicut muneribus possum, ita gratia & patrocínio optimorum Principum non possum caverem & celebratissimæ humanitati tuæ excidere non possit ejusmodi oratio, hac querela adendum mihi nunc fuisti. In qua prolixior sum; quam in gratiarum actionem cum hanc intimis animi penetrabilibus conceptam porius votis exprimam, quæ pro cellissimæ Principalis domus æternitate, pro tua tuorumque salute sanctissimæ quotidie offeruntur. Festi dies tui vere mihi festi fuere, pietatis tuæ & consummatissimi ingenii immortale monumentum. Litterarium munusculum quod jam reponam non habeo, nisi hoc, quod virtutum tuarum traduci & certissimæ imagini filio tuo, exhibeo, in quo non nostra, sed nostrâ curâ aliena & meliora leguntur. Vale, illustris Domine, qui ut solitudini nostræ & justo dolori, quem ventosissimi homuncionis petulantia attulit, haud dubie ignoscas, ita etiam in posterum præsidium in patrocínio tuo invenire me poteris.

Lugd. Batav. 10. Martii 1645.

JACOBO BASELIO

BOXHORNIIUS, S.

Bergizomium.

Ornatissime Domine Baseli,

CUm Cognatus tuus Roucquius male valeat, ejusque rei causa identidem ipsum invisam, ex medico intelligo non quidem in aliquo vitæ periculo ipsum hætenus versari, interim tamen graviter satis ægrotare. Neque certe abs re foret, si aut tu, aut alius aliquis amicorum excurrerent; sed te æger ipse mallet, quo præsentia tuâ recreari, & à morbo, qui ut auctus est hætenus, ita lentius amovebitur, facilius inter cognati colloquia possit convalescere. Tu, scio, hoc ei officium
non

non negabis. Vale & salve. Salveant amplissimi viri,
 Consul & Graphiarius Rouquii. Raptissime, in ipso
 ægri Musæo,

Lugd. Batav. 1645. Martii 14.

CLAUDIO SALMASIO

M. Z. BOXHORIUS, S. P. D.

Lugduni Batavorum.

ANnus jam est, Vir illustrissime, ex quo oneravi
 te tot pariter nec semel, missis meis, aut aliorum
 super Plauto hæitationibus. Sed oneravi, primum
 quia nullum aut præsentius, aut sanctius oraculum
 erat, quod consularem; deinde quia & eruditione &
 humanitate pariter incomparabili promptum esse te
 non ignorabam. Quæ & causa est, cur ne quidem one-
 ri fuisse me tibi putem, licet oneraverim. Plautus tan-
 dem ipse tibi se nunc sistit, ope imprimis tuâ multò
 quam ante emendatior ac illustrior, & simul quicquid
 ad eum boni malive ut ex aliis selegimus, vel ipsi scrip-
 psimus. Restat jam, ut & ego immortales gratias de-
 bere tibi me hoc etiam nomine agnoscam, sicut sem-
 per sum agniturus; & tu aliis mihi que passim hic ad-
 huc titubantibus, ac verum Sarcinaris istius fabularum
 exemplar à te solo hætenus expectantibus, benignissi-
 me ignoscas. Ut enim tu sine errore ullo has litteras
 tractas, ita ad gloriam tuam & magnitudinem facit,
 esse quibus errantibus ignoscere, & quos docere possis.
 Vale, Vir maxime, & me inter illos habe, qui immen-
 sam illam eruditionem tuam summâ fide colunt. E-
 xemplar Plauti aut jam tibi tradidit typographus, aut
 simul cum his litteris traditurus est.

Middelburgi Zelandorum 1645. Aug. 11.

JOHANNI WERNERO
BLAESPILIO

M. Z. BOXHORNIIUS, S. D.

QUOD ex tuis in Gallia peregrinantis litteris futurum jam cognoveram, Wernere Blaespieli, optime & jucundissime, ac quod absenti nunc tibi dicendum est, desideratissime amicorum; prodit ecce tandem quanto cum ambitu promissa, tanto data. *Jannis Croij Sacrarum & Historicarum in novum fœdus Observationum Pars Prior. In qua Danielis Heinsii Prolegomena in Exercitationes sacras perpenduntur: Sacri Textus in Sectiones, Titulos, Capita, & Versus, Divisionis origo ostenditur: Hellenistica Dialecti somnium refutatur. Plures sacrae Utriusque fœderis scripturae loci illustrantur: plurimi verò Patrum, & aliorum Authorum Græcorum, & Latinorum loci corriguntur, & exponuntur; & qua ratione Patres Scripturae locos laudent, & describant, demonstratur.* Ea est enim tituli amplitudo. Quæris tu fortè quid sentiam. Ego autem tantas destinationes hominis haud vulgariter eruditi esse, si judicaverim, nihil ab auctoris instituto agnosces alienum. Quid enim, ut de aliis nunc non dicam, arduum magis, aut altiora studia requirit, quam ab eo Heroë dissidere, cujus, quanquam modestissime indies, quantum nesciat, profitentis, quicquid tamen disciplinarum linguarumque est, totius eruditi orbis, ipsâ etiam Croij publica nunc confessione, complexi, auctoritatem pro ratione hujus ætatis summis viris jam pridem fuisse, non ignoras? Cæterum, facilius est, tanta promittere, quam præstare. Neque sanè ad laudem satis est, à Principibus litterarum dissentire, ut neque refellere eos, idem est quod maledicere, & oblatrare. A quo vitio si hic quidem abstinendum sibi judicasset, laude forsan dignus, etiam post irritos conatus, potuisset videri, tanquam solo inquirendæ veritatis, quod nemo bonus aut eruditus damnaverit, non autem insectandi studio ad scribendum incitatus. Nemo
hercle

hercle five Christiani, five Theologi, quam modestia, & gravitas decent, persona, aut Heinſianorum meritum conſcientia, aut ipſæ illæ literæ, quas tractat, quibus præcipua ab humanitate eſt commendatio, aliud ei debuerant ſuadere. Sed de his aliisque alii viderint; qui ejuſmodi ingeniorum intemperantiam publicè damnari, ſæculi, ac literarum intereſſe arbitrabuntur. Meo autem nomine, cum à noſtra ſententia diſſidere ſe hoc opere ſemel profeſſus ſit, quod querar, non habeo. qui, ut, curtam ſupelleſtilem meam, & iudicium, præfertim cum admodum adoleſcentes, ſola præclara audendi, & ætatis venia animati, quædam olim in vulgus exire pateremur, promptum erroribus ac prope nullum eſſe, non ignoro: ita & à me ipſo idemtidem nunc diſſidere, & diſſentientes alios audire, & meliora docentibus non tantum cedere, ſed & gratias agere, præclarum & laude etiam dignum duco. Non ignoras, ſuaviſſime amicorum, quo cum poſtquam ſtudiis ſeverioribus, quibus de antiquitatis, Romanæ maxime, aut inſtitutis, aut civili diſciplina, ad dubia veterum loca idemtidem & eadem cura quæreſſemus, eſſet ſatisfactum, de noſtræ etiam pueritiæ auſis, erroribusque libentiſſime diſſerebam; ad breviores illos Hiſtoriæ Auguſtæ ſcriptores tumultuarias quaſdam notas nobis excidiſſe eâ ætate, quæ, dum iudicium ſuum (ſiquidem id ſit iudicium) facile permittit alieno, præfertim in literarum hoc regno Principum, haud difficulter perſuaderi ſibi patitur audendum eſſe aliquid, dum ut Fabii verbis, quanquam toties apud te & adverſum alios mihi repetitis, iterum utar, & venia eſt, & ſpes, & favor & audere non dedecet, ac, ſi quid deſit operi, ætas poſſit ſupplere. Cæterum cum à puero etiam obſervatis ratio ſententiæ ac reſtitudo poſſit conſtare, an hic quoque conſtet, ſed ut modestiæ pariter ac veritatis ſtudioſi, experiamur. Inſignis eſt Suetonii, vel iccirco tantum quia non unâ Interpretum ſententiâ in diverſa trahitur, nobis etiam tentatus, in Auguſto, ubi de ejus chirographo agitur, locus. *Notavi, inquit, & in chirographo ejus illa præcipue. Non dividit verba, nec ab extrema parte verſum abundantes literas in alterum transfert,*

fert, sed ibidem statim subjicit, circumducitque. Orthographiam, id est, formulam, rationemque scribendi à Grammaticis institutam, non adeo custodit: ac videtur eorum sequi potius opinionem qui perinde scribendum, ac loquamur, existiment. Ista sunt, de quorum sententia inter nos ambigitur. Quid autem ego olim senserim, quid contra Crojus, ex ipso jam, si vacat, pariter intellige. Versus, (verba ejus sunt cap. xi. Observationum) de lineis hic esse intelligendos, viderunt omnes Interpretes: non viderunt tamen quid vellet Suetonius. Marcus Boxhornius Zuerius hæc ad hunc locum annotat: Locus notabilis, (Recitat verba nostra ex prima Animadversio-num ad Suetonium editione. Secunda enim & emendatior ante biennium jam prodiit.) sed obscurus: cui nos, ut spero, nonnihil lucis mutuabimur. Ait Augustum in extremâ lineæ parte posteriores literas voculæ ultimæ, quibus ponendis locus in eadem lineâ non erat, haud divisisse, ut sit hodie, sed vero continuo reliquis in margine adjecisse, & ut ad lineam istam spectare viderentur, unco circumduxisse. Uncum appello hanc figuram L, aut istam [. Dabo exemplum, ut melius capiant tirones. Lineam rectam marginis loco fingo.

Vel etiam sic.

Lega	tiones	J.
Lega	tiones	J.

Hodie, ut & olim, lineolâ affixa sic scribunt; Legationes. Eamque divisionem vulgo appellant, cum potius connexio dicenda sit. Partes enim verbi conjungit. Porro, Suetonius versum vocat, quod lineam vulgò vocamus, nempe à vertendo. Verum quidem est, lineam, versum vocari à Suetonio; sed, quid vellet Suetonius, non percepit recens ejus interpres. Non ait cum Augustum, in scribendo, ad marginem litteras eas, quibus in ipso charta sinu non esset locus, transfuisse, atque unco incluisse. Hæc interpretatio ipsis Suetonii verbis refellitur. Non scribit enim, inquam, Augustum abundantes litteras adjecisse (quod fecisset, si vera esset Boxhornii Zuerii observatio) sed subjecisse, id est, scripsisse in spatio illo mundo, & vacuo, quod patet in campo chartæ inter duas lineas, & quod à Græcis περις dicitur. Hesychius: περις, τὰ μεταξὺ διαφερόμενα τῶν διασπόμενων τῆς γραφῆς, καὶ δια-

ἔστι καὶ ἐν τοῖς Βιβλίοις τὰ μεταξὺ τῶν παραγράφων.
 Selides sunt spatia inter tabula navis, sicut in libris sunt
 spatia Paragraphorum. *Snidas*: Σελίς, τὸ μέσον τῶν δύο
 παραγράφων, ἀγροφον τυγχάνον. Selis, est medium
 spatium inter duas lineas, quod est vacuum scripturæ.
 Non scripsit igitur *Augustus* in *marginē* abundantes litte-
 ras sed ipsi lineæ subiecit, ac in spatio illo, quod inter duas
 existat lineas, atque nunc, sive sigmate circumduxit, ut ho-
 die quoque fieri videmus. Ut in hoc *Lucretii* versu, qui
 ad aperturam libri mihi occurrit:

Seorsum anima, atque animus: tanto magis infician-
 (dum.

Vides, nisi fallor, quomodo scripsisse Augustum, & quid
 in ejus autographo *Suetonium* notasse velit *Crojus*.
 Quod ipsum si voluerit etiam *Suetonius*, profecto ac-
 curatissimus auctor, dum disertim tradit verba non di-
 scrississe Augustum, videri possit verbis usus ab hac men-
 te sua plane alienis. Cæterum, ut omnia magis in aper-
 to sint, age, Augusti hanc ad *Tiberium* Epistolam, quo-
 modo eam scriptam, & abundantes forte ab extremâ
 parte versuum literas exaratas fuisse vult *Crojus*, re-
 præsentemus. Nam id facile hic factu est, cum Typo-
 graphia, in *Batavia* hac nostra ante duo jam sæcula,
 quidquid opponant alii, feliciter inventa nihil aliud sit,
 quàm scripturæ imitatio.

Cenavi, mi Tiberi, cum iisdem. Accesserunt convivæ
Vinicius, & Silvius pater. Inter cenam lusimus ἄρην
 (πικρῶς.

Et heri, & hodie. Talis enim jactatis, ut quique ca-
 (nem
Aut senionem miserat, in singulos talos singulos dena-
 (rios

In medium conferebat, quos tollebat universos qui Ve-
 (nerem

fecerat. Ita scripsisse Augustum, *Crojus* statuit, cum
 sine versus literæ aliquot verborum, ut idem idem
 sit, abundarent. Num rectè, docebit *Suetonius*. Cu-
 jus verba cum hoc scribendi ordine propius jam con-
 tendenda sunt. Videntur enim diversum, ac plane
 alium significare. An non, quæso te, disertim affirmat
 Sue-

Suetonius, non dividere verba Augustum? *Non*, inquit, *dividit verba*. Quod imprimis hic notandum est. Crojus autem Augusti verba, si quid ex iis syllabarum, aut literarum forte, sub versuum finem superesset, in eo, quæ jam ex sententiâ ejus repræsentavimus, scribendi ordine dividere se, neget, si audeat. Sed, scio, non negabit. Neque enim potest: nisi ex diei meridie, noctis, ut cum Varrone nunc loquar, meridiem facere constituerit. An enim non divisa dicenda sunt, quæ natura conjuncta, ut singulorum verborum literæ, & syllabæ, non conjunguntur? An non haud conjuncta sunt, quæ eodem loco, & indivulsa, non leguntur? An indivisa, & eodem leguntur loco, quorum pars in priore versu, pars in intervallo, sive vacuo, & quod inter priorem sequentemque versum medium est, spatio, οὐκ ἔστι Græcis dicitur, hoc est, alio plane & diverso loco inveniuntur? In ea certe scriptura agnoscendam esse divisionem sive Syllabarum divortium, tam indubitatum est, quam constat, fanos ambigere non posse, æra lupinis distare. Ergo, qui sine versus ex sententiâ Augusti, & Suetonii, scribere se censer, ut censer Crojus,

ἄρα οὐ
(πῶς οὐκ.)

nonne dividit, distrahitque loco ac divellit ejusdem verbi syllabas, quæ sunt conjunctæ natura; quas dividere non voluit Augustus; quas non divisisse eum, ex ejus chirographo disertim Suetonius affirmavit? Ne dubites, ipsi illi, qui de scriptura Augusti idem hætenus statuunt, quod Crojus (nec enim primus, quod tamen jactat, aut secundus, aut tertius, id sentit) in ea palam agnoscunt verbi divisionem. Ericium Puteanum, ipsas literarum Veneres, ipsamque earum modestiam, audiamus. *De syllabis* (ita loquitur cap. viii. Faculæ distinct.) *literisque cogitandum est, quoties in fine lineæ distinctio finditur, & pars ejus transfertur. Augustus olim, cujus hæc in scriptione cura erat, nec ubi literam obturbaret, ac moraretur, transferre partes non solebat, sed subjicere, ac circumducere.* Sequuntur Suetonii, quæ jam adduximus, & de quibus hic quæritur, verba. Quibus statim subiicit; **DIVIDEBAT** igitur, nempe Augustus,
VERBA,

VERBA, sed non longo intervallo; cum spatium deficeret, subnectebat. In carmine nonne & nos facimus? En exemplum:

Dignum laude virum Musa vetat mo-
(ri.

Addit Suetonius, CIRCUMDUCITQUE. & quæ hæc circumductio? an illa, quam expressi? illa C. sed princeps ille L. litteram Latinam usurpabat: quæ & in mummis hoc usu, & sensu conspicitur, & ni ineptire velimus, pro signo inibi habenda. Illud nostrum [quantillum abit? Vides magnum illum virum ingenuè agere, & in hac scribendi ratione palam agnoscere divisionem. At Suetonius tradit, *verba non dividere* Augustum. Quis ergo non credat ita Principem illum non scripsisse? Adde Hermannum Hugonem. Is de Origine scribendi cap. xxvii. ubi de Grammaticorum Notis; *Diastrasis*, inquit, *signum divisionis, cum verbi alicujus pars una in extremâ lineâ, altera initio alterius versus describitur, ut, homines, quem morem Augustus repudiavit, qui reliquum, quod supererat verbi, malebat parti scriptæ in extrema lineâ subscribere, narrante Suetonio, quam alterius versus initio perscribere.* At in hac, quæ Augusto, ut abundantes literas statim subjicienti, tribuitur scriptura, homines, nonne & diastrasis, & ejusdem notæ, (quam tamen non semper, cum fine versus verba dividerentur, adhibuisse veteres ex multis vetustis inscriptionibus, in quibus ea non apparet, facile colligitur) usus est, h. e. ejusdem verbi Syllabæ palam dividuntur? Nota illa est -; vel ꝑ: signum verbi divisi quod conjungendum est, non modo in fine versus, sed & alibi si forte scriptoris vitio conjungendæ litteræ vel syllabæ fuerint divisæ; ut in veteri monumento, quod legitur Pag. cccxl. n. iv. Inscript. Antiq. HOC RUDIS AURIGÆ REQUIESCUNT OSSA SEPULCHRO. Hæc mihi olim objeceram, cum statuerem pariter verum esse non posse, & sic scripsisse Augustum, ut illi volebant, & tamen eum, quod disertim Suetonius notat, verba non divisisse. Restabat tum, ut cum recepta plerisque sententia mihi non satisfaceret, neque
corum

eorum cuiuspiam solutum hunc nodum observassem, novam, & quæ cum Suetonii verbis propius congrueret, indagarem. Neque sane alia scribendi ratio quærenda tunc videbatur, quam qua abundantes sine versus literæ, quod videtur de Augusto affirmare Suetonius, plane non dividerentur. Quo autem modo, aut quo loco, omnino non divisæ illæ videri poterant, nisi ultra statam versus mensuram in marginem producerentur? Hac enim solâ ratione manent conjunctissimæ. Et id tunc mihi placebat. Croii profecto erat, quem indicaveramus hic non explicatum, aliis hætenus nodum solvere, ut in aliam, si non Croii, quæ falsa est, saltem veriore, nostra postposita, sententiam concederemus. Non solvit. Quod tamen eum, qui & hic Suetonium se illustrare, & à nobis merito dissidere, & quicquid in utraque, Græca, ac Romana, antiquitate impeditum est, expedire se posse, passim profiteatur, facere debuit. Nemo eorum ambigit, neque dissentienti, neque suæ sententiæ satisfactum putant, nisi omnes, certe præcipuæ, inprimis si earum jam publice indicium, factum sit, sublatum fuerint dissentiendi rationes. Hic contra nodum in scirpo quærit; verum neque solvit, neque tangit. Ego illa Suetonii de Augusto, *Non dividit verba*, quæ præcipue hic expendenda erant, aliis, quos sequutus est, aut post quos idem sentit Crojus, opposueram; ille autem, *subjicit*, tanquam plane idem & intellectu facillimum esset, eundem & subjicere abundantes verbi alicujus litteras, & illud ipsum verbum non dividere, mihi objecit. *Non ait eum Suetonius*, Croji verba sunt quæ hic legis, *Augustum*, in scribendo, ad marginem, litteras eas, quibus in ipso chartæ sinu non esset locus, transtulisse atque unco inclusisse. *Non scribit enim, inquam, Augustum abundantes litteras adjecisse sed subjecisse.* At non ignorabam tò *subjicere* id etiam significare, quod vult Crojus. Sciebam interim non esse ejusdem abundantes verbi alicujus litteras subjicere, siquidem hanc habeat significationem, & id ipsum verbum omnino non dividere. Ergo videndum nobis tum erat, an non ejusdem verbi literæ ita subjici possent dici, ut plane non dividerentur. An
non

non autem , quæso te , subjici in scribendo dicitur
 baud illud modo , quod inferiore loco legitur , sed id
 etiam , quod continuo , & eodem ordine præcedentia
 sequitur , ac proxime excipit ? Non putem id nega-
 turum Crojum , etiam si exempla , quibus id pro-
 bem ego non adduxerim. Quid enim his opus est
 in iis , quæ tyrones etiam non nesciunt ? Malim cer-
 tè adducere Trajani , apud Plinium juniorem , ver-
 ba , in quibus *subjicere* ea significatione accipiendum
 non est , contra quam eruditissimus ejus Interpres ,
 Johannes Maria Catanzus , olim annotavit. Vel tua
 causa id nunc faciam , quem , antiquæ omnis ele-
 gantiæ studiosum , scio ejus scriptoris Veneres inter
 primas , & præcipuas delitias semper habuisse. Epi-
 stola est xxxiii. lib. x. Trajani ad Plinium ; *Et*
mihi scripsit Gabius Bassus , non sufficere sibi eum mi-
litum numerum , qui ut daretur illi mandatis meis com-
plexus sum. Quid queris scripsisse me ? ut notum ha-
beres his literis subjici jussi. Multum interest , res po-
teat , an homines imperare latius velint. Nobis autem
utilitas demum spectanda est , & , quantum fieri potest ,
curandum , ne milites à signis absint. Ita vulgò in omni-
 bus , quas vidi , antiquis , & recentioribus editio-
 nibus legitur. Non rectè certe , quemadmodum nec
 rectè interpretantur. Volunt enim illa , *Multum in-*
terest , & quæ porro sequuntur , usque ad Epistolæ
 finem , ex Trajani litteris ad Gabium Bassum , o-
 ræ Ponticæ tunc Præfectum , excerpta esse , non a-
 lia ratione moti , quam quod proximè præcedat il-
 lud , *subjici jussi.* Sed egregie falluntur. Neque enim
 aliud vult Trajanus , quam huic ad Plinium Epistolæ
 subjici se jussisse litterarum suarum ad Gabium Bas-
 sum , quæ non exstant hodie , exemplar. Quæ autem
 sequuntur non sunt nisi sententiæ , quibus ad & E-
 pistolam ad Plinium claudit , & ea quæ scripserat ad
 Bassum , ut scilicet contentus esset beneficiariis decem,
 equitibus duobus , centurione uno , paucis confirmat.
 Legendum autem hic suspicor ; *Quid querenti* , nem-
 pe Basso , qui conquestus erat non sufficere sibi eum
 militum numerum , quem designaverat Trajanus ,
scripsit

scripserim, ut notum haberes, his litteris subjici jussi. Certe non est dubium quin id voluerit Trajanus. Vulgata lectio foedissime est corrupta. Sed de his plura ad ipsum Plinium, quem dare possumus, &, si vitam Deus dederit, daturi sumus multo quam ante & emendatiorem, & & illustriorem. Nunc enim opera ad Suetonium danda est. Cui cum neque hic lucem foeneratus sit Crojus, quod tamen promittit, neque veram ejus sententiam perviderit, quid restat, nisi ut nos utrumque tandem præstemus? Aut enim fallor, aut quid velit, liquido jam ostendam. Notavi, inquit, & in chirographo ejus. Digno certe quod inspiceretur; non argumenti tantum, sed etiam, quod ad institutum hoc facit, in scribendo elegantiae, sive καλλιγραφίας gratia: cujus si communem hominum errorem in permutandis, & mittendis subinde litteris, syllabisve exceperis, Augustum constat fuisse studiosum. Constat certe vel ex eo tantum, quod nihil æque laboraverit, quam ut chirographum suum à Nepotibus inter ipsa litterarum rudimenta exprimeretur. Auctor est Suetonius in hac ejus vita: Nepotes & litteras, & natare, aliaque rudimenta, per se plerumque docuit, ac nihil æque laboravit quam ut imitarentur chirographum suum. Tanti enim, & tam accurati in omnibus, Principis judicio nihil illorum imitationi, nisi quod optimum, & elegantissimum, proponendum fuit. Pro natare legi hic vult Lipsius, notare; ac de iis interpretatur notis, quæ scripturæ quædam sunt compendia, quibus verba non perscribuntur, sed signantur, celeritati, & excerptioni repertæ: quas qui discerent, ut Augustinus loquitur, lib. 11. cap. xxvi. de Doctr. Christian. Notarii appellantur. Non possum, quin de iis hic subjiciam (quid enim obstat, quo minus una fidelia non unum parietem dealbemus?) Isidori verba non tam tua causa; qui post exactam in hoc litterarum genere diligentiam nescire non potes, quæ etiam vulgus eruditorum non ignorat; quam ut foedissime corruptus, neque cuiquam hætenus intellectus ejus locus pristino nitore hic restitueretur; exstat is lib. 1. Originum, cap. 21. de Notis Vulgaribus, ubi hæc leguntur: Vulgares Notas Ennius primus mille & centum invenit. Nota-

rum usus erat, ut quicquid pro concione vel contentione, aut in judiciis diceretur, Librarii scribebant complures simul astantes, divisim inter se partibus, quot quisque verba & quo ordine exciperet. Romæ primus Tullius Tiro, Ciceronis Libertus, commentus est notas, sed tantum præpositionum. Post eum Tertius Persannius, Philargyrus, & Aquila Libertus Macenatis, alius alias addiderunt. Deinde Seneca contracto omnium digestoque & aucto numero, opus effecit in quinque millia. Notæ autem dictæ, eo quod verba vel syllabas præfixis characteribus notent, quas qui didicerunt proprie jam Notarii dicuntur. Agnoscis hic, vel fallor, Augiæ stabulum, & noctem planè illunem. Vide virum eruditissimum Lipsium Cent. 1. ad Belgas, epist. xxvii. hæsitantem. Quid enim his obscurius? Quid impeditius? Quis sanam ex iis sententiam eruerit? An ante Tironem facta, quæ à gravissimis, & omni exceptione maioribus scriptoribus à Tirone constat esse inventa? An is commentus est Romæ tantum præpositionum notas, quem imprimis designat Seneca, cum Epist. 90. scribit, vilissimorum mancipiorum commenta esse verborum notas, quibus quamvis citata excipiantur oratio! De quo Eusebius ad annum DCCXLVI? Marcus Tullius Tiro, Ciceronis Libertus, primus notas commentus est. Est in Bibliotheca mea optimæ & antiquæ notæ in membrana exaratus codex, in quo præter alia plurima veneranda, ac hætenus aversota, antiquitatis monumenta, primus ac secundus Originum Isidori leguntur. Utinam autem omnes! In eo post ista; Librarii scriberent, initium est novæ periodi, aut sententiæ; complures simul astantes, &c. Id, & alia rectam mihi viam straverunt ad veram hujus loci lectionem, qui haud dubie ita distinguendus ac emendandus est; Vulgares notas Ennius primus mille & centum invenit. Notarum usus erat, ut quicquid pro concione aut in judiciis diceretur, Librarii scriberent. Complures, simul astantes, divisim inter se partibus, quot quisque verba & quo ordine exciperet, Romæ primus Tullius Tiro Ciceronis libertus, commentus est. Notas, sed tantum præpositionum, post eum tertius Persannius; Philargyrus & Aquila, Libertus Macenatis, alias addiderunt. Deinde Seneca contracto

tracto omnium digestoque & aucto numero, opus effecit in quinque millia. Nota autem dicta eo quod verba vel syllabas, praeifixis characteribus, notent, & ad notitiam legentium revocent: quas qui didicerunt propriè Gracis . . . nobis Notarii dicuntur. Nihil hac lectione dari potest verius, nihil illustrius; neque in posterum, ut hæcenus, hære hic erit necesse. Quidni enim fidenter hoc asseram? cum jam levi ac prope nulla mutatione in obscurissimo antehac loco omnia aperta sint ac consona iis, quæ de harum notarum inventoribus gravissimi inter Romanos auctores prodidere. Tantum, in densissimis licet tenebris, dare lucis potest vel solus distinguendi ordo rectè observatus. Dicit notas, sed oppidò paucas, primum invenisse Ennium. Plana est sententia, si modo rectum sit proprium illud nomen. Subjicit, quis Notarum fuerit usus. Addit complures, hoc est, longè plures, subintellige autem, *Notas*, quam invenerat Ennius, Tironem, Ciceronis libertum, esse commentum. Et hoc verum est. An non cum his plane & examissim jam conveniunt illa, quæ à Seneca, & Eusebio ei imprimis tribuuntur? Auctor igitur primus Notarum Ennius, secundus Tiro, sed primo major eo quod paucissimis complures adjecerit. Persannius autem tertius notam præpositionum addidit. In membranis nostris disertim legitur; III. Persannius, id est, tertius Persannius. Ita enim scribendum est, non, ut pessime hæcenus, Tertius Persannius. Nomen enim illud hic non proprium, sed ordinis, & numeri esse, res ipsa clamat. Quod autem additur, primum Tironem Romæ commentum esse complures nō tantum notas, sed & adstantes librarios, qui, divisus inter se partibus, quot quisque & quo ordine verba exciperet, in concionibus & judiciis celeriter describendis orationibus vacarent, an non plane idem est, quod Plutarchus in Catone Uticensi annotavit? *unam ejus orationem exstare, excepta Ciceronis opera, qui in Curia celerrimos Scribas* (agnoscis hic complures, & inter eos haud dubie primum Tironem) *disposuerat, prædoctos Notis, & signis uti.* Οὐπὼ γὰρ (id enim subjicit Plutarchus) ἤσκηον, & δ' ἐνέκτιντο τὰς καλεμύνας σημειογράφως; (nondum enim instituerant, neque

que habebant Notarios dictos. Et hoc est quod vult Isidorus; primum nempe Tironem notas, & Notarios, & ordinem quo ea quæ dicebantur adstantes exciperent, in Curiam transtulisse. Sub finem in iisdem membranis nostris disertim exaratum est; *proprie Græcis nobis Notarii dicuntur*; sine ullâ defectus nota. Deesse tamen Græcum nomen ex verbis apertum est. Inferendum putem vel, *σημειογραφία*; quomodo Notarios proxime jam adducto loco vocat Plutarchus; vel, *ταχυγραφία*, quomodo apud Suidam à celeritate in scribendo appellantur. Et id quidem obiter de Isidori hoc loco. Ad Suetonii redeo. Apud eum *Natare* constanter habent MSS. non *Notare*, quod vult Lipsius: cui accedere non possum. Ejusmodi quippe, quas jam ex Isidoro descripsimus, Notæ hic locum non habent; perplexæ illæ, & ut D. Hieronymus loquitur, furta verborum. Agitur enim de pueris Abecedariis, & omnium primis pingendarum literarum rudimentis, inter quæ impeditas illas, intricatasq; Notas fuisse non sit verosimile. Primum quippe hic est, docere, quomodo plane, & eleganter litteræ pingendæ sint, quæ *καλλιγραφία* dicitur; non quomodo impedite, obscure, celeriter, quæ minus venusta, & calligraphiæ opposita *σημειογραφία* aut *ταχυγραφία* appellatur. Constat quippe *ταχυγραφία*, quorum erat pro litteris, signis ac notis uti, & *καλλιγραφία*, qui ut alia, ita etiam quæ ab illis obscure, & perplexe excepta erant, in legentium commodum plane, & plene, ac eleganter describebant, non tantum diversos esse, sed quasi opponi. Ecce tibi veterum testimonia, ei etiam adducta, neque satis intellecta, à quo hic dissentimus. Putat enim *καλλιγραφία* tantum scriptores esse, & sic vertit; Notarios non esse. Addit aliam esse *scripturam*, aliam Notariam, illam *καλλιγραφία*, hanc *ταχυγραφία* dici: quasi vero Notariis etiam scriptura non sit tribuenda. Aliter se res habet. Nota est Ausonii Epigraphe illa; *Ad Notarium, velocissime sribentem*. Scribunt ergo, & Notarii, non soli *καλλιγράφοι*. Sed Notarii aut *ταχυγράφοι* minus venuste, & plane, quia celeriter, & per notas, *καλλιγράφοι* contra venuste & plane, & perfecte, quia verba omnia perscribunt. Atque hoc illud est,

quod

quo distinguuntur. Scriptorem illum apud Suidam audiamus, qui de Ambrosio quodam, qui Origeni & auctor & Εργολάγος fuit ut in Sacras Litteras commentaretur; Ἀμβρόσιος inquit, πολλά ἱκετεύσας καὶ παραβιάσας αὐτὸν, καὶ ταχυγράφος αὐτῷ παραστήσας ἐπὶ τὰς, καλλιγράφους δὲ πλείους, ἐρμηνεύσας αὐτὸν τὰς θείας γραφὰς πτωχύνει. Ambrosius, inquit, multa eum, Originem scilicet, orans, & adigens, & septem ei Notarios, plures Scriptores alios (ita vertunt, sed vertendum erat, plures alios eleganter scribentes. Ipsa etymologia id postulat.) apponens, ut in Sacras Scripturas commentaretur, effecit. Duplex scriptorum genus memorat ταχυγράφος five Notarios, & καλλιγράφος. Sed & diversus eorum usus hic palam agnoscitur, quia nempe diversus scribendi modus. SS. Patres, ut & alii, si quod ingenii monumentum tradere posteris constituissent, meditationes suas ut plurimum dictare aliis solebant. In eo usus erat ταχυγράφων five Notariorum; qui celeriter dictata compendio Notarum celeriter etiam excipiebant. Ideo Ambrosius Origeni ἐπὶ τὰς ταχυγράφους adesse voluit. Causa vero, cur plerumque veteres horum ministerio usi sint, non autem ipsi sua primi descripserint, præcipue ista ne mens & meditando, & scribendo pariter districta, meditationis remissiones plurimas, & impedimenta pateretur. Facit huc, neque tibi ingratum erit audire, quod ex D. Ambrosio Ansberto, Gallo Presbytero, qui & eruditionis, & pietatis laude circa annum dcccxc. floruit, opportune nuper observabamus. Is suos in Johannis Theologi Apocalypsim, qui hodie existant, commentarios conditurus, forte a Notariis defectus, conversis ad Deum precibus: *Et quia*, rogat, *in hoc tam laborioso opere* Notariorum solatia deesse mihi videntur, obsecro, Domine, ut nec manus characteres verborum formans, aut visus exterior verba literis formata conspiciens, impedimentum præsent cordi intus secreta mysteriorum rimanti. Sicque oculis intentio vigilet intrinsecus, quatenus officium manus nequaquam torpeat extrinsecus. *Aperi ergo, Domine, sensum interiorum, move artus ad scribendum exterius, & ita utraque officia modificans dispo-*

*ne, disponensque modifica, ut in sudore hujus expositionis
 necessario sibi applaudant, concorditerque deserviant, Do-
 mine Deus, in his & in omnibus adjutor meus. Non facile
 verbis tibi expressero, optime Blaespili, quàm lætus
 ac lubens in vetustiorum Theologorum scriptis identi-
 dem nunc amplectar, nec facile dimittam, & aliis quo-
 que lubens sistam, passim expressam Christianæ pieta-
 tis simplicitatisque integram illam, & genuinam imagi-
 nem; in cujus hodie pene amissæ, ac à paucis retentæ
 locum non nisi calumniæ succedere, ita & frequentes &
 atroces in nonnullorum Theologorum scriptis (absit
 enim ut de omnibus, & melioribus id asseram) ut quî
 Theologum in iis quærit, etiam quærendo fatigatus
 non sit inventurus. Sed de his mox plura. Vides in-
 terim, quare Notariorum aut ταχυγραφῶν, operâ in
 iis, quæ meditati jam erant, vel meditabantur, exci-
 piendis, veteres uterentur. Ut autem illa dictata celeri-
 ter, & minus concinnè, ita his succedentes καλλιγραφῶν
 planius, perfectiusque eadem describebant. Ideo
 idem ille Ambrosius, præter septem ταχυγραφῶν, plu-
 res καλλιγραφῶν Origeni à manu esse voluit. Ex iis,
 quæ hætenus disputata à nobis sunt, satis liquet, non
 modo aliud esse ταχυγραφῶν, aliud καλλιγραφῶν,
 sed &, cum diversus fuerit utriusque usus, ταχυγραφῶν
 quæ neque facilis, nec perpetui usus, inter primæ
 litterarum rudimenta pueris, præsertim ad magna na-
 tis, tradi non debuissè. Et cur Augusti Nepotibus tra-
 deretur? Quis enim hujus ταχυγραφῶν usus, nisi ut
 ab aliis dictata celeriter exciperentur? Et quid, quæ-
 so, indignius his, qui in regnatrice domo in spem im-
 perii educabantur? Et constat veterum Notarios ple-
 rumque vel servos, vel libertos fuisse. Passim id ju-
 nioris Plinii, ut aliorum testimoniis nunc non utar,
 epistolæ loquuntur. Sed unde constat, ejusmodi notis
 in chirographo suo usum fuisse Augustum? Et, cur
 usus fuerit ille, cujus non erat, quod Notarii faciebant,
 dictata ab aliis celeriter excipere? Fateor, notis usus
 est Augustus, sed longe ab iis, de quibus hætenus e-
 gimus, & quas Nepotes suos docuissè Augustum illi
 volunt, diversis. Indicat id ipse Suetonius: Quoties
 I
 autem*

autem, inquit, per notas scribit, b pro a, c pro b, & deinceps eâdem ratione sequentes literas ponit. Pro z autem duplex a. Sed illa erat non ταχυγραφία, sed κρυπτογραφία, sive occulta scribendi ratio, quâ usus Augustus est cum secretiores litteras ad amicos daret. De quâ tam multa Spanhemensis Abbas Trithemius. At quis credat, Augustum eam scribendi rationem pueris inter prima literarum pingendarum rudimenta tradidisse? Notare igitur hic ferri non potest. Rectum est quod in omnibus libris legitur, *natare*. Constat enim natatum quoque inter prima fuisse pueritiæ Romanæ rudimenta. Si quid mutandum esset hoc loco, legerem, nullâ prope mutatione; *Nepotes & literas, ut natare, aliâque rudimenta, per se plerumque docuit: ac nihil æque laboravit, quam ut imitarentur chirographum suum*. Ut natare & alia rudimenta nepotes suos docuit, ita & literas ex chirographo suo. Sed & ab hoc Suetonii loco, quasi ex diverticulo, ad eum, quem illustrandum hic suscepimus, ubi de chirographo Augusti ex professo agitur, velut in viam, à quâ defleximus, & ad inceptum, tandem revertamur. Quid autem in eo notavit Suetonius? *Non, inquit, dividit verba*, quod de verbis singulis accipiendum esse, quivis videt. Ut novum id, aut certe rarum, notat, quia ea dividere usitatum antiquitus fuit. Constat id vel ex iis, quæ de verborum in scribendo divisione præcipiunt veteres. Satis erit nunc vel solum Fabium audisse lib. 1: cap. VII. hæc docentem: *Est etiam in dividendis verbis observatio, mediam literam consonantem priori, an sequenti syllabæ adjungas*. Aruspex enim, quia pars ejus posterior à spectando est, S. literam tertiæ dabit: abstemius, quia ex abstinentia temeti composita vox, primæ relinquet. Ita enim haud dubiè hic legendum est. *Relinquet*, nempe verbum abstemius S. literam primæ syllabæ, si forte fuerit scribendo dividendum. Pessime, & nullo sensu; vulgo scribitur, *relinquetur*. Vult enim justam verborum divisionem scribenti curæ esse debere. Neque enim fusque deque esse, quomodo literæ dividantur id probat S. literæ exemplo. Ea subinde cum priori syllabâ, nonnunquam cum sequenti conjungenda est. *Aruspex* S. literam dabit tertiæ, & scribendum, ubi divisione opus, . . . *aruspex*:

ſpex: Abſtemius eandem relinquet primæ, & hoc pacto dividetur, *abſtemius*. Utrumque petitâ ab etymo ratione confirmatur. De quibus plura alibi. Nihil autem æq; peritioribus elegantioribusq; in ſcribendo curæ olim fuit, quam ut, ubi dividenda verba ſe dabant, ſyllabæ rectè ſive διήμως dividerentur. Id neglectum olim Plotino, & iccirco in eo à Porphyrio notatum eſt: Εἰς γὰρ φησὶ δὲ εἰς καὶ διὰ το πᾶν μὲν τὰ γράμματα, εἰς διήμως τὰς συλλαβὰς διαίρων, εἰ δὲ τὸ ὀρθογραφίας φροντίζαν, ἀλλὰ μὲν τῷ νῦν ἐχόμενον: *Scriptit, inquit, neque eleganter pingens literas, neque rectè dividens ſyllabas, neque Orthographiam custodiens, ſoli menti aut ſententiæ ſemper inherens*. Aliter, ut jam dixi, inter veteres plerique elegantiae ſtuſtioſi. Eundem dividendi ordinem, vulgò jam receptum, in condendis verſibus identidem uſu antiquis poëtis fuiſſe vel ex eo etiam eſt apertum, quod ejusdem verbi ſyllabam aſſuant aliquando verſui præcedenti: ut in illo Horatii lib. I. Ode II.

Labitur ripa, Jove non probante, V.

(xovius amnis.

Nonnunquam ſequenti: quomodo apud Maronem l. III.

Et ſpumæ miſcent argenti, vivæque ſulphura Idææſque pices, & pingues unguine ceras.

Recepto huic pleriſque mori adverſus Auguſtus dicitur hic literas in chirographo ſuo non diviſiſſe. Neque proſecto dividere debuit, ſi eodem modo ſcribendum, quo loquamur, & quaſcunque tandem moleſtias, quæ legentibus, vel audientibus in ſermone, aut ſcriptura offerri poſſent, quovis ſtudio declinandas judicaret. De quo tanti Principis laudabili ſane, & egregio inſtituto dubitare nos in ejus vita Suetonius haud ſinit. Quid nî enim hoc etiam nomine ille celebretur. Cum enim ſermo præcipuum ſit humanæ Societatis vinculum, ac coagululum, ac nihil aliud quam ſermonis certiffima imago, ac imitatio ſit ſcriptura; haud dubiè pulcherrimus, ac humano generi utiliſſimus eſt eorum conatus, qui id ſedulo agunt, ne in loquendo aut ſcribendo vel tantillum remoræ auditis, lecturiſve relinquatur.

In scribendo cum primis. Si enim dubitandum nobis non sit, quin summâ ingenii eminentia fuerit is (quomodo sine Dialogi I. de mundi Systemate loquitur Galilæus Galilæi, quo homine nemo nostrâ, aut majorum ætate ordinem naturæ ac arcana altius indicavit, aut majori studio inveniendi nova, quæ humanis porro infervirent utilitatibus, exarsit) cui venit in mentem excogitare modum, penitissimas animi sui cogitationes alii cuicunque communicandi, etsi longissimo & loci, & temporis intervallo distanti, colloquendi cum his qui habitant remotissimas terrarum oras, cum his qui necdum nati sunt, nec nisi mille, aut decies abhinc mille annis nascentur; idque tanta facilitate; viginti nimirum minutis characteribus varie inter se conjunctis: ambigi profecto non potest quin summopere laudandi etiam illi sunt, quibus hodie adhuc cordi est aut olim fuit, ut scriptura, divinum vere, & rebus humanis apprimè necessarium inventum, sive redderetur indies ornatio, sive legentibus minus, siquidem id fieri possit, impedimenti adferret. Minutias quoque in re tam magnæ festari, magnum, & decorum est. Augustus (de ejus enim instituto nunc dicendum est) cum ex litteris, & syllabis conjunctis intelligeret verba constare quæ scribuntur, eorum in scriptura divisionem improbandam judicavit; eam maximè quæ vulgo olim recepta, & hodie adhuc præcipua usu, nonnihil etiam morari legentes videbatur. At quomodo verba non divisit? Id enim nunc quærendum est. An ita scripsit, ut omnino verba non diviserit, hoc est, ut eorum literæ ac syllabæ omnes manserint conjunctissimæ? Mihi quidē non est dubium, quin iniri possit, neque unâ viâ, ejusmodi scribendi ratio. Et in antiquis nonnullis manu exaratis libris à librariis accurate, & constanter observatam haud semel deprehendi. Possunt enim quæ sine versuum abundant verborum literæ scribendo in marginem produci ac extendi. quomodo scripsisse Augustum nos olim putabamus. Sed in alios fere usus paginarum margines destinantur; & inæqualitas illa nunc longiorum versuum, nunc breviorum, est invenusta. Possunt & eadem noto scribendi compendio ita contrahi, ut non
abun-

abundent, ut in *atque exēplū*, *fcōs* pro factos, *tū* pro tamen, *ppls*, pro populus, & ejus generis aliis. At harum contractionum non in omnibus, quorum abundare literæ nonnunquam possunt, verbis usus est; & minus planam scripturam reddunt, ac impeditiorem. Vidi & vetustos lapides, in quibus minore caractere aliquot erant literæ majoribus mixtæ, ne scilicet ex iis quædam sine versus abundarent, aut dividere verba necesse esset. Ecce tibi istum;

M. CÆLIUS	M. CÆLIUS
ML	ML
PRIVATUS	THIAMINUS
M. CÆLIO. T. F. LEM. BONO	
... LEG. XIIX. ANN. LIII... CIDIT.	
.... BELLO. VARIANO. OSSA	
..... INFERRE. LICEBIT. P.	
.... CÆLIUS. T. F. LEM. FRATER:	
..... FECIT.	

Hac forma inscriptiones aliquot aliæ apud Masochium, & Gruterum leguntur. Sed ista suffecerit. quam eo libentius hic descripsi, quod à peregrinatione recenti tibi ea forte nondum visa sit in vicina Belgio nostro Clivia nuper admodum reperta. Est autem Kenotaphium, ut videtur, militi positum, qui celebri illo bello Variano ceciderat. Cæterum nulla expeditior scribendi, ita ut verba plane non dividantur, ratio, meo quidem judicio, quam si versuum longitudine semel definita, margine intacta, verbum id, cujus abundaturæ aliquot in superiori versu literæ creduntur, integrum legentibus proxime sequentis versus initio offeratur. Exemplum sit eadem, quam, sed alio scriptam ordine, supra etiam exhibuimus, Augusti ad Tiberium epistola; *Cœnavi, mi Tiberi, cœvīs dē. Accesserunt convivæ Vinicius, & Silvius pater. Inter cœnam lusimus γερωνικὸς & heri, & hodie. Talis enim jactatis ut quique canem, aut senionem miserat, in singulos talos singulos denarios in medium conferebat. Quos tollebat universos, qui Venerem jecerat.*

Vides in hoc scribendi ordine divisioni verborum, aut divortio locum plane nullum relinqui. Neque ejus

in MSS. quibusdam vetustioribus, quæ vidi, ut & aliquot lapidibus, defunt exempla. Agnoscis interim hic quoque versuum inæqualitatem. quam, ut inconcinnam & deformem, summâ cura declinandam veteres *καλλιγραφίας* studiosi putavere. quibus versuum æqualitas haud postremum scripturæ ornamentum, imo, ut revera est, quasi Venus quædam, habebatur. Neque una iis placuit ratio, quâ eam declinarent. aliquando postrema ultimi verbi litera à reliquis avulsa, & in finem statim versus seposita. ut in hac inscriptione, quæ, earum quas Gruterus collegit, & pag. cxxviii. exhibuit, prima est.

M. ATTILIUS RUFINU	S
SEX. SALVIUS. SENILIU	S
C. AUTRONIUS MAXIMU	S
L. TITULEJUS. FELI	X
M. PUBLICIUS. HESTE	R
M. HERENNIUS: CAPIT	O.

Neque aliter, neque alia de causâ, versus Poëtarum, qui alias fere inæquales sunt, scribebant elegantiores,
Ut exempli gratia,

<i>Jam satis terris nivis, atque dir</i>	<i>Æ</i>
<i>Grandinis misit pater, & rabens</i>	<i>E</i>
<i>Dexterâ sacras jaculatus arce</i>	<i>S.</i>
<i>Terruit gente</i>	<i>M.</i>

In vetustis membranis integri aliquot Poëtæ veteres sic destripti hodieque inveniuntur. Nonnunquam, integro verbo, inæquali intervallo, & à reliquis divulso, in finem versus rejecto. Exempla in eodem inscriptionum opere plurima inspicienti offeruntur. Imo studiosè adeo, ut idem esset omnium versuum quemadmodum initium, ita & finis, à nonnullis olim observatum, ut si in postremo omnium, vel duo tantum verba se scribenda darent, alterum ejus initio, alterum fine exhiberent. Nemo, nisi qui nihil videt, hoc negabit, si modò vertat oculos ad hoc cæco pag. dcxcvii. N. ix. laudati jam operis, positum monumentum.

MEMORIÆ

M. NONI. PLACIDI

V. A. XXVIII. M. VIII. D. XIIX.

AB. ANNO. ÆTATIS. SUÆ

XII. OCULIS. PATENTIBUS

VIDIT.

NIHIL.

Sunt exempla ejus generis ibidem plura. Cæterum nihil horum Augustus. qui neque cavit ne verbi literæ aliquæ in scribendo abundarent; neque, cum forte abundarent, ita scripsit, ut plane non dividerentur. Quare igitur disertim asserit Suetonius, eum verba non divisisse, atque ex chirographo ejus se annotasse? Hoc enim tandem nobis hic venit explicandum. In quo, ut præeat Suetonius ipse, necesse est. Neque enim hæc rectè explicaturus certio rem, melioremve sequi potest interpretem. Neque, aut admodum fallor, ambiguum posthac erit, de quo hic quæritur, si hæc propius expendantur. *Non dividit verba*; post quæ addit, quibus, quid sit non dividere verba, ipse, sed paucis, interpretatur; *Nec ab extremâ parte versuum abundantes literas in alterum transfert*. Non potest dubium esse, quin velit, in scribendis abundantibus verborum literis alium morem, quàm vulgò alios, Augustum esse sequutum. Quomodo autem ea à veterum plerisque scribebantur? Haud aliter profectò, quàm à nobis hodie. Ab extremâ parte versuum, à Tranquilli quippe verbis hic recedendum non est, abundantes literas in alterum transferebant. Hac divisione factum, ut pars verbi sine versus prioris, pars sequentis initio legeretur. Nimia ea, nec necessaria, visa est Augusto. Is ergo contrario usus scribendi ordine non *transfere in alterum versum* abundantes literas voluit, sed ibidem *statim subicere*, id est, in altero quidem versu, at non initio ejus, quod remotius, sed extremæ, quod proximum, scripsisse, ac ita circumduxisse, ut pars non sequentis, sed præcedentis versus ac à reliquis non divisæ esse intelligerentur. Quot Suetonii hic verba exstant, tot hanc ejus mentem esse, certissima sunt argumenta.

Non divisisse verba dicitur Augustus, non quod eorum partes plane non divideret, sed quod abundantes literas ab extremâ parte versusum ibidem, id est extrema sequentis versus parte, id est, proxima, subjiceret, ita ut pene dividi non viderentur. Alii interim ita eas dividebant, ut à fine præcedentis versus ad proximi initium eas transferrent. Hæc vera erat divisio, cum Augustæ illa adeo esset ab illa diversa & modica, ut prope nulla, imo nulla Suetonio, propter circumductionem scilicet, videretur. Hæc causa est, quare dicat, verba Augustum non divisisse: *Transferre* enim abundantes ab extrema parte versusum literas, illi dividere est, non autem ibidem *statim subjicere*. Quod enim *transfertur* ab eo, à quo transfertur loco, omnino divulsus est. Quod verò proximè subjicitur, non tam divisum quam proxime cum eo cui subjicitur conjunctum & quasi indivulsus habetur. Si ergo sic scribas, quomodo vulgo olim, ut & nos hodie; : *labores*, divisio erit, quia abundantes literæ ab extrema versus parte transferuntur. Neque hæc pariter oculis legentis offeruntur. Sin autem hoc modo, quomodo Augustus. *labores*

Non videtur esse divisio, quia abundantes illæ literæ non transferuntur sed statim, id est, proxime, & ut conjunctæ subjiciuntur, & uno eodemque intuitu adspiciuntur. Neque aliud hic voluit Suetonius. Verbum non addam de re jam manifestâ. Cæterum ubi subjecerit Augustus abundantes illas literas, an in illo quod inter duos versus relinquitur intervallo, an extrema parte versus proximè sequentis, restat ut videamus. Illud Crojo, nobis hoc videtur verius. Certè nunquam illud ex Suetonio probabit Crojus. Dicit ille, *Ibidem subjicit*. Quo referas illud *ibidem*? An ad vacuum illud intervallum? Atqui nulla ejus facta est à Suetonio mentio. ac de eo hic ne *quid* quidem. Ratio quoque ipsa dissentit. Quis enim illius intervalli usus est? Triplex fere, aut fallor. Nam & ad ornatum *Σελίδες* istæ haud parum faciunt, ut margines paginarum; & legentes plurimum juvant, dum versus singuli vacuo illo inter singulos

gulos ac justo spacio relicto distinctius oculis offeruntur, ipforum denique etiam qui scribunt usibus, si quid mutare forte, aut corrigere, vel addere, aut supra scribere velint, quod tamen in scriptura quæ aliorum etiam oculis offertur, deforme est, plurimum conducunt. De postremo est insignis mendo Plinii Junioris lib. VII. Epist. XII. locus, & obiter hic à nobis emendandus. Verba sunt; *Postea enim illis, nempe quæ emendanda in libello à me formato judicabis, ex aliquâ occasione ut meis utar, & beneficio fastidii tui ipse laudabor, ut in eo quod annotatum invenies, & superscripto, in vacuo nimirum illo, inter versus singulos intervallo, aliter explicitum.* Ita vulgo hæc legunt, & distinguunt, nullo sensu. Veteres, melioresque libri habent, *ut in eo quod adnotandum adnotatum quoque invenies.* Quæ nec ipsa satis sana aut distincta sunt. Ergo fidenter sic scribo, & distinguo: *Postea enim ex aliquâ occasione ut meis utar, & beneficio fastidii tui ipse laudabor. Tu in eo quod adnotandum adnotatum invenies, & superscripto aliter explicitum.* Non est dubitandum, quin hæc ipsa Plinii scriptura sit. Quid autem velit, satis explicant illa, quæ statim subjunguntur: *Nam cum suspicarer futurum, ut tibi tumidius videretur, quod est sonantius, & elatius, non alienum existimavi, ne te torqueres, addere statim pressius quiddam & exilius. Vel potius humiliter, & pejor, vestro tamen iudicio rectius.* De stylo non erat idem Plinii, quod Minutii, ad quem scribit, iudicium. Huic exilis, & humilis, illi autem sonantior ac elatior, quem tamen ut tumidum Minutius aspernabatur. Petiit igitur ab eo Plinius, ut ingenio suo utatur in emendandis omnibus iis, quæ tumidius scripta iudicaret. Sed, inquit, ne quid in eo molestiæ crearem tibi, ego illa omnia, quæ adnotanda à te ut minus rectè dicta credebam, ipse jam annotavi, eaque aliter, & exilius explicata superscripto, in *ἑκλίῃ* nempe, invenies. Cæterum de his, ut jam dixi, plura ad ipsum Plinium. Augustus enim nondum nos dimittit. Quis enim credat, eum, cujus scripturam elegantia ipsa, & venustate fuisse monstrabilem constat, rejectis in vacuum illud quod inter singulos versus est spatium, abundantibus literis, semper de-

venustare illam voluisse? Quid enim aut inconcinnius eo, aut invenustius? Fieri namque non potest, quin qui sic scribit, intervallum illud singulorum versuum non quidem longitudine, sed latitudine passim reddat inæquale. Retroflecte, si placet, oculos ad Augusti epistolam, quam ab eo ex sententia Croji scriptam supra jam exhibuimus. Quomodo autem non potuit illa inevitabilis sic scribenti, & toties, ac singulis prope versibus obvia inæqualitas politissimo, etiam in pingendis literis, Principi non displicere? Sed ego, forte nimis jam *multa super Priamo rogans, super Hectore multa*, molestus tibi diutius esse, neque debeo, neque volo. Quidnî enim in Serenissimi, ac laudatissimi omnium, quos Germania nunc habet, Principum aula agentis jam tibi, ab horum temporum calamitate, ac nunc maxime seriis pro pacanda Europa consiliis, alienum videatur ac absurdum, tam longâ Dissertatione quærere, quomodo Principes scripserint: cum, ut ita dixerim, *adhuc Virgineula Juno esset, & Idæis privatus Juppiter antris* ageret. Est ad manum nobile illud Ancyrae repertum, & quod in Smetianarum Inscriptionum Auctario legitur, monumentum, non modo Breviarium rerum, sed etiam quoddam quasi chiographum Augusti. Id, nisi fallor, & paucis, hic nos absolvet. Quod enim locupletius aut certius testimonium in hac causa posset in medium adferri? In ea, ut, nota jam eruditis ac explorata non semel, ut hic, ita & alibi veterum quadratariorum negligentia aut imperitia, quædam sese offerunt à more scribendi, quem Augusti fuisse constat, plane aliena, ita exstant duo *subjectorum* in scribendo verborum *circumductorumque* apertissima exempla, quæ ex ipso Augusti chiographo, aut inscriptione lapidis facta juxta chiographi ejus normam ac ordinem, expressa esse, vel hac sola ratione motus, fidenter audeo affirmare, quod nihil simile in vasto illo Opere, inter tot vetustarum Inscriptionum chiliades, mihi, hac nunc de causa iterum eas perlustranti, fuerit oblatum. Hæc ergo, ne in posterum dubia sit, aut vera, ut falsa de chiographo Augusti,

& Suetonii hoc loco sententia, superest ut tandem inspiciamus. Neque enim ambigitur quin ejus Breviarii & auctor sit, & id primus descripserit ipse Augustus, & quadratarius nova illa, neque alibi obvia, scribendi ratione, præeuntis Augusti ductum, & quasi vestigia fuerit sequutus. Ecce tibi primum, ex oppositi lateris serie prima;

JOVIS. LIBERTATIS. IN AVENTINO.
ÆDEM. LARUM. IN SUMMA. SACRA. VIA.
ÆDEM. DEUM. PENATIUM. IN. VELIA.
ÆDEM. JUVENTATIS. ÆDEM. MATRIS.
MAGNÆ. IN. PALACIO. SERTORIUM. ET.
POMPEJUM. (FECI.
THEATRUM. UTRUMQUE. OPUS. IMPENSA.
GRANDI: REFECI. SINE. ULLA.
INSCRIPTIONE. NOMINIS. MEI.

Adde & alterum, ex ejusdem seriei continuatione, illud;

QUOTIESCUNQUE. IMPERATOR. M... AURI
CORONARIUM. NON. ACCEPI.
DECERNENTIBUS. MUNICIPIIS. QUÆ. ANTE
TEMP. DEFUNCTAR. AFRIC. (DECREVERAM.
MEO. NOMINE. AUT. FILIORVM. MEORVM.
ET. NEPOTVM. IN CIRCO &c.

Vides utroque loco postremum, quod præcedentium sententiam claudit, verbum non translatum ab extrema versuum parte, sed ibidem statim subiectum. Vides non in illo intervallo, quod inter duos versus est, sed sine versus sequentis subiectum. Vides etiam, ut ad præcedentem versum pertinere, & velut pars quædam ejus, nec divisum, intelligeretur, circumductum, & simul circumducendi verba, aut abundantes literas (eadem enim haud dubie in his quoque scribendi norma observata est) usitatam Augusto rationem. Placetne, ut tandem quoque epistolam ejus hoc ordine scriptam hic exhibeamus? Mihi certè, neque grave, neque difficile id erit. Si autem id superfluum tibi videatur, facile etiam erit non legendo præterire, aut delere.

Nos, mi Tiberi, quinquatris satis iuncte egimus. Lufimus enim per omnes dies, forumque aleatorium calefecimus. Frater tuus magnis clamoribus rem gessit. Ad summam tamen perdidit non multum: Sed ex magnis detrimentis præter spem paulatim retractus est. Ego perdidit vi-

(ginti

millia nummorum, meo nomine; sed cum effuse in lusu liberalis fuisset, ut so-

(leo

plerumque. Nam si quas manus remisit cuique, exegisset, aut retinisset quod cuique donavi, vicisset vel quinquaginta milia. Sed hoc malo. Benignitas enim mea me ad cælestem gloriam efferret.

Hæc demum vera est Augusti scriptura, quam cum verbis Suetonii, & iis, quæ ex Ancyrano monumento jam produximus, omnino congruere, nemo, nisi quis veri se hostem profiteri malit, posthac negabit. A consuetudine enim vulgo in scribendo recepta, & nobis adhuc retenta recessit Augustus, ac contrariam plane viam ingressus est. Vulgò à fine versus ad alterius initium abundantes literas transferre mos erat. Ea divisio immanis, & nimia, & lectoribus molesta visa Augusto ac iccirco improbata est. Ipse vero iisdem illis literis statim ibidem in fine versus sequentis locum fecit, atque ita eas circumduxit, ut à reliquis non divisæ, aut avulsæ, sed cum iis quam proxime cohærere viderentur. Neque obstat Suetonius, qui notat abundantes literas in alterum; nempe sequentem, versum non transtulisse. Aliud enim est transferre, aliud subicere. Negat transtulisse abundantes literas; non negat subiecisse. Adde, quod circumductio faceret, ut circumductæ vel literæ, vel syllabæ pars præcedentis, non alterius, versus esse viderentur. Is enim circumductionis usus erat. Id ea, nec aliud, significabat. Vides jam sine ulla inconcinnitate, imo venustissime, quod in scribendo propositum erat Augusto, abundan-

tes literas subjectas, & ne divisæ viderentur, circumductas. Quid post hæc aut quo plura? Neque ego, pene puer, veram hujus loci sententiam olim vidi: (Cur enim id fateri pudeat? cum hic demum pudendum maxime, & plane indignum veritatis studioso sit, fateri nolle, si erraveris) neque nunc vidit Crojus. Qui quod à nobis, nisi fallor, tandem nunc præstitum est, post irritos aliorum omnium interpretum conatus illustratum hic à se Suetonium, cum quid vellet, ille non intelligeret, temere affirmavit. Neque tamen ideo minoris hominem facio, quam meretur; qui scio novum haud esse in his similibusque antiquitus sepultis summos etiam viros identidem à vero aberrare. Maneat illi ex studiis suis honos, qui debetur. Per me certe, qui quanti præclara omnia ingenia & fecerim semper, & nunc faciam, & quam magis de iis sentiam, non ignoras, nihil ei detrahetur. Ego enim & amare eum possum, si quidem amari se à nobis patiat, in quo unum illud, quod forte ipse quoque jam non probat postquam bonis ubique omnibus ac eruditis improbari haud dubiè intelligit, hoc est, effrænem illam libidinem convitiandi, in publico præsertim scripto, & adversus eum virum, cujus cæleste ingenium, & infinitam eruditionem, & incomparabilia in Remp. literariam merita, omnes jam laudes sunt supergressa, non possum non odisse. Neque interim ab eorum judicio abeo, qui, si quidem id exigat ratio, à maximis etiam viris dissentendum arbitrantur. Principes quippe literarum ac Dictatores quosdam & dicimus libenter, & meritò agnoscimus, sed ut venerantes, non ut servi. Neque arbitria eorum jura hominum sunt, aut ut leges admittuntur. Contra eos modo pronuncio, qui ex ambitione potius, quam merito ab iis dissentiunt; qui non dissentiunt sine contumelia, & nisi convitiantur; qui denique dissentire non possunt, nisi profiteantur odisse se illos à quibus dissentiunt: cum tamen haud arduum factu sit & amare eos, à quibus dissentias, & ab iis, quos ames, dissentire. Quo enim illa tor convitia, quæ neque regunt, neque vulnerant; quibus digni, vel indigni; Majores, minoresve, falsa, aut vera

tuen-

tuentes, non distinguuntur? Quid referta iis scripta sunt nisi pignora injuriæ, & impotentis animi ad posteros transmissa, &, siquidem ex scribentium voto res cadat, duratura æternum monumenta? An non, quæso te, per ea contumeliæ ex contumeliis trahuntur, & velut inexplicabili quodam nexu jam devinctis semel ingeniis ac commissis, semper incipiunt maledicorum occupationes; & post convitia omnia, vetera aut nova, consumpta, fessis jam ac fatigatis manet tamen odium, & convitiandi libido? Neque eadem intemperantia illos decet, qui priores laceffiti, & læsi vices reddunt. Delictum enim aliorum, ut egregiè ille olim, respiciendum est ut opprobrium, non ut exemplum. Sed hos justus dolor, & superata, si quidem sapientis illa, quam invictam esse oportet, superari patientia unquam possit, forte excusaverit. Illi autem plane non ferendi qui priores maledicunt, & non laceffiti. Nam ne quidem id hominis. In Theologis autem tam monstruosum est, quàm hæctenus inauditum. Ex his enim quidam hac ætate, inprimis nuper, tam ab his, qui ejusdem ordinis, quam aliis, tanta immodestia publice dissentire, ac in famam aliorum & existimationem tam atrociter grassari, ausi sunt, ut in quavis potius alia, quam Christi schola ostenderint sese eruditos. Hoc igitur demum sæculo, prò pudor, in Sacras literas observationes vocantur, portenta & plaustra convitiatorum. Nam hic quoque vera vocabula amisimus. Et cur cælestissima verba illustranda illi suscipiunt qui non intelligunt? Sin autem intelligant, cur iis præscripta, præsertim cum præire hic magnitudine exempli aliis debeant, non sequuntur? Ubi ergo in fratres amor, cum in hostes etiam sit præceptus? Quid sibi vult illud maximi, & dulcissimi præceptoris, *Discite à me, quoniam sum mitis?* An illam nullis modestiæ, nullis Christianæ caritatis, nullis conscientiæ aliud dictantis repagulis coercitam styli atrocitatem, in eorum famam, qui pulcherrimam, quæ optimo cuique & maximo non minus quam ipsa vita æstimatur, illustrissimis & studiis, & meritis sibi quæsiwere? Id enim Dominum velle, ex horum certe scriptis colligas. Ubi ergo mos à sanctissimis

Patri-

Patribus traditus? Ubi exempla, quæ ab Episcopis, quem pascunt, gregi debentur? Ubi vetus illa, & incorrupta Ecclesiæ disciplina? Scribere hæc nunc, & in sinum tuum privatim effundere, immensus, quem animo pridem concepi, dolor subegit. Malum enim illud, cum pene omni remedio jam sit valentius, & majores indies acquirat vires, ne graviores aliquando excitet, & secum trahat factiones, cum præsentissimo non Ecclesiæ modo, sed & Reip. discrimine, admodum metuendum est. Utinam meliorem aliquando illi mentem induant! Vel saltem ordinis sui causa, quem ego ut incomparabili bono generis humani divinitus institutū, & ut omnium sanctissimum suspicio & colo, ac tot ejusdem ordinis virorum, & omnigena eruditione, & quod pluris facio, pietate excellentium: quibus ego quidem tanto plus tribuendum censeo, quanto immodestorum illorum consortio ac collegio auctoritati horum, & existimationi plus discedit apud eos, qui iniquo tamen & perverso plane judicio de toto ordine ex diversis quorundam moribus & ingenio temere pronunciant. Vale, vir amplissime & cum id prolixissimi illius tui in me animi magnitudinem nihil adjici posse intelligam, ita, ut soles, constanter me ama. Quod tanto impensius te nunc rogo, quanto plures vivunt hodie, qui sine causa alios odisse malunt, quàm merito amare. Quorum artes ut nonnunquam in obscuro sunt, ita aliquando etiam invitis & incogitantibus erumpunt. Quorum neque in aula tibi, neque hic nobis desunt exempla. Quidus quidem ego oppono animum, qui neque didicit, neque necesse habet, cuiquam servire, ac longe judicat pulchrius, omnium amorem mereri, quam ab omnibus amari. Iterum vale, & hoc age.

Lugd. Bat. 1645. Mense Aug.

JACOB O B A S E L I O
BOXHORNIIUS, S.D.PL.

Bergizomium.

Fatali optimi viri Soceri mei & morbo & excessu factum est quo minus ex Zelandia ad vos excurrere
po-

potuerim, Baseli amicissime Collectio Pro-
verbiorum & Scholia in eam tua legi & probo. Perge
in eo instituto, sed inprimis animum & curas adjice ad
rariora, ut cum omnia dare destinatum tibi non sit,
prodeant exquisitiora. Vale, & amplissimis Roucquiis
officia mea defer.

Lugd. Bat. 1645. Septemb. 20.

VINCENTIO FABRICIO

M. Z. BOXHORNII S. D. P.

Gedannum.

Vir amplissime,

EGo certe & tibi & mihi gratulari necesse habeo,
cum & Virtutibus tuis apertus sit nobilissimus
campus, qui haud dubie ostendet, qui virfies; & tuum
in me animum amplissima fortuna non mutaverit. Sta-
tueram humanitatem hanc tuam prævenire ipse, sed
cum annuo & prope ultimo commistus morbo coactus
sum ea intermittere officio, ad quæ jam pridem ob-
strictum me agnoscebam. Itaque non est quod de stu-
diis nostris quæras. Hoc unum enim hætenus ago, ut
convalescam. Et res ea, sic satis, ni fallor, bene proce-
dit. Et testabuntur id, si Deus volet, prolixiores lite-
ræ, quas paullo valentior ad te paro. Is interim, qui
tuas mihi tradidit, vel eo nomine, quia tuus est, lauda-
tissimus mihi erit. Et sane laudanda omnia non polli-
cetur tantum, sed jam præstat. Vale, vir amplissime, &
ut tremulæ adhuc dextræ ignoscas te rogo, hac tamen
lege, ut plura, non modo debendi reum, sed & prox-
ime scripturum me scias. Iterum vale, & ut soles, me
ama. Raptim, & adhuc æger hæc scripsi.

Lugd. Bat. 1646. Novemb. 12.

HEN-

HENRICO BRUNONI
BOXHORNIUS, S.*Hagani.**Prestantissime & eximie Juvenis,*

PUteani Epistolas, ad illustres viros Hugenum ac Heinsium scriptas, id est, elegantiae omnis ac venustatis coagulum, omnibus scriptas & deberi censeo. Id igitur agam, ut quam primum publicè legantur. Nihil hic est, quod moram obiciat. Neque in vobis, aut vestris, nisi fallor, erit. In tua eum manu situm est, ut hæc proximè mihi tradantur. Faxo ego, ut eo, quo oportet, ordine, legantur. Ad alios scriptas alibi locorum forte inveniet. Hæ solæ, & ita conjunctæ ut dividi possint, & ita divisæ ut nihilominus conjungi possint, à nobis publico dabuntur. Sunt interim & alia, quæ me exercent. Scythica nempe. Utinam verò illa quàm vera & certa sunt, tam vera & certa aliis videantur? Institutum hoc, ut novum vel invidia, vel ignorantia, etiam cætera doctissimorum, non caret. Sunt tamen & habentur inter doctissimos, quibus rationes mens probavi. Et etiamsi non probassem, scio probandas omnium eorum judicio, qui amant virtutem. Epistola hæc, quam legere te volui, sed eâ lege ut intra bidui spatium ad me redeat, quid moliar, & quid paratum jam habeam, te docebit. Vale, amicorum jucundissime, & me amice Heroi Hugenio, & Zueriæ meæ ut me meaque omnia offeras, unice te rogo.

*Raptim Lugd. Bat. 1646. Decemb. 13.*ARNOLDO VINNIO
M. Z. BOXHORNIUS, S. P. D.

Satisfacio nunc, ecce, desiderio tuo, Arnolde Vinni, vir consultissime. Utinam verò etiam judicio! quod cum grave sit & exactum, aut stare eo, aut cadere

paratus sum. De *Avaria*, cujas & qualis ea vox sit, quæritur. Quæ de ejus origine hætenus differunt alii, ea neque repetere hic, neque refellere vel animus, vel necesse est. Non enim non falsa, & inepta illa videri poterunt, si vera, & proba sint, quæ sed paucis, jam dicturus sum. *Aban* (à primâ enim origine res arcesfenda est) Scythis cultum & habitatum significat. In Lexico Persico; *Aban*, cultus, habitatus. *Abadan*, habitatus, cultusque locus. *Abadani*, cultura loci, habitatio. Persas autem & Parthos eosdem, & ejusdem originis, id est, Scythas esse, constat. Sicut & ejusdem haud dubiè Germani sunt, quibus eadem vox, & eâdem significatione, etiamnum in usu est. *Havenen*, aut *habenen*, iis est, colere, ornare; *gehaveent*, cultus; *ongehaveent*, incultus. Inde est & *haven*, cultus habitatusque locus. Ita hodie vulgo *portum* vocant, ut locum cultum habitatum; cujus adspectu mare incultum, inhabitatum est. Pro dialectorum autem, quod in omnibus pene linguis usu venit, etiam *Haver* dicitur, portus. Neque aliter Franci, qui haud dubiè ortu Germani sunt, nunc loquuntur. *Havre*, portus; *Merzommode en Havres*, portuosum mare; *Mer sans Havre*, importuosum mare; & celeberrimi nunc portus proprium nomen, *Havre de Graces*. Exempla alia ejus generis & mutationes multa sunt; sed recensere omnia nimis nunc prolixum foret. Ab *Havre*, quod sine dubio contractum est ex *Havare*, & portum significat, nomen, de quo hic agitur, *Havaria* aut *Avaria*, cujus frequens in nostro aliarumque Europæ gentium nautico jure occurrit mentio, factum est. Planè, ut à *portus* dicitur, *portorium*; quod in ipso portus aditu, à nautis & mercatoribus vectigal exigitur. *Avaria* enim nihil est aut significat aliud, quam id, quod ab his, quorum merces & bona in portum salva delata sunt, in eos confertur, quibus merces & bona jactu periêre. Hæc nunc obiter de nomine, ac nisi fallor, aperta. De argumento autem, ipso plura, & majora tu, Vir eruditissime, qui cum ornandam amplificandamque Romanorum & nostri juris disciplinam, nostrarum quoque litterarum opes cul-

tumque, raro quidem illo hodie, sed laudatissimo & imitando omnibus exemplo, abunde conferas, & huic tuæ tam egregiè curæ, tantisque in Academiam & Rempublicam meritis porro augendis propitius fa-
veat, & quàm diutissime sospitem te servet, Deum rogo: te verò, ut, quemadmodum soles, constanter me ames, imprimis autem, ut sic de publici egregii bono optimè mereri pergas. Vale igitur, Vir amplissime, eximium & Academiæ nostræ, & Consultissimi Ordinis decus.

Lugd. Bat. ipsis Kal. April. 1647.

CONSTANTINO HUGENIO

BOXHORIUS, S.

ECce ergo ergo hic tibi, Virorum nobilissime, Constantine Hugeni, publicas Scythicarum observationum primitias, quæ DEÆ NEHALENNIÆ datæ sunt. Tuum vero imprimis iudicium cognoscere a-
veo, ut aut hac via sapere porro ac eruere veritatem pergam, aut desinam ineptire. Cum ad celsissimam Principem hanc dissertationem instituerim, multa etiam huc facientia prætermittere debui, alibi locum habitura. De Numeralibus vulgo jam receptis Notis, quæ commentatus ac amplissimo nomini tuo inscribere ausus sum, proxime prælo subjicientur. Hactenus enim nonnulla desidero, quæ inspicere omnino necesse est. *Dasypodii maxime Arithmeticam.* Exstat fortè illa in optimi Principis (cujus afflictæ valerudinis sine veris lachrymis meminisse non possum) Bibliotheca, à Mathematicis scriptis instructissima, aut forte etiam tua. Vale, vir illustris, &, ut soles, me ama. In Puteani Epistolis excudendis jam est Typographus. iterum vale.

Lugd. Bat. 1647. Martii 9.

NICO

paratus sum. De *Avaria*, cujus & qualis ea vox sit, quæritur. Quæ de ejus origine hætenus disserunt alii, ea neque repetere hic, neque refellere vel animus, vel necesse est. Non enim non falsa, & inepta illa videri poterunt, si vera, & proba sint, quæ sed paucis, jam dicturus sum. *Aban* (à primâ enim origine res arcescenda est) Scythis cultum & habitatum significat. In Lexico Persico; *Aban*, cultus, habitatus. *Abadan*, habitatus, cultusque locus. *Abadani*, cultura loci, habitatio. Persas autem & Parthos eosdem, & ejusdem originis, id est, Scythas esse, constat. Sicut & ejusdem haud dubiè Germani sunt, quibus eadem vox, & eâdem significatione, etiamnum in usu est. *Havenen*, aut *haben*, iis est, colere, ornare; *gehave*, cultus; *ongehave*, incultus. Inde est & *haven*, cultus habitatusque locus. Ita hodie vulgo *portum* vocant, ut locum cultum habitatum; cujus adspectu mare incultum, inhabitatum est. Pro dialectorum autem, quod in omnibus pene linguis usu venit, etiam *Haver* dicitur, portus. Neque aliter Franci, qui haud dubiè ortu Germani sunt, nunc loquuntur. *Havre*, portus; *Merzommode en Havres*, portuosum mare; *Mer sans Havre*, importuosum mare; & celeberrimi nunc portus proprium nomen, *Havre de Graces*. Exempla alia ejus generis & mutationes multa sunt; sed recensere omnia nimis nunc prolixum foret. Ab *Havre*, quod sine dubio contractum est ex *Havare*, & portum significat, nomen, de quo hic agitur, *Havaria* aut *Avaria*, cujus frequens in nostro aliarumque Europæ gentium nautico jure occurrit mentio, factum est. Planè, ut à *portus* dicitur, *portorium*; quod in ipso portus aditu, à nautis & mercatoribus vœtigal exigitur. *Avaria* enim nihil est aut significat aliud, quam id, quod ab his, quorum merces & bona in portum salva delata sunt, in eos confertur, quibus merces & bona jactu periêre. Hæc nunc obiter de nomine, ac nisi fallor, aperta. De argumento autem, ipso plura, & majora tu, Vir eruditissime, qui cum ornandam amplificandamque Romanorum & nostri juris disciplinam, nostrarum quoque litterarum opes cul-

tum-

tumque, raro quidem illo hodie, sed laudatissimo & imitando omnibus exemplo, abunde conferas, & huic tuæ tam egregiè curæ, tantisque in Academiam & Rempublicam meritis porro, augendis propitius fa-
veat, & quàm diutissime sospitem te servet, Deum rogo: te verò, ut, quemadmodum soles, constanter me ames, imprimis autem, ut sic de publici egregii bono optimè mereri pergas. Vale igitur, Vir amplif-
sime, eximium & Academiæ nostræ, & Consultissi-
mi Ordinis decus.

Lugd. Bat. ipsis Kal. April. 1647.

CONSTANTINO HUGENIO

BOXHORIUS, S.

ECce ergo ergo hic tibi, Virorum nobilissime, Con-
stantine Hugeni, publicas Scythicarum observa-
tionum primitias, quæ DE Æ NEHALENNIÆ
datæ sunt. Tuum vero imprimis iudicium cognoscere
aueo, ut aut hac via sapere porro ac eruere veritatem
pergam, aut definam ineptire. Cum ad celsissimam
Principem hanc dissertationem instituerim, multa e-
tiam huc facientia prætermittere debui, alibi locum
habitura. De Numeralibus vulgo jam receptis Notis,
quæ commentatus ac amplissimo nomini tuo inscribere
ausus sum, proxime prælo subjicientur. Hactenus enim
nonnulla desidero, quæ inspicere omnino necesse est.
Dasypodii maxime Arithmeticam. Exstat fortè illa in
optimi Principis (cujus afflictae valetudinis sine veris
lachrymis meminisse non possum) Bibliotheca, à Ma-
thematicis scriptis instructissima, aut forte etiam tua.
Vale, vir illustris, &, ut soles, me ama. In Puteani E-
pistolis excudendis jam est Typographus. iterum vale,

Lugd. Bat. 1647. Martii 9.

NICO

NICOLAO BLANCARDO

M. Z. BOXMORNIUS, S.P.D.

Coloniæ Agrippinæ.

Felix sit ac faustum te in Germaniam venisse, te Illustris Comitum consiliarium apud Serenissimum Electorem causam ejus agere, nobilium comitatu stipatum. Merebatur virtus, elegantia, singularis doctrina, quibus & nostri ordinis homines & principes viros demeruisti. Habes literas, utrumque; jus, historiam omnem: ac confido gratiam tibi debiturum, qui hoc onus sed gloriosum familiariter injunxit. Sed in laudes tuas parco, quas in me quidem nimis benignè concessisti: quamvis affectus ille clarus & ardens magno incitamento sit, ut redamare cogar sic amantem. Nuper varias, & à summis etiam viris dignitate aut eruditione, litteras accepi: sed tuæ me in primis delectarunt, ob causam in te propriam; quod non fermunculis fabellisque ducaris, me verò ad retractandam tanti ponderis rem studiosè impellas. Tenebo autem hoc temperamentum, ut ex difficillimis eligam id potius in quo desiderio tuo, utinam verò judicio, satisfaciam. Ex veteribus Christianis multos credidisse, Sibyllas quædam de Christo vaticinatas, in comperto est. Nullus verò asseruit, ex gentilium oraculis Augusto cognitam fuisse Servatoris nativitatem, ut hinc Judæis æquior factus, eorumque cultum & religionem in pretio haberet. Et sunt tamen nonnulli recentium ac antiquorum, quibus hæc nugamenta specie veritatis imposuere. Quid enim? credemus gentes, à dæmonibus edoctos, Christi exordia percepisse? Certè discipulis Joannis, qui magistrum de Messia prædicantem audiverant, id neutiquam persuasum. Illi ipsi Johannem fato proximum, & carcere inclusum, cogunt mittere qui sciscitentur; *Tu es qui venturus es, an alterum expectamus?* Si verò princeps Romanus oracula legerit, quæ olim laudata & hodie celebrantur, pleraque ei rerum domini cognita esse potuerunt,

fuere, cū in his apertiora de eo quam ab Isaia ceterisque instrumenti veteris prophetis tradantur. Cæterum vaticiniis Sibyllarum vel obiter solum inspectis, cuius non poterit non constare, ea ex euangelica historia à Christiano aut Semichristiano; certè impostore, haud dubie deprompta, & longè post adventum Christi publicata. Quam ridiculum earum unam de Mose vaticinari; diluvium prænunciare; & addere interim, cum Noacho se fuisse, undis tempestatibusque jactatam. Sic ante diluvium vixisse eam necesse est. Atque hæc & similia referre, nihil erit aliud quàm refellere. Si post cataclysmum vixerit, & de gestis jam rebus vaticinata sit, vatis nomen qui poterit tueri, & *μῦθι θεῶν ἐμ-
βολὰς* celebrari? Nonne quivis mortalium, nec dicam catorum cautorumque, sed è facie vulgi, de præteritis carmen canere possit? Non jam ipsa oracula ex Eusebio, notissimo tibi scriptori, aut ex Christianissimæ Regis scripto codice exhibebuntur. Eorum *ἀνεργητικόν* est ita: **ΙΗΣΟΥΣ ΧΡΕΙΣΤΟΣ, ΘΕΟΥ Τ-
ΙΟΥΣ, ΣΩΤΗΡ, ΣΤΑΥΡΟΣ.** Doleo autem tam eximium Christianæ ecclesiæ solem ignorantiam verè admodum hic à vero deflexisse. Ait enim, Sibyllam divino numine refertam, carminibus futura de Christo vaticinatam, perspicuè ex dictâ serie literarum constare. Et hanc virginem beatam prædicat, quam servator providentiæ suæ ergà nos vatem elegit. Atqui in propatulo est, promissum Messiam, ejusque ex virginis nativitatem, & crucem, ac partem ejus sanguine humani generis redemptionem *μυστήρια* esse, & hoc nomine sacris in literis vocari. Verùm enimverò Cumanum carmen, cujus meminit Maro, quique Augusto rerum potiente floruit, Christianorum commentum esse nemo putabit. Augustinus certè de Christo accepit, quæ adulandi studio Pollioni, Augusti nepoti, à Virgilio tribuuntur. Eidem excidit ea vox, *fortassis etiam illum vatem aliquid de unico servatore in spiritu audiisse, quod necesse habuit confiteri*, ut ad Martianum loquitur epistolâ centesimâ quinquagesimâ sextâ. Itane ergo *θεόπνευτος* fuerit & Maro, quem certum est, cū ex Cumanæ Sibyllæ vaticiniis hæc repeteret, plu-
rimum

rimum abfuisse, ut de Messia cogitarit. Palam quidpe Pollioni, non Christo tribuuntur. Eiusdem cum Augustino sententiæ est quoque antea laudatus Eusebius, in historiâ vitæ Constantini, ubi Cumæum illud oraculum scholiis interpretatus; Christi regno satis concinere & convenire arbitratur. Non diffiteor ad convincendam gentilium incredulitatem, plurimum momenti positum in ipsorum testimoniis, quibus salutiferæ doctrinæ veritas constabilitur. Ut neque illud, vera esse, & soli unique Christo deberi, quæ in Cumæo carmine dicuntur. At Cumæam illa cecinisse, ut Maro cum sui seculi Romanis credidit, haud possum persuaderi. Sum paulò infirmior unus multorum. Notum Christianis omnibus, post lapsum primorum parentum, in quibus tota posteritas damnata, editum divinitus oraculum de Mediatore inter Deum & homines, qui in temporum plenitudine ex Judæâ virgine oriretur. Adhæc ejusmodi vaticinia Patriarcharum Prophetarumque ope sæpius fuisse repetita. Constat etiam ventosam Judæorum gentem, istas prædictiones inter reliquos Orientis populos jactasse, iisque persuasisse, è Judæâ profecturum secuturis temporibus Principem, qui longè lateque gentibus esset imperatorus. Pagani, his acceptis à Judæis, sicut hi acceperant à Prophetis, ignari Prophetarum, suis ea vatibus, Sibyllis præsertim, adscribere. Erant inspirata Prophetis, & divinâ origine, quæ gentium vates per manus Judæorum tradita prodiderunt. Egregiam verò laudem, si quis hodie prædiceret gloriosum Domini in nubibus adventum, ejusdem in mortuos ac viventes judicium, aliaque quæ necdum evenere, sed evenitura creduntur. Ad Judæos ut revertar, nemo nescit, Deum non sic fecisse omni populo, sicut illis fecit. Revelata per eos mysteria de lapsu & redemptione generis humani, de contritione capitis serpentis, aliaque quæ immortalem hominis felicitatem concernunt. Quare & Judæi non comparabili titulo populus Dei vocantur. Per eos cognita quædam de adventu Regis, qui felicia mortalibus tempora esset redditurus, habuere nationes: non per Sibyllarum aut
alio.

aliorum vaticinia, cum hæc, utcumque de Christo tradita, divinorum solorumque fuerint Prophetarum. Eiusdem originis pretiique est & illud oraculum, quod circa Augusti tempora, paulò antè Christi natiuitatem, suspensum habuit populum Romanum. Id ex Julio Maratho profert Suetonius, aitque, prodigium Romæ factum publicè, quo denunciabatur, Regem populum Romanum naturam parturire: senatum exterritum censuisse, ne quis eo anno genitus educaretur; eos, qui gravidas uxores haberent, quo ad se quisque spem traheret, curasse ne Senatus-consultum ad ærarium deferretur. Naturam rerum parturiisse tunc Regem, Christum nempe, Messiam Regem, certissimum est. Romani de Rege suo interpretabantur. Hinc, ne quis eo anno genitus educaretur, Senatus-consultum fecere. Atqui gignendus Rex non sic tolli poterat, ut olim novissimus eorum Rex, cum nomine simul regio damnatus ejuratusque. Sin falsum oraculum credidit Senatus, cur tot infantes innocentesque suo calculo damnavit? Sin aliter putavit, cur iisdem sublati falsum facere præsumpsit? Ut hinc quoque constet, oracula Prophetarum, per id tempus à Judæis sparsa undique, Romanis innotuisse. Nam venturum regnaturumque Jesum in Isaia palam legebatur. Et quàm vera fuisse vaticinia, tam corrupta Judæorum interpretatione prodita paganis, ansam iis dederunt, de Augusto potius, aliisque, quàm de Messia, quem solum loquebantur, accipiendi. Non tam salutis quoddam regnum, & pacis animarum, quàm sæculi somniabant. Undè jure queritur Deus homo, *Esse avibus cæli nidus; non habere autem Dominum ubi caput reclinat.* Et rursum, *Quærite, & invenietis.* Quando hanc vocem Dominus emisit? Nonne in primitiis ipsis doctrinæ suæ, cum adhuc dubitaretur apud omnes, an Christus esset: & cum adhuc nec Petrus illum filium Dei pronuntiasset; cum etiam Johannes, de illo certus, esse desisset. Merito ergò tunc dictum est; *Quærite, & invenietis.* Ad Judæos enim pertinet totus sermo sugillationis illius, qui habebant ubi quærerent Christum, ut præclare differit Tertullianus. Sed de
Judæo-

Judæorum incredulitatis interioribus rationibus, & seductis per eos gentilibus, alibi pluribus, forsan & melius aptiusque, differetur. Petis porro quid agat Lugdunum? quid Heinſius, Scriveriusque, tuæ meæque delitiæ? quid ſeverus ille ſeculi cenſor ſui, cum quo tibi æmulatio eſt. Quin de me addidiſſes, quid agit Marcus meus, ſperaveram; ſed tu nihil de amico. Hoc peccaſti. & ut ſpem veniæ oſtendam, purga:

Literas ad Salmaſium, Gaſſendum, & Junium à te deſtinatas, probè curatas ſcito. Salve, & per te poſt reditum Malincrotius, Monaſterienſis decanus, vir eruditus, & unus in pauciſſimis.

Lugd. Bat. 12. Kal. Aug. 1647.

CONSTANTINO HUGENIO BOXHORNIIUS, S.

QUæ tot jam ſæculorum ingeniorumque conſcientiam fugit VERITAS, noſtra tandem ope retracta à fuga, à te inprimis excipi ac propius inſpici geſtit, Hugeni Conſtantine, virorum nobiliſſime. Qualis eſt, nuda, & ſine fallaciis ac fuco prodit, tuique pro ſe rectitudinem ac gravitatem judicii ſupplex implorat. Si fallax, ſi meretricula ſit, quam tibi ſiſto, corrige quaſo, & mone errantem; ſin minus, ad omnium, obſcuriſſimorum etiam hætenus, temporum lucem plurimum haud dubie factura audentem fuere. Vale, illuſtris Hugeni, &, ut ſoles, me ama.

Lugduni Batavorum 1647. ipſo illo die, quo in ferias noſtras omnia Kalendaria conſenſere.

P I B O N I à B O M A

M. Z. BOXHORNIIUS, S. D.

QUæ de Scythicis Orginibus nuper commentatus ſum, ad te mitto, Vir ampl.; ut amicum, ut harum

rum rerum intelligentem, ut eum denique, qui hoc nostrum, pro gloria vetustissimarum Germaniæ gentium; in quarum ordine vel Frisii vestri sunt primi, inprimis ignorata per tot jam sæcula veritate, facturum institutum plurimum potes juvare. Lingua, mores, instituta antiqua Frisiorum ea esse hætenus deprehendo, quibus sua & Græci & Romani referre debeant accepta. Utinam tuo beneficio plura mihi cognoscere & inspicere liceret! Faxo ego, ne te hujus in me beneficii pœniteat. Nihil jacto. Sed de veteribus & Rep. & moribus & legibus, etiam origine, Frisiorum, multa, eaque amplissima, observavi, aliis hætenus omnibus indiæta; quæ in vulgus edita (siquidem alia accedant præsidia, quæ in scriniis vestris ac bibliothecis plurima haud dubie adhuc latent edenda) ad gentis vestræ antiquum illum, & supra reliquorū Belgarum res surgentem splendorem aliquod forte momentum sunt allatura. Cæterum præstare hæc malo, quam promittere. Interim me ama, Amplissime D O M A, ut soles, & patere ut æternum sim,

Amplissimo nomini tuo dicatiss.

M. Z. BOXHORNIUS.

*Engd. Bat. 1647. sub ipsum
canicula exortum.*

An non extant quædam sive Lexica, sive Glossaria, in quibus antiqua vocabula Frisica exponuntur? Utinam videre ea liceret!

GEORGIO HORNIO

M. Z. BOXHORNIUS, S. P. D.

Hardersvicum.

Qui has tibi tradit, Horni clarissime & jam absens desideratissime amicorum, Petrus Alberinus, natione Norwagus, ingenio promptus, & in literis no-

stris non indiligenter versatus, nascentem Academiam vestram, & in ea te imprimis videre gestit. Quidquid in eum officiorum pro humanitate tua contuleris, ego tibi acceptum feram. Literas porro tuas libenter legi, & frequentiores, si per occupationes id tuas liceat, velim. Mattiacos, quorum veteres meminere, Germaniæ populos quod attinet, facilius qui non sint, quàm qui sint (obscura enim res est) dixerò. Zelandos nostros qui esse volunt, omnino falluntur. In antiquis inscriptionibus non semel memorantur Aquæ Mattiacæ, data à natura Balnea. At nulla talia Zelandis sunt, nec esse patitur loci situs. Mattiacum caput gentis Cattorum Tacito dicitur. In horum ergo regione forte Mattiaci quærendi sunt. Liber Originum Gallicarum, quo Boscarti, & aliorum de prisca Gallorum linguâ sententia expenditur, sub prælo est. Ante ferias Caniculares, nisi fallor, lucem ille videbit. Non minorem in eo modestiæ rationem habeo, quam veritatis. Plura jam vellem, sed plura scripturienti Typographus injicit sufflamen. Salveat à me amplissimus Brinckius vester. Et tu salve, eruditissime Horni, & ut soles, me ama.

Lugd. Bat. 1648. ipsis Kal. Maij.

NICOLAO BLANCARDO

M. Z. BOXHORIUS, S. P. D.

TU verò non debueras suspensa manu offerre mihi, quæ ad Flori, elegantissimi auctoris, Breviarium rerum Romanarum illustrandum contulisti. Quid enim aut publicè lætius, aut privatim mihi optatius, quam Clarissimos Juvenes nomen & famam ex studiis petere? Neque jam dicam, *Audendum esse aliquid, dum & venia est*, ut Fabius loquitur, *& spes, & favor, & audere non dedecet, & si quid forte operi desit, ætas possit supplere*. Tu enim ætate hac, & cura virum te præstitisti, dum aliorum, qui plurimi in hac arena ante te versati sunt, quædam rejicis tanquam aliena; alia sic probas, ac promiss, ut hac ipsa iudicii tui rectitudine

tudine fiant tua; tua denique pari cum iis passu ambulant, quæ summis ingeniis rectissime jampridem sunt observata. Ex illis ego vel præcipue nunc sentio, quanta & à te in posterum expectanda, & hæc literæ tibi debitoræ sint. Sed de te hæc mihi apud alios potius dicenda sunt, quam te; qui cum modestiæ gloria reliquas virtutes tuas egregiè exornes, laudanda omnia præstare mavis, quam laudari. Quærebas nuper de voce *Celia*, cujus Florus lib. II. cap. XVIII. ubi de bello Numantino, meminit. Accipe igitur nunc quid de ea sentiam. *Hispani*, inquit, *Celiam vocant indigenam ex frumento potionem*. *Celia* ergo Hispanis, quæ nunc vulgò *cervisia* appellatur, humor, ut eam describit Tacitus lib. de Moribus Germanorum, ex hordeo, aut frumento in quandam similitudinem vini corruptus. Neque aliter exponunt veteres Glossæ Latinæ Germanicæ; *Celia*, *Tranck von Korn, bier*. De origine nominis quaeritur. A *calefaciendo* dictam vult Isidorus, &, ut sæpe alibi, nugatur. Hispani veteres, quorum nobilis pars Numantini, vix aliâ usi linguâ sunt, quam Celtica. Noti sunt in Hispania Celtiberi, & Galli Celtæ. Gallorum autem, & Celtarum linguam non aliam fuisse olim quàm Germanicam certum est, id est, Scythicam. Scythis, & à Scythis, antiquissima haud dubie Asiæ & Europæ, ipsiq; etiam Græcis & Romanis hoc nomine laudatâ gente, ortis populis, *Oele* significat pinguem quemvis humorem. Hinc *ἔλαιον* Græcorum & Romanorum *Oleum*, & Germanorum *Olie*. Vox ea hodieque, & eâdem significatione, superest Anglis, sive Anglo-Saxonibus, & Danis, aliisque Septentrionem Europæ habitantibus populis. *Aelia* illis sive *Ael*, (*Alam* dicit Junius Animadversionum lib. II. cap. XII. ubi de Cytho, & cerevisia, quid differant, quibusque nominibus olim appellata sint, disserit) his *Oelia*, vel *Oel* dicitur *Celia*, de quâ hic agitur, Numantinorum, sive humor ex hordeo, & frumento in quandam similitudinem vini corruptus. C. litera, quædam velut aspiratio, pro diversâ harum gentium dialecto iisdem nominibus subinde additur, nonnunquam adimitur. In Græcis *Kapsia*, Romanis *Cor*, *Cælum*, *Cornu*, *Cannabis*, sunt quæ Scythis,

& Germanis; *Hardt*, aut *Hordt*, *Hemel*, *Horn*, *Hanf*, aut *Clennef*, dicuntur. Exempla alia prope infinita sunt. *Celia* igitur haud dubie eadem cum Anglorum, Danorumque *Oelia*, aut *Aelia*, significantibus indigenam, ut hic Florus eam describit, ex frumento potionem. *Βρύον* vocant veteres Græci, Hellanicus, Hecatæus in Europæ descriptione, *Æschylus*, alii. Quæ & ipsa vox ortu Scythica, & Germanis hodieque nota est. *Bronte* enim est Cerevisia; *Brouwen*, Cerevisiam coquere. Sed de his plura alibi. Habes interim, & agnoscis veram, nisi fallor, nominis *Celia* originem, eruditissime Blancarde. Vale, & hoc porro age; ac me inter illos habe, qui summa omnia raris hac ætate doctrinæ & virtutibus tuis judicant deberi.

Lugd. Bat. 1647. Mense Octob.

NICOLAO BLANCARDO,

M. Z. BOXHORNIVS, S. P. D.

Steinfurtum.

Quæ Curtio illustrando data nunc à te sunt, NICOLAE BLANCARDE, vir eximie, ea ego isto animo excepi, quo hætenus cætera omnia tua, id est, ingenii tui, judicii, doctrinæ & industriæ egregia ac profutura publico monumenta. Quis enim id Curtio factum non velit, qui, ut meum cum magno Heinio judicium nunc jungam, ipsa scriptorum omnium Venus est? Neque sane in antiquitate omni Græca vel Romana alius offertur, qui aut sine affectatione scripserit elegantius, aut in oblatarum rerum accuratissima descriptione propius penitusque naturam earum omnem ac speciem exsculperit. Id vero curæ studiisque tuis, quæ pulcherrima sunt, nunc debet, quod aliis aut nihil posthac debiturus sit, aut certe minus, si quid forte restet aliis, quam tibi; qui quidquid post tot aliorum commentationes supererat prope exhaustisti, certe quidquid in eorum curis egregium erat conjunxisti. Desiderio autem tuo eam, quæ sequitur, dissertationem ego debui.

Perfi-

Perficæ, quæ apud Curtium leguntur, voces sunt, quas expendo. Inprimis autem vocare sub examen placuit doctissimorum ætatis nostræ hominum sententiam, qui Perficam linguam haud multum à Germanica diversam censuerunt: in quorum castra ego quoque vi veri victus concedo. Quippe cum Persas ex Scythis ortos esse, veterum etiam testimoniis, abunde constet, neque alios majores Germani nostri agnoscant, aut agnoscere debeant quam Scythas, cognatum quoque, & si dialectum aut paulo diversam pronunciandi rationem exceperis, eundem harum gentium sermonem esse, necesse est. Id ergo, si placet, in iis, quæ apud Curtium exstant, vetustissimorum Persarum vocabulis nunc experiamur. Res, si quis recte expendat, aperta, nisi fallor, erit. Iis certe, qui in nullius magistri verba jurare addicti, & veritatis studiosi sunt. Neque enim eos ego hic iudices volo, qui vulgus sequuntur, & solam pertinaciam, vel ignorantiam, vel aliorum errore armatam, temere aut stolidè veræ sententiæ opponunt.

Si Rheni ego accola bibissem Orontem, aut plura ex Persis præsidia se nunc darent, potuissem haud dubie alia in medium adferre. Hæc tamen, quantilla sint, satisfactura nunc tibi confido. *Gaza*. Ita thesaurum regium vocant Persæ. Apud Curtium & alios obvia vox est. Proprie quemvis thesaurum notat, κατ' ἐξοχήν autem regium. Scythis, ex quibus Persæ orti, & Germanis, notissimum hodieque est id vocabulum. *Schasa* Turcis dicitur thesaurus. Inde in aula Ottomannica *Schasabassa*. Ita vocant Præfectum custodiæ Theaurorum Imperatoris. Quis non statim hic agnoscat Persicum illud *Gaza*? Et quis pariter non videt frequentissimam Germanis vocem *Schatze* (Belgis dicitur *Schat* aut *Schatte*), quæ & thesaurum iis notat, plane eandem esse cum Persica illa, *Gaza*? Inde & tributa, opes publicæ, *Scheatte* veteribus Germanis, *Schatte*, *Schatting*, & *Schatzung*, (tenim & s, pro dialectorum varietate, sæpe permutantur) hodieque dicuntur. Idem est, ac si dixeris cum Persis, *Gaza*. Notant veteres non modo eo vocabulo thesaurum, sed & locum, in quo thesauri asservantur, subinde significari. Significatur quoque Germanis rito-

vocabulo *Casse*. *Cassa* dicunt Itali, & passim in Europa mercatores. Facile & in eo agnoscere est Persarum *Gaza*. Imo & Germani pecuniam, & stipendium, quod pecunia exsolvitur, vulgo vocant *Gasie*. Idem est quod *Gaza*. Nota fuit & veteribus Gallis ea vox. Observat Cæsar ei genti milites fuisse stipendiis conductos, qui iccirco diverso ab aliis nomine *Goefati* dicebantur. Torquent in explicanda ejus nominis origine sese eruditi, & diversa in medium adferunt. Ad Phœnices nuper retulit Clarissimus Boschartus in *Phaleg*, seu Commentario de dispersione gentium, quem singulari opere, quod inscripsimus Origines Gallicas, refellimus. Quid enim apertius, quàm illud nomen factum esse à *Gasie*, quod stipendium notat. *Gasierde*, sive cum augmento, *Gegasierde*, stipendio conducti, aut stipendiarii dicuntur. Isti sunt & eodem nomine agnoscuntur Cæsari Gallorum *Goefati*, vel *Γοεφάται*, quomodo à Græcis nonnullis scriptoribus appellantur. Sed de eo, aliisque veterum Gallorum, qui sermone haud multum diverso à Germanico usi sunt, vocabulis alibi plura. Patet interim *Gaza* non tantum Persarum sed & Germanorum sermone pro thesauro vulgo usurpari.

Mithra nomine Solem appellare Persas, & ut numen venerari, docet Curtius. Monent & alii auctores. In Menæis Græcorum, ubi de S. Domitiano, Episcopo Melitenzo in Armenia, misso ad Cosroem, Persarum Regem, ut Christiana eum gentemque ejus imbueret disciplina, ita ad Persas in concione Domitianus; *Profecto potentiam fecit Deus in brachio suo. Subiguntur enim leones & dracones eliduntur, & Bel atque Mithras captivi abducuntur. Mithras* Sol, quem adorabant pagani Persæ. Proprie autem id vocabulum significat ignem, & *ἡγετ' ἱεροχῆρ* tributum est Soli, ex eorum sententia qui Solem non nisi flammam, aut ignem, aut candentem lammam, aut quid simile esse existimabant. Quod & veterum Philosophorum nonnullos docuisse, Plutarchus & Diogenes Laërtius auctores sunt. Et certe Scythiis, ex quibus haud dubie Persæ orti, cognatisque populis, *Mithra* dicitur ignis. Græcis *Μῦθος* dicitur ferrum ignitum, globus candens, massa candefacta sive ignita.

ignita. Ita accipitur & exponunt apud Strabonem lib. 3. Hinc ἀμυδρὸς obscurus, sine igne, id est, luce & splendore. Neque ignorant nostrates Germani, qui ejusdem haud dubie sunt profapix. *Miter* illis est & dicitur ignis. Non quidem id vocabulum vulgo hac tam generali significatione hodie frequentatum est; datur tamen vulgo illi fruticum, herbarum & inprimis frumenti morbo, quo veluti flamma exeduntur & amburuntur. *Vredinem*, nempe ab *urendo*, vocant Romani. Ita nos Belgæ, in Brabantia mea certe; *De Miter is in het koren*: hoc est; ignis, uredo, frumentum exedit & depascit. Multa enim vocabula in omnium gentium linguis, quorum latior olim fuit significatio, progressu temporis intra arctiores significandi limites sunt coercita. Alias Persæ olim hodieque Solem *Cyrum* vocant. Disertim id monet Herodorus, ubi celebris illius nominis *Cyri* reddit significationem. *Cyrus* igitur Persis per excellentiam est & dicitur *sol*; sed primigenia & latiore significatione notat *ignem*, ut & *Mithra*, quod jam diximus.

Et idem vocabulum, eandemque ejus significationem hodie adhuc Germani nostri agnoscunt. *Skior*, aut *Scior* iis est ignis. Perit quidem in quotidiano nostratium sermone simplex illud *Scior*, quemadmodum & multa simplicium alia; at in compositis superest & mansit. *Schioorsteen* nobis significat focum, id est locum, in quo accenditur, fovetur, asservatur domesticus ignis. Vulgo contractius, *Schoorsteen*. Quis interim non agnoscat hic vetus vocabulum *Scioor*, & simul ignis significationem? Alias *een schanwe* vocant. *Schanw* ut & *scioor*, Scythiis & ab iis ortis populis, sicut Germanis, nihil aliud notat quam ignem. Hinc *schanwen*, amburere. Hinc vetus Gothicum vocabulum, quod Hispanis, magnam partem Gothorum soboli, hodieque usitatum est, *Causon*, quo febriles æstus & veluti ignes denotantur. Cum quibus simillima, aut potius eadem sunt (sunt enim ejusdem, hoc est Scythicæ, omnia originis) Græcorum καίην, unde καὶνός, ardor, æstus, καὶνός, καὶνήριον, & alia similia, de quibus alibi dicendum nobis erit. Ut igitur *schanw* ab igne nomen habet, ita etiam *Schoorsteen* à *Scioor*, quod eandem

habet significationem, & plane idem est cum Persico *Scior*, sive *Cyrus*, quomodo ignem appellavere & *Solem*, quem sacro igne repræsentandum & colendum sibi putavere. Neque tantum nomina hæc Persis & Germanis eadem, sed & sacra fuere, & Sol ac ignis Germanis quoque ut numina colebantur. Insignis est locus in legibus Canuti, totius Angliæ, Danorum & Septentrionalium (ita se ipse appellat) Regis; *Prohibemus*, inquit, *gravissime omnem gentilitatem. Gentilitas est, quod quis idola veneretur; id est, quod quis veneretur gentiles Deos, & SOLEM & Lunam, IGNEM aut Aquam &c.* Ignis ergo & Sol Dii Germanis, & præcipue culti, sicut & Persis. Nunc reliqua quæ apud Curtium leguntur prisca vocabula Persica, eorumque cum Germanicis cognationem videamus.

Acinaces, gladius Persicus, quo non punctim, sed cæsim feriebant. *Accine* hodieque Zelandi nostri vocant securim, quod idem cum Persico illo *Acinaces* esse videtur. *Eax* aut *Eaxe* securim vocabant Anglo-Saxones; idque vocabulum exstat in Legibus Juræ, Occidentalium Saxonum Regis, qui regnare cœpit anno Christiano DCLXXXV. ubi de iis, qui in sylvis cédunt aut prosternunt arbores, eorumque poena, agitur.

Gangaba. Qui ita dicti Persis olim fuerint, dubitare nos Curtius non sinit. Verba ejus sunt fere sub LIB. III. finem; *Gangabas Persæ vocant humeris onera portantes*. De eo vocabulo vix est quod nunc dicam. In Græcorum Romanorumque & Germanorum, qui ex Scythis juxta cum Persis originem trahunt, sermone mihi quidem nullum simile eâ significatione hætenus offertur. Dubitabam aliquando, an non scripsisset Curtius, *Gangaras* aut *Angaras*. Ita Persæ vocant coactos onera portare. *Angariare* quid sit, ex Historia Evangelica, ubi de Simone Cyrenæo, coacto Domini nostri Crucem portare, notum est. Notum quoque est origine Persicæ esse eam vocem. Sed plane ab iis dissentio, qui quæ non satis intelligunt vocabula, statim corrupta esse pronunciant. Maneant igitur *Gangaba* apud Curtium. Forte est id vocabulum ex vetustissimis illis, quæ sensum Persis & cognatis populis, quales & Germani sunt, in usu esse desierunt. Ipsi Persæ vulgo hodie neque usurpant,

surpant, neque satis intelligunt. *Athletis*, sive *Athletarum* linguæ, ea ipsi tribuunt. Ita autem vocant linguam majorum suorum antiquissimam; quod me docuit, super hoc Curtii loco rogatus, Vir Cl. & harum litterarum peritissimus, Jacobus Golius. Ipsis Persis dicitur lingua *Piegul*, hoc est, *Pugilum*. *Piegul* enim Persis est *Pugil*. Ubi & obiter observare licet vocabulorum *Piegul* apud Persas, & *Pugil* apud Romanos, & in totidem pene litteris, & in ejusdem rei significatione, eam cognationem, ut ex illa promptissimum sit cuivis colligere, ejusdem originis & ab iisdem majoribus, hoc est, Scythis, accepta ea esse. *Pugilum* autem sive *Athletarum* istorum nomine Persæ intelligunt Gigantes, quales vetustissimos majores suos fuisse volunt, sicut & volunt aut fabulantur multæ aliæ nationes. Hæc cum scripsissem didici, in Hispanorum lingua Persico huic simillimum, & ejusdem significationis vocabulum occurrere. *Ganapam* illi vocant bajulum, onera portantem, qualem Galli *Crochetent*, Itali *Faquin* solent appellare. Quod nomen cum neque à Romanis, neque (nisi fallor) Mauris Hispani acceperint, certum est Gothis deberi. Neque Belgæ ignorant. *Canape*, aut contractè *Cnape*, proprie illis significat fantulum, aut bajulum. Persæ, inserto *g*, *Gangabas* dixerunt, aut *Cangabas*, ut alii legunt.

Satrapa. Nihil eo vocabulo magis obvium. Quid eo significaverint Persæ, etiam pueris jam notum est. Nul- lum autem simile dignitatis nomen aut Græcis aut Romanis fuit, neque superest Germanis, quamquam hi omnes populi ejusdem originis sint, quod sæpius jam dictum est, cujus sunt Persæ. Notant veteres, Persis proprie dictos Satrapas, mari & classibus præfectos, quales hodie *Archithalassi*, vel, Arabico vocabulo, *Ammirales* dicuntur. Ergo ab his ad Provinciarum singularumque ditionum præfectos id nomen translatum est. Proprie autem & vi primæ originis notat præfectum mari. Et certe facile est in eo agnoscere nostrum *Zee*, pro quo *Zea* & *Zaa* veteres Saxones, & contractè *Za* Persæ dixerunt. *Trabant* vel *Drabant*, Germanis, Polonis, vicinisque populis significat *ministrum Regium*. Tales fuere primi Persarum *Satrapæ*, rei maritimæ Regum.

nomine præfecti. Tandem omnibus omnino præfectis regiis id nomen tributum est. *Satrapa* enim Persis idem significavit quod veteribus Germanis *Gereba*. *Greve* aut *Grave* hodie vocant, & Latine *Comitem* interpretantur. In vetustissimarum Anglo-Saxonicarum legum Latina versione illud *Gereba*, aut *Kuning Gereba*, nunc *Præfecti regii*, nunc *Satrapæ*, nomine, à Persis accepto, sed Romana quasi civitate jam donato, passim redditur. De quo ipso, & plura, alias.

Certa, urbs, oppidum. Non quidem Curtius Persicæ hujus vocis meminuit, sed meminere ejus interpretes. *Tigranocerta*, urbs Tigranis, *Vologesocerta*, urbs Vologesis. Germanis quoque veteribus nota est. *Caer* aut *Cer* iis idem significat quod Persis Armeniisque *Certa*, urbem nempe. Et *Cer* ac *Certa* eadem vocabula esse quis non statim agnoscat? Exstat apud doctissimum Jacobum Usserium, Episcopum Armachanum, in Commentariis de Ecclesiarum Britannicarum primordiis, Catalogus civitatum Britannicæ, ex antiquissimo Codice Cottoniano descriptus, ex quo liquet, Anglo-Saxones, ex Germania in Britanniam profectam gentem, *Cair*, aut *Caer* urbem nominasse.

Cair Winwoich, Wincestria, *Cair Colom*, Colcestria, *Cair Mincip*, Verolamium, *Cair Ebrans*, Eboracum, *Cair Liguallid*, Luguballia, *Cair Carotaus*, Salesburia, *Cair Meiguod*, Meivoda, *Cair Lundein*, Lundinum.

Xerxes, princeps, imperator. Commune Persarum Regum illud nomen fuit. Proprie autem significare militiæ supremum ducem aut imperatorem, notant veteres. Et sane idem illud Germanorum sermone significat. *Hersech*, *Hertsach*, aut *Hartsach*, splendidissimæ hodieque dignitatis nomen, si primam originem inspiciamus, nihil notat aliud quam *exercitus ducem*. *Her* enim, aut *Heer*, iis dicitur exercitus. Anglo-saxonibus *militēs* dicuntur *Hersufman*. Exstat id vocabulum in vetustissimis legibus Withredi, Anglorum in Britannia anno Christiano 693. Regis, quas beneficio Amplissimi & Eruditissimi Viri, Joannis Latii, inspexi. *Xerxes* Persarum, & Germanorum *Hersech* non modo idem significant-

cant, sed revera eadem & ejusdē originis vocabula sunt. Imo Hungari hodieque Ducem *Hertzeg* vocant. Quod plane idem est, quod *Xerxes*. Pro *Xerxes* videntur & Persæ dixisse *Arsacæ*, quod dialecto tantum & diversa pronunciandi ratione distat à *Xerxes*, quomodo extulerunt alii. Inde & *Arsaces*, aut *Arsacida*, communi nomine, Persæ Reges omnes appellati sunt. *Arsax* autem Persarum & *Harfach* aut *Harfoch* Germanorum eadem vocabula & ejusdem significationis esse, quemadmodum & *Xerxes*, omnino jam liquet. De quo nos plura alibi. Et ea, quæ de augusto celebratissimoque hoc nomine paucis jam diximus, adeo, meo certe animo, aperta sunt, ut pluribus ea persuadere hic non sit necesse.

Darius, quod Persicum nomen, *ἑρξείω*, quasi tu dixeris *coërcitorem*, interpretatur Herodotus. *ἑρξ* Græcis est *coërcitio*. Inde factum nomen *Darius*, id est, *Darii*, quod proinde, ut bene judicat Samuel Bochartus, vir eruditissimus, recte *ἑρξείω* Herodotus interpretatur. Belgis sane & id notum est vocabulum; *Dariust*, sive contracte, ut nunc loquuntur, *Darost* aut *Droft*: quod iis præfatum notat.

Bagoæ, nobiles pueri, pedissequi Regum Persarum, qui fere erant spadones. *Bagoæ* spadonis meminit non semel Curtius. Non est illud nomen proprium, sed appellativum. Plinius certe lib. xiii. cap. iv. docet *Bagoas* Persis vocari *spadones*. quod jam ab aliis observatum est. At non illud, quod nunc dicam. Germanis nempe idem vocabulum, & idem significans, nunc quoque manere. Nobiles pueri, pedissequi Regum Principumque illis *Pagien* dicuntur. Idem & munere & nomine sunt cum Persarum *Bagois*. Duo illa vocabula *Bagoæ*, & *Pagien*, pronuntiatione tantum sunt diversa, B & P frequenter inter se commutantur. Πύρξ Græcorum, & Germanorum *Burch*, Poculum Romanorum & *Bocale* Germanorum, Πῆξ Græcorum & Germanorum nomen *Bai*, pro quo *Boi* hodie dicunt Anglo-Saxones in Britannia, *Parere* & *Baren*, & plura ejusmodi alia, eadem esse vocabula, & idem significare, sola pronuntiatione tantū diversa, nemo non vider. Imo, quod & huc inprimis facit, *Bagh*, veteribus Germanis puerum notat. Olaus

Wormius, Germanicarum litterarum & antiquitatum peritissimus vir, in Literatura Russica videndus est. In antiqua illa Germanica voce *Bagh* Persicam illam veterem *Bagoa*, ut & istam in aulis nostratium Principum hodie receptam, *Pagie*, promptum est cuius harum rerum & veritatis studioso animadvertere. Pene monere omiseram, Polonis etiamnum puberem, ephēbum, & pedissequum Principis *Pachol*, quod à Persicā, de qua hic agimus, voce non abludit, vulgo appellari. Iidem Poloni & pueros, qui Principi à Cubiculo sunt, vocant *Pokniogo*. Eam certe vocem eandem esse cum Persica *Bagoa* non est dubium. In antiquissima etiam Britannorum lingua, (quam à vetustissima Gallica non multum diversam fuisse in Agricola docet Tacitus, quemadmodum Gallicam illam haud multum diversam fuisse constat à Germanica) qua Walliæ incolæ hodieque utuntur, *Bach* significat *parvum*, *Bachgen*, *parvulum*, *puerum*, *juvenem*; quod plane idem esse cum Persico illo *Bagoa*, nemo ambigat.

Bassus, *Bessus*, præfectus. Est quidem proprium illud apud Persas nomen, sed ex appellativo, quod *Præfectum* notat, factum; quemadmodum & *Artabasus*, quod significat principem purpuratorum. *Bassa* proprie Turcis, qui ex Scythis orti, quemadmodum & Persæ, notat *Caput*. Cui simillimum est vetus Saxonicum *Beah*, vel, ut alii scribunt, *Beaz*, quod ornamentum capitis, coronam & galeam & caput interpretatur vir eruditissimus Joannes Latius in Lexico suo Anglo-Saxonico, dignissimo, vel sola Germanicarum antiquitatum illustrandarum causa, quod in lucem aliquando prodeat. Leonclavius in Onomastico; *Bassa* & *Bassi* Turcis caput. *Basfilere*, capita, sive duces, ut à κεφαλή Græcis sunt dicti κεφαλᾶδες; nostris à capite, Capitanei. Noti hodieque in aula, & imperio Ottomannidarum, *Bassæ*, id est, Præfecti. Germanis quoque, Belgis certe nostris, non ignotum id nomen est. *Baesen* illis dicuntur præfecti; *Werckbaesen* operis præfecti. Neque dubitandum, quin ex Scythico illo vetustissimo vocabulo factum sit Græcorum Βασιλεύς, id est, Rex. De quo & alibi plura sunt dicenda.

Hæc erant, quæ de Persicis Curtio memoratis vocabulis,

bulis, eorumque cum Germanicis nostris cognatione, nunc mihi differenda sese offerebant, doctissime Blankarde. De aliis, quæ alibi haud pauciora leguntur, suo loco plura. Si expectationi forte tuæ sic ego non satisfecerim, saltem desiderii tui habuisse me rationem ex epistola hac intelliges. Tu autem vale, & in eâ, quæ Illustrissimi Bentheimiorum Comitris auctoritate nunc tibi demandata est, publica ac honestissima statione, strenue ac feliciter rem gere.

Lugd. Batav. 1648 ipsis Kal. Decemb.

JACOB O BASELIO
BOXHORNIIUS S.

Kerckwerviam.

ESt mihi sub prælo, mi Baseli, Historia Belgica, vernaculâ linguâ conscripta; in quâ inter alia, etiam exhibeo ea quæ spectant mutatam jam olim in his oris religionem. Quædam jam excusa sunt. Cæterum cum imprimis necesse habeam uti iis libris, quorum usum tibi pridem feci, ut celerrimis itineribus illi ad me redeant, imprimis te rogo. Ubi alias & illis & aliis uti voles, scis Bibliothecam meam tibi patere. Vale, vir præstantissime, & me ama.

Raptim Lugd. Bat. 1649. Mense Martio.

CONSTANTINO HUGENIO
BOXHORNIIUS S. D. PL.

Hagam.

Nobilissime Hugenii,

PRimordium majoris operis quo Belgarum res circumire destinatum est, ipse tibi in manus tradere constitueram, measque, quæ aut fallor, honestissimæ sunt, destinationes humanitati tuæ, quæ summa est, commendare. Cæterum cum deprehendere præsens non potuerim, quem tamen unice quærebam, literis

ad

ad te adeo, humanissimè Virorum. Hujus enim virtutis nomine nunc mihi potissimum conveniendus es. Crastini die supremo hujus Reipubl. ordini exempla operis tradentur. Qua in re votorum & ambitus summa est, ut tot per annos vacuum historiographi fœderatorum Belgarum munus in hunc hominem derive-
tur; qui ut ingenii sui tenuitatem non ignorat, ita plurimis, quæ huc faciunt, neque vulgata hætenus sunt, quæque frustra alibi quærantur, instructum se agnoscit. Fidem fecerit vel primum operis specimen, majorem longe secutura facient. Hoc restat, nobilissime Virorum, ut non omnino aut me, aut destinationes meas displicere tibi isti intelligant; quorum sententia ac autoritate opus est. Quod ut facias, etiam atque etiam nunc te rogo. Utinam vero quam primum! Parum abest, quin addam hodie! Vale, nobilissime Domine.

Lugd. Bat. 1649. Aug. 9.

CONSTANTINO HUGENIO

M. Z. BOXHORNII S.D.

VEnit ergo tandem ad te quoque, Nobilissime Virorum, Constantine Hugeni, qualecunque hoc Ingenii nostri, aut potius curæ monumentum. Quod tardius: quod non in tempore, ut oportebat, nulla mea culpa factum est, sed supina nec apud me excusanda illius hominis negligentia, cujus fidei tradendum tibi imprimis exemplum operis, & jam pridem, commisisse me probe recordor. Operis, quod, ut ex Romano judice proxime intelligo, *Se quoque damnatis permixtum agnoscit Achivis*: veruntamen studium haud displiciturum tibi confido. Redit ad te simul exquisitissimæ elegantiae Poëmation, *Anlisugium* tuum. Ægre ego illud, quanquam non una lectione jam repetitum, à me dimitto, dimitto ramen, sed brevi, ut spero, rediturum, & publicis & immortalibus expressum in chartis, quas omnis posteritas intuebitur, omnis admirabitur. O te felicem! qui in illo secessu tuo
nulla

nulla spe, nullo timore sollicitaris, nullis rumoribus inquietaris; & tecum tantum, ac cum libellis tuis, Musisque loqueris. Parum abest, quin exclamem cum Romano consule: O rectam sinceramque vitam! o dulce otium honestumque, ac pene omni negotio pulchrius! o horti, o campi! verum secretumque *μυστήριον*! quàm multa invenitis, quam multa dictatis! Tuum est, quam primum cuivis, velut portibus omnibus refferatis, aditum ad has delicias & amœnitates facere. Ego quotidie in Aulifugium tuum tecum ingrediar, & aurea mala, tecum legam, & quod tu possides ut Dominus, meum quoque esse judicabo. Vale, nobilissime Hugeni, &, quomodo soles, me porro ama.

Lugd. Bat. 1652. mense Octob. vergente.

CONSTANTINO HUGENIO

M. Z. BOXHORIUS S. D.

Hagam.

Tardius quidem ego, nobilissime Hugeni, ad postremas tuas, & eruditæ, ut omnes tuæ, ac exquisitæ humanitatis plenas, nunc respondeo; sed & meâ & meorum valetudine factum est, quod nunc demum & tardius respondeam. Mihi per hos dies cum insigni obstruendi lienis, & pene indomabili contumaciâ lucta fuit; qua fit, ut plerumque neque valeam, ut ille loquitur, neque egrotem, sed in statu querulo sim & moroso. Vim mali in præsens sic utcunque infregisse mihi videor; ipsum extirpaturum penitus, vix sperare audeo, suadent mihi plerique istorum quorum alias consilio, sententia, & autoritate utor, ut, postpositis quietis illis, & quæ me quasi glebæ domi adscribunt, sed mirifice, ut dicam, quod res est, recreant, studiis, deligam frequentiores per urbem, aut agrum proximum, discursationes: cæterum iidem id hætenus mihi non persuadent. Quid enim? scio ego ætatem meam quotidie vergere; sentio in virili quoddam quasi senium mihi offerri; occurat & animo mea mortalitas, ac proinde, ut vetus sapiens loquitur,

tur, dum suppetit vita, enitendum esse, ut mors quam paucissima vel imperfecta, vel quæ abolere possit, inveniat. Scripturienti quoque ad te filiola velut manum injecit, quæ lenta febricula absumi, & sensim contabescere videtur: Metuo igitur, ne finem cum exordio conjungat adeoque vivere desinat in ipso vitæ apparatu. Diceres sensu quodam tædioque tangi infortium insanorumque in quæ incidimus, temporum. O brevem & caducam hanc vitam, & pene, non vitam, & ut sic dixerim, vitam vere mortalem! terra regit, qui nondum terræ graves fuere; & quiescere, immota fatorum lege, jubentur, quos nondum iter aut via fatigavit; & vix materni uteri carcere aut vinculis liberati ad noctem profundam & subterranea regna damnantur. Cæterum querelarum desino, & animum obfirmo constantibus vel præceptis, vel exemplis. Si enim hæc vita fere sit viventis supplicium, certe exilium, non jam male cum mea illa virguncula agitur; & si mors sit transitus ad vitam illam cælestissimam, & solam vitalem, festinari ejus discessum, male doleo. Sed paterni animi pietas vix finit in præsens ut fatear male me dolere. Mihi quippe carendum erit & spe, quam & non parvam conceperam & longam inchoaveram; & tot osculis, tot amplexibus dulcissimoque spectaculo loqui aut ire conantis infantia hæsitationum; imprimis vero innocentia, quam in toto adultorum populo non invenias. Carendum mihi erit parvula quidem, sed tamen vitæ & veræ sapientia magistra, ad cujus simplicitatem ac instar nisi me componam, carendum & mihi intelligo regno delitiisque, ac divitiis cœlorum. Ista ac tanta sunt, quorum facturum me jacturam jam provideo & doleo, Nobilissime Hugeni Humanitatem autem tuam posco, ut sic nunc apud te dolenti ignoscas. Doleo quoque & angor tua causa, ex quo hebetiorem tibi aurium sensum factum intelligo. Cæterum afflicto sic nunc tibi, Constantine Hugeni, fortissima solatia petenda ex iis sunt, quæ quotidie audiuntur, & malis non audire. Audio passim per Europam incubuisse terris malignam febrium cohortem; passim è medio tolli viros & amicos eximios, decora

sæculi & ornamenta : malum non audire. Audio raptu
 & latrociniiis infesta ubique nostris maria & in hac re-
 pub. multos ad clavum sedere, nec tamen in pyratas &
 Regicidas, haud aliter quam si toto adhuc orbe divisi
 essent, navigari : malim non audire. Audio ingratham
 Rempubl. in posteros eorum majorum, qui summa
 constantia ac fide hanc nobis libertatem, hoc nobis
 imperium peperere, malim non audire. Audio in
 contraria scissam studia turbatamque principalis aulae
 vestrae pacem ; malim non audire. Audio (nam de
 repub. plura mihi jam non dicenda esse intelligo) &
 invitus quotidie audio & in templis, & in auditoriis
 Academiæ homines ineptissimos, & differentes in-
 eptissime, qui tamen divinarum humanarumque re-
 rum periti, & doctores sapientiæ ac magistri audiri vo-
 lunt : malim non audire. Plerique ut dicunt, quæ vo-
 lunt, ita & quæ non volunt, audiunt : malim non au-
 dire. Multa multis differuntur, quæ breviter possis ac
 paucis audire : malim non audire. Multa quoque præ-
 fertim ex longinquo, in majus audiuntur ; malim non
 audire. Toties de re eadem audimus : malim non audi-
 re. Multi bene audire volunt, ut alii malè audiant :
 malim non audire. Ineptiarum multi fabellarumque
 audicione ducuntur ; malim non audire. Auditus sem-
 per patet : ejus enim sensu etiam dormientes afficimur :
 a quo cum sonus est acceptus, etiam è somno excita-
 mur : malim subinde non audire. Hagæ & fere aula-
 rum ubique, magna brevi auditu magnates transeunt ;
 malim non audire. Ibidem & plurimi obsecratis ple-
 rorumque auribus preces fundunt, & rogant non au-
 dituros : malim non audire. Rimosa multis auris est,
 & quæ nihil secretorum tenet : malim non audire. Mul-
 tis quotidie sollicitæ & plenæ sonoribus ; multis stoli-
 dæ & sine judicio aures sunt : malim non audire. Quam
 iniquis, quam asperis sermonibus nōnunquam, ut
 cum illo loquar, aures nostræ verberantur ? malim
 non audire. Quam multa auribus surdis canuntur ? ma-
 lim non audire. Quam multi etiam, postquam jam
 aures dedere loquentibus, verba dant ? malim non au-
 dire. Multi nobis blandiuntur, multa quotidie au-
 ribus

ribus nostris dantur : malim non audire. Pauci auribus nostris parcunt : malim non audire. Pulsat aures continuo , hac tam tristi tempestate , tot egentium ejulatus : malim non audire. Vix jam, ac ne vix quidem, à temporum iniquissimorum asperitate aures possunt respirare : malim non audire. Multi ad te , & ad me quoque multi , quotidie accedunt , visu quidem , sed non perinde auditu venerabiles ; malim non audire ? Sed & ego me hæc legenti nunc tibi gravem esse intelligo. Quid enim revera aliud est legere , quàm audire. De Originibus nostris & sepultis hætenus Scythicis Antiquitatibus (nam & de iis quærere dignatus es) hoc est, ut ego accipio , Asiæ totius & Europæ , superbius forte & jactantius respondeo. Multa excussi diligenter, conquisivi multa , multa meditatsum , multa etiam, ignorata , feliciter , nisi fallor , tandem deprehendi ; quæ aliquando publicis judiciis sistere ac exponere, tuo imprimis , quod scio esse & gravissimum pariter & æquissimum , audebo. Sub prælo jam est opusculum Originum Gallicarum. Vale & salve , illustris Hugeni, & me , ut soles, amare perge.

Lugd. Pat. 1652, Novemb. 22.

PAULO TERHAARIO, AMSTELODAMÆO.

M. Z. BOXHORNIIUS, S. P. D.

Vir Doctissime,

HEri literas Ultrajecto ab illustri nostro 20. accepi, quibus iterum , iterumque obnixè petit , ut Carmen aliquod tuum in limine libelli sui legi possit. Vertit eum ex Italico in Latinum. Argumentum autem ejus in bono Principe, ejusque arcanis describendis versatur. Si id possimus impetrare, magni beneficii loco habebimus. Nam & illum , & me vehementer obstringes. Illum qui maximus venæ & eruditionis tuæ æstimator; me verò, qui ut plura tibi debeam, adhuc plura
tamen

carmen velim debere. In diem Veneris igitur (longiorem enim moram res non patitur, carmen tuum, si ita tibi visum, serio expectabimus. Adui ipse ne mireris τὸ πᾶν Claudio nostro Salmasio qui mihi inspiciendā statim obtulit Satyram tuam; tum & Minutii Felicis, nuper editi ab Uzelio, exemplar tuum, in quo furta ejus omnia & singulis paginis & lineis diligenter atque fideliter annotaveras. Hodie autem ad me famulum misit cum antiquis Græcis scholiis in Æschylum ex editione Fr. Robortelli, quam te efflagitasse summopere ait. Heinsius modò in urbem est reversus, & diem Jovis habendæ prælectioni suæ promisit. Vale vir & amice incomparabilis atque, ut soles, me ama.

Raptissime Lugd. Batav. 19. Dec. 1652.

PAULO TERHARIO,

M. Z. BOXHORIUS S. P. D.

Amstelodamum.

Versus tuos, plenos genii tui, id est venustissimos accēpi, Vir clarissime, quā facetus autem es, cum aut Scriverii, aut Heinsii, aut meam etiam, si Diis placet, limam in iis existimas desiderari. Profectò satis tibi in te præsidii est; nec opus ut te extra quæras. Ego jam ad vos excurrissem, nisi infirma valetudo obstitisset. Stomachum adversum, & quasi sorte phlegmaturum omnino occupatum sum expertus. Itaque medicus consulendus fuit. Ego in me aliquot dierum continentiam, ille & haustus, ita me Deus amet, ingrattissimi saporis, & pillulas vel Rufi, vel Bontii ante cœnam, vel quas sine quibus vocant in ventriculo meo non passus est desiderari. Itaque expurgatum eum nunc habeo, adeò ut ædilem non metuam. Die extremo anni proximè præterlapsi cerevisiam Wesopiensem in hortis sagittariorum bibere cœpi & horâ extremâ ejusdem diei duodecimâ, inquam vespertinâ liberalius, quam ante, cibum sumpsi; Et sic Medico res suas sibi habere jussi. Vale mi Terhaari, vir Eruditissime,

&

&, ut ego, convalesce. Heidanus enim languere te ait & ex tuis ad incomparabilem Salmasium hesternis idem non libenter intelligo. Iterum ergo vale, & diligenter te cura. Domi meæ raptissime. Salutat te uxor mea. *Lugd. Batav. 1652.*

Plurimas alias ejusdem Authoris penes se epistolas etiam noster habet Terfaacius quas quia indignationū & querimoniarum plenas videt, non in id putat scriptas esse olim, ut modò jam typis publicentur. Fortè ubi ille Scriveriana opuscula nonnulla cœperit edere, easdem in publicum protrudet. Hoc volui nescius ne esses, Lector, Vale.

PAULO TERHAARIO

M. Z. BOXHORNII S. P. D.

Amstelodamum.

Terhare, Phœbus ipse quem genuit sibi,
Sibique finxit; quem educavit in sinu
Alumna Pallas, lacte quem pavit suo
Terhare noster; cujus in præcordiis
In ore cujus candor ac humanitas
Fidesque, morum & blanda quæ severitas
Fixere sedem externa natali solo
Præferre cur stat regna? totque amantibus
Tenentibusque triste cur dicis Vale,
Flectique quæstu te tuorum non finis?
Votis amicum inobsequentem prosequi,
Fas esse censēs? Hoc tamen votum accipe,
Boxhorniana quod fides debet tibi,
Datâque hîc, candidâque quod signat manu
Peregrina non sit terra, quam petis, tibi,
Peregrina quamvis. Essē nec potest tibi.
Humanitati, qualis eminet tua
Domi forisque quæ comes semper tibi est,
Ubique grata, ubique culta gentium,
Dolopesque & inter, inter & truces Scythas
Aliasque quamvis hospiti gentes feras
Peregrina tellus nulla, nulla visitur.

Lugd. Batav. 1653. Mense Martio.

E I D E M.

In Bonæ Mentis palæstra diligenter feliciterque se exercenti.

Mens occupata semper ac exercita,
 Et occupata rebus in pulcherrimis,
 Augetque alitque se, sibi que est pabulum;
 At otiosa ignava deses desperit
 Nec amovendam contrahit rubiginem:
 Crescens Amaracus liquore ut si suo
 Suoque sole non alatur, interit.

Lugd.-Batav. 1647.

Complures Ejusdem Authoris Epistolas Familiarissimas penes se servat etiam Terhaarius, quas quia non putat in id scriptas esse ut publicentur, voluit modò prudens ut ait perituræ parcere chartæ. mox eas daturus in lucem, si Scriveriana opuscula nonnulla ejus studio in vulgus prodierint. Siquidem omnes pleræque expostulationum & gravissimarum in doctos seculi viros querimoniarum plenæ sunt. Operi alicui Scriveriano in fine mox addentur. Si illi tum ita visum fortè, Vale.

TYPO-

TYPOGRAPHUS LECTORI.

Amice Lector,

CLarissimi Viri M. Z. Boxhornii Epistolæ, & Poëmata, quæ reperiri hæcenus potuerunt, typis descripta, ne cum tineis, & blattis diutius rixentur, hic tibi, & publico dantur bono; opus posthumum, quod omnibus literarum humaniorum amatoribus inprimis, ut spero, placebit. Ex minimo enim in his labore, & volante calamo, maximum ejus, & promptissimum commendatur ingenium. De quo jam nihil in præsentiarum amplius addam, ne, veteri proverbio, in Ægyptum frumentum, in Ciliiciam crocum advectare, & in sylvam denique ligna ferre videar quum ipse Auctor satis, & abundè suis scriptis illustretur. Si qui autem sint, hujus viri nominis, ac famæ æqui aestimatores, penes quos aliqua adhuc, hujus generis inedita servantur, quæ hoc juvare possint institutum unicè rogantur, ut eorum me participem facere dignentur; quo beneficio meam, & aliorum expectationem sibi in perpetuum devincient, obligabunt. Interim, benevole Lector, his frui, fave, & vale.

I N D E X

EPISTOLARUM.

A <i>Driano Vettio.</i>	21
<i>Adrianus Hofferus.</i>	58, 73, 74, 75, 77, 80, 85, 87, 92, 104, 106, 108, 114, 115, 116, 117, 119, 121, 123, 129, 131, 136, 138, 140, 142, 147, 152, 153, 154, 159, 160, 161, 162, 163, 165, 167, 176.
<i>Axelius Turonis.</i>	83
<i>Anthonijs Matthaus.</i>	113
<i>Arnoldus Vinnius.</i>	209
<i>Claudius Salmasius.</i>	12, 15, 69, 179
<i>Constantius Hugenius.</i>	53, 55, 57, 74, 76, 102, 115, 120, 125, 130, 132, 135, 136, 137, 138, 139, 141, 143, 144, 148, 149, 150, 158, 166, 172, 175, 176, 211, 216, 229, 230, 231.
<i>Daniel Heynsius.</i>	9
<i>Dominico Acronio à Buma.</i>	48
<i>Erico Rosencrantzio.</i>	24
<i>Godefridus Udemanus.</i>	79
<i>Gabrielius Oxenstiern.</i>	97
<i>Gulielmo Goestius.</i>	126
<i>Georgio Hornio.</i>	217
<i>Henricus Brunones.</i>	151, 171, 209
<i>Joh. Isaacus Pontanus.</i>	1, 2, 3, 4, 5, 6, 7, 8, 11, 12, 14, 18, 19, 22, 26, 27, 28, 29, 34, 47, 49, 52, 57, 66, 67, 68, 71, 72, 84, 90, 91, 94, 102, 109, 162.

Joh.

Index Epistolarum.

<i>Joh. Fredricus Gronovius.</i>	30, 33, 36, 37, 38, 51, 56, 58, 59, 62.
<i>Jacobo Baselio.</i>	229
<i>Joh. Kruus.</i>	40
<i>Jano Bodechero Benningio.</i>	51
<i>Joh. Beverovius.</i>	89
<i>Jacobus Baselius.</i>	111, 112, 174, 178, 207
<i>Joh. Antonius de Rouck.</i>	122
<i>Justus Turcaus.</i>	144
<i>Joh. Wernerus Blaespius.</i>	180
<i>Magno Gabrieli de la Gardie.</i>	155
<i>Nicolaus Blancardus.</i>	168, 212, 218, 220
<i>Petrus Scriverius.</i>	16, 54
<i>Piboni à Doma.</i>	216
<i>Paulo Terhaario.</i>	234, 235, 236
<i>Rochus Hofferus.</i>	118, 150, 166, 170, 175
<i>Rochus Moggio.</i>	78, 93, 118, 128
<i>Richardus Lubbeus.</i>	109, 122, 131
<i>Reinerus Neuhusius.</i>	157, 173
<i>Theodorus Graswinckel.</i>	46
<i>Vincentius Fabricius.</i>	24, 35, 61, 95, 96, 208
<i>Valerio Andrea.</i>	105
<i>Wilhelmus Bonerus.</i>	50

Errata in Epistolis.

Pag. 10. Tibi ut lege, Cui ut pag. 29. lasium lege suum
 p. 30. coiimus, l. colimus, p. 31. durant : l. durante p. 35.
 diligentia l. diligentia p. 38. qui acceperis l. quin accepe-
 ris. Ibid. Qui ut dele ut p. 39. argumentis l. argumenti
 p. 61. scribes, l. scribis, p. 70. lintuem, l. linternum, p. 75.
 subjecta l. & subjecta p. 84. commendavit. l. commenda-
 bit. p. 85. Et suo l. Et sua p. 86. Mænia, l. Munia, p. 87.
 ex quorum iudicio l. ex quorum indicio p. 89. unus ; atque
 omnis l. unus ; unus atque omnis p. 90. Berovicinus l. Beve-
 rovicinus p. 91. ignavissimis. l. ignarissimis. p. 95. deal-
 barem. l. dealbarem. p. 96. Ultrajecti l. Ultrajectum ibid.
 possem, l. possent, p. 101. ad movendum, l. admovendum,
 ibid. averfaturum l. obverfaturum p. 104. donum, l. do-
 mum, p. 107. amafios. l. amari. ibid. promta, l. promo-
 ta, ibid. Novemb. 12. l. Septemb. 12. p. 109. agnoscas.
 l. ignoscas. p. 110. debeo. l. debebo. p. 113. aère l. ære
 ibid. 1640. l. 1639. ibid. immormotam l. immotam p.
 125. exemplum l. exemptum p. 127. ignoros, l. ignaros,
 p. 128. sed etiam . . . l. sed etiam sui . . . p. 133. Quid-
 quid, ut tu l. Quid quod, ut tu p. 139. qui ni l. quid ni
 p. 148. Wyle, l. Myle, p. 150. nrtali l. natali p. 151.
 mens l. nunc p. 154. Et me l. Et ne p. 155. Scriptores l.
 Scriptoris p. 156. antiere l. anteire p. 162. 1642. l. 1643.
 p. 166. judicare l. indicare p. 172. erigas l. exigas p. 173.
 Zelandicâ l. Zelandiâ p. 177. excurrentes, l. excurrentes,
 p. 178. caverem l. carere ibid. actionem l. actione p. 179.
 Lugduni l. Lugdunum ibid. ut ex l. vel ex p. 185. . . .
 homines; quem l.
 homines, quem p. 186. Non ait enim l. non ait enim
 p. 202. aut vera, ut falsa l. aut vera, aut falsa p. 204.
 Nos, mi Tiberi, &c. totam hanc Augusti epistolam de
 verbo ad verbum, &c de syllabâ ad syllabam ita lege :

Nos, mi Tiberi, quinquatriis satis
 jucunde egimus. Lusimus enim per omnes
 dies, forumque aleatorium calefecimus.
 frater tuus magnis clamoribus rem gessit.
 Ad summam tamen perdidit non multum :
 Sed ex magnis detrimentis præter spem
 paullatim retractus est. Ego perdidit vi
 millia nummum, meo nomine; sed (ginti

cum effuse in lusu liberalis fuisssem, ut so-
plerunque. Nam si quas manus remis- (leo
cuique, exegissem, aut retinuissem quod
cuique donavi, vicissim vel quinquaginta
millia. Sed hoc malo. Benignitas enim mea
me ad caelestem gloriam efficeret.

P. 208. virsies; l. vir sies; ibid. officio, l. officia, p. 209.
Ad alios scriptas l. Ad alios scripta ibid. inveniet. l. in-
venient. ibid. mens l. meas p. 216. audentem fuere. l. au-
dentem tuere. ibid. B O M A l. D O M A p. 232. prae-
video l. praevideo p. 233. malum non audire. l. malim non
audire. p. 236. Tersaacijs l. Terhaarius.

MARCI ZUERII
BOXHORNII
POEMAT A,
Miscellaneorum liber,

*Quorum seriem pagina proxima
indicabit.*

I N D E X
P O E M A T U M.

Miscellaneorum *liber.*

Character *Fortuna, Caussarum, Patroni, &*
Amoris. Ænigmata.

Gnomæ *politica & morales.*

Liber *Adoptivus.*

IN N U P T I A S
A N T O N I I M A T T H Æ I,

¶

A N N Æ I S A C I Æ P O N T A N Æ,

Cognatæ suæ.

F *Luctuat ambiguis mea mens obnoxia curis,
Vix bene certa sui, dubiisque exercita votis,
Una licet, non una manet. Illa inter & illa
Letatur, ploratque simul. Vix funeris illic,
Hic Veneris luxere faces. His crescere gentem,
His decreffe datum. Vix dum feralis amicos
Mors rapuit cineres, alios mox Juno nepotes
Imposuit cunis. Lessos lachrymasque frequentes
Illis; his risum affudi. Vix Leyda sorori
Præbuerat tumultum Zueri mea patria fulcrum
Berga parat geniale toro. Vix pignore mater
Orba Serooskercko potuit placuisse marito.
Bosschardum Puteana capit; Sic funera & inter
Has lachrymas geminat Superum clementia tadas.
Jam Gelros hæc flamma tenet, Vicinque pererrat
Pastoris qui nomen habet. Urbs tota resultat,
Doctæque laurigeris implentur mœnia tedis.
Omnia letiferis quamvis infesta figuris,
Læta monent. Urbi nuper ferale minati
Excidiom Croates. Pastorum mœnia flammis
Tradiderat votis Cuculus. Dii tale peractum
Non voluere nefas: aliisque incendia flammis
Pensarunt Superi. Produxit cœlitus igneis
Et Venns, & Veneris natus. Quis protinus ardet
Jam non una domus. Matthæum (agnovimus omnes)
Præ reliquis hæc flamma tenet. Vix creverat ardor
Et penitis æstus percusserat ossa medullis.
Isaciam totus quærit. Vix multa moratus
Isaciæ placuisse potest. Urbs tota choreis
Incumbit, famamque movet, delapsæque calo
Stat laurus complexa torum. Huc Cynthia Juno*

Huc ardens (dubium quonam monstrante Sycambros
 Repperit) Cytherea venit: suspectaque sola
 Ne foret, hinc Phæben comites, hinc Pallada junxit.
 Protinus effusam leto se prodere risu,
 Atque Annam amplecti, nomenque iterare mariti.
 Et laudare faces, scitosque Cupidinis arcus.
 Incubuit cælum terris. Canit Augur Apollo,
 Doctaque ad Isacias festinant numina tedas.
 Cælestes animos, tot dura vocabula Celtas,
 Tot Dana de gente satos, tot clara Sycambros
 Nomina & heroas prisco de stamine gentes
 Fas fuerit plausisse tibi. Quæ nata parente
 Franciæ cui cunas debet, cui Dania fastos,
 Cui vivax lucem scriptor. quo dante Sycambris
 Tot veteres rediere artes, felicibus atque
 Ingeniis aperitur iter despectaque Muse
 Colla levant. Rutili duplex ubi semita Phæbi,
 Pontani stat forma mei, quæ debita cælo
 Clausa velut Gyare scopulis, parvaque Seripho,
 Arcta nimis nostri queritur confinia mundi.

Augustum, at parvo gestandum tempore, nomen,
 Deferimus Matthæe tibi, Sponsumque vocamus.
 Implesti totam Sponsi clamoribus urbem.
 Te sequimur Sponsum, sponsum comitamur, & unum
 Te loquimur Sponsum. Rhenani hæc pocula Bacchi
 Indixit tua, Sponse, salus: tibi tota bibuntur.
 Anna vocat Sponsum. Sponsum te sæpe loquamur
 Dum Sponsum vocitare licet. Cras, Sponse, fuisti,
 Non sponso licet esse diu. Venerabile nomen,
 Sæpe requisitum votis, & sæpe negatum,
 Eripiet nox una tibi, nomenque mariti
 Inducet, venit Anna tibi, matremque relinquit
 Delitiis obstricta tuis, quæ sospite semper
 Florebit tranquilla domus. Sepone libellos;
 Anna Themis sit sola tibi; procul horrida Baldi
 Scripta, procul lites, & ficta vocabula Titi;
 Juræque tam grata cedant spinosa puella.
 Anna veni, patrias inter laudata sorores,
 Et cultu complexa Deam; venerabile nomen
 Anna viro. Iam nunc totam te trade marito,

*Tota cui doctæ complerunt pectora Divæ.
 Eduxit quem iusta Themis; quid lenta moraris?
 Ante oculos Matthæus erit. Tu prima voluptas,
 Tu postrema viro. Sermonum gratia tecum,
 Tecum somnus erit, castique per omnia ludi
 Se totum dabit ille tibi. Quo præstite nunquam,
 Vix fuerit par Juno tibi. Fas credere flammæ
 Invidiæ stimulare Deas. Modò magna videret
 Matthiadem Juno, damnavet nupta maritum.
 Absolvam voto, Vatum si fervida quidquam
 Vota valent, primo prolem suavissima partu
 Non unam Lucina dabit: dabit Anna puellam
 Lata sibi, & pariter puerum dabit Anna marito.*

In Historicam Danicam

JOH. ISACII PONTANI

Cognati sui.

N Il fixum aut constans, rerum si cernimus orbes,
 Orbis habet. peritura ruunt, quæ semper eodem
 Stare negat fortuna loco. Subvectus in altum,
 Mox cadit infelix: & quæ gens visa superbum
 Ferre caput cælo, fatiis urgentibus iras,
 Labitur æternis annorum oppressa ruinis.
 Fata regunt positæ & regna, & tempora metis.
 Solum ferre potest ætatem, & sæcula diæ
 Mentis opus. quod nec longæva abolere vetustas
 Nec fortuna valet. Viget, æternumque vigebit
 Quidquid mens bibulis signavit facta papyris.
 Quid refert igitur, quod sint adfixa tropæa
 Porticibus? Quantas victor subverterit arces,
 Quas acies? Si mentis opus; si defuit una
 Historia. Hæc rerum custos, penus annua quæque
 Ætatum monumenta tenet, quæ præmia pendit
 Magnanimis Regina viris, quæ præpete penna
 Heroa æternis inscribit nomina fastis.
 Et talis, Pontane, tua est: quæ ab origine pandit
 Danorum Reges, regnataque sæcula Danis.

*Horum res gestas, obscurâ è nocte revulsas
 Exponis cœlo, radiisque nitentibus aures.
 Dana manus dubio quidquid discrimine gessit,
 Et veteres actus, decertatosque labores
 Prosequeris, Charitumque omnes effundis habenas.
 Quæ bella intulerint Batavis, quæ nomina terris;
 Nomina, quæ seri servant æterna Nepotes.
 Res ipsa est, quodcunque legis. Non cernere quisquam
 Aut levia insulsis figmenta tumentia nugis,
 Aut quæ immensa cavi spirant mendacia folles.
 Quis color, & tantis majestas debita rebus?
 Copia quam torrens, quanta est facundia linguae?
 Quæ gravitas? Quis non priscum miretur acumen,
 Et genii sublime decus? Sed singula demens
 Quid sequor, & laudem committo vela profundo?
 Pontant stat fama mei. quæ debita cœlo,
 Dispargit cum sole iubar, radiosque per orbem.
 Fama æqueva polo, par Phœbo adsurgit, & arcta
 Terrarum in tantas queritur confinia laudes.*

H O N O R I

**ADRIANI & WILHELMI
 MERANORUM, geminorum fratrum,**

C U M

J. V. Doctores crearentur.

I.

ABRAHAMO vander MEER, Senatori.

*Cum binas referant bina hæc tibi pignora lanros,
 Fas binis tantum te coluisse modis.*

II.

I P S I A C A D E M I Æ.

S Tirps Divam, sacunda Parens, Heliconia Leythis,
 Non nisi quæ magnos gignere sueta Deos.

Curia

Curia cui patres, sacrorum Ecclesia vates,
 Cui Medicos debet terra Batava suos.
 Hos gemini juris Mystas veneranda gemellos,
 Curia jam gaudet te peperisse sibi.
 Portentum sacri spectamus; Credite, cives,
 Semine Meranus natus uterque suo.
 Semine quo pragnans mater, sed semine mentis,
 Meranos nequirit non peperisse suos.

CAROLO DEYNOTIO,

C U M

In J. U. D. ordinem adscisceretur.

Augusta mater maximum mundi decus,
 Stuporque Leida, Leida formatrix tua
 Sollers juventa, Palladis genus, novem
 Genus Dearum, quamque Vix parem sibi,
 Aeternitatis atque cæli mancipem,
 Adorat orbis; fas mihi tandem, Orainis
 Qui pars togati parva, præter Ordinem
 Placuisse votis: picta solenni loco
 Aula dum sunt fixa, dum tantus favor,
 Dum tot togatos, pileatos cernimus,
 Festosque soles. Munus hoc cælo datur.
 Vix ante nobis lucidus currit dies,
 Quin pompa in ipsa pompa jam surgat nova,
 Dum quisque nomen debitum sibi capit,
 Pretium laborum. Jam videt plures sua
 Tricæns artis, sed tamen plures Themis
 Aequi patronos. Unus hand laudi satis.
 Astræa magnos extulit calo gradus,
 Batavamque pridem, plena splendoris sui,
 Intravit aulam: Diva regnatric Deam,
 Hominumque custos, numinis magni potens,
 Propago cæli, quæ impium quondam genus
 Exosa terras fugit, & fugit nefas:
 Cum bella, cades, atque contemptus Deam,

Animi nocentes, atque damnatus pudor,
 Suasque quivis in malum offerret manus.
 Sive astra tu nunc Virgo, seu terras colis,
 Letare Diva. Leida jam favet tibi,
 Fœcunditatis ipsa non capax sue.
 Non fana spectas, non nitentes floribus
 Aras sacramus, quaque quondam detulit
 Vesanus error, sed tuorum præsides
 Damus sacrorum, cognitores litium,
 Juris ministros, atque consultos boni.
 Inscripta tot jam non reponam nomina
 Albo tuorum. Me tuus, meus vocat.
 Deynootianus flagrat in nimen tuum
 Excelsus ardor; flagrat ille maximi
 Capax honoris. Macte, dilectum caput,
 Dum fervet ætas, dum tibi firmum genus,
 Calidusque sanguis; macte, jam plebis satur
 Incumbe fatis, atque splendorem tuum
 Sectare totus. Jam tuis venit dies
 Votis petitus, nominis stator tui.
 In altiore victor adscendis locum,
 Vulgoque major inferis cælo caput.
 Stas invidendus omnibus, dum quilibet
 Defixus ora de tuo exemplum capit.
 Decus peractum est. Omnibus dictum sibi,
 Tibique factum crede. nec tamen tibi,
 Hic quæ patrabis porro prolusit dies.
 Generosus ille quo resurgit altius
 Magis ardet ignis. Quidquid acceptum est adhuc
 Nihil vocetur. Nil satis magni putant.
 Quid das pudori, dum illud haud credis tibi,
 Quod quisque credit? Nomen hoc quod omnium
 Dedere Patrum vota, tu vixdum tibi
 Audes fateri. Sed tamen quando tibi
 Minor videris, crescis in tantum magis,
 Jam vota dicam sæculo, & simul tibi.
 Cupido litis cesset, & clamor fori.
 Nemo citetur legibus tuis reus,
 Pæne minacis implicatus Julie
 Sponte fatebor, ad Monetam non facit;

*Sed tam proterve litiganti saculo
Vellem libenter esse consultum bene:
Si pergat autem prodigum sui generis
Fovere lites, sis potens facundia
Dictator equi, victor, indomabilis,
Expers amoris, liber, & plane tuus.
Sic omne punctum, sic decus totum feres.*

RODOLPHO NYPOORTIO,

Cum

In J. V. Doctorum ordinem adoptaretur.

G Audete cives. Jam brevi cadet scelus,
Nostrumque quidquid seculum vexat nefas:
Dum tot patronos juris, atque vindices
Æqui videmus. Leida non deest sibi.
Astræa surge, cum sacris natum tuis,
Et æquitatis mancipatum cultui,
Nypoortianum nomen adsurgat tibi.
Nam quod merenti reddis, hoc capis decus,
Tantumque debes, debet hic quantum tibi.

In Editionem Poëmatum

JANI SECUNDI,

Ex secundis euris

PETRI SCRIVERII

S Criverium, cujus dat cura secunda Secundum,
Ingenio primum quis neget esse virum?

AD MOGUNTIAM

De arte typographica Harlemi

Primùm inventâ.

Vana quid Harlemiis indicis praelia praelis?
 Ista parant jugulo vimque necemque tuo.
 Sis te precor. Batavâ felicia praela typosque,
 Nisi taceas, acreis experiere magis.

I N

JOH. ISACII PONTANI

Historiam Gelricam.

Geldria jam propriae repetit cunabula terrae
 Haec tenus in tenebris vix sibi nota suis.
 Unius haud vindex Pontani est dextera gentis,
 Unius haud vindex temporis illa manus.
 Prisca suis fulgent Heroum facta triumphis,
 Et laudem antiquae nobilitatis habent.
 Quae nova ne veteris rodantur dentibus ævi
 Tempore jam quovis sunt meritura fidem.
 Creditur extinctos reddi vitalibus auris
 Non posse, aut Stygios deseruisse lacus;
 Creditur elapsi non reddi temporis usum;
 Quaque semel fulsit non reditura dies.
 Et tamen Isacii qua mota est dextera reddit
 Tempora cum dominis quae perire suis.

In Aureas Annotationes,

à

FRANCISCO ab HEERMAN
scriptas.

PUssilla quantum charta molis continet,
 Summæque parvus vertit in succum liber!
 Suadæ medullam, nectar & nectar merum,
 Orac'la vatum, grande prudentum decus,
 Effata dudum fata, sordidis diu
 Effæta chartis, atque virtutum prior
 Exempla quotquot, posteris ætas dedit
 Scriptoris antem quanta liberalitas!
 Quam grande munus! quod sibi natum domi
 Confert in omnes: & tamen vita tenet
 Quam docta cunctos penna virtutem docet.

LAUS FEBRIS

Cum

JOANNES REGIUS

Post habitam de Febribus Disputationem,
 Medicorum ordini insereretur.

AD FEBREM.

DIva quid insani linguis obnoxia vulgi
 Crederis in nostrum perniciofa genus?
 Sed male consultæ mihi mens contraria turbæ;
 Si qua fides, magnum tu quoque numen habes.
 Pars mundi tibi nulla vacat: te verna Quirini
 Ipse suas inter gaudet habere Deas.
 Undique regales ponunt tibi fercula mensæ;
 Plena tibi Bacchi pocula fundit amor;

*Et prius ignoti libatur fistula peti,
 Et gens in fumos ingeniosa sumus.
 Tollere seu placeat, seu nobis parcere visum est,
 Omne procul cedit quod fuit ante malum :
 Qui superest, validi miratur corporis usum;
 Nec queritur quem jam flebilis urna tegit.
 Te quoque Pergamæ celebrat facundia charta,
 Et Coi si quid credimus esse senis.
 Tu quoque, Romanum quondam dum temperat orbem
 Claudius * & magni sceptrâ Quiritis habet,
 Regnabas pariter; pariterque Britannia vidit
 Te sibi victrices imposuisse manus.
 REGIUS heic etiam, quem mens agit annula cælo,
 In pretium tituli te videt ire sui.
 Cur igitur vanæ jactent convivia voces,
 Inque tuum diras garrula turba caput ?
 Accipe, sed votum quod non irrideat æther,
 Accipe quod pro te jam mihi dicat amor :
 Omnibus ut placeas (magnum est quod, Diva, rogamus)
 Ipse velim semper displicuisse tibi.*

* Claudius Cæsar, cum quo annos 50. Febris habitavit, teste Seneca in Apocolocyn.

Ad sacellum Ostrohiense in Transilvania.

FEBRI. DIVÆ. FEBRI
 SANCTÆ. FEBRI. MAGNÆ
 CAMILLA. AMATA. PRO
 FILIO. MALE. AFFECTO. P.

Pag. xcvi. Inscript. Gruteri.

I N

Virgilii Malvezzi Principem

à

JOHANNES KRUIJS,

Latinitate donatum.

Tulere fata Principem nuper tuum,
 Generose Kynsi. Fata Gustavum tuum
 Tulere nuper Regis exemplar boni,
 Septentrionis sydus, & Martis torum,
 Metum universi, destinam Germania
 Jamjam ruentis. Tantus ah! Princeps fuit,
 Nec ille tantus heic iterum videbitur.
 Succurris orbi, & explicas vires tuas,
 Vires venustas, ingent vires tui,
 Stylo Quirini dum reponis Principem
 Perfectum ab omni parte, Gustavo parem.
 Multum profecto Sueciam obstringis tibi:
 Qualem illa Regem viderat, talem legit.

In Ejusdem Tyrannum ab eodem Lati-
 nitate donatum.

KRusi, voluptas gentis & decus tue
 Nostrique amores; diva cui Pallas dedit
 Haud segne pectus, pectus imbutum bono,
 Ardoris ingens, laude quod dignissimis
 Illustre curis. Vendicant quales sibi
 Nunc Romulus, nunc Tarquin? insandum scelus.
 Sic innocenti Principi jungis malum.
 Bonus placebat nuper, & placet malus.
 Placet Tyrannus, asper, indomabilis,
 Invisus orbi, publica pestis rei
 Ut mors snorum, pœna sic tandem sibi.
 Placet legenti, qui ferenti displicet.

A D

A D

PIBONEM DOMA,

C U M

J. U. D. renunciaretur.

Qualis profundi nauta sulcator maris,
 Factatus alto, fluctuum ludibrium,
 Trochusque venti, destitutus omnibus,
 Aquilonis inter raptus & tractus minas,
 Splendente cœlo cuncta promittit sibi,
 Minimeque sicca mortis expellit motum,
 Quassamque intro portui donat ratem:
 Batava talis exserit Pallas caput,
 Funesta pridem, Ditis infandæ domus,
 Et plena lethi. Carnifex cessit lues,
 Nec mortuales polluant Phœbum dies.
 Renata tanquam spiritum donat sibi,
 Donatque quidquid mentis erectæ petit
 Generosus ardor. Provoco cœli fidem,
 Fascesque Vorst I, totque vana rideo
 Vota invidentium. Pectus appello tuum
 Præclare Doma, seculi natum bono,
 Quod jam salutat Palladis nostræ Themis,
 Quod astra tentat, cuius invasit fibras
 Vis invidenda, quæ negata plurimis
 Non denegavit traduces cœli faces
 Quod docta Pallas, mox sibi procax Venus,
 Dein Nympha junxit, nunc sibi jungit Themis.
 Quid, Doma, Nymphæ tetricam jungis Deam?
 Metuisne diras Juliæ legis minas,
 Adulteroque Diva quas dixit thoro?
 Securus esto. Jungitur recte simul
 Venus Themisque. Jungitur recte Tibi.
 Utramque, Doma, patriæ debes tuæ;
 Veneris satelles patriæ cives tuæ,
 Themidis sacerdos patriæ mentem tuæ.
 Video curules & tribunal Frisicæ,

Video

*Video patere cuncta virtuti tue,
Video parentem liberum parvi gregis,
Patrem maritum & patriæ patrem suæ.*

Ad ejusdem Conjugem

JOCUS.

Juncta Themis Veneri, conjux suavissima Domæ,
Non poterit Veneres imminuisse tuas.
Cuique Themis tribui sua vult. Vult illa maritum
Debita conjugio nulla negare tuo.

In Mare Clausum Seldeni.

Libera nunc igitur tolerabit vincula Tethys?
Quid mare, quid faciles quid meruistis aquæ?
Qui vos infami conclusit carcere nuper
Hoc meruit, quod vos non meruistis aquæ.

ÆTERNITATI

GUSTAVI ADOLPHI MAGNI,

Suecorum, Gothorum, Vandalorum-
que Regis.

Ille triumphator Boreæ certantis alumnus,
Gustavus, Getici dextera magna Dei;
Qui nunquam domitus potuit domuisse rebelles,
Et domitos placido continuisse sinu;
Ille tuis cælo lapsus Germania rebus,
Ausus in Austriacos arma movere lares;
Bellorum laudisque vetus: victricia cujus
Indomita semper signa tulere manus;
Dum plures aliis statuit connectere lauros,
Invida non dubiam fata dedere necem.
Et moritur vincitque simul. Miracula mortis!
Et talem credat quis potuisse mori.

Vixit.

*Vixerunt alii. Non vivere desit ille
Dum moritur ; tantum desit ille mori.*

In Fulviam

JANI BODECHERI
BANNINGI.

Fulvia , cœlesti , Vates , celebrata libello ,
Visa tibi potuit , lecta placere mihi.
Forsan visa tibi , nec forsan visa Poëta ,
Lectâ mihi visa est , visa puella tibi.
Si tamen haud unquam fuerit , jam nascitur illa ,
Et prolem agnoscit Calliopæa suam.
Ingenio Claras subigis , Banninge , sorores ,
Nataque de Clario Fulvia vestra sinu.
Nascatur talis , qualis tibi nascitur illa ;
Et redamet Vatem nata puella suum.

CYPRIANO REGNERI

Cum in JC. rum. ordinem coöptaretur.

JAM , CYPRIANE , laudis assertor tuæ ,
Nunquam domanda discutis nefas manu.
Jam norma rerum te suum dicat Themis ,
Et grande surgit , quod merentis in fidem
Concepta dudum fama prolusit decus.
Onerosa vatum pompa nil confert tibi ;
Par nemo quam tu , si tibi poscis parem.
Dum creditarum disputas rerum fidem ,
Se docta donat Leida , se credit tibi ,
Tibiq. tantum credit & credit sibi.

JOHANNI POLLIONI,

C U M

Sub egressum Capicularium Feriarum Li-
centiæ gradum in V.I. adipisceretur.

Hætenus amotis siluerunt pulpita curis,
Et rapidi cælum distinnere canes.
Jam sua Palladii dispungunt otia cives,
Atque sui caussam quisque laboris habet.
Pollio jam docta præbet spectacula pompa;
Nec licuit tantum dissimulare decus.
Suspiciamus castis delubra faventia votis,
Et juvenem primi nomen haberi loci.
Pallade qui magnus, quam primo exceperat avo,
Nec minus Astræa iudice magnus erat.
Qui meruit quidquid potuit mens docta mereri
In pretium meriti cogitur ire sui.
Ad laudes concurrit Avus; præconia condit,
Et pia dat patrins signa faventis amor:
Longaque victurum Polyandri in sæcula nomen
Exemplum voluit nominis esse tui.
Et pariter magnis adsurgit avunculus ausis,
Kerchova referens nobilitatis avos;
Cui nemus & Batava parent venabula terra,
Cui fasces defert Puttia tota suos.
Otia qui studiis superas, post otia dignus
Victrices lauro composuisse comas.
Lux tua nunc oritur, quæ nobis otia demit,
Hæc tibi finiti meta laboris erit.

IN

IN HONOREM
JUSTI TURCÆI,

Quum post publicam de Angina disputatio-
nem Doctor Medicinæ inauguraretur.

DUm seva passim Pestis accendit faces,
Virusque spargit, ira quod ferox Dæm
Impressit auræ; depopulatrix urbium,
Quæ nata Ditis, sive sit Ditis parens,
Neptis Charontis, & fatigatrix simul,
Legata mortis, & satelles inferi
Funesta regni, queritur Coi manus,
Cui Pergameni dextra succedat senis.
Gaudete cives. Leida succurrit malo,
Nuper cadaver, busta cum auferent tuum
Libitina censum. Sana jam reddit sibi
Redditque terris corrigi quidquid potest
Manu medentum. Nomen hos inter summa
Illustre jactat Turquii virtus mei,
Mæe simulque Patriæ Patris sue:
Qui nunc Batava, more sollemni, Dæ
Inter merenteis anget & capit decus.
Angina testis. Illa lingua carnifex
Clari disertam Turquii linguam facit.

IN

BREDAM CAPTAM.

I.

Ad Celsissimum Principem

FREDERICUM HENRICUM.

BREDA tuis tantum, Princeps, servata triumphis
Cedit, ut heroam sensit adesse manum.

Cujus

*Cujus fulmineum dum vibrat dextera ferrum
 Et jacta laurum promerere faces,
 Erigeris, supraque tuos accenderis igneis;
 Spicula qui Marti s cuncta domantis habes.
 Par sibi libertas: post tot miracula rerum
 Accepit pretium par semel illa sibi.
 Cedit Breda tibi, quanquam ringente Philippo;
 Te modo, te dominum credere jussa suum.
 Terra tibi cedit, facilis cui cederet aether,
 Bellica si placidos tangeret ira Deos.
 Altera jam vincit, dum vincitur altera. Fatum
 Unius heic dispar cernimus esse loci.
 Non tamen Urbs minor est; major manet omnibus illa,
 Et Domino tantum cogitur esse minor.*

II.

Breda loquitur.

Non mihi Nassovios pudor est auxisse triumphos,
 Et dominas tandem sustinuisse manus.
 Ipsa ego nunc etiam, vulgi contraria fama,
 Ausa triumphales exposuisse comas.
 Funus eram nuper, sed nunc victura supersum,
 Totaque sum Domino reddita, tota mihi.
 Victam alii dicant; ego me vicisse fatebor:
 Victa ego sum major, quæ minor ante fui.

III.

Eadem loquitur.

Victa feror, non victa tamen. qui vincitur, armis
 Nil potuit; lentâ vicerat ante fame.
 Non ego, non cessi; dominum non mota recepi;
 Hic modo qui jussus cedere victus Iber.

IV.

Ad celsissimum Principem elementorum omnium favorem in Bredæ obfatione expertum.

Dii quoque concurrunt Calo, concurrit & omnis
Natura in partes imperiosa suas.
Sol tenues auras, fabricator Lemnius ignes
Porrigit, & moles eruta terra suas.
Restabatis aquæ; restabat machina tantum,
Quâ faciles aditum non renuistis aquæ.
Breda tibi, Princeps, sed non ingloria cedit.
Vel multum est quidvis sustinuisse semel,
Terra cui, cælumque ignesque armantur & undæ,
Et tonitru credit Juppiter ipse suum,
Omnia cui parent, cui quidvis militat uni,
Quis pudor est uni succubuisse Duci?

V.

In fasces, ex quibus vineæ potissimum conditæ.

Bredana Auriacus fasces submiserat urbi,
Ut fasces tandem traderet illa suos.

VI.

In terrea opera, quibus Urbs expugnata,
 Breda loquitur.

Urbis invicta feror, vani vix pulveris instar:
Quid dubitas? solo pulvere victa fui.

VII. Breda

VII.

Breda victoriam celsissimi Principis &
Ambrosii Spinolæ inter se contendit.

O Lim victa fame, ferro nunc victa triumphor;
Illa hosti, hoc Domino me dare iussa meo.
Hispanus decimo vix cepit mœnia mense;
Mensibus Auriaco sunt superata tribus:
Dextera nunc belli, me tunc ignavia vicit:
Tunc belli, exitii nunc mihi meta mei.
Illa graves hosti peperit victoria clades,
Dum Ligur Hispanas perdere visus opes;
Nunc Batavum Advaticis se gloria tollit in oris,
Dum terra & pariter restituantur aquæ.
Tunc victa, ut domitam victor nunc cerneret urbem;
Nunc victa ut nunquam sit rediturus Iber.
Bis vici, bis victa licet. cum vicit Iberus,
Et nunc cum dominus, bis mihi victus Iber.
Atque Philippæas cernens bis subdita clades,
Sic ut bis perii bis perisse velim.

VIII.

Ad celsissimum Principem, venien-
tem simul & vincentem.

BReda, licet reliquas inter munitior urbes,
Pene tibi capta est cum tibi cincta fuit.
Et pariter finem pariterque exordia belli
Jungis, & indomitas exseris ipse manus.
Si liceat verum vati prædicere; pacis
Principium, belli jam cito finis erit.
Tam cito vincenti vix jam vincenda supersunt;
Vix aliud quô jam progrediari habes.
Si tibi pax placeat, sic pergas, maxime rerum;
Si placeant belli tempora, perge minus.

IX.

In Bredam domino & simul libertati restitutam.

DE dominis latam spernunt hæc tempora legem;
Ansonio forsan convenit illa foro.
 Sub dominis alios fas sit servire tyrannis;
Breda alio dominum gaudet habere modo.
 Serviit, à domino quam primum invita recessit,
Libera, cum domino redditur illa suo.

X.

In horrendam ædium stragem, ad cives Bredanos.

Multa quidem magnas inflixit machina clades,
 Et cladem fecit machina nulla parem.
 Non tamen hoc odii est, aut implacabilis ira:
Hanc procul à magno credimus esse duce.
 Parcere non potuit vobis, ne parceret hosti;
Parcere tunc vobis, parcere nolle, fuit.

XI.

In Ferdinandum Cardinalem & Infantem Hispaniarum.

Dum castra Princeps munit & Bredam capit
 Quid Ferdinandus fecerit rogas? Nihil.
 Boni ille nil effecit & nihil mali;
 Bonum sed illud, quod nihil factum mali,
 Malum sed illud, quod nihil factum boni.

XII.

Ad Hispanum.

Causa tibi tellus, clauduntur & æquora, cælum
 Ipse tibi claudis; quid tibi restat, Iber?
 Styx tantum, & regnum latè grassantis Averni;
 Hæc tua sunt vecors, hoc tibi restat, Iber.

Ad Celsissimum Principem Auriacum

FREDERICUM HENRICUM,

IN

NICOLAI HEINSII, D. F.

Bredam expugnatam.

Dum debellate surgunt miracula Bredæ,
 Et tantum quævis charta celebrat opus;
 Se simul & patrias tibi defert Heinsius artes,
 Et ruit in lauros, Dux generose, tuas.
 Et quanquam hic minor est te, cælo proximus ardor,
 Nec tibi par, magnis se probat esse parem.
 Laus prima est, Juvenis, sed tanti carmina vatis,
 Sufficere in laudes non potuisse tuas.

ANDREÆ SPARMANNO.

C U M

Medicorum ordini infereretur.

Quacunque solem siderumque compagem
 Distendit æther, sparsa per stupendarum
 Portenta rerum, fercla per triumphum
 Se tota pandit porrigitque Bellona
 Septentrionis Invidenda majestati.

Aquila

*Aquila trementes Tilliique prostrati,
 Cadaverose perduellum clades,
 Aciesque magni Caesaris cruentata,
 Germaniarum vendicata libertas,
 Lusena & ipsa, sauciata, percussa,
 Caeleste sanguen Martiumque Gustavi
 Boream loquuntur & fatentur invictum.
 Sed & tropaeum Specie triumphanti
 Mens alta ponit indolesque Sparmanni,
 Dum Coa quidquid Pergamique praecepit
 Ars impedita diligenter expendit;
 Et incitatum non moratus ardorem
 Apollinarem consequutus est laurum.
 Hanc Leida donat, quae merentis in famam
 Decusque totam se libenter effundit.
 Christina restat, regis instar Augusti,
 Patrona virgo, nata maximi patris
 Et patre digna, sola nominis vindex,
 Eternitati destinata Suecorum.
 Hac Aesculapi poscit artis arcanum,
 Et pectus ambit dexteramque Sparmanni.
 Qui dum medetur patriae suae matri
 Nemo negabit patriae suae patrem.*

I N

ADRIANI HOFFERI

EPIGRAMMATA

De siccitate anni c13 l3c xxv.

Qui memoras sicca, Vates, dispendia terre,
 In numeros siccas non finis ire manus.
 Queris aquas, toto perfusus flumine Vatium,
 Potor Hyantæ non periturus aqua.
 Et tales effundis aquas in carmina. Tales
 Quo plus sunt potæ, plus sitinuntur aqua.

E L O.

ELOGIUM
URBIS ZIRIZÆÆ.

ITe procul nuge. Nil ficti fama Ziringi,
 Nil blandæ Circes hîc posuere manus.
 Nascitur è Scaldi Zirizæa, urbs incola Scaldis,
 Et caput agnoscit Scaldia tota suum.
 Flandria sed domitam voluit; sed Flandria quondam
 Cladibus experta est vulnera mille suis.
 Huic Lemni perculsa manus, huic Jasonis ardor,
 Huic alii æternum promeruere decus.
 Hofferi nunc Musa beat; quæ debita cælo
 Expandit genii vela secunda sui.
 Urbs matri non grata tamen. Namque objicit, ipso
 Nata mari quondam, se Zirizæa mari.
 Vos urbem peperistis aquæ; nunc aggere factò
 Excludi tumidæ non mernistis aquæ.

I N

AGGEREM SCALDIÆ

Vi aquarum admodum concussum, & fasci-
 bus instauratum 22. Augusti anno 1637.

QUæ nova vesanos rapit inclementia fluctus
 Scaldi? quid indigenas depopularis agros?
 Non opus iratæ in terram grassentur ut undæ;
 Terra suas supplex porrigit illa manus.
 Si dubitas, spectâ quos defert Scaldia fascies,
 Quis totam imperii se probat esse tui.
 Desine Scaldi pater; terra si parcere nolis,
 Fascibus at saltem parcere disce tuis.

A D

TARQUINIUM à POPTA,

C U M

Juris Utriusque Doctor crearetur.

I Nvicta dum se fulminantis exponunt
 Portenta Martis, & fatigat armatos
 Nassava virtus; imperantis ad robur
 Dum Breda cedit, impotentis Hispani
 Arx sola quondam, carnifex Batavorum;
 Heic Popta vincit non movendus immoti
 Adsertor equi, patriæque se totum
 Et Frisiorum porrigit tribunali.
 Quid ergo poscis, doctæ quid triumphator,
 Boxhorniani carminis melos parvum.
 Tua quin ipse, Popta, sufficis laudi,
 Qui tutor adstas æquitatis æterna,
 Æternitatis dedicatus in fano.

REINERO BACHMANNO,

C U M

Post disputationem de heredum institutione,
 eorumque querela, J. U. D. crearetur.

T U quoque Palladios auges, Bachmanne, triumphos:
 Et docta ingenio panditur aula tuo.
 Differis extremi quæ sit facundia voti,
 Et quantum possit jam moritura manus;
 Quid liceat, cum sit testatrix cera parentis
 Non satis in natos officiosa suos.
 Differis & vasti quidquid prudentia iuris,
 Et quidquid leges Suada ferentis habet.
 Audierat stupuitque Themis; quæ iusta reponit,
 Teque suum dicat, quem videt esse suum.

*Illa Themis, cum qua nascenti risit Apollo,
 Illa tuas poscit non violanda manus.
 Patria te poscit, qualem te Leida remittit;
 Qua pretium meriti ponderat una tui.
 Adseret innocuos tutricis gloria linguae;
 In trepidos stringes verba diserta reos.
 Te Themidi placuisse iuvat, suavissime rerum;
 Et Themidi placuit, se placuisse tibi.*

IN NUPTIAS
 CHRISTIANI SNELLII,
 ET
 EMMERENTIÆ BERCKIÆ.

Quos meus extimuit jam laudat Snellius ignes,
 Blanda que mernit præmia victor habet.
 Sponsa verecundis sponsum complectitur ulnis,
 Totus & in molli pectore regnat amor.
 Jamque maritales Nympha disponere tædas
 Festa que compositisnectere ferta comis.
 Berckia quid primæ metuis certamina pugna
 Insolito niveas picta rubore genas?
 Virginitas pereat; levis est jactura. Mariti
 Mox erit auspiciis restituenda tui.
 Si modo, si primo nascatur Snellia partu,
 Jam tibi virginitas reddita tota tua est.

A D
 QUIRINUM à STRYEN,
 Cum filiorum quartus,
 WILHELMUS à STRYEN,

Juris Consultorum ordini infereretur.

Inclite, magnarum qui versas pondera rerum,
 Quem gravis Hagani suspicit aula fori;
 Adspice Stryenæ signatum nomine gentis
 Hunc tibi quem Phæbus jusserrat ire diem.

*Adspice Palladios, nato praeunte, triumphos
 Et sparsas lauro verticis esse comas,
 Et tibi bis geminos legum genuisse patronos;
 Quos tamen haud satis est te genuisse semel.
 Pallas nostra tibi succedit & ubera mater
 Quamque colis totam porrigit illa Themin
 Non potuit quales dederas, tibi reddere natos;
 Quales non dederas reddidit illa tibi.
 Tu tamen agnosces genialis pignora lecti,
 Pignora jam famae praesidiumque tuae.
 Et sibi dissimiles, similes tam suscipe natos
 Quam similes illos credimus esse tibi.*

M A N I B U S
 JOHANNIS DELWICHI
 Livoni.

Dum nequit erectam damnosa per otia mentem
 Ardoremque animi postposuisse sui,
 Arctaque Livoniae questus confinia terrae
 Dum patriam credit non satis esse sibi,
 Caelum aliud, terrasque alias Delwicheus & undas
 Querit & externa commoda gentis amat.
 Vix tamen ad Batavae deflexit Palladis aulam
 Et fati indixit lex violenta necem.
 Indoluit raptum mater Livonia natum;
 Addidit & lachrymas terra Batava suas.
 Esto modus lachrymis. Quid enim suspiria prosunt?
 Deserat arsitum praefica turba rogam.
 Abditam jam caeli, jam primos colligit ortus,
 Et puras agitat mens generosa faces.
 Crescit inextincti qua fulgent syderis ignes,
 Crescit & auctorem jam videt illa suum.
 Compositae quisquis sequeris compendia vitae,
 Et bene laudatae praemia mortis amas.
 Hic tumulus quidvis parva complectitur urna,
 Hic tumulus quidvis te docuisse potest.
 Ille quidem medio studiorum carpitur aestu,
 Exserit atrocem dum Libitina manum;

Jam

*Jam tamen absolvit quidquid didicisse necesse est,
 Jamque quod ex illo discere possis, habes,
 Vivere si cupias, ut vixit vivere discere,
 Et plus si cupias discere, discere mori.*

A D

HENRICUM PLOOS

ab AMSTEL,

Cum in Galliam abiturus esset.

H Actenus in patriæ confert insignia gentis
 Amstela quod prisca nobilitatis habet.
 Prima pater Batava tollit se gloria terre,
 Primaque suprema creditur esse toga.
 Leida suas etiam Juveni tibi porrigit artes,
 Teque tuis, Plofi, nunc jubet esse parem.
 Sed modo Borbonii restant tibi purpura regis
 Gestaque Lodwici sceptrum videnda manu,
 Nec minus invicti pectus sublime Richeli,
 Blandaque quod cultæ Gallia mentis habet,
 Et quidquid Rhodani Ligerisque adspersitur undis,
 Et streperis quidquid Sequana findit aquis.
 I, licet à nostris, Plofi semotior oris,
 I modo; velivalem provocat aura ratem.
 Nec tellus peregrina tibi est: tuus agnitus illi
 Est pater, & potuit demernisse tibi.
 Cujus pro Batavo certantis fulmina lingue
 Regia suspexit præposuitque domus.
 Hic tuus est quocunque venis, tibi redditur illic,
 Totaque se facilem gens dabit illa tibi.
 Pro quovis genitor, quem magna merentis imago
 Non uno illustrem jusserit esse loco.
 Exsere te, Plofi, quæ quondam prona parenti
 Regia pro patria panditur antra domo.

WILHELMI van der DOES,

C U M

In J.U. Doctorum ordinem cooptaretur.

Illustres Haga, lata Tempe Belgarum,
 Et prisca sedes principum Batavorum,
 Cujusque famam nulla jam capit fama,
 Et invidenda cesserit venustati
 Quod Graja tellus, quod Quiritium plebes
 Mirata quondam est; quam regentium primus
 Insedit ordo, provehitque Nassavi
 Sublime nimen; cujus in tribunali
 Delapsa cælo deligit Themis sedem:
 Jam tota prodi, gratulantis in morem,
 Quantamque fas est blanda præferas pompam
 Testem decoris, & faventis amplexu
 Gratare Donsæ, quem tibi semel natum
 Iterumque natum Leida jam tibi donat.
 Redit disertus æquitatis interpres,
 Magnos repõstus inter arbitros legum.
 Qui quod meretur dum sibi parat nomen
 Seque ipse promit, spiritumque facundi
 Intendit oris, ipse se stupet talem,
 Stupentque Phæbus & domestica Phæbi,
 Novem venusta natio puellarum.
 Omnisque Leida Palladisque se totam
 Effundit aula. Quidquid additem cælo
 Terras revisit, omniumque regnatrici
 Ad verba pronam differentis Astræa
 Advortit aurem, planibusque laudantis
 Favet coronæ. Dexteram tegunt Divæ
 Ornata baccis laurus & leves palmæ,
 Et pulchra myrtus, frontiumque doctarum
 Hederæ tenaces. Tenuas corollasque
 Et ferta necit, verticemque Donsæ
 Donat tiara, qua superbus incedit.

*Hoc cura pernox, nec tamen fatigata,
 Industriaque pertinacis examen,
 Et verna cæli cœlitumque cognatus
 Effecit ardor; inquilinus heroum,
 Tantumque mentis occupator angusta:
 Erectus ardor; possidere quem nescit
 Gens leua, vecors, segnis imperitorum.
 Non Doufa talis, ille se tibi totum
 Sibique defert quod sequatur exemplum
 Cordata pubes. Major omnibus Doufa,
 Seque ipse major. Vera si canant vates,
 Boxhorniana certa si fides Musa,
 Summumque semper præmium ferat virtus,
 Meritumque sacri scava non premat labes,
 Patriæ regumdis admovebitur rebus.
 Par ille toti, nec tamen petit totam,
 Partimque adeptus demerebitur totam.*

L A C H R I M Æ

In excessum

P E T R I C U N Æ I.

I.

In noctem, qua exstinctus est.

Nox fuit, & nondum perlustrat Phosphorus orbem,
 Nox fuit, & nondum reddidit ille diem.

Nox manet, & stertit Phæbus languetque, suumque,
 Ut solet, auratum non sinit esse caput.

Nec Jovis Herculeis iterum lascivia natis
 Jam vacat; infensos credimus esse Deos.

Cuneo æternam indixit mors invida noctem:
 Hac quemvis nobis abstulit illa diem.

II.

Ad Parcas de ejusdem excessu.

Non levis, ô Parca, Cunei injuria rapti est;
 Illius infernas polluit umbra manus;

*Testaturque scelus quod non admiserit aether,
 Aut sceleris pœnam sentiat esse sui.
 Quod vobis in nos jus est, ignoscite Divi,
 In magnos nobis si queat esse Deos,
 Mors quoque si colcret nostras obnoxia leges,
 Ultrices vellet si dare Parca manus,
 Unius ob raptum totus se luxerit aether,
 Et sibi sublatum viderit esse Jovem.*

III.

Ad Manes.

Accipite, eterni, postrema hac munera, Manes,
 Has animi lachrymas ultima verba mei.
 Cunei fuerat Pallas dolitura cadaver,
 Sed quoque se doluit cum moriente mori.
 Hac quoque qua cineres tegitur Boxhornius urna,
 Et nimis immites sentit adesse Deos.
 Nos quoque, nos sequimur, fatis urgentibus iras,
 Tantaque non unum condidit urna caput.
 Unius haud funus Cunei agnoscimus; unum
 Plurima jam post se funera funus habet.

IV.

Ad Adolphum Vorstium, defuncto parentantem.

Dum tua funebres, Vorsti, facundia voces
 Exserit & quidquid Suada dolentis habet;
 Cunei evectam cœli ad sacraria mentem,
 Et tristes tanti nominis exsequias,
 Et lachrymis mersam pallatæ Palladis anlam,
 Templaque jam lachrymis facta minora suis;
 Illa tuæ nobis placuit vis ignea lingue,
 Qua loqueris quidquid sit tæuisse nefas.
 Et meritis laudes doctrina ingentibus aquas
 Et certam quævis promernere fidem.
 Certa fides, Vorsti, est; sed, quæ lugentibus offers
 Fata, velim magni falsa fuisse viri.

V.

De suo in defunctum affectu.

JUssus in aethereas Cumaeus scandere sedes,
 Aeternumque astris infernisse caput,
 Deservit totum, major quo vixerat, orbem;
 Propter & hoc orbis creditur esse minor.
 Me quoque deservit; quo cum, mea numina quondam,
 Me quoque Castalides deservere Dea.
 Quem colui; qui me donec superesset amavit,
 Sola non potuit morte placere sibi.

I N

ANTHONII THYSII

Exercitationes Miscellaneas.

Nunc ergo, Thysi, nominis vindex tui,
 Quod ista prodit charta, quod condit manus
 Sed erudita, sparsa sed Permesside,
 Superasque famam praevenisque, publicus
 Aeternitatis promus ac auctor tuae,
 Audere perge, quâ fruimur plurimi
 Quam non merentur, fama jam debet tibi.

I N

SIMONIS GAKELII

Panegyricum,

BERNHARDO, Saxoniae, Vinariae, &c.
 Duci dictum.

Dum tua Vinariam landat facundia dextram,
 Brisacique ingens obsidionis opus;
 Te quoque Dux victor, stupefactus ut haesitat orbis,
 Obstupuit rebus succubuisse suis.

A D

JANUM BODECHERUM
BANNINGIUM,

C U M

Politicoꝝ Consiliarioꝝ ordini in-
sertus in Indiam Occidentalem
proficisceretur.

Qualis severa lege constrictus poli
Qui triste funus fratris extincti gemit,
Cum mortuali corpus imponit rogo
Cineresque præter, ossa nil præter videt
Manesque functi vultus implorat dolor,
Percussus hæret, vixque jam mentis potens
Lentaque pectus tæbe depascens sumum,
Nullum querelis ponit aut læssis modum:
Talis, meorum prima lux sodalium,
Amœnitatis blande dictator tuæ
Comesque nostræ; Leida cujus imbuat
Sublime pectus, igneosque spiritus
Et vim docentis scire quidquid expedit,
Et fulminantis impetum facundia
Mirata sensit; Zuerius talis tuus,
Banninge, cum te patrios extra lares
Alio in calentem sole tramittis plagam,
Et tot teneris totque te votis negas,
Et parva magnum pignus abducit ratis;
Vix efferendum cum tibi dictum Vale,
Lamenta que inter & madentium genas,
Diserta solo lingua singultu foret,
Totus dolori languet immersus suo,
Tuique plenus, nec tamen potens tui,
Sibi que raptus & simul raptus tibi,
Raptumque propter redditus nondum sibi,
Miser fatiscit. Ultimas præter preces
Et vota præter nil mihi restat tui.
Sed plura restant. Faverit rector Deum
Tibi mihi que, Numen impoſitum mari

*Sceptro tridentis non movendas fluctibus
 Componat undas. Eoli laxet manus
 Aurās ferentis; nec procellarum pater
 Aut Africus se tollat aut furor Noti.
 Pereant nocentes. Nostra quem tellus colit
 Et grande cuius numen insedit fibras
 Quod promissit æther, (tanta si movent Deos.)
 Negetur undis. Unda si tamen gravis
 Et puppim atroci mota convellat manu,
 Profundo Delphin lenis emergat mari.
 Aderit canentis excitatus ad modos;
 Quales solebas, Bodecher, reddere
 Æternitatis ipse cum promus tua
 Et invidenda prædicator Fulvia,
 Antiquitati conderes versum parem.
 Alumna vatū Castalis fluxit tibi,
 Suamque Phæbus sponte porrexit chelym.
 Meliora Castor inter astrorum domos,
 Meliora Pollux præstet; & si quod veget
 Cælo viale numen, adsurgat tibi.
 Adimus aras; jamque votivum pecus
 Tuis faventis rebus addicit Deos.
 Cælo receptæ quas peregrinus preces.
 Si iusta Tethys, si timentur Cœlites
 Vitam merentis, certa si vatū fides,
 Nec falsa dicat insitus præcordiis
 Phæbus ardor; actus qualis fluctibus
 Cytherea quondam spūmeo emersit mari,
 Qualemque Leyda vidit & qualem cupit
 Iterum videre, terra te talem videt
 Indi calentis. Est tibi exactum satis
 Laborum & ultra. Doridi satis datum.
 Jam longioris meta se pandit via,
 Pronamque sese terra substernit tibi,
 Et lata defert omne quod recondita
 Amœnitatis prodigo fovet sinu.
 Cui ut minores cesserint Campania
 Baie tepentes; Itali messis soli,
 Asiæque quidquid culta, quidquid educant
 Daphnæa Tempe. Veris æterni vigor*

Et temperati solis heic ridet iubar.
 Noctes opacum frigus affundunt polo
 Et lene murmur & teporem suaviter
 Spirantis auræ. Forte si terram madens
 Rigarit æther, roscidus cælo liquor
 Se spargit agros inter ut nectar merum,
 Dominoque quale porrigit Jovis puer
 Blandisque Hymetti quale se promit jugis.
 Frondosa semper arbor & virens nemus,
 Et citrus altis exserens sylvis caput,
 Dulcesque canna, quas beata Cœlitum
 Fecere dextra, quas medulla destinet
 Thymoquæ quovis, melle quovis dulcior.
 Sunt & metallo nobiles argenteo
 Dites arena, quas petisset cognitæ
 Qui pervagatus Colchicæ gentis plagam
 Serpente victo vellus heroum tulit.
 Hæc, Bodechere, regna jam tui tenent
 Pretiosa fascæ, patrio quidem solo
 Procul remota, sed perennis gloriæ
 Datura messæ, quæ tibi locum paret
 Inter Batavos Argonautarum choros,
 Magni colonos & Quirites ætheris.
 Quos ferre quidvis, mille per rerum vices,
 Adegit ardor, possidere quem nequit
 Imbelle pectus. Mentis angustæ labor
 Domi est ubique, & patriam quidvis putat
 Quod texit æther. Ille jam favens tuos
 Accendit ausus, perque discretas proci
 Tramittit oras, Consilii hand motus levis,
 Nec parva rerum fata, nec pecuniæ
 Vesanus ardor, occidentis unienum
 Sufflumen æqui: publicæ splendor rei,
 Et promovenda Patriæ pomeria
 Et Barbararum turba vecors gentium
 Recti Magistris continenda legibus,
 Huc impulcre. Jamque se credunt tibi
 Propago Nerei torva, navales viri,
 Et Lusitana nationis traduces,
 Et ora cuius tostus infecit dies.

*Plebs inquilina; pressa quæ tyrannide
Abesse sevas lata Baniola manus,
Et Alberkerckj sceptrum cum Tartessius
Expulsa signis gaudet; & Nassavios
Amplexa fasces, prona Mauriti manus,
Ferro atque avita nobiles clementia,
Amat timetque. Tanta te nobis negant;
Tibi quidquid dulce postponis tibi;
Sedes paternas & domesticos lares,
Os dulce matris, & sororis unica
Et preferendos patris amplexus tui.
Non ipsa euntis impetum Pallas stitit,
Devota quamquam promerentis in decus
Perennitatem laudis ambiret tua.
Quam post futuris promovendam seculis
Tibi quisque donat, invidentium licet
Rumpatur inguen; pestilens quorum furor
Non dona cæli, nec satam mentem polo
Cæcumque supra vulgus erectam capit.
Perculsa Pallas destitutam se gemit
Docentis ore; verbaque incassum serit.
Aliò vocaris, teque majorum rapit
Libido rerum, dumque non quidvis placet
Præfertur Indus. Pharnabucorum sinus
Cessit Batavis & simul cessit tibi.
Hic dissolutis jura præscribis viris;
Armis subactos nec subactos legibus
Ad sanctioris instruis vitæ modum.
Te terra sensit aquitatis arbitrum,
Quam tot beatis affluentem mercibus,
Tot expetitam, tot negatam regibus,
Ut quam relinquis Patriam obstringas tibi,
Patriam Batavis condis ac redas novam.*

I N

DANIELIS TETSCHII

Orationem, de Pacificationis Passaviensis
origine & usu.

Civili dum se lacerat Germania bello
Et trahit infestas sanguine Rhenus aquas,
Tetschius innocue jactat praconia pacis,
Caesaris arbitrium consiliumque sui.
Accipe Casaream tandem Germania legem;
Cladibus hac meta est una futura tuis.

ELOGIUM

MARTINI VETTII.

C U M

De Publicis Judiciis disputasset.

Limina quae tristi nuper praecincta cupresso
Et domini fatis ingemuere sui,
Nunc iterum letos admittunt candida vultus,
Totaque Pieriis personat aula modis,
Dum Vetti Ausonias dictat facundia leges,
Et Themidis partes deficientis agit.
Credimus haec manes Cunei audire sepultos,
Et cineres sancti subsiliisse rogi.
Nam modo qui lachrimis pallentes sparserat umbras,
Nunc quoque sublatis reddidit ora viri.

I N

ARNOLDI à SLICHTENHORST

Orationem de progressu ac usu Navigationum
Batavicarum, cum itineri Gallico se jam accingeret.

Indomita terram circum quae cingitis undae,
Quaeis nil par, quae se porrigit, orbis habet,

Et

*Et pater Oceani, & genetrix Nereia ponti,
Et Divi Æolides, Æolidesque Dea,
Poscimus, huic faciles Juveni permittite ventos,
Mollis & infractam provehat aura ratem.
Hoc meruit, totus cujus præcordia Phæbus
Imbuit, & cælo proximus ardor agit.
Hoc quoque promeruit Nerei laudator & unda,
Præconem falsum ne probet unda suum.*

*In Supplementum Lucani,
Quod ex proprio Anglico poemate Latini
versibus reddidit*

THOMAS MAJUS.

Corduba quem genuit, sinpuit quem Roma canentem,
Non bene cognatâ praelia gesta manu.
Nascitur Arctois iterum victurus in oris,
Et quondam captum perficit auctor opus.
Resituant alii magnorum carmina Vatum;
Reddidit hic Vatem Maius ipse suum.

EPITAPHIUM
JOH. ISACII PONTANI.

Pontanus ille; cujus hæc corpus jacet,
Magnumque nomen unus haud orbis capit,
Nunc inter astra sydus exultat novum,
Contemptor orbis, sortis humana satur,
Conviva Divam, aternitatis bello,
Cæli inquilinus, debitum cælo caput,
Cui vita cælum, terra cui cælum fuit.

AD
ROCHUM HOFFERUM

Ex Academia Lugduno-Batavâ in Gallias abeuntem.

ERgone jam certum est, Hoffere, relinquere nostræ
Trita tibi totiens limina sancta Deæ?

Divæ

*Diva vocat; tamen illa nequit retinere vocatum,
 Quodque potest, comitem se cupit esse tibi.
 Et comes est, sequiturque suum pulcherrima vatem,
 Et præt, & solitam nunc quoque spondet opem.
 Deseris invitam; sed enim comitatur euntem,
 Et tecum quemvis incolit illa locum.*

A D

WILHELMO QUIRINO

De Principiis rerum naturalium
 disputanti.

Cunctarum Juvenis repetens cunabula rerum,
 Et quidquid primi seminis orbis habet,
 Utere principiis, Dabit incrementa laboris
 Laudesque ingenii hoc nobile principium.

GISBERTO ab HAMEL,

C U M

Juris Consultorum Ordini infereretur.

A D T H E M I D E M.

A Stræa legum mater, artifex æqui,
 Fulcimen orbis, innocentia custos,
 Inter Batavos quæ perenne fixisti
 Sanctæ tribunal æquitatis & sedem;
 Huic te faventem, Diva, poscimus pompæ;
 Quam Leida struxit, consecravit Hameli
 Semota vulgo, & inscientia victrix,
 Totumque nostri patrimonium Phæbi,
 Tuasque tot mox, tot Quiritium leges
 Ingressa virtus; ipsa quæ minor pompa est.
 Spectatur ille, cujus ore se produnt
 Et æquitatis promiconda mens Celsi,
 Et Paullus ipse, magnus arbiter recti,
 Baldusque Bartolusque, quotque suspexit

Quoniam

*Quondam tuorum natio togatorum,
Avara nunquam fertur, hac tamen luce
In te Batava liberalis est Pallas.
Unum fatetur illa, plurimos donat.*

I N

ARNOLDI SLICHTENHORSTII

Lusitaniam Liberam.

L*ysica libertas, ejuratique Philippi,
Sceptraque tot sceptris, Castila, dempta tuis,
Cum superent famam, nostri facundia vatis
Sufficit; & partes deficientis agit.
Debuit hoc genti. Regem non exiit illa,
Sed, quem non habuit, reddidit illa sibi.*

A D

JOANNEM de BERGAIGNE,

P O S T

De Nuptiis disputationem Juriscon-
sultorum Ordini inscriptum.

J*am tua, Bergaini, stabiles facundia tædas
Differit & sancti pristina jura tori;
Vincula quæ thalami, quæ Cypri regna Paphique,
Et puero liceat quid, Cytherea, tuo;
Quid scelerum facunda Venus, furtiva propago
Et patris mereat nescia turba sui.
Te loquitur distante Themis, rectique patronum
In dubio juvenem gaudet adesse foro.
Et tamen Idalia nondum est mens conscia flammæ,
Et Paphio jactas libera colla iugo.
Hic thalamos agnosce tuos. Themis ipsa loquentem
Ambit, in amplexus nunc ruitura tuos.
Vilia mortales commendent nomina tædas;
Connubium plus est promernisse Deæ.*

JOHANNI KLENCKIO,

CUM

Liberalium Artium Magister crearetur.

AD

PHILOSOPHIAM.

Diva, penus rerum, quot mens humana recondit;
 Totius abstrusas que trahis orbis opes;
 Fleamus, ut antiquus pridem deferbuit ardor,
 Nec sequitur partes tarda juventa tuas.
 Sape Themis rediit; Phœbumque induxit ovantem
 Sape Machaonii cœtera turba chori.
 Tu quoque Sidonio tinctam cape murice vestem;
 Lux tandem in laudes nascitur ista tuas.
 Adspice Klenckiadem, facunda fulmine vocis
 Qui Sophia causam desicientis agit.
 Cujus in exculto regnantes pectore Musas,
 Et solium imperii credimus esse tui.
 Sapius ut solito redeas, te poscimus omnes;
 Sape tuas ornent talia ferta comas.
 At differ, justos liceat si, Diva, triumphos,
 Non nisi post longas emersisse moras.

IN IMAGINEM

ADRIANI HOFFERI.

Patria quem toties sublimi in sede locatum
 Majorum stupuit passibus ire parem;
 Cui toto Phœbi perfuso Numine, Musas
 Debendi Phœbus credidit esse reas;
 Hoc erat Hofferus vultu. Quod patria semper,
 Quod semper Phœbus lugeat, ille fuit.
 Sape viri, spectes quam tantum, offertur imago:
 Hic quam, si possit, quisque sequatur, habet.

GE-

GERARDO ab ALPHEN,

C U M

Jurisconsultorum Ordini infereretur.

F Los juvenum, primis Themidi devotus ab annis
 Qui colis Augusta condita jura manu;
 Cujus nunc veteres aequat facundia Paullos,
 Tota cui Ansonii panditur aula fori,
 Accipe legisera tandem, sanctissima quæ sunt,
 Munera, Scotano distribunte, Deæ.
 Hæc dare sola potest, nec tu aversare ferentem,
 Præmia, sint meritis non licet æqua tuis.
 Nam Themidi, quæ se tibi plus debere fateatur,
 Hoc debes, quod plus debeat illa tibi.

I N N U P T I A S

CONSTANTINI SOHIERII,

E T

CATHARINÆ KOEYMANS.

Q Uos vix sustinnit, laudat Sohieriis ignes,
 Blandaquæ quæ mervit præmia victor habet.
 Sponsa verecundis juvenem complectitur ulnis,
 Unus & in bino pectore regnat amor.
 Amstelides properant Nymphæ disponere tædas,
 Festaque compositisnectere ferta comis.
 Sponsa, quid ad primæ metnis certamina pugnae,
 Insolito niveas picta rubore genas?
 Virginitas pereat; levis est jactura Mariti
 Mox erit auspiciis restituenda tui.
 Si modo nascatur primo Koeymania partu.
 Jam tibi Virginitas reddita tota tua est.

Aliud.

N U D A V E N U S.

E Dita nuda salo cum Divâ pulchrior omni
 Sit Venus, & nudos præferat una Jocos,
 Sohier I dites qui landas, Amstela, tædas,
 Dic mihi, quò tanta hic dinumerentur opes?

JOANNI à WEVELICHOVEN,

CUM

Pro consequendo in U. J. licentiæ
gradu disputaret.

Nunc iterum docta surgunt miracula Leida;
 Prasentes iterum credimus esse Deos.
 Dum, Wevelichovi, patriæ vestigia laudis
 Et genium cæli non renuentis habes;
 Dum sequitur mens prona Deos, non unius instar
 Numinis in laudes conspicias ire tuas:
 Et Phæbi, totum dum spiras pectore Phæbum,
 Et Themidos, justî dum tibi durat amor.
 Nunc pariter Phæbo junguntur præmia Divæ,
 Inque tuo sedem collocat illa sinu.
 Dictatorque æqui magnum te suspicis inter
 Legifera vates nomen habere Deæ,
 Magna quidem, fateor; sed tu majora mereris;
 Leida minor meritis cogitur esse tuis.
 Par meritis tamen illa tuis; tibi sufficit illa
 Quæ titulis docuit plus mervisse suis.

IN

HUGONEM de ROY,

CUM

J. U. Doctor diceretur.

Rolus Astrææ, quanquam non tradita soli,
 Quæ tantus mervit, præmia solus habet.

JOAN-

JOANNI MAURITIO,

Comiti Nassaviæ &c.

Ex Brasilia in Belgium Reduci.

Qui patriam Batavis patriæ modo redditus Heros
 In quondam ignoto condidit orbe novam;
 Inque novum Veteris virtutes intulit orbis,
 Cujus ab exemplo noscitur esse pius;
 Cujus in Europam migravit America ductu,
 Ac orbem in veteri credimus esse novum;
 Ille novos super in Veteri Nassavius orbe,
 Inque novo veteres eminet orbe duces.

IN

JOH. POLYANDRI KERCKHOVII

Orationem, quâ

LUDOVICO de DIEU

parentavit.

Dum tenet attonitas tam tristi in funere mentes
 Kerckhovii facundia.
 Diciade, post tot divins oracula vocis,
 Me perculit silentium.

IN

LUDOVICI de DIEU,

Jam defuncti, raram innocentiam &
 pietatem.

Occubuit pietas. Tumulum ne quere, Viator.
 Aut hoc, aut nullo conditur ista loco.

In ejusdem indefessam diligentiam.

D *leniade nullas norat vigilantia noctes;
Atque ideo nullos nunc habet illa dies.*

In ejusdem facundiam.

D *Ivine patimur, Cives, dispendia linguae:
Clausula etiam immensas elicuit lachrymas.*

Tumulus ejusdem, Linguarum Orientalium peritissimi.

O *Riens, viator, Occidentis hic jacet.
Fallor. Sepulchrum hoc Occidens Orientis est.*

D E

JOHANNIS FORESTI,

E T

CONSTANTINI HUGENII

Epicediis in excessum

CORNELII vander MYLE,

A D

CONSTANTINUM HUGENIUM.

D *Um vocat extincti lachrymosa ad funera Myll
Leida Forestiadas Hugeniadasque Deas;
Facundam solis, memoras, singultibus Hagam,
Quam pndet in tanto funere posse loqui.
Ut tamen agnovit tua perculsiue Foresti
Usque adeo in lachrymas verba diserta suas
Haga, ait, (& Cats I notos simul invocat ignes)
Debuit in tanto funere sola loqui.*

IN

IN NUPTIAS

WYBOLDI DOUSÆ,

ET

ANNÆ KERCKHOVIÆ,

AD

JOANNEM POLYANDRUM

à KERCKHOVE,

Sponsa Avum.

H *Aga videt, tantos quæ prima injecerat ignes,
Kerckhoviæ thalamos delitiasque sue.*

*Quam sua progenies sequitur; cui fœdere in uno
Dousarum tot jam restituntur avi.*

*Nordovices cui submittuunt fastigia colles,
Et quotquot circum littora curva fremunt.*

*Et sua sylvicola ponunt altaria Nymphæ,
Ipsaque Dadaleas terra ministrat opes.*

*Hic myrtus, myrtoque virens intersita laurus
Porrigit & domina palma superba comas.*

*Uritur & teneros Dousa obtestatur amores,
Et sequitur Paphii mitia castra Dei.*

*Nunc niveam cervicem inhiat, nudosque lacertos,
Purpureos nunc quos ventilat aura sinus.*

*Fortunate Senex! cujus cum sanguine sanguis
Dousarum crescit, continuatque genus.*

*Pronuba stat Pallas, Dousa præeunte, Batavos
Jussa olim Cyrrha proposuisse Lares.*

*Illæ tuæ totiens fuerat quæ credita curæ,
Se generi obstrictam credidit esse tuo.*

I N

M. ALBERTI KYPERI

De Lue Venerea inauguralem
disputationem.

Hactenus antiqua calcasti sana Stagira,
 Primaque laus studiis inde petita tuis;
 Hactenus ipse sibi noster tua tempora Phœbus
 Mancipat, & Claria, numina nostra, Dea.
 Injecit Medicina manum, Kipere; novamque
 Materiem fame sufficit illa tua.
 Offeritur funesta lues: quo tempore nullo
 Extulit invisum tetrior ulla caput
 Lenarum illuvies & crux æterna Priapi,
 Pœna Lupanaris perniciësque sui.
 Jam nomen dant scorta tibi; dant Thais, & illi
 Quos premit infames perdita turba tori:
 Estimât hæc Pallas nulloque exclusa pudore
 Audit, in amplexus jam ruitur a tuos.
 Et ruit, & proprio laudatum accingit amictu;
 Hancque sua laurum porrigit ipsa manu.
 Res mala, corruptæ signum ferale juventa,
 Virtutis pretium est indiciumque tuæ.

I N

FREDERICI SPANHEMII

imaginem.

Qui docuit totum, totique agnoscitur orbi,
 SpanhemI vultum parva tabella refert.
 Ingenium, & quidquid nescimus, Suada docentis,
 Et quæ tot linguis lingua diserta valet,
 Et quidquid jam Leida stupet, non dantur in illa,
 Hoc cæli vitium deficientis habet:
 SpanhemI solo totus vir promitur ore,
 SpanhemI solâ pingitur ille manu.

I N

IN EFFIGIEM

LUDOVICI DE DIEU.

O Ra vides, sed quæ mune mixta silentibus, orbis
 Non uno nuper credidit ore loqui;
 Ora viri, rerum quem vasta scientia, quemque
 Ipsa suos pietas iusserat esse Lares.
 Tam bene qui docuit, vixitque, & fata peregit,
 Hoc vitii, quod non conspiciendus, habet.
 Divinae fuerit cum proxima mentis imago,
 Nulla tibi tantam reddit imago virum.

AD LECTOREM

DE

FRANCISCI PLANTE

Notis, Luctu & Gaudiis.

Gaudia cum luctu, cum luctu vota recludit
 Plantius. Haud potuit plura dedisse tibi.
 Totius hic spectas, Lector compendia mundi;
 Aut votum, aut luctum aut gaudia mundus habet.

IN

JOACHIMI PASTORII

FLORUM POLONICUM.

Slavica dum primis, Pastori, ducis ab annis
 Et Lechi cineres exuviasque tui;
 Et Craci Imperium, magni incunabula Regni,
 Tanta sub Arctoi sidere nata poli;
 Tot formidatos, Bellonæ fulmina, Reges
 Nomina tot nostris, non temeranda modis;

*Extremum nil Roma legit. Se spectat in illis
 Eloquiumque operis, materiemque sui.
 Hactenus & solos tantum mirata Quirites,
 Fassa sibi est populum se reperisse parem.
 Et pariter te resque stupet; dumque omnia landat,
 Omnia Romana sunt, ait, ista manus.*

IN NEUHUSIORUM

Nomen, cum

REINERUS NEUHUSIUS

Poemata sua vulgaret.

H*actenus antiquis desertis sedibus errant,
 Nec certos habitant Numina nostra lares.
 Hactenus & nostris pulsa quaruntur in oris,
 Hactenus ignota sed latuere Deae.
 At pridem extorres, Nenbusi, haud querimus ultra;
 Ecce, Novam veteri praeponere Domum.*

JACOBO BASELIO,

*De Vocatione ad fidem, & Gratia con-
 versionis disputanti.*

Contra Veteris, nostriq; sæculi
Hæreticos.

I*mpia non tantum gens est, sed Barbara, docta,
 Baseli, toties jam tibi strata manu.
 Vera fides pridem dum declinatur, & una,
 Declinat plures Barbara turba fides.*

Veræ fidei Declinatio.

A D E U N D E M.

F*ides misereantis munus angustum Dei;
 Fideique meta sospitator Christus est;
 Fideique in illum tota debetur salus.*

Fidem

*Fidem per istam certa pax conscientiae est,
 Fides, nocentes sola quae justos facis!
 Fide beamur. Sola plurali caret.
 Sic nostra veram Musa declinat fidem.
 Fallor, Baseli, fallor. Esse qui cupit
 Beatus, illam nemo declinat fidem.*

IN NUPTIAS
 CHRISTIANI MOLL,
 ET
 NATALIAE van EGMONT,
 vander NYENBURCH,
 Celebratas die Martis.

TOta suo dum se pridem Germania ferro
 Perdit, & arenteis sanguine spargit agros;
 Et Boreas furit, & mediis se commovet undis,
 Pallet & Arctoo Parrhasis ursa polo;
 Letaque dum nostro longè Pax exulat orbe,
 Et pietas pacem jam propè lassâ rogat;
 Hic nova, sed placidus, meditatnr praelia Mavors,
 Bellaque, sed molli bella gerenda manu.
 Haecenus indomita jam tentat virginis arcem,
 Virginis in thalamo castra Cupido facit.
 Hæc tibi, sed medios, MOLLI, invadenda per ignes,
 Ardentes tantum dum quatit illa faces.
 At tu ne dubita; cum te sit mollior illa,
 Mox dabit & victas strata puella manus.
 Supplicis en lachrymas! Vinci se posse fatetur,
 Et gelido trepidat pectora pulsa metu.
 Jamque refers spoliū, quo non est pulchrius ullum,
 Intacta quidquid virginitatis habet,
 Splendida tot veteris Neoburgæ nomina gentis,
 Et totidem Egmondæ nobilitatis avos.
 Hic tuus est Martisque dies. Sed fallimur omnes;
 Ille tibi Veneris creditur esse dies.

IN EFFIGIEM
CAROLI DEMATII.

Dematiani quidquid artifex vultus
Inscribit æri, consecratque venturis,
Spectate, Cives. Plura non potest pictor;
Plus æstimate. Quisquis ad viripectus
Se vertit, illud tot scientiis pastum,
Totumque nostri patrimonium cæli,
Mens alta quod recondit, osque testatur,
Illud disertum, totque suada linguarum,
Zelanda tellus quidquid ægra dimisit,
Et nunc adorat erudita Trajectum,
Dematium, quem vos videtis, hic querit.

IN NUPTIAS

JOANNIS POLYANDRI à KERCKHOVE,
HEENVLIETI D.



CATHARINÆ WOTTONIÆ.

Dum tua regales ambit facundia tedas,
Et petitur magno tanta puella Duci;
Trans mare dum curris, Kerckhovi haud suppressit ignes,
Ipsa sed accensas duplicat unda faces.
Sceptra favent, vasti queis parent regna profundi,
Servit & æquorei cærule turba Dei.
Regia Nassavio se donat Nympha marito,
Eque Caledoniis texta corona rosis.
Auspice quo totæ cœunt in fœdera gentes,
Implicat & Batavas dextra Britannia manus.
Te quoque, quam priscus genuit, Wottonia, sanguis,
Ardet, & amplexus deperit una tuos.
Cui Charites pictis violas junxere corollis,
Et myrto intextas implicuere comas;

*Cui Venus, & quotquot Veneri famulantur Amores
 Creduntur patriam posthabuisse Paphon.
 Hanc debet Cytherea tibi; dum Principis ignes
 Differis, has etiam subjicit illa faces.
 Credimus haud toto divisos orbe Britannos;
 Divisos Batavis jam bene jungit amor.*

JOANNI. MEERMANNNO,
 in J. C. ordinem lecto.

Quem genuit, blande cujus facundia vocis
 Doctaque tot lites dissolvere manus;
 Uberibus, solas quæ pascunt ubera mentes,
 Quem Leida admovit detinuitque suis;
 Cui Phœbus & Themidem, post Phœbum, impendit, &
 omnes,
 Quas habet, ingenii prona reclusit opes;
 Meermannum Themidis pro majestate tonantem,
 Quæque suo Phœbus numine digna probat,
 Ornatrix media Pallas complectitur aula,
 Nescit & in meritis laurea ferta comis.
 At dubitat tamen illa, colat juvenemve senemve;
 Sit pater, an natus, non bene certa Dea est.
 Sic pater in nato redit ac agnoscitur illo,
 Leidaque quem doluit fata tulisse, videt.
 His quoque, quæ aliis vix hæc bene discimus, annis,
 Quod stupeas, partes ille docentis agit.

I N

CHRISTOPHORI HOFMANNI
 Excessum.

Helveticis genitus Juvenis doctissimus oris,
 Certa quæ spes patriæ jam reditura suæ;
 A teneris lymphæ sparsus Permesside cunis
 Et major Clariæ prodigus haustor aque;
 Dum sitit, & sacras Siloes hic ebibit undas,
 Et sacrum Siloes hic levat unda sitim;

*Lapsus in obscuras, tenebris fallentibus, undas,
 Ad Lethen Rheni gurgite raptus abit.
 Ter data tunc lapso est vicini dextera Phæbi,
 Ter Phæbum lapsi deseruere manus:
 Forte tamen flenti potuit succurrere Delphin,
 Sed dulcis non est incola Delphin aquæ.
 At dulces non estis aquæ, feralibus ansæ
 Fluctibus infelix occuluisse caput,
 Quo periit rogos esto loco. Vos convenit illo
 Exstingui innocuo quæ nocuistis aquæ.*

I N

JOANNIS SCHILDII

Meditationes super Extremis Senecæ.

QUa nulla infernas subiit formosior umbras,
 Nec tamen infernas digna subire fuit,
*Qualis erat quondam Senecæ morientis imago,
 Exhibet hæc Schildi pagina picta manu.
 Adspice jam cæsis constantia lumina venis,
 Et quod ab exsangui prominet ore decus.
 Adjice non trepidæ cælestia fulmina linguæ
 Quæque refert notis mascula verba suis
 Hæc quoque quæ Senecæ mortem meditantis imago est,
 Schildi eadem, nunquam sed morientis, erit.*

I N E X C E S S U M

JACOBI BROUCHOVII.

UT vidit, toties quo Consule floruit olim,
 BROUCHOVI cineres anxia Leida sui,
*Feralem lachrymis sparsit communibus urnam,
 Credita non uni solvere iusta viro;
 Et tanquam inferias Patriæ daret, adstitit amens,
 Pectore singultus non cohibente suos.*

At

*At in siderea, Brouchovi, sede receptus,
Non lachrymis, aliâ vis pietate coli.
Si manes aliquid credamus velle sepultos,
Virtutis memores nos cupis esse tue.
Et memorem se Leida probat; percussa dolore
Se testem, quantum lugeat, ipsa facit.
Pro quovis totam monumento ponimus Urbem,
Iusta tibi poterant vix meliora dari.*

IN COMMENTARIUM

De Oppido Batavorum

JOHANNIS SMITHII

Illustre quondam, lux vetusta sceptrorum
Batava dum stat eminetque majestas,
Sed, sorte versa, mox furentibus raptum
Stratumque flammis, obrutum, domi ignotum,
Nunc Smithianâ non demabili dextra
Oblivionis erutum è sepulchreto,
Et hesitantum somnio eruditorum
Tandemque prisca sedibus redonatum,
Quas nulla flamma, nulla vis vetustatis,
Quas nulla vertet vorticosa tempestas,
Novâ superbum gloriâ resurgentis,
Illustre posthac, & perenne mansurum
Situmque hic, viator, oppidum Batavorum est.

IN

Illustrissimorum Ordinum Fœderati
Belgii Edicta.

Belgica Libertas, qua nulla disertior olim
Quam Rogus elingnem fecerat, & laqueus,
Heic tonat. Infanda damnatam lege silendi,
Discat Iber, tandem libera verba loqui.

*In Symphoniam suam Linguarum;
Graecae, Romanae, & Germanicae.*

Ad

BERNHARDUM à MALINKROT,
GEORGIUM PHILIPPUM HARSDOFF-
FERUM, AUGUSTUM BUCHNERUM.

Barbara cur aliis Germania dicitur? Isto
Gracia cum Latio noscitur ore loqui.

EPITAPHIUM

FREDERICI SPANHEMII.

SpanhemI cineres ista conduntur in urna;
Nec tamen haec tantum condidit urna virum.
Aeternis sibi qui obstrinxit virtutibus orbem,
Non bene, si nescis, dicitur ille mori.

JOANNI DAN. MOOR.

Cum J. U. Doctor crearetur.

Jam Themis aeternis iterum delabitur oris,
Illa tuum, Moori, condere iussa diem;
Et sua perpetuis inscribit nomina fastis;
Et legeris tanta debitor esse Dea.
Quid tamen huic reddes, ingrati crimine ne quis
Deferat, aut lesi numinis esse reum?
Credita tota tibi Themis est: si redditur illa,
De titulis poterit nil superasse tuis.
Sed satis est debere Dea, nil quaeritur ultra;
Quodque dedit fas est te tenuisse tibi.
Omnia qui Themidi debes, doctissime Moori,
Omnia si cupias reddere, redde nihil.

IN JACOBI REVII

Daventriam Illustratam.

Revius in Batavis Batavo gratissimus oris,
 Dum raras animi Snada recludit opes,
 Immemor haud patriæ est; densisque obscura tenebris
 Primus in illustrem protulit acta diem.
 Debeat Urbi alius: nato Daventria semper
 Debebit, Patria qui pater ipse sua est.

LAMBERTO DE ROUCK,

Cum ad summum J. U. gradum eveheretur.

Cuque sum, Roncki, tribuit Themis; aqua videtur
 Diva mihi tribuit cum Themis ista tibi.

THEODORO à LEYDEN à LEEUWEN,

Cum de Jure responderet.

Dum Juvenis nunc verba seni facis apta Philippo *
 Te Juvenem se jam credidit esse senem.
 * de Leydis.

IACOBO à WEVELICHOVEN,

Cum J. C. ordini infereretur.

Quæ sibi te pepigit regnatricis Diva, merenti
 Se quoque nunc pepigit, Wevelichove, tibi.

EPITAPHIUM

IOANNIS DE LAET.

Qua tumulis divisa legis, conjuncta, Viator,
 Sunt uno. Hæc tantum possidet urna virum.
 LATIUS HIC SITUS EST; nec solum Latins; isto,
 Ipsa isto Virtus conditur in tumulo.

ARNOLDO vanden HELM

Cum in J. C. ordinem coöptaretur.

R *Esponsura Themis nil pro se differit: istud
Responsis, HELMI, debuit illa tuis.*

In SIMONEM VINNIUM,

Cum J. U. ordini adscriberetur.

Q *Uod Themidi promit VinnI facundia, magni hoc
Et patris & nati filius instar habet.*

PETRO SCRIVERIO,

Cum annum ætatis LXXIII. ingrederetur.

S *Criverio extremus longum se differat annus,
Plures cum possit demeruisse sibi.*

In GUILIELMI HENRICI,

FRED. GUIL. Electoris Brandenburgici &c.
Fil. primog. redeuntem primum natalem.

C *Um Brandiburgo jam certat Clivia: finem
Nec faciunt votis illa vel illa suis.
Natalis, Dux magne, reddit tibi primus; & illum
Patria natalem credidit esse suum.*

IN MORTEM
CHRISTIANI IV. DANORUM &c.
Regis.

S *Ublatum post tot merita immortalia Regem,
Orba licet, nunquam, Dania, crede mori.*

FREDERICO III. DANORUM &c.
Regi.

P*incipia imperii cum sint latissima; nullus
Imperii finis sit, FREDERICE, tui.*

IN EXCESSUM
ULADISLAI IV. POLONORUM &c.
Regis.

U*LADISLAUS, lento jam funere raptus,
Hoc hominis, magni cætera Regis habet.*

JOHANNI M. MUNTHELIO;
S U E D O,

*Cum in Leidenſi Batavorum Academia
Medicorum Ordini infereretur,*

ANNO MDCLXIX.

Suedorum Imperii Pace insigni.

B*ella gerant alii; Pacem Auguſtiſſima Virgo
Pridem amat; & Pax eſt debita, Virgo, Tibi.
Pugnat in Arctonum virtus MUNTHELIA morbum,
Et ſuperat: tamen eſt hoc quoque Pacis opus.*

CASIMIRO POLONIARUM, &c. Regi

Cum

GREGORIUS BARKMAN,
De Coſacorum origine, & recentiſſimis
motibus verba faceret.

I*nclute Rex, magni rediviva parentis imago,
Sarmatia Mavors praſidiumque tue:*

*Adversa infido BARCKMANNI vota Cosaco
Accipe. Sunt votis debita vota tuis.*

Ad primogenitum Electoris Branden-
burgensis filium in cunis defunctum.

Inſpectum tibi vix, Princeps, cur deſeris Orbem?
Credimus inſpectum vix placuiſſe tibi.

S U E D O R U M, &c.

REGINÆ, CHRISTINÆ,

C U M

Aliquot Regionibus Germaniæ ac civita-
ribus ex factæ Pacis lege in ditionem ejus ve-
nientibus, inter Imperii Principes
cooptaretur.

Inclita quæ bello, quæ pace es inclita; Læro
Cui juncta Augustas ornat oliva comas;
Grata Tibi posito offertur Germania bello;
Grataque se partim subjicit illa Tibi.

Dum Pacem bello præfers. Pacemque reducis,
Debendi pax se credidit esse ream.

Pars tamen hæc gentis, quam omnis Tibi tradidit, omnem
Obstrictam meritis sic probat esse tuis.

FRANCISCO ab AER SSEN
de SOME L S D Y C K &c.

Cum Legationum jus ac sacra defenderet.

O Ra extollentem Te Augusta, Batavia mater
Audiit; & solo hoc jam cupit ore loqui.

EPITAPHIUM
ADAMI VALENTINI
à REDERN.

UNica Rederne lux & spes unica gentis,
Unica spes Patrie delitiumque suae;
Ingenium externis Phœbus dum fingit in oris,
Fictaque bellacem Martis arena manum,
Et teneros juvenis superat virtutibus annos,
Et Patrem & magnos reddere tentat avos,
Ostensus tantum, Batavis peregrinus in oris,
Extremum clausit composuitque diem.
Ad fati imperium & leges mors horruit ipsa;
Atque ideo lentâ sevit illa manu.
Unius at cineres condi hic ne crede, Viator:
Hæc juvenem pariter condit & urna senem.

IN
JOHANNIS ab HUYSSSEN
Disputationem publicam.

ROmanas dictat virtus Huyssenia leges:
Quem juvenem Pallas audit & audit avum.

IN
JOHANNEM ERPENIUM
Cum supremis in U. J. Honoribus donaretur.

Debuit Erpenio Pallas majora; sed impar
Quæ merito non dat, non tamen illa negat.

HONORI
PETRI vander MARSCHE,
Cum summo U. J. gradu donaretur.

MArsciadem, primis Themidi qui jungitur annis,
Ore Themis juvenem credit, & ore senem.

GEOR-

GEORGIO WOSEGINO,

&

THEODORO HENNISCHIO,

Cum supremos, quos Medicorum decernit
Ordo, honores consequerentur.

A Spice par juvenem, quibus omnis regia Phæbi
Cum reliquis Cōas larga reclusit opes.
Prucia * ne invid eas: prima hæc, hæc præmia Pallas
Civibus hand potuit non dare nostra tuis.
Fallimur. Haud duo sunt: similes virtutibus ambo,
Et similes meritis unius instar habent.

* Ita id nomen, pro Prussia, in antiquissimis Impp.
Germ. Tabulis scriptum lego.

C O R S A L I

DIONIS CRUCES, Sise,

D A

M A R I A C H E I D A N A, Sali.

C Heidana, chbili Chorsali,
Da Chorsali vin asseli.
An amath, Sali, Chorsali
Me minda scioba Chorsali.

Id est, Nuptiis

DIONYSII CRUCII, Sponsi,

&

MARIÆ HEIDANÆ, Sponsæ.

H Heidana, dulces nuptiæ
Filiæ nuptiarum sunt;
Sed has, Sponsa, nuptias
Ego esse velim matres nuptiarum.

Verduytscht :

D' Een Bruyt is 't kind van d'aer ; men sprack/
 en 't ginck soo voren/
 Dat Bruggoms en oock Bruyts / ynt Bruggoms
 zijn geboren :
 Dees Bruytst heb het luck / (den Hemel stier het
 roer !)
 Van Bruggoms en oock Bruyts te mogen zijn de
 Moer.

Iberica Scytharum lingua lufit hæc & vertit, Auctor.

In Sylvam Ducis expugnatam. De BATAVIS.

E Gregius Silva domitor, licet incola Ponti
 Battavus; & Silvas vincit, & Oceanum.

IN EFFIGIEM

ARNOLDI VINNII.

Hæc est, spectator, Vinni mortalis imago,
 Oraque quæ pereunt hæc peritura refert.
 Ars fecit quodcumque potest, nec cætera tentat,
 Cætera pingentem destituere manum.
 Ardua mens, Blandæ facilis facundia lingua,
 Roma sui quicquid conscia Juris habet.
 Quam similis vultu est, superent cum cætera vultum,
 Tam sibi dissimilem hic credimus esse virum.

ARNOLDO VINNIO

Cum Imp. JUSTINIANI Institutiones notis il-
 lustratas vulgaret.

Ad Studiosam LL. Juventutem.

Accipe, Romane Themidi devota juvenis,
 Cæsaris haud largâ tradita jura manu.
 Accipe non notâ quondam fulgentia luce,
 Et plures. spatio sed brevior, faces.
 Vinnius obscuris accendit legibus ignes,
 Et partes tenebras discutientis agit.

Erret,

*Erret, & ambages alius sibi deligat: at in
Hunc tibi; Dux certa, Dux brevis ille via est.
Nec tam parca tibi spernenda est dextera; tradi
Nam largâ poterant non tibi plura manu.*

I N N U P T I A S

JOH. FREDERICI GRONOVII

E T

A L I D Æ T E N U L I Æ.

Gronovi, toties damnatos Cypridis ignes
Dum legis, & cæcus saepe refertur amor;
Sollicitant dubiam Vatum convitia mentem,
Nec venit in trepidum blanda puella torum.
Sed fictis sit nulla fides, Tenulia virgo
Judicii partes excitet una tui.
Non est cæcus amor, quo nunc accenderis, & quo
Ansperce in exstinctas nox habet ipsa faces.
Non est cæcus amor. Tibi crede, iterumque iterumque
Ingeminas mediis, lux mea, qui tenebris.

D E

ADRIANI HEREBEORT

Institutionibus Ethicis.

A D L E C T O R E M.

Hic brevis, at toto liber est mihi carior orbe;
Hic probus est; moris nil habet iste boni.

CHARACTERES

ET

ÆNIGMATA.

MARCUS ZUERIUS
BOXHORNIIUS.

LECTORI.

A Mice Lector, dum in describendo digerendoque Lexico Britannico, conjungendisque passim vetustissimis Proverbiis, Sapientiæ, ut opinor, tantopere olim celebratorum Druidum reliquiis, sumus, ea uberius paulo prolixiusque explicata ac illustrata tradere, & exhibere, haud inconsultum judicavimus, admoniti injuria temporum, in quæ nunc incidimus. Neminem lædere volumus, nemini quidquam detrahere. Sortis autem vel fortunæ nomine ita passim usi sumus, ut Christiani hominis sententiam de Dei Opt. Max. auctoris rectorisque omnium æquissimi, providentiâ earaque salvam sartamque & illæsam semper esse per nos velimus. Vale, & qualibuscunque his conatibus nostris fave.

DRUIDUM,

Celeberrimorum olim inter Gallos & Britannos Sapientum, Proverbium,

GW EINI FFAUD HID FRAWD TS DIR.

Id est,

Inseruire fortunæ usque ad finem necesse est.

Aliquot Jamborum centuriis varie explicatum & illustratum;

S I V E

CHARACTER FORTUNÆ.

N Il splendor omnis Sortis est; nam decipit
Mox deseritque, ut vix fuisse dixeris:
Inane fulgur, umbraque & mendacium,
Crux seculorum, strixque, fraus & omnium;
Laverna tantum, furque liberalis est,
Noverca tantum, blanda cum instar matris, &
Pœnæ instar omnis cujus indulgentia est.
Nil Larva quam, quæ falsa, quæ duplex, novæ
Fingitque, fictos induitque, ponit &
Variatque vultus, mille formarum capax
Feraxque mille, dirus ut Chamaleon,
Monstrumque, quo majoris haud ullum est metus,
Sors bulla turgens, transvolans favonius,
Pila ac in altum jacta, quæ mox decidit,
Adversus & ferensque ventus, & maris
Fluxus, refluxus &, dinque Luna quæ
Nocturne nunc crescitque nunc & deficit;
Non vanitate cujus ipsa Vanitas
Mage vana, longe vanior quam Vanitas.
Centum ora sunt centumque sunt cui manus,

Quæis

Queis fallit & rapitque datque quidlibet ;
 Scopulusque nunc , portusque nunc & navitis ;
 Pyrata raro haud in mari , raro haud latro
 Terrâ in orbitis ; suorum & munerum
 Prædone prædo quolibet rapacior ;
 Nocturna fur , diurna , semper iniquies ,
 Prætoris urnæ nullius quæ obnoxia ,
 Cui sola lex est ipsa quam condit sibi ,
 Eademque semper , semper haud mutabilis ,
 Mutationum mille non inter vices ,
 Dum mille quidvis vertit ac mutat modis .
 Frequens cui excubat satellitum manus ;
 Tantum nocere cui volenti militant
 Veniuntque signa ad , signa quæ non deserunt ,
 Elementa , ventique , aërisque turbines ,
 Irata Doris , mobilis terræ tremor ,
 Edax & ignis , & ruina , & temporum
 Vorax vetustas omnium , & mortalium
 Adversa rebus quot canuntur classica .
 Vertigo rerum circulusque & omnium ,
 Et Orbis omnis orbis indefessus est .
 Regnum tyrannis cuius est fœdissima ,
 Et subditorum servitus est fœdior .
 Sors multiplex , & centiceps fallacia ,
 Felicitatis umbra , non felicitas ,
 Spectrumque inane , quoque nullum falsus ;
 Fides cui non , non cui est constantia ,
 Nunquam fuit cui hæc , cui nunquam hæc erit ;
 Non Phæbi ad ortum ipsis ab usque Gadibus ,
 Non usque rerum ad temporumque terminum .
 Sors falsa , Fortunata cuius Insula
 Est nulla , solo clara tantum nomine .
 Et discolorque tota , tota decolor ;
 Pictum os cerussa , fucus & fumus merus ,
 Fumoque quidquid aufugit velocius .
 Proditque nunc , latetque nunc , procul fugit
 Reditque nunc , fugitque nunc & denuo ;
 Nunc pullo amictu induta , nunc & purpura ,
 Violaque nunc , calthasque , nunc & carduos ,
 Laqueos , securasque offerens nunc & cruces ,

Thronum & superba nunc corona verticem;
 Nunc dira, quæque infesta bellis tempora,
 Nunc & quietem & dulce pacis otium;
 Nunc persequentis hostis ausus improbos,
 Ulnasque nunc amantis & mollem sinum;
 Dextramque nunc medentis, & nunc vulnera;
 Confusa nunc, distincta nunc & singula,
 Mixtura ut horum Sortis est mutatio,
 Adversa nunc, secunda nunc, nunc ambigens,
 Incerta, & hærens quo pedem figat loco,
 Certa capax nec, nec tenax sententiæ,
 Severius nil, nilque quàm indulgentius.
 Huic lata messis, noxium huic lolium; omnium huic
 Lucrumque damnumque &, quod offert se omnibus,
 Debetur uni Sortis Histrioniæ.
 Vetusta succedentibus novis, nova &
 Vetens vetustis, semper & puerpera,
 Paritque parturitque quæ tantum nova,
 Felicium infeliciumque temporum,
 Spei metusque, gaudii &, doloris &
 Fœcunda semper, semper inconstans parens,
 Similisque semper, semper haud similis sibi.
 Cui faventi, nec faventi jam cui,
 Est certa sedes nulla, nulla regia.
 Migrare semper sueta, mutare & locum,
 Mutatque sese, cumque sese & omnia
 Mutata quæ, nondumque quæ mutata sunt,
 Et fixa, & imbecilla, & alta & vilia;
 Idemque nil, ratumque & esse nil sinit.
 Aurora cui vespere, nox cui & dies,
 Diversa semper dicat, aut contraria;
 Probatque quæ, mox improbatque quæ facit,
 Per quam futura est omnis ignorantia
 Rei, periculosa, crassa, major &
 Quàm nulla nobis, nulla quàm nocentior.
 Dives bonorum Sors, malorum dives &,
 Avara nunc, & larga nunc, credentium
 Fallax fidelem porrigens nulli manum,
 Nocens favendo, cuius odium est favor
 Amorque, habenda & odio cuilibet,

Se cantus & qui hand fallit, & falli hand finit.
Habitare Sors, mutare Sors mapalia;
Et ambulare, circumgredi que perpetim,
Passim & vagari, invisere & Pratoria
Regumque turres, pauperum & tuguria,
Sueta, & sui est & omnium mutatio.
Falsi officina, docta tantum imponere,
Technisque mille ex, mille consuta ex dolis,
Tollitque porrigitque quæ res omnium;
Et excitat, perditque quæ spes omnium.
Sors nata Vertumno, atque proles Protei,
Mutationis sola mater omnium,
Et mille (plures mille sed sunt) casuum,
Ignota cuiusvis, obvia & cuiusvis tamen.
Multis timetur quæ hand, timenda cum favet,
Amatur & cum non amanda est, perditæ,
Amorque & omnium odiumque & omnium;
Laudata quæ, laudata semper nemini est,
Gratumque grata propter hand habet sibi,
Ingrata gratis mixta propter plurima.
Damnata quæ, damnata semper nemini,
Variatque dum, vertitque dum rerum vices,
Alii illa fida hand, fida non unquam sibi.
Sors illa vili Principis struit torum,
Æquatque sæpe Principem vilissimis,
Adimitque porrigitque sceptræ cum lubet,
Quotiesque, quo modoque, quandoque & lubet;
Nam cuncta parent unius lubentia,
Regnumque in omnes unius licentia est,
Scelusque cuius classicum ad raro hand venit,
Venitque virtus, commovet quæ omnia,
Patiturque nil manere quæ sunt omnium.
Nudam levato si intuemur supparo,
Harpyia tantum, sepsque liberalis est,
Regina rerum vana, caca, cespitans,
Terræ marique quæ potens, cælo exulat:
Cælo, quod & mansura, nostra semper &
Nullisque nobis auferenda casibus,
Nullisque vulneranda Sortis ictibus,
Deumque totum, cum Deoque & omnia,

Sperare possunt vota quæ mortalium,
 Votisquæ quæ mortalium majora sunt,
 Hic visa quæ, quæ audita sunt hic nemini,
 Humana quæ mens nulla nunc intelligit
 Capiturque nulla, tota sed minor stupet,
 Habetque, datque & servat incolentibus.
 Sortem esse Numen credidit dementia
 Fecitque sola, nulla quæ major datur.
 Gaudet superba se coli, & ridet coli,
 Suae illa vanitatis ipsa conscia;
 Ventosa quæ, ventoque quæ ventosior
 Leviorque, querit semper & sese & fugit,
 Fuisse se & fuit quod, hand credit sibi,
 Futura posthac qualis ipsa nescia,
 Vorago tantum, promit & quæ quidlibet,
 Voratque quidvis, mille penu fraudium,
 Mille officina & horreum discriminum,
 Damnosa rerum ancepsque semper alea.
 Cujus furori nullius par dextera est,
 Et parma nulla, robur est & nullius,
 Audetque quæ &, & impetitque quidlibet,
 Vincet domatque victa nunquam & omnia,
 Asiaque præda dives omni & Africa,
 Spoliisque & Europæ omnis ac America,
 Argenteisque Peruviani messibus,
 Quæ cuncta dat, rapitque cuncta & omnibus,
 Vivitque rapto ex, furque quæ Lavernaque,
 Nunc quæ noceptem, nunc faventem dexteram
 Iniqua præbet, temporum felicium
 Genitrixque & infelicium nunc temporum,
 Hominumque & omnium, omniumque & temporum
 Eademque amica, hostisque nunc & omnium:
 Nullus quam amavit semper, odit nullus &
 Quam semper, illa semper & versutia,
 Deliriumque credulis mortalibus,
 Amica Sors, amica non mortalibus,
 Sors tota quidvis, totaque & nil quam nihil.
 Futura quæ sit qualis, ignotum hand finit.
 Quæ sit, sequentis semper est index rei,
 Factamque nondum, facta quæ exemplo facit,

Terretque & admonet, regitque providos.
 Vidi improba Sortis furore fertiles
 Latosque campos aquori substernier,
 Fierique & aquor; vidi aratro perviam
 Domitamque Tethyn, arva fruge turgida,
 Cererique gratam, Tityro & gratam domum:
 Quae jam ambulantes regna per Neptunia
 Galatea Tempe, Phyllis & comes putant;
 Snumque Naturam haud tuentem jam locum,
 Vidique nuper, & videbunt posteri.
 Vidi exules Reges, & incerti laris,
 Et sparsa regna; & obsequentium manum,
 Numerosam &, & paulo ante pollentem manum,
 Sexus, locique, & ordinis cujuslibet,
 Per mille tractam & perditam discrimina,
 Mendicitate sordidatam vel fame,
 Disertam ubique, deserentem & omnia,
 Cui exulanti spes resque non comes,
 Comesque nullus, conjugum prater fidem,
 Miserumque prater parvula proles gregem,
 Lachrymasque prater, funera & viventium,
 Patriaque & ossa prater & cineres suae,
 Et efferentes se, sua &, superstites,
 Ipsisque busta jam, sepulchra jam sibi,
 Vidique nuper, cum viderem & horruï,
 Variaque diras horruï Sortis vices,
 Sno illa qua intactum furori nil finit,
 Nihilque inausum rerum, & illa sum nihil.
 Vidi furentem contra & armatas manus,
 Manusque mille Principum, sed impares,
 Opposta frustra pilaque & minantia,
 Et vim, dolumque & irritum castresium;
 Vidique nuper. Vidi & absque nomine
 Tribuque lectum Principem plebi virum,
 Hamumque prater, rete cui prater nihil
 Indulserat Fortuna; vidi & exui,
 Brevique, visum & pene & haud visum simul,
 Nuperque vidi. Saepe Sors monstrum parit.
 Vidi ipse, Sortis temporumque injuria,
 Sceleri datum jus, carceres virtutibus,

Bojasque furcasque ac, & infames cruces,
 Miserique tadinum ac & errorem exili;
 Malorum & esse quæ bonorum præmia,
 Opes, honores, fasciumque insignia,
 Et vim securis, semper infestam bonis,
 Magnum & clientium & colentium gregem.
 Vidique nuper, & videre nunc dolet.
 Vidi securi subjici Augustum caput
 Regis potentis, terque sceptræ maxima
 Insanientis rapta plebis in manu,
 Vidique nuper, horruique: nuper &
 Raptim superbo Lysia regno exui
 Vidi Philippos, se occidens queis subjicit
 Surgensque Phæbus, omnium pridem metum.
 Vidique præscâ gentium dextræ fide
 Pridem ligatas, jam solutis vinculis
 Ruptisque, pacis fœderumque nescias,
 Nullis priorum læsa quondam sæculis,
 Lædenda nullis, læsa quæ tradunt nihil
 Infestæ paci posteris quam tempora;
 Vidique nuper, & stupore percitus.
 Vidi ferentis Sortis indulgentiam
 Animosque, resque, spesque per duellum,
 Et improbos & regicidas perfidos
 Augere miris ac tuerier modis,
 Moderator ac si nullus humanæ rei,
 Scelerumque justus ultor aut Deus foret;
 Vidique nuper, & videre nunc dolet.
 Vidi ipse frangi posse ferro & subjici,
 Sorte id volente, arcesque & urbes, regnaque,
 Inviçta mendax fama dum esse prædicat.
 Vidi ipse amores principesque principum,
 Faventis orta Sortis ob fastidia,
 Tuentiumque amantiumque inter gregem,
 Licetoris infami hostias casas manu,
 Furcâ in sepulchrum & ante adoratum caput.
 Vidi benigna blanda Sortis, Sortis &
 Ferocientis, & novercæ, & horrida
 Documenta nullis visa quondam sæculis,
 Credenda quæ vix post futuris credimus,

*Nuperque vidi. Tanta, (namque expresserit
 Vertiginem omnem nullius facundia)
 Et sola constans sortis inconstantia est.
 Perfossa vidi dexteris civilibus
 Pollentium ante gentium vitalia,
 Excisa regna regna deserta, aut novis
 Sedes colonis, regna solitudines
 Et vastitates regna florentissima,
 Hominumque non jam, sed ferarum immanium
 Spelæa tantum, Regias tantum Famis
 Sitisque, rerum & omnium Indigentia,
 Vidique nuper. Sortis hæc tyrannis est.
 Vidi ipse Lethi falce, falce toxici,
 Contagione & pestilentis aëris,
 Demessa raptim regna, & urbes funera
 Ac busta, pridem turgidas frequentia,
 Auctasque res letasque vespillonibus,
 Foroque agroque in solitudinem ac domo,
 Noctes diesque clade tantum nobiles,
 Ipsam & Charontis remigis lassam manum,
 Nimisque & arcta regna jam Plutonia,
 Vidique nuper. Morsque Sors est omnium.
 Vidi ipse ab alti turribus prætorii,
 Fastigioque &, & supremo vertice
 Honorum, ad imum dejici magnos gradum,
 Coluisse & à quibus coli se spernerent
 Paulo ante, turgidosque & ignaros sui,
 Sibi que & inquieta tantum somnia,
 Et vaniora somniis quæ somnia;
 Præsertim in aulis Principum ac palatiis,
 Excelsa queis in somniat quisvis sibi,
 Vidique nuper. Sors inane somnium est.
 Vidi innocentum liberum parvum gregem,
 Ad sceptrum natum, parta majorum manu,
 Et gesta quondam mille quæ majoribus,
 Et gesta nuper, & gerenda posteris,
 Si fasque jusque, si valeret equitas,
 Suoque jam regno suorumque exui,
 Manique furum &, & latronum pollui,
 Insana quos instigat immodestia,*

Et possidendi quæ est libido quidlibet,
 Nuperque vidi. Iniqua Sors est optimis.
 Tot fœda Sortis inter & ludibria,
 Fallique se sinentium deliria,
 Sapiens paratus & suus, sua ac agens,
 Armatus adstat, pervigilque, & ordinem
 Aciemque servans. Sortis hic nulla est manus.
 Prasente luce fulgida prudentia
 Fugiant tenebrae, luce Sors media ex licet
 Noctemque moliatur & caliginem.
 Est lux diesque fax & omnium prudentia,
 Fugitque lucem hanc Sortis imprudentia.
 Non lusca, caca tota, tota cæcitas,
 Videntium & dux caca non videntium;
 Namque is videt nil, esse qui cacam haud videt.
 Nox tota, longa est, spissa nox, nox densaque,
 Illumis &, nulloque clara sydere,
 Diluculo absque & absque quæ crepusculo.
 In lucis auras quisquis hujus prodiit,
 Extorris est, inanibusque & obsitus
 Semper tenebris, sordidatus & reus
 Vinculusque semper, Sortis anceps alea,
 Fritillus ac, & nulla cui absenti quies
 Patriâ domoque, omnique cæli regia,
 Seraphimque & omni, Cherubim & consortio,
 Pana & sui & periculum periculi,
 Deceptus &, volensque & ipse decipi,
 Dulcis veneni pasciturque toxico.
 Sors leta, certa, sola quæ cælestium.
 Hæc vita tristis exill est tantum mora,
 Qua longiusque longiusque & absimus
 Nostriis caremus mille per quam commodis,
 Bonisque mille, quæis mali admixtum est nihil,
 Nihilque, & inconstantie & metus nihil,
 Spei & nihil, dum possidentur omnia
 Sperata quæ sunt, quæque sperari quæunt
 Spe qualibet, spe quæ est avara & omnium.
 Celo in nihil nam defuturum est. Sunt parës
 Opesque & ejus mille plus quam sæculis,
 Omnis futuri & sæculi decursibus,

Natisque iuncta, & nascituris omnibus,
 Et multitudini ullus haud quam expresserit,
 Viditque nemo, nullus & visurus est.
 Deceatque quid nos, quidque sit miseris opus,
 Nescimus omnes: saepe Sortis creditur
 In abdito faventis esse injuria.
 Et vita morsque nunc placet, nunc displicet,
 Non una sese ut ora Sortis offerunt:
 Cum Sorte mutant vota se mortalium,
 Secunda primis vota sunt contraria,
 Votis secundis tertia & rebellia:
 Nam mens votendi nescia est mortalium.
 Dici beatus ante nemo funera
 Suprema debet. Sorte fractum vidimus,
 Re speque & exutum superstitem virum,
 Virum superstiti sepulchrum jam sibi;
 Vespillo Sors est plurimum viventium,
 Libitina Sors est, Morte Sors nocentior.
 Inanibus vexata Sors est questibus,
 Scavamque iniquamque & vocamus, cum haud nocens
 Sit illa. Nemo se sibi est nocentior.
 Nos culpa nobis, poena nos nobis sumus.
 Sors quae nocere saepe nobis dicitur,
 Cum noxia est, nocentibus tantum sibi est.
 Calorque frigusque, imber ac serenitas,
 Libido quae huud vult, damnat & mortalium
 Subinde diris imprecationibus,
 Meruisse diras non putanda. (Numinis
 Enim benigni munera haec sunt omnia,
 Quod cuncta Sortis quam putamus dirigit)
 Sen blanda se illa, blanda sen non offerat,
 Prævus sibi, hostis quilibet solus sibi est;
 Secum necesse est ut nocens exposculet.
 Sors omnis instar concitantis se est maris,
 Dantisque tot, sorbentis & tot flumina;
 Sors cuncta dat quæ, cuncta Sors quæ devorat,
 Avara semper, liberalis nemini.
 Pluvio Jove ex ut foeta tellus concipit,
 Fœcunda frugum mater, & sicco Jove
 Steriles arenas inter & siccas sitit;

Sic Sorte blandiente quidvis provenit ;
 Non blandiente sed negatur quidlibet.
 Sortique subsunt obsequunturque omnia.
 Quærenda sunt æterna quæ , quærenda non
 Sunt ergo sortis illa , quæ oriuntur &
 Et occidunt : nostram illa sors quæ est omnium.
 Percussa mens tonantis ut metu Jovem
 Deum esse sinxit ; sic & inter numina
 Sors est recepta , rerum & omnis , temporum &
 Mutatio omnis singulos dum exterruit
 Gentesque. Primos fecit & Deos metus.
 Immite sors quæ numen , est (numen si habet)
 Omni prece , omnibusque inexorabile.
 Per sortis est nil permanens versutias,
 Vorago tantum ; nam vorax sors omnium est.
 Explere cuius omnia haud possunt famem,
 Famem , ipsa qua multo est minus vorax fames,
 Sitimque nec. Sors plura nam semper sitit.
 Sorti , haud fidelis qui sibi est , habet fidem ;
 Sors tota quanta nil nisi est mendacium ;
 Eritque semper inclytum mendacium :
 Et sorte mens superba mentitur sibi ;
 Mendacium tantum omnis est superbia.
 Sors saepe victrix est ; sed innocentia
 Constantiaque vincitur victoria.
 Melissa rore ex mel suum mane ut legit
 Ex flore amaro, rore si sitavidus ;
 Excelsa sic mens ex malorum sentibus
 Spinisque profutura seponit sibi,
 Faveatque sors adversa ut , actutum jubet ;
 Jubensque sortem & obsequentem innox habet.
 Febriens secunda & lata sors est omnium ,
 Sed qua laborat illa , semper haud febris manet,
 Quartana nunc , nunc Tertianæ & ingruit,
 Decumana nunc , Nonana nunc & impetit.
 Homini videtur esse nil æquabile,
 Hominique nil æquabile esse Sors finit ;
 Clavoque clavus , cura curis pellitur,
 Medicæque saepe fit novus morbus manu.
 Obducta nubes Solis ut splendoribus

Non officit; nec solis exstinguit jubar;
 Sic Sors novercans officit quidem bono,
 Bonum manere sed tamen virum finit.
 Rota ut terendo se terit versatilis
 Mola, & terendo cuncta se sors deterit,
 Ceditque tandem iniqua, cassa virium.
 Sortem esse tabem nil nisi, apte dixeris;
 Adversa semper & secunda deficit;
 Palam illa &, hæc & deficit, cum incipit,
 Timenda & ergo hand tabida est iniquitas,
 Facienda magni aut tabida indulgentia:
 Iniqua nam brevi est, & indulget brevi:
 Nullum putandum est aut malum, aut breve:
 Nil scena quam, nil Larva quam mortalium
 Insana res est, quam instrunt deliria
 Vertentis in se sortis omnia. Hæc Getam
 Herum facit, mutatque & hæc herum in Getam;
 Irum esse & Irum, Cræsum & hand Cræsum finit.
 Vis scire Sortis quanta sit potentia,
 Longeque quam lateque sese exporrigat?
 Fugat que Sortem nullus, & nullus fugit.
 Amor cui addit & nihil mortalium,
 Mortaliumque & odium demit nihil.
 Libido nullâ est lege cui coarccata,
 Lex cujus omnis vertitur libidine;
 Sceptrum omne cujus subditur libidini,
 Mortalium est lex sola quæ libidinis,
 Et norma sola, norma ut est & omnium:
 Sufflaminare velle cujus impetum,
 Minusque & impar quidquid est, ostendere est.
 Faberque nullus duxque nullus Sortis est,
 Sortisque non & ullius. Sors est sibi
 Omne illud, illa cæca Sors quæ creditur.
 Vix ille qui sapit ducem hand cecum legit.
 Sit ira trux, sit & tyrannis præferox
 Jussis cruentis, sortis ira major est,
 Major tyrannis, cum novercari incipit;
 Lucemque claudit providentis cæca quæ,
 Solâque cecitate tantum illustris est.
 Sors est hominibus, vano hominibus ex gignier,

Nihilque qui est, nihilque & ipse quam nihil.
 Sors omnis exsors omnis est constantia,
 Levitatis omnis omnis & constantia est.
 Favilla tantum &, & cinis fuliginis
 Sumus. Cadaver obvium id quemvis docet.
 Mansura sortis nulla; Sors mihi displicet.
 Negotiorum est involuta fluctibus
 Foris, periculis mille & obsessa est domi,
 Hæc quæ putatur vita; mille falsus est
 Erroribusque, mille sortis & vices,
 Mille hesitationum & inter; milleque
 Casusque rerum, & omnium vertiginem,
 Quæ nulla vertit se indies velocius,
 Mansura pollicetur hic quisquis sibi.
 Mansura tantum nos manent, cum viximus,
 Manetque vita, morte quæ non desinit.
 Acidisque litigare ronchis, tundere
 Et Sortis aures sævientis, haud mihi
 Aliud videtur, ira quam irati sibi;
 Sortisque vim incitantis adversariæ.
 Sors est Megara ad instar, est furialibus
 Accincta quæ serpentium tot vultibus,
 Diversa quot Sors, quot levis, vultus habet.
 Spes, quæ futuris alligat se temporum,
 Incerta quæ sunt sortis inconstantia,
 Non illa spes est, verus est tantum metus.
 Non indigenti semper indigentia
 Sors est avaro. Avarus & caret suis.
 Mutata sortis sceptrâ ne quis jam putet,
 Majora sceptris efferunt sese omnibus:
 Nil subratum non, perditumque non sinunt,
 Hominumque quidquid omnium & rerum omnium est.
 Scrutanda non sunt quæ Tonantis intimi
 Sunt consilii. Non vult doceri, sed docet.
 Nihili qui homo est & sapius fit plurimi,
 Faciendus & qui plurimi, contemnitur.
 Nil sorte cæca se esse prodit cæcius;
 Nil sorte vanâ se esse prodit vanius,
 Tollitque honorum nunc caput, nunc & premit.
 Cæcusque vannusque est, qui habet sorti fidem.

Non obloqui, parere sorti convenit;
 Silentium pars major est sapientia.
 Tempusque Sorsque se sua in vestigia
 Voluntque semper, semper & secum omnia.
 Ruit orbe cum ruente inexorabilis
 Sufflaminanda haud temporis velocitas;
 Redeuntque nobis ac, euntque & omnia.
 Insana tantum à sorte plebes pendula est,
 Et tota sortis, sortis & perpes pila,
 Ritusque &, & jocus, levisque incertaque,
 Mutante vultum sorte mutat & suum.
 Senem ipse vidi, viribus sed nobilem
 Senem iuventa, perspicacis ingenI,
 Legere una cura, scribere & cui omnia,
 Cui sors secunda indulseratque quidlibet,
 Cuiusque amicum humanitas mi fecerat,
 Illum aestimatum &, aestimandum & omnibus,
 Rei vetusta gnarurem Scriverium,
 Antiquitatis promicundum nobilem,
 Utroque cassum desidentem lumine,
 Vidique nuper: & videre nunc dolet.
 Est velle & idem, nolle & idem, perpetim
 Sortis faventis velle commodis frui:
 Permista nam sunt plurimis incommodis.
 Externa bella cum silent, gliscunt domi,
 Quibus petuntur gentium vitalia;
 Et ista perpes sortis est injuria.
 Hic flere, & usque, & usque & usque plangere,
 Tacitisque sese pascere & singultibus,
 Hostes bonorum plurimos inter, bonos
 Paucosque, Sors est optimis mortalium;
 Luctusque contubernium, innocentie &,
 Vidi ipse nuper. Lata sors ridet malis.
 Et unde abimus, quoque abimus, noscimus,
 At quo modo, quo tempore, haud cognoscimus:
 Miserorum & ista haud certa sors mortalium est.
 Deum fateri est vita sola; obsequi &
 Servire, regnum est. Gloriosa servitus,
 Qua dulcius nihil, nihilque letius,
 Levinusque vana cuncta iudicantibus,

Sortisque contemnentibus fastidia.
 Via & via, viteque vita Christus est,
 Amorque amoris, luxque lucis omnibus,
 Decor decoris, absque quo nil omnium
 Factum est, nihilque facta quæ sunt omnia.
 Deus haud quod est, id esse censendum est nihil;
 Magisque & est, minusque multo quam nihil:
 Et tale sortis omnis est choragium.
 Deo datur quod, non datur; Deus dedit
 A dante quidquid accipit, totum dedit;
 Tamenque gratum Numen est reddentibus.
 Dei est faventis larga liberalitas;
 Solus sibi &, solus tibi &, solus mihi &,
 Ille unus, omnibusque & unus sufficit,
 Grataque tantum mentis hostiam exigit.
 Petulansque fors, & arrogans, & arrogans
 Quidvis sibi, arrogare cum tamen sibi
 Nil illa possit, præstat ac confert nihil.
 Dubieque sortis, hesitantis oraque
 Sæpe ipse vidi, sortis ac obnoxium
 Vicibusque rerum mille, mille casibus,
 Rerumque certum nec satis, nec & sui,
 Inopemque & omnis indigentem consili;
 Sic cespitat plerumque fors & hæsitat.
 Est scædus nil, nilque & est deformius,
 Sunt ora quam formosa, quæ mentem tegunt,
 Vitiisque pastam & atque turgentem omnibus,
 Scelerumque & hospitam, officinam & omnium.
 Et subditorum negligentes Principes,
 Et negligentes Principumque subditos,
 Mutabilis dum nesciunt sortis vices,
 Mansura semper & putant præsentia,
 Spolia esse sorti sæpe, non vidi semel,
 Vidique nuper. Sortis hæc potentia est.
 Custosque & ille, amorque & ille qui omnium,
 Et Tutor & Curator ille qui omnium,
 Præsensque semper, semper ille pervigil,
 Cum commodis & excubet mortalium
 Faveatque rebus, semper est ut excubans,
 Vigilatque semper, nulla sortis regna sunt.

Virtutibus quæ se offerunt sublimia,
 Bonæque frugis plena dote pectora,
 Sunt grata sorti haud sortis est contemnere
 Quodcumque Sors non præbuit mortalibus.
 Iniqua sors dat quidlibet, dat & nihil,
 Rapitque dum, donatque large & omnia,
 Et copia omnium, omnium indigentia est.
 Tumulo sepulti corporis qui omnes sumus,
 Tumulusque queis & corpus est & vinculum,
 Boiæque tantum, præter est mortem nihil;
 Mortisque nil est, sortis & sunt omnia:
 Quæcumque solis ambiuntur ambitu,
 Sunt tota sortis. Versat & sors omnia,
 Manere eodem quæ nihil finit loco,
 Fixum nihilque, nilque quod durabile,
 Adesse non quod, esse non quod dixeris.
 Hominiisque non est posse, quod factum cupit,
 Hominiisque non est velle, quod fieri haud potest;
 Vidi volentes, vota sed tantum sibi
 Stulte negantes, & negantes plurimos,
 Nuperque vidi. Adversus is qui sortis est
 Vicibusque casibusque, sortis victima est.
 Sortis domare est cuncta. Sortis casibus
 Objecta moles nulla mortales tegit,
 Nullosque servat. Insus & tantum jocus,
 Fumusque sortis omnis est potentia,
 Libidine &, dextraque & indomabilis.
 Lustrare pompam & si triumphalem lubet
 Sortis, subegit, subjicitque quæ omnia,
 Spolia omnia & prædasque, leta & fercula
 Nullus triumphus inclytus quibus fuit,
 Domitorque nullus hostium pollentium,
 Orbis ligatas subditi vide manus,
 Post terga tracti &, Principumque & gentium,
 Et eminentis, vilis ac dextras viri,
 Boiisque ferreisque clausas vinculis.
 Victoria omnis sortis & triumphus est,
 Nulli domanda &, & domantis quemlibet.
 Conceptio est polluta, & ortus omnium
 Plenus laboris, est & occasus metus

Horrorque, vanâ vanitate vanior;
 Laboriosa & territans mortalium
 Res omnis est. Hac lege sortis nascimur.
 Vita omnis ista pœna tantum est & dolor,
 Horretque tantum, contremiscit totus &,
 Quisquis futuri haud immemor, nunc Tartaræ
 Tetros hiatus cogitat; nunc ignium
 Æterna quæ tormenta, & ora iudicis,
 Impura cui, polluta cuique pectora
 Placere possunt nulla, prudens cogitat;
 Præbetque sese haud sortis indulgentiæ,
 Quæ surgit instar fulminisque & occidit.
 Æternitatem cogitanti haud fors placet,
 Felicium aut, felicium aut non temporum.
 Scelerumque vivax omnium est memoria,
 Tortorque perpes est scelesto & per vigil;
 Noctu dinque quam fatigantem nihil
 Fatigat unquam, quamque & excludit nihil:
 Sors ista semper omnium nocentium est,
 Est vita pœna, morsque tantum vivere est:
 Nil esse, nil fuisse, fors est omnium.
 Torrens calamitatis est vita hæc, mare
 Semper procellis iniquies, vestigia
 Sortis faventis fixa quod nunquam finit.
 Efferre sese sortis indulgentia,
 Opibusque turgens pectus ac honoribus
 Fæde ac superbum, nil arundine est nisi in
 Equitare longa, gens pueritiæ ut solet
 Equitare. Sortis dona sunt arundines,
 Paleaque stramenque, & quod his infirmius
 Reique fulcrum & destinam semper sua
 Putare pronam Principum faventiam,
 In aula amici præpotentis & fidem,
 Nescire sortis est vicissitudines,
 Tremulisque stulte figere in grallis gradum,
 Facilisque queis ex lapsus ac descensus est.
 Vidique & umbrâ cum, & sacrorum imagine
 Larvata sors, ut obtegens semper sui est.
 Sua & fateri quam ora perfidam pudet,
 Sacris profana quæ anteferet omnia.

Et templa temnit, temnit ac altaria,
 Colitque Numen, esse quod Numen negat,
 Speciem putatque & esse cultum Numinis:
 Vidique nuper. Sancta sorti nulla sunt;
 Struitque templa, templa fors & destruit.
 Vidi ipse vela plurimos expandere
 Ventis secundis; ira sed cum surgeret
 Maris furantis; ingruens & fluctuum
 Insana moles, Eolique ex rupibus
 Una Euris &, Notusque &, una & Africus
 Creber procellis, undique impellit ratem,
 Palinuri & ipsas impares clavo manus:
 Vidique nuper. Leva fors mortalium est.
 Salebrasque per, per saxa quæ fragosa sunt,
 Angustiasque, rupesque, & ardua
 Vidi laborum posse vix emergere
 Animo eminentem maximo ac sortem virum,
 Vidique nuper. Pejor est fors optimis.
 Vitiis superbos, mancipēs libidinis,
 Scenæque tantum servientes seculi,
 Nullis redemptos subsequas virtutibus,
 Curulibus vidi in sedentes sedibus,
 Vidique nuper. His favere sortis est.
 Excelsa vidi corruisse maximo
 Subitoque casu, caca perdiscrimina,
 Nullique quæ provisa providentia,
 Nulli & cavenda, & omnibus minantia
 Vidique nuper. Instar est fors fulminis
 Fuisse nil nos, esse nos etiam nihil,
 Nil nos habere, possidere nos nihil,
 Nihilo & futurum debile hoc corpus minus,
 Pridemque vidi; & ossa cum, cum amanti
 Cineresque tristi conderem mæstus loco;
 Sunt quæ, fuere quæ, futura quæ omnia,
 Nil esse vanum præter, insanum & nihil,
 Nuperque vidi. Est fors nihil præter nihil.
 Frangi metusque plurimos, spe & erigi,
 Spemque inter hesitare &, inter & metum,
 Vidique nec spe sospites, nec & metu,
 Vidique nuper. Sortis est spes & metus.

Speranda multa offerre se mortalibus,
 Timenda multa, sed timenda plura,
 Plerumque vidi (Principatus nam metus
 In rebus omnium omnibus mortalium est)
 Vidique nuper. Magna nam Sors mater est
 Mille & malorum, milleque & discriminum.
 Vidique partis inclytos victoriis,
 Multâque pompâ jam Triumpho nobiles,
 Domitoque quovis hoste, tandem hostes sibi,
 Et omnibus nocentiores hostibus,
 Mox perditosque & ambitu & superbia;
 Vidique nuper. Sortis hæc insania est.
 Vidi ipse ementes omnia, & vidi omnia
 Cum vendidissent, possidentes jam nihil,
 Agrisque & olim divites, case indigos,
 Suisque egenos exulantes sedibus,
 Nihilque quæis quam per diti memoria,
 Diurna quæ, nocturna quæ semper redux;
 Vidique nuper. Sortis hic forum Orbis est,
 Emitque Sors, venditque Sors & omnia.
 Vidi & superbum se efferentium gregem,
 Stolidæque & ante se ferentes omnibus,
 Vilesque spernendosque scurras optimis,
 Vitiisque dum est laus, dumque virtus spernitur,
 Algetque. Nam est adversa Sors virtutibus.
 Catoniana præditus sapientia,
 Morumque custos & magister omnium,
 Sortisque quæ sunt vilipendens omnia,
 Et Sorte quavis qui ingruente major est,
 Raro videtur. Nota Sors paucissimis.
 Clypeoque qui, parmaque qui virtutis est
 Munitus, & constantiæ septemplace,
 Minasque & iras Sortis omnes despicit,
 Ridetque. Vidi turbine infelicium
 Tractum virum raptumque fædo temporum;
 Vidique letum & erigentem mox caput,
 Cunctisque Sortis enatantem fluctibus,
 Majorem & irati maris vesania,
 Vado in quietum & portum malacia;
 Vidique nuper, Sorte virtus major est.

Vidi diurnâ sepe nil factum manns,
 Nocturnâ &, esset fessa cum laboribus;
 Rara & fuisse præmium haud industrie,
 Emptumque magnis & nihil conatibus,
 Nihilque partum &, & minus quam ipsum nihil;
 Viamque lasso sepe detritam pede
 Juvenique frustra, frustra & imbelli seni;
 Nuperque vidi. Haud æqua sors laboribus.
 Decumana vidi fluctuum pericula,
 Et turgidum æquor, & furentis Æoli
 Iras minasque, moxque pacatum mare,
 Ventorum & altum, fluctuum & silentium,
 Vidique nuper. Sortis anceps æquor est.
 Atrata virtus, sordidata &, & rea,
 Despecta prodit plurimis mortalium;
 Nullâque quæ stipata quam calumniæ
 Cohorte nigrâ & livida invidentiæ;
 Nuperque vidi. Iniqua sors virtutibus.
 Vidi ipse & annos mæsse quavis nobiles,
 Opibusque, fruge & horreorum divites:
 Sterilesque vidi, nobiles tantum fame,
 Redemptis ære & rustici levem manum,
 Nuperque vidi. Avara sors est largaque:
 Prodesse nunc, nocere nunc & assolet.
 Mortalium ille est omnium stultissimus,
 Rudisque vanæ & imperitus sortis est,
 Vicissitudinumque rerum & omnium,
 Mutationumque & futura quæ omnium,
 Mansura quisquis pollicetur hic sibi;
 Vidique falsos. Sortis omnes fallere est.
 Frigetque nunc ut, nunc caletque, sicca nunc,
 Pluvii que se dant ut Jovis nunc tempora,
 Ridetque nunc, nunc fletque qui Autumno est dies;
 Non una sic se sortis ora proferunt:
 Lachrymisque nunc sparsa ora, nunc ridentia,
 Sepe ipse vidi. Haud unius sors oris est,
 Et tota nil quam Autumnus haud equalis est.
 Fortuna quod dedit tibi, haud dedit tibi,
 Repetitque & anfert mox iniqua quod dedit:
 Fortuna mater & doli & fallacia est;

Dolusque tota, totaque & fallacia,
 Vidique falsam & esse, falsos plurimos
 Vidique nuper. Falsa sortis omnia.
 Subinde flore nil vides florentius,
 Subinde marcet; veste & arbor frondium
 Nunc est superba, exuta nunc est omnibus;
 Velata sic fors purpurâ mortalium
 Nunc, nuda nunc, investis est ac algida.
 Per mille rerum, & plura per discrimina,
 Ipsosque & ignes, perque commotum mare,
 Factata saepe plurimum innocentia est,
 Major columbæ nulla quâ, vel turturis,
 Quâ sanctius nihil, nihilque castius,
 Majorque nulla quâ datur mortalibus:
 Vidique & ipse. Non nocenti fors nocet,
 Levisque nulla sortis innocentia est.
 Pulvisque, & umbra, & horror ac imagines
 Erroris hic sumus, ducesque errantium
 Et assecla, trochusque sortis ac jocus,
 Et sola sortis improbæ occupatio,
 Merx sola nunc e mentis &, vendentis &
 Sortisque tota. Principatus sortis est,
 Regnumque quod se exporrigit per omnia.
 Lux & tenebra, noxque sunt, sunt & dies,
 Quæcunque nobis sortis ora se offerunt.
 Hominumque sorti qualibet quæ obnoxia,
 Vidi esse, non & esse eodem tempore,
 Nuperque vidi. Sors noverca temporis est.
 Vidi superbi remque spemque perditam,
 Lassamque tandem sortis indulgentiam,
 Vidique nuper. Sorsque versipellis est,
 Et tota fors quæ, sortis est & vanitas,
 Levisque nil quam sortis est constantia,
 Constantiusque sola quam inconstantia.
 Cante est agendum quidlibet quibuslibet,
 Minimisque juxta & maximis mortalium,
 Minimisque rebus maximisque in omnibus,
 Et cum jocamur, cumque seriâ occupant,
 Penuria in rerumque & affluentia,
 Sermone in inque opinione, in & fugâ

Fixâque sede, ipsa in quiete &, ipso & in
 Labore, prosperisque in, inque improspereis,
 Sacris profanisque omnibus negotiis,
 Aliena si vel, tu vel & cures tua,
 Et in frequentia, inque solitudine,
 Et hostium inter ac amicorum gregem:
 Nam Sortis ita est qua, est & implacabilis,
 Noctu dinque, ubique &, omni & imminet,
 Quo blandioris oris, hoc nocentior.
 Vidi perisse negligentes perditæ,
 Pluresque vidi. Adversa Sorti haud quæ excubat
 Securitatis hostis est securitas.
 Sunt cuncta Sortis, Sortis & futura sunt:
 Superba Regum sceptrâ qui major gerit,
 Mutanda Sorte debili tenet manu,
 Olli secunda Sors manere non potest,
 Adversa qui haud expertus ulla Sortis est.
 Nil Sortis omnes inter est injurias
 Amantium jucundius concordia;
 Non aut grata balsami cum spargitur,
 Gratusque cum ros gemmulis argenteis
 Heliconis aut Pindique pingit gramina,
 Aut verna dulci inebriat cum pascua
 Madre, spargit montis intonsi aut juga.
 Adversa quæ sunt Sortis explorant virum,
 Virique magni robur & constantiam.
 Clivi impediti nititur per aspera
 Ad invidendam vera virtutis gloriam.
 Iratus esse Sortis haud ira velis;
 Irascere cum, fortius semper nocet.
 Armata mens cui est omnibus virtutibus,
 Virtutibusque quæ probantur omnibus,
 Vitio ille se disperdit uno, ac interit;
 Non rara Sors hæc maximis mortalium est.
 Sit parmâ, & hastâ sitque acuta cuspidis,
 Galeâque quis tectus caput, septemplex
 Clypeumque magni gestet Ajacis manu,
 Perit faventis Sortis indulgentia,
 Minorque & impar semper indulgentia,
 Fuci colore nullius velare se,

Proferre nunquam falsa, non morarier
 Promissa cuiquam, odisse & invisos palam,
 Et mente virus pestilens non condere,
 Speciemque letam hand fraudibus præmittere,
 Certum ac paremque pectori componere
 Vultum, nocere in abdito ac cuipiam
 Nefas putare, ut plurimum Sorti hand placet:
 Adversa Sors hinc optimis mortalium est,
 Solisque queis est debitus Sortis favor.
 Boreas rigore sævit, igne Sirius;
 At sola Sors est quolibet cuivis nocens;
 Honore veris æviterna vita que,
 Excepta sola Sortis his est casibus.
 Sors est eosdem perdit & que, & erigit.
 Aegris medenti ingrata quando absynthio
 Offerre cura est, poculi oras oraque
 Circum imbuit liquore semper melleo;
 Licitisque sæpe parvulos fallit dolis:
 Sic dura Sors, immitis, adversaria,
 Ridetis ore ingrata que sunt porrigit,
 Sanatque pectus ejus & cui porrigit.
 Nil Sortis imputes, sapiis qui, injuria:
 Sapientia illa mi videtur omnium
 Habenda princeps, sortis ignorantia.
 Nil forte quidlibet movente immobile est;
 Immotasors hæc omnium mortalium est.
 Fulgore lampas qualis & Phæbeja
 Exorta mane, luce donat omnia,
 Orto & tenebris cuncta damnat Hespero,
 Sors talis est, & talis est Sors omnium,
 Oriturque que, occiditque que nunc per vices,
 Nunc & nocetque plurimum, nunc & favet.
 Quodcunque fors cupit, ratum esse illud jubet.
 Statio carinis nulla fida sortis est;
 Fiditque qui, futurus est & naufragus.
 Quid sera sors vectura, vesperserus &
 Vecturus, ignotum esse constat omnibus.
 Facto facit quod omne fors pronunciat.
 Insana plebes imputandum quod sibi,
 Sorti imputare est sæveta, quidquid est mali;

Tribuitque quidquid est boni tantum sibi.
 Sorte est beatus quisquis, & fit efferus,
 Et alta tantum sidera impetit Gigas.
 Levior ferendo sortis est calamitas.
 Monumenta sunt quæ illustris omnis ingenI,
 Quamquam superbi venditunt sese ingenI
 Exempla, quæis & ira non magni Jovis;
 Nocere & ipsum haud posse fulmen creditur,
 Edax vetustas non & ipsa temporum,
 Periisse nunc, nunc & perire vidimus:
 Peritque sorte temporum, ac intercidit,
 Pereuntis omne quidquid est scriptum manu;
 Acclique & EnnI, nobilis Vacuvii &
 Jam plura frustra quarimus, quam volvimus.
 Nasonis & quæ, & quæ Maronis omnia,
 Dictante quamvis scripta quondam Apolline,
 Eternitate digna cedroque omnia,
 Mansere nobis sortis haud injuria;
 Ut nec manebunt tot virorum illustrium,
 Coluntque nostra quos stupentque tempora,
 Monumenta semper. Sors negabit posteris;
 Noverca sors & ingenI est laboribus.
 Et ista, plura &, scripta BoxhornI manu,
 Sed imperita quæ artis ac rudis manus,
 Victura semper nescia est quæ condere,
 Casso labore quæ fatigat se manus,
 Spoliumque sortis victima & futura sunt.
 Secundâ abuti Sorte nil quam pellerè est.
 Humana sorti se parem haud offert manus;
 Nimis faventem haud est, nocentem aut quæ domat;
 Invicta sortis omnis est potentia.
 Placido carinam ut nauta ducens equore,
 Futura cum non providet, sit fluctuum
 Ventique præda; sortis inter prospera
 Risusque sic se, nescius contrariæ,
 Contraria nec obviis prudentiâ;
 Miser, favente sorte quamlibet, perit.
 Sors certa nota nemini est viventium;
 Incerta Sors ut omnium est natantium.
 Sortem colit qui, qui æstimatque, altaria

Focosque mitis saepe non colit Dea.
 Tum quod est sors omne vendicat sibi ;
 Sors prado tantum aufertque & omnia & rapit.
 Imago nil quam sors favens faventis est.
 Parata multa sortis ut bellaria ,
 Parata semper tela sic sunt cuilibet.
 Nil sorte iniquâ mî videtur equius ;
 Iniqua cum videtur , equa sors bono est ;
 Meliore iniqua donat omnes pectore ,
 Incerta dum offert sola quæ sunt casuum ,
 Mei sub urbe prædium Scriverii ,
 Nuper videbam , flore letas arbores ,
 Rore & madentes , leta campi gramina ,
 Letaeque fruges , & bonum ac ovium gregem ,
 Curata large hirsuta queis erat cutis ;
 Simul videbam multa mox examina
 Musca nocentis , hostis est quæ floribus :
 Adversa semper prosperis permixta sunt :
 Sors promiconda semper & boni & mali est ,
 Vertumni se mutatque sese in omnia
 Vertitque sortis , saepe sors huic favet ,
 Gravi malorum oppressus est qui sarcina ,
 Gravi que Sortis , saepe Sors huic favet ,
 Nocere dum videtur illi plurimum.
 Fraude absque non doloque non , mortalium
 Sors omnis est. Nam Sortis est versutia.
 Terrore cum omnis plena sors sit omnium ,
 Sapitque qui , qui providetque , cur vices
 Amat faventis sortis ? Haud ulli manet.
 Procul pericla sortis esse cum autumas ,
 Propinqua sunt & , saepe sunt & omnia.
 Florentium annis triste funus Experi ,
 Vlnique vidi nuper : & florentium
 Vi illustris ingeni ; sed omnis ista Sors
 Est & juvenia , eritque semper & , mori
 Instar senum , queis multa jam risit dies ,
 Et multa fluxit. Parcit illa nemini.
 Aransiorum triste funus Principis ,
 In vere rapti ætatis & flore in sua ,
 Vidi que nuper. Principatus Sortis est

Immensus, ulli haud major ut fiet datus.
 Opum potentes unico exutos die
 Nudosque vidi. Sortis est potentia,
 Sors omnia &, sortisque sunt & omnia.
 Iniquitate sortis haud iniquius
 Se quidpiam offert. Tota sors iniquitas,
 Insana dum favet malis, nocet bonis.
 Bono est maloque adversa sors faventibus,
 Malis favere noxia plenum est; bonis,
 Furias malorum semper irasque excitat.
 Alium beatum sorte præ quivis suâ
 Landatque predicatque: nemini satis
 Sua & facit. Placere nulli sortis est.
 Labore quod non possumus scientia;
 Sed sors labori saepe non, scientia aut
 Favere sueta, & irritus sit ut labor,
 Sit vana & omnis, efficit, scientia.
 Geriturque nil & saepe nisi maximo,
 Multumque nullo saepe. Totum hoc sortis est.
 Contra repugnant vota se mortalium,
 Adversa dum sors indies obstat sibi.
 Industrins labore quod vir plurimo
 Sibi & parat suisque, sortis invida
 Tandem videmus disperire injuria.
 Sunt corporis multum est quibus, mentis nihil,
 Sunt mentis est multum quibus, non corporis;
 Sunt ora queis decora, mens deformis est,
 Sunt ora queis decora non sunt, mentis at
 Excelsa virtus. Pauperes sunt ingenl
 Opibus superbi; vi potentes ingenl
 Opum indigentes. Alea ista sortis est.
 Plerique sortis dissecant jugulum suâ,
 Sibi & faventis, dum est avara insania,
 Majusque plusque & expetissit indies.
 Amor ille Phœbi opesque qui Scriverius,
 Opibusque pollens plurimis Scriverius,
 Mens ille qui, quique & bonorum est omnium,
 Laus eruditæ gentis & magnum decus,
 Promusque condusque omnium qui temporum,
 Vi perspicacis ingenl passim inclutus,

Cujus legentis, dextera scribentis &
 Industria nil clausum & intactum est nihil,
 Iniquitate sortis usu luminum
 Captus, senectâ plurimi ut parens mali,
 Legitque non, scribitque non. Hoc sortis est.
 Vidi meorum sanguine ex pragnascier
 Mutosque surdosque, at quibus mens integra:
 Sors scâva, & ipsis noxia est nascentibus.
 Vegetum senectâ, nobilem ac annis senem,
 Agnovi avum improvisa mors quem sustulit;
 Novi gemellum &, & parem natu mihi
 Fratrem, modestius nihil modestia
 Quo finxerat, sincerius quo nil fides,
 Ipso in juvenia flore raptum conjungi
 Et parvulis, mihiq; fors iniqua non
 Dicenda non est. Præda Sorti est quilibet.
 Nil rebus in mortalium fiducia
 Repone. Falsæ nulla sit sorti fides:
 Decepit illa, decipitque perpetim.
 Vidique amores, vidi & iras maximas
 Amantium. Iræ est sæpe sors amantium.
 Informis est fors; semper haud similis sibi,
 Sibive constans; vertit illa se indies,
 Novosque mille versa vultus induit;
 Nec fida fors est ulla; sunt omnis vices.
 Favente sorte nil datur faventius;
 Nocente sorte nil datur nocentius.
 Dolosa Sors est, magna mentiens bona,
 Cum sit malorum Lerna mater omnium.
 Suâ ille Sorte quisquis haud contentus est,
 Inops potentis æmulator interit,
 Ut stulta multos perdit arrogantia.
 Benignitate est Sortis aucta res quibus,
 Videntur esse sæpe, quod non sunt; piger
 Asinus Leonis pelle qualis nobili
 Indutus, est quod esse nunquam desinit.
 Aprica dum anguis sole camporum increpat
 Quietus &, serpensque nec, nec se movens,
 Eum putavit desuisse vivere
 Corvus vorator: ingruit sed dum, sopor

Defecit angui : qui furens spira gravi
 Pedesque corvi & implicavit esseri,
 Et vulneravit ; corvus & vita sua
 Fini propinquus ; Quem miser , gemit , miser
 Cibum putabam , causa mi fuit necis.
 Perit pericla nulla qui sortis putat ,
 Peritque qui quaecunque sortis appetit.
 Malo à viro cavere sors mali viri est ;
 Boni cavere tantum ab haud bono sibi est.
 Sors sola princeps , sola princeps Principum ,
 Sunt sceptrà , regna & cuius in quævis manu ,
 Excelsa se cui & iubentur omnia
 Nutum ad iubentis unicum substernere.
 Sibi haud favet qui , Sortis expectet sibi
 Nihil faventis. Haud favens ignavia est.
 Laboret arò haud inquiete quærere ,
 Sibi & parare cura quod mortalium
 Vexata multum cæpit , unico & die
 Horâque & unâ , saepe Sors disperdidit.
 Fritinnientis audiit cantum puer
 Somnum & cicada , avemque & esse maximam
 Puer putavit. Blandientis sic bona
 Sortis videntur , vera nec dant se tibi.
 Sors omnis errat & vagatur , omnibus
 Incerta & anceps. Sola quæ constantia
 Est mentis , illa omnisque virtutis tenax
 Omnisque cultrix , deserit nunquam virum ;
 Contempta rerum cura cui est inanium.
 Est vita tristis pluribus mortalium ,
 Et certa Sors. Est vivere hoc , tantum mori.
 Infida cum Sors , mille cum fallaciis
 Armata fallat providentiam omnium ,
 Ponenda cura Sortis , ac inanium est ,
 Quæ datque & hæc , tollitque pro libidine.
 Tranquilla durum haud navigare est æquora ;
 Sed mota ventis , asperi laboris est :
 Sortem at ferentem ferre cum lege ac modo ,
 Ferre & nocentem , id est laboris maximi.
 Quid Sors potissit , plurimorum & admonet
 Probatque fracta everſaque & potentia.

Sortis faventis sistere ausus qui fugam est,
 Leporem ille tardo persecutus est pede.
 Tumulus juventa cuilibet senium est sue,
 Extrema mors est & senectæ linea;
 Sæpe & juventa. Est ista Sors viventium.
 Sors compta quamvis Solis ipso pectine
 Est larva tantum & umbra, falsa quæ nitet,
 Dolosa, quavis falsior fallacia:
 Radiata, & ipsa luce Solis fulgida,
 Et pulchra, pulchritudine ipsa pulchior,
 Ipsa Diones lota quamvis dextera,
 Mille & corollis pulchra, mille liliis.
 Sortem faventem, sæpe damna poscere est;
 Moderata semper vota sint mortalium.
 Sors quæ secunda, nemini manet diu;
 Et incitato protinus fugit gradu.
 Ex sorte virtus sæpe nascitur mala.
 Amica sors sit; sortis haud amicus est
 Qui odisse plures hanc, quam amare gnarus est.
 Illectus is qui sortis est versutiis
 Captusque, nullo figit in loco pedem;
 Sed cespitatque erratque stulte perpetim.
 Etate canus plurimâ nuper senex,
 Rogo esse se cum proximum jam cerneret,
 Occepit altis pectore ex suspiriis
 Sortisque fatigue omnis inclementiam
 Miro improbare & execrari modo.
 Senectâ sana haud, gnara quæ non sortis est.
 Juvenisque flore nuper in vitæ vicens
 Vegetusque nunc, athletico nunc corpore,
 Foto valentem dexteram submittere est
 Coactus. Illud & juventa sortis est.
 Sors tota boiæ, tota sors est vinculum,
 Et tota nil quam compedes timentium
 Sperantiumque. Tota nil quam carcer est,
 Hominumque triste plurimis ergastulum.
 Se ipsum tueri nemini datum fuit,
 Dabiturque nulli. Sortis hæc injuria est.
 Alios tueri vult, tueri non potest
 Qui se ipse. Inane sortis hoc delirium est.

Nuper legebam ; pœnitet legisse nec :
 „ Cum damna felis multa muribus daret ,
 „ Illi Senatum convocare , ut sciscerent
 „ Astutiam vitare quo possent modo .
 „ Multique multa , legis adversum ordinem ,
 „ Absurda cum , quæ sana non , ineptaque , in
 „ Medium attulissent ; ultimis suffragiis
 „ Quidam senectâ canus & venerabilis ,
 „ Prudentiam mussantibus dans alteris ;
 „ Nolam paratam , dixit ; illam belluæ
 „ Collo alligarent , unde felem & audiant ,
 „ Sonituque solo proditam fugiant procul ;
 „ Placuitque cunctis consilii ratio boni :
 „ Et jam tumebat auctor , ut sapientiæ
 „ Qui opinionem cæteris probaverat ;
 „ Tum de minorum gentium subselliis
 „ Quidam rogavit , Ecquis esset murium
 „ Nolam alligare qui sonantem felibus
 Auderet . Est semper favens audentibus
 Fortuna . Non audentibus nunquam favet .
 Nox ut tenebris fulgidum fugat diem ,
 Adversa sic secunda sortis efferunt .
 Rogare sortem copiam ut sui sibi
 Faciat precanti , sortis ignorantia est .
 Fallacis est qui ignarus haud sortis doli ,
 Dicendus eminere vir prudentia est .
 Sorti qui iniquæ irascitur , bis est miser .
 Cum nube tristi oblecta sortis gratia est
 Pridem faventis , leta cumque abscondidit
 Ridentis ora , sortis apparet dolus .
 Sors quidlibet facit , facit nulli & satis .
 Livor faventis semper est sortis comes .
 Sperare & annos , sæcula & felicia , haud
 Licet . Parata sortis est injuria ,
 Semperque , cuius ac , ubique & obvia .
 Futura qualis crastini lux sit die
 Dubiumque ut incertumque , sic & crastina
 Sors sit futura qualis , haud est cognitum .
 Veneranda canis esse vis quæ a legibus ,
 Et sancta debet , & movenda nemini ,

*Se saepe sorti cogitur submittere ;
 Quae semper exlex subtrahit se legibus ,
 Et sceptrum legum vendicat , cum vult , sibi .
 Diesque per noctesque perque plurimas
 Tractus labores , una raro haud perditos
 Hora aut dies videt ; videre contigit
 Et saepe nobis . Tale sortis robur est .
 Nubesque scæva sortis & ventos super
 Nemo est locatus . Adspice hic altissimos
 Mortalium tot , totque rerum Principes ,
 Pessum datos , levique sortis & manu :
 Sunt hac minores maximorum maximi .
 Qui perditis est , quique iniquis moribus ,
 Iniquitati sortis esse obnoxius
 Minus videtur , quam æquus est vir ac probus
 Mirum hoc videtur plurimis , sed non mihi ;
 Odisse nam fors improba improbum haud potest .
 Sunt lata sortis , sortis illa perfide ,
 Aranearum vana nil quam stamina .
 Et parma , & hasta , & omne telorum genus :
 Opposta sortis casibus , sunt iuncea .
 Ructare victum non trifauci Cerberum ,
 Stygiique quotquot monstra noscuntur lacus ,
 Presentius majusve virus edere
 Unquam est putandum hoc , fors quod omni porrigit ,
 Locusta Sors , & promiconda toxici ,
 Quod mille celat , mille quod miscet modis ;
 A quo cavere cautio haud potest sibi .
 Sortis forum Orbis , forsque nugivendula est .
 Non simplice haud letalis ictu vulneris
 Perire fors vult , vult perire sapiens ,
 Non , nî cruoris plena , quæ mittit cutem .
 Præstigiæ mille fors est artifex
 Dolosa , mille & phasmatum , abdito in studet
 Nocere diu , nocere quo possit magis .
 Sors fessa nunquam est , & fatigat omnia ;
 Et capta nunquam quidquid obvinum capit ;
 Subiecta nulli & subjicit quidvis sibi ;
 Et orba visu est , prædo & est videntium ;
 Parensque & , & noverca nobis hostis est ,*

Negatque semper datque quidvis cuilibet :
 Facit potentes , quos manere , & divites ,
 Manere quos & divites , hand diu sinit ,
 Volubiliqve versat in semper rota
 Et parva , magna & , omnia & mortalium
 Non desinente , perpeti sed impete.
 Capita ut securi Angusta casa concidant ,
 (Nam concidisse nuper ipsi vidimus ,
 Decussa in horto ut concidunt papaverum)
 Est sortis , hand parcentis ipsi purpure , &
 Supra efferentis Principes ipsos caput ;
 Caput superbum , mille pridem ut extulit
 Raptis coronis ; mille sceptris , milleque
 Raptisque sceptris , dextra se jactat manus :
 Adeo est superba sortis insolentia ,
 Intemperans , immitis insolentia ;
 Laseque majestatis uno hand crimine
 Et fœda . Mille , mille Reges perdidit ;
 Cum Regibusque tantam Achivorum manum
 Miseram popelli ubique , solitudines ,
 Deserta sese ut sola regnorum offerant ;
 Supra esse stulte credita olim injurias ,
 Sortisque temporumque & hostium omnium .
 Magis magisque sortis iras excitat
 Sortis senecta , anile jam & delirium .
 Ætas parentum hand ulla quondam protulit
 Tam multa dictu & , multa visis incognita .
 Attonsa ferro cuilibet res Principum est ,
 Sub cladibus fatiscit & potentia
 Reliquum super si quid , super tantum & nihil ,
 Indignum & ipsa sortis iracundia .
 Quam seva fors sit , quam cruenta , quam effera ,
 Ignorat is qui , ignorat & sortis manum ,
 Sortis bibentia largius nil sanguine .
 Jactasse Casarem , suâ indecies manu
 Centena , plura millia & castrensiū
 Mactata , scribunt , nota sortis victima
 Qui casus ipse debitas pœnas dedit .
 Magno rependit præmia hæc satelliti .
 Non nostro in Orbe adversa fors est gentibus ,

Regnisque tantum ; perdit & florem Novi.
 Cuba insularum maxima olim & Mexica
 Pollens in oris , magna terre tractibus
 Et leta , nunc attrita , sicca nunc sitit ,
 Exusta tanquam tota sortis ignibus,
 Orbataque & fecunditatis nbera est ,
 Mulctra & prioris. Sors ubique noxia est.
 Felicis ille Sulla dictus nomine ,
 Romana cui res visa se submittere ,
 Pene universa , sortis ausu est nobilis
 Fugientis ac , & deserentis haud modo,
 Sed funditus perdentis atque stirpitus,
 Et claritudine exuentis qualibet.
 Tantum illa nomen sortis est felicitas,
 Inane nomen , splendidum & mendacium.
 Piscis minorem saepe magnus devorat ;
 Sors talis infimi est loci mortalium,
 Iniqua sors , mansura sors mortalium,
 Ut praeda sint majoribus prædonibus ,
 Hominesque quos non , sed Molossos dixeris:
 Nil Orbis hic quam sparsa multo sanguine
 Arena sortis est : cruentus sortis &
 Quem nulla ludum nesciunt jam tempora.
 Gangræna sortis singulos non afficit;
 Repit per omnes , illa letalis lues
 Pecori haud modo , illi & qui magister est gregis.
 Sorti haud nocenti habenda nunquam sit fides ;
 Nocere nam non desinit , differt modo.
 Sors ista non felicitum nunc temporum est ,
 Plerique clavum ut publicum ad sedeant , regant
 Et regna & urbes , gnarures haud imperi.
 Popina multis aula nunc est Principum,
 Pottque semper officina Liberi :
 Gravitas & inde nulla , nulla sanctitas
 Aut Consill , equitasque nulla , sed meri
 Suadenda non suadentis eructatio,
 Et profuturi semper ignorantia.
 Sic sors culullo sceptr a raro haud porrigit ,
 Clavumque mandat , quo datur pessum ratis.
 Vertigo jam vinosa vertit omnia ,

Miscetque gentes Principesque, mentis ut
Sua minores, & madens vino facit
Multo maderè regna passim sanguine.
Sunt ista sortis quæ bibuntur pocula,
Nocitura quando est, mille pugnantis dolis,
Securitatem excindat ut mortalium,
Pro pace tantum & offerat merum Chaos.
Grave id priorum nunc ab aulis exulat,
Gravique multis in viro haud patet locus.
Aut fallor, aut sors pota sepe est quæ imperat.
Ut hasta quondam vulnere, quod fecerat
Ipsa, ipsa opemque Pelias statim tulit;
Sic disciplina sortis & nocentis est,
Adversa quæ dat, tollat ut per prospera.
A sorte sola pendulum cui pectus est,
Ferre haud quietem, ferre non somnum potest.
Mors certa sors ut omnium est mortalium,
Splendore sic cum gloriâ quæ haud omnium
Mori est; ut & ferrum atterit rubiginis
Dens ater, & qui splendor usu nascitur.
Sors æqua non rependit se colentibus,
Credatur ipsa ut velle non unquam coli.
Ex sorte nobis omnis est labor; struit
Pulchro illa quidquid arduum molimini.
Studium æqui Aristidi exilii tristissimi,
Sapientiæ & cultus veneni Socrati,
Demostheni defensa res & publica,
Fuerunt causæ supplicii solæ ultimi:
Namque optimis sors semper adversaria est.
Sorti resistit qui imbecillis proditur.
Præcurrit is qui gloria fastigio,
Honoris ac, præcurrit & discriminis:
Periculosus sortis est omnis favor.
Sors mente castâ numen est colentium,
Negantiumque debitum quod nemini,
Scelusque detestantium ac artes malas,
Malos ferentium, & nocentium haud malis,
Malis premantur sortis ut majoribus,
Quam gens malorum; at opprimuntur haud tamen
Dum parma pectori aris est septemplex

*Invisita, constans semper innocentia,
 Invisa terris sepe, grata at numini,
 Amica cælo & semper innocentia.
 Sors est bonorum, ut sint malorum plurimi,
 Malique plures. Tanta quippe raritas
 Bonorum ubique est, calculum ut ponentibus
 Haud imperitis temporum magnis viris,
 Post regna, post moresque visa gentium
 Et instituta plurimum, vix diviti,
 Quot ora Nilo (flumini septena sunt)
 Thebisque porta, deprehenderint bonos.
 Rhetorque Consul, Rhetor ex & Consule
 Fit indies, fit sortis ex libidine;
 Mutante cum quâ quilibet mutat locum,
 Nolit velitve. Sortis hæc mutatio,
 Hæc ira sortis, sortis indulgentia est.
 Fortuna ridet plurimis nascentibus,
 Ridetque Apollo, quos & ostrum purpura,
 Majorum imago multa quos & excipit,
 Domus paterna & multiplex opulencia,
 Omnisque mollis ulna cornucopia,
 Felicitatis uber & cuiuslibet,
 Deest nihil queis, defuturum queis nihil,
 Manente largâ sortis indulgentiâ:
 Irata contra est plurimis nascentibus,
 Quos dura egestas, tecta vix satis domus,
 Macieque siccum matris uber excipit,
 Maciesque & ipsa, & omnium penuria,
 Famesque, & algor, & sitis, laborque qui
 Mansurus & diurnus & nocturnus est
 Super futuris; saxa queis, fœni aut strues
 Stramenque cunæ; mollius brutum quibus
 Decumbit in bovilibus parvum pecus,
 Letaque & haurit plena matris ubera:
 Non innocentis una sors infantia est.
 Diversa sors & omnium est amantium,
 Genialis & qui fulcra conscendunt tori.
 Nam Nisa Mopso, pulchra Thersiti datur;
 Et Socrati, quo sanctius nil nobiles
 Coluere Athena, quo nihil sapientius*

Mirata gens est Graja, Xantippes furor
Jam nupsit olim. Adversa fors amoribus.
Fallit parentum & saepe fors vocabulo,
Et liberorum. Sape nam injustus pater,
Injusta mater saepe, sapiens trucus
Instar novercae: contumax, inobsequens
Et saepe proles pessima est & optimis,
Ut Cesari, quo nullus ant laudatior,
& Meliorve nullus, natus olim Commodus,
Vixitque rexitque omnibus qui incommodus.
Hec favientis sortis & tormenta sunt.
Ex arbore ut matura, sole coctaque
Quae poma sponte decidunt, mortalibus,
Fulgetque fors ridetque cum jam splendida,
Et letiora creditur promittere,
Bona & priora auctera jam novis bonis,
Sic deficit mox, moxque tota disperit.
Pascitque fors, depascit & fors omnia.
Leguntque mella ut floridis è saltibus,
Et mella nobis dulcia offerunt apes,
Tamenque ledunt spiculis minoribus;
Sic sortis omnis comparata est indoles,
Prodest nocetque, cum hoc vel, illud vel lubet.
Sors nulla lata, nulla tam cuiquam favens
Offertur, ut non & molesta sit malis.
Adversa sortis spernere est quisquis potis,
Adversa nunquam huic ulla fors videbitur,
Adversa quamvis. Ista vis sapientia est.
Sors caca iudex. Caca multis approbat
Quae falsa. Posse & creditur tueri
Is falsa, vera qui tueri non potest:
Tam nulla multis, levis tam sententia est,
Templisque & inde tanta contumacia.
Sortem faventem qui petit semper sibi,
Immite adorat Numen, inscium obsequi,
Petitque & id, petendo quod negat sibi;
Petitque nam id, prestare quod fors non potest,
Sors, cui favere memini semper placet.
Circumvenire, fallere omnes sortis est.
Speculi instar omnis ista fors pellucida est,

Deforme quo in, pulchrumque quo quis inspicit,
 Non aureo ex freno, aureo ex ephippio
 Non aestimatur ut caballi nobilis
 Generosa virtus; sortis indulgentia
 Sic liberalis haud virum magnam facit.
 Cur nemo vivit sorte contentus sua,
 Rarusve saltem? Ignarus est sortis suae,
 Ignarus est & non suae; votum pigri est
 Plausum ut caballi, ephippium & votum bovis.
 Aliena quae sunt quilibet praefert suis,
 Et preferenda saepe non sanus putat,
 Mirum ergo non, contentus haud quod sit suis.
 Fii sorte vates laureâ cinctus caput
 Apollinari, somnia & Parnassia
 Pindique cui sunt nulla; nulla Sicelis
 Admovit uber Musa, quem Sâis rudem
 Coluitque nulla, bubseque & stercus merum,
 Et invenustas ipsa, & inficitia
 Dictator omnis. Sortis hac sunt praemia,
 Sprenenda semper praemium merentibus.
 Antiquius nil Sorte se est in omnia
 Vertente, & ista Sorte nil recentius,
 Mansurum & istâ nil ubique diutius.
 Sors dormit haud, quae jam videtur stertere;
 Et excitata semper est & pervigil
 Prompta hinc & inde inferre noxam cuilibet;
 Fugienda nulli, sed timenda & omnibus,
 Timenda semper anxie, & quovis loco,
 Humilique & editoque. Nam periculis
 Injuriisque mille non ullus caret.
 Sortis vacantis est leve infortunium;
 Cum majus infert, unicum hoc furens agit.
 Cum Sorte jam nocente mascula est viri
 Quae lucta magni, nobile est spectaculum;
 Spectaculum omni pulchrius spectaculo.
 Est palma, quae, quo deprimis manu magis,
 Magisque vexas, fortius renititur;
 Vexata Sorte pectorum excellentium
 Sic alta virtus semper exstat altior,
 Minasque quasvis tuta Sortis despicit,

Minor videtur cum malis, nunquam minor.
 Perdi senectæ ipsam & iuventutem malis,
 Etatis & ver integrum quibus, manus
 Justamque robur & vigor, crudum genu,
 Genæque pictus purpur à flos nobili,
 Flos & iuventa, atatis & spes longior,
 Et sana mens, & corpus undans sanguine
 In vere tolli, flore & ipso cernimus.
 Etatis esse sors nihil tutum finit.
 Quocunque quis, quicunque sit, sedet loco,
 Sedet movendus Ista sors sedentium est.
 Res maxima est Sors semper, at non optima.
 Immane præceptum est timendum cuilibet,
 Calcare Lunam, sortis oblitus suæ,
 Dextrâ que solem prendere, & vano impetu
 Cælum occupare, inferre Diis ipsis manum,
 Ansu Gigantis qui effero præsumserit
 Sortis bonis suave, utile est malis frui.
 Plerumque curvum despiciit qui loripes,
 Niger nigroque non probatur Ethiops:
 Sna cuique sortis ignorantia est.
 Mixtura tantum sors boni omnis & mali est.
 Adversa sors ferendo tantum vincitur.
 Sorti furenti quisquis est qui obnititur,
 Furantis hunc mox unda sortis obruit.
 Quod contumax sors jam negat, negabit &
 Id voto inani &, irritique poscimus.
 Sors victa nunquam, victa nunquam sistitur;
 Hostisque sors, victrixque sors & omnium.
 Eadem esse summa injusta sors imis julet;
 Ad summa & ima sæpe quæ sunt evehit.
 Sors est malorum, qui nocent, semper timor
 Mali trementis est boni securitas.
 Tuba est timenda maximi quæ iudicis,
 Et ultimi, sors omnium mortalium est.
 Sors fumus est, favillaque igne quæ caret,
 Contrariisque ventus &, secundus &;
 Zephyrosque spirat, spirat & truces notos,
 Simulque spirat; antrum & idem est Æoli,
 Idemque sortis. Tuta sortis nulla sunt.

*Nunc mitis est fors , nunc & orba tigris est ;
 Aloëque melque , melle plus aloës habens.
 Paterna bobus rura quæ exercebat inis
 Sint leta , multa rura sint passim tibi ;
 Multis columnis fulta tecta , marmore
 Superba multo & ; aurea & laquearia ,
 Splendore lucens crusta quæ Memphitica ,
 Veterique texta anlea perpulchre manu ,
 Tota ac odores halet Assyrios domus ,
 Nihilque desit , ac abundant omnia ,
 Futura tandem sortis illa praeda sunt ,
 Spoliumque dives temporum rapacium.
 Socii ac amici , hostesque , sint multi tibi ,
 Sna illa quidvis fors rotans vertigine
 Vertensque ubique , mox negabit & tibi ;
 Proque hoste amicum , proque amico hostem offeret .
 Auferre mox allata quæ sunt sortis est ;
 Æstasque brumam ut , bruma ut æstatem rapit .
 Morbique egestasque ac fuga , & bella impia
 Clausère tristi tempora hæc indagine ,
 Obsessa passim . Mille fors nocet modis .
 Glaciale quamvis consulas fugâ tibi
 Ad aquor , injustæ hand fugis sortis manus .
 Inusitato nascitur qualis modo ,
 Rosoque matris ventre dirus Scorpio ;
 Sors leta talis plurimis progignitur
 Jam dissipatis rebus ex felicium ,
 Versisque . Sors diversa nam semper parit ;
 Ridere & hos cum , flere tunc istos jubet .
 Sortem dolenti pauperum desunt opes ;
 Opibusque præpollentibus dæst dolor :
 Et illa sortis improbæ est iniquitas .
 Sors mille votis se fatigari cupit ,
 Precibusque mille , prona ut esse , esse ut favens
 Velit indigenti . Mille post fastidia ,
 Post mille plus quam , sortis est faventia ,
 Nec diu faventis cupiam , impetrabilis ,
 Et cantis instar sæpe inexorabilis ,
 Hoc sortis est , miscere leta tristibus ,
 Offerre mixta & cuilibet mortalium .*

*Sapientis olim in Perside hæc sententia est,
Qua dicta nulla certior sententia,
Tripode ex nec ulla prompta qua sit verior :*

ROSÆQUE SPINÆ ET, ET MERUM
ET CAPITIS DOLOR,
THESAURUS IN TERRA ABDITUS,
SERPENTIUM ET
SPELUNCA DIVES, UNIO ET PEL-
LUCIDUS,
CROCODILUS ET, PARATA MORS
QUÆRENTIBUS,
ET HERBA ODORA, TRUNCUS ET
QUI EXARUIT,
INIMICUS AC, AMICUS ATQUE,
CUILIBET
UNO ACEODEM SE OFFERUNT SEM-
PER LOCO.

*Sors blanda fallit : fallere haud mirum est mihi ;
Suam esse namque quilibet blandam cupit.
Quod mille amicis amatum non ames,
Vix obvenitque , nec manetque amantibus.
Sors perfidos facitque plurimos, ut &
Sors perfida est. Plerique sortis ex faventia,
Ex commodisque deligunt charum sibi.
Non est amicus blanda quem dedit tibi,
Cum desinente blandus esse desinit.
Vendunt labori cuncta Dii mortalium ;
Sorte haud favente at perditus perit labos.
Ferente sorte vita cuivis suavis est ;
Sed non ferente , vita adinstar mortis est.
Peritque sors, cum sorte & omni quidlibet.
Lucrum parare quisquis institit dolo,
Sortis dolose non dolorum gnarus est.
A sorte qui negata quæ sunt appetit,
Accepta perdit stultus , & negat sibi.
Inimica sors est cum , quæ amicum jam premit,
Amantium gregem inter haud quisquam est qui amat :
Sani dolorem vulneris non sentiunt.
Quicumque abuti:nt bonis sortis quæ habet*

*Ridentis, is se pauperem brevi videt,
 Desertum &, atque destitutum ab omnibus;
 Procera qualis arbor, & pomi ferax;
 Æstate postquam prodige fructus dedit,
 Viduata fronde & nuda brumæ tempore est.
 Ex Occidente solis haud exortus est.
 Ex sortis attamen furentis casibus.
 Ex vespera calamitatum & omnium
 Ipsaque nocte, nocte densâ, lurida,
 Longâ &, malorum & undique ingruentium,
 Efferre latum vidimus plures caput.
 Non mancipanda nostro mens ulli est rei;
 Res sortis omnis nostra non manentis est.
 Virens in horto gramen ut solum placet,
 Sic sola quæ secunda sors mortalibus.
 Sortis referre nullus est imaginem,
 Qui posset. Nam cum ora sortis inspicis,
 Penitusque totam ac intimeque perspicis,
 Et vana imago sors, vaga est & omnium.
 Sors nulla quæ dat, nulla quæ accipit fident.
 Non terreat te sortis inclementia;
 Nam verberantis pugnus est iuvans manns.
 Arabum fides si habenda sit prudentibus:*

AMANTIS UVA PASSA DULCIS
 VERBER EST.
 IRASCITUR CUM SORS, MORARE
 PAULULUM;
 REDITURA NAM PLACATA MOX
 SORS EST TIBI:
 UVÆ RECENTIS QUALIS IMMITIS
 SAPOR
 MULTI HAUD DIEI MITIOR FIT
 SOLIBUS.
 SORS TOTIUS FAVENS FAVORE
 SÆCULI,
 ET SÆCULORUM MILLE (MILLE
 SI FAVOR)
 UNO NECATQVE, TOLLIT ET RA-
 RO HAUD DIE.

Inimica fors cui est, nullus huic amicus est,
Sed cui est amica, amantium plus est satis.
Adversa multis causa fors est criminis,
Coniuncta cum est mens laeva non ferentium.
Sua esse sortis bajulum quemvis decet,
Necesse & esse est. Excussit nullus jugum
Impositum ab illâ; nullus excussurus est.
Hac lege, in illa servitute nascimur,
Dominique servique, obsequentes Principi,
Et quos timendos Principes thronus facit.
His namque rerum sceptrâ queis mortaliuna
Commisâ, sortis illa quæ majora sunt.
Nil ore sortis latius, nil tristius;
Nil tristius sed quam imperanti subjici;
Reclor supremus vult tamen nos subjici,
Ne unquam, æviterna quæ futura, gloriæ
Spes aut amorque sorte falsos deserat.
Regem potentem cum omnium vides, vides
Solâ minorem sortis iracundia.
Nil sorte mortis durius mortalibus
Posse esse, & inde quilibet vel colligat,
Quod sit doloris maximi & dentem unicum
Evellere ori. Tu ergo & immensum pnta,
Animaque corporisque, quæ conjuncta sunt,
Nexumque morte vinculumque abrumperè.
Effæta nondum annosa fors mortalium est,
Æqueva & Orbi sit licet; partu novo
Die redit quæ, nocte quæque qualibet
Majora semper vanitatis concipit
Editque monstra, visa non prioribus.
Qui sæculorum plurimum fuit labor,
Eversus horula unius sorti est opus.
Sæpe ira sortis plus favet favoribus.
Opes ruentis instar omnes sunt aquæ,
Sortisque quotquot offeruntur munera.
Bona quæ dedit cum angere sorti non lubet,
Perentque raptim deseruntque quæ dedit.
Montana nigraret indies maior
Jovis pluentis, Tigris & vastissimus
Rhenumque flumen alvei brevis forent

*Ab omni aquarum destituti copia,
 Felicitate sortis omnes ebrii
 Præsentis, nullo dum futurorum metu
 Se angere malorum & admoneri non sinunt,
 Futura cum præsentibus negant sibi.
 Miserum futurum se haud timet qui est jam miser.
 Non sortis ullo est dignus ille munere,
 Avarus auro compedes is qui injicit.
 Infræque Sortis vim omnium est industria,
 Laborque quivis, cura & anxia omnium:
 Iniqua cum Sors, arte nemo proficit,
 Sortis manum nemo effugit; tentorium
 Ubique figit, atque transfert cum lubet,
 In monte, campoque, atque desertis locis,
 Agrisque & urbe, & ambulat per omnia,
 Peregrina nusquam, nota ubique & omnibus,
 Crux nota & hostis carnifexque & omnium;
 Et nota passim cladibus quibuscumlibet,
 En Sortis improbam vicissitudinem.
 Orientis ore proditam prudentium:*

PEREGRINUM IN ORBEM CERDO SI
 DISCESSERIT
 PATRIIS RELICTIS SEDIBUS, NON
 EST MISER,
 EGENSVE VIVIT; SI EXUI FASTI-
 GIO
 PELLIQUE REGNO SORTE INIQUA
 PRINCIPEM
 CONTINGAT, INSTAR PRINCIPIS
 NIMRUSII,
 UTRIUSQUE SORTIS CASIBUS PAS-
 SIM INCLYTI,
 AB OMNIBUS DESERTUS AC DEFE-
 CTUS EST.

*Magnorum ea est Sors omnium & calamitas,
 Habeant minora semper irata ut sibi,
 Infesta semper. Nobilem ferocia
 Culex præfillus pungit & Lucam bovem;
 Lacerat leonis Massyli & mordet cætem*

Formica, robur esse cui nullum putes:
 Hand magna parvi, ut parva magni haud spernere est.
 Inopumque fortem saepe fors ligat manum,
 Sed auro inertem saepe & invictam facit.
 Fortuna miros exhibet nobis jocos;
 Vi consilii vir providus raro haud caret;
 Scopum sagittâ saepe contingit puer,
 Rudisque nesciusque eorum qua facit.
 Iniquitate pressa cum sapientia est
 Irâque sortis, haud minus Sapientiae
 Nomenque vimque possidet, pro iudice
 Sedente, recte quisquis & vana haud sapit.
 Amica nobis esse cum fors creditur,
 Specieque falsoque ore tantum talis est;
 Serpente cum ista ludus haud securus est.
 Aurora sortis saepe multis vespera est:
 Vitrique ad instar splendidi est quod frangitur.
 Ex sorte multum commodi ac incommodi est,
 Quastusque multum, ut ex mari, & discriminis:
 Spina & roseque semper est consortium.
 Turres solo aequari, alta sterni moenia
 Vertique & ignium ictibus, ceu fulmine,
 Urbes superbas, Sortis inclementiâ,
 Aetas priorum vidit, & nostra haec videt,
 Videtque passim &, & videbunt posteri:
 Erit futuris illa, quae majoribus.
 Maris momordit ut quae arenas anchora,
 Ne praeda venti, fluctuum aut fiat ratis,
 Ventoque & undis saepe cedit, ac minor
 Deprensa nauta est: sortis & constantia
 Malo ingruenti saepe non par est viri:
 Virtutis & sunt impares Sorti manus.
 Somno sepultus, & sepultus est mero,
 Experisque sensus omnis, expertus mentis &,
 Gnavusque rerum haud quaeque quas mutat dies
 Vertitque quaque, quisquis inconstantiam
 Sortis perennem haud esse persuadet sibi.
 Cereali aristâ qui beatus campus est,
 Silvaeque saltus omnis, & prata herbida,
 Lasciva prata, fertiles vites meri,

Donum datoris leta quæ sunt Liberi,
 Ulmiquæ latis illigata vitibus
 Nuptæque, vis alta & superba quercuum,
 Patulæque fagi, per via non fulmini
 Lauri virentes, atque palme nobiles,
 Pondusque quas omnesque quas nullum opprimis,
 Virides Napææ, grata luci Numina,
 Et dulce Floræ, dulce Pomona quod est,
 Nemorumque quodvis, omne & hortorum decus,
 Spolium fuisse sortis, & futura sunt:
 Similique passim quidlibet perit modo.
 Metuenda sors quam, hinc colligas licet: suâ
 Pugnaturque sors vincitque & immittit manu.
 Timet minorem major, & sic fit minor.
 Promissa sors hand servat, hand servat fidem.
 Sors ista victi Martis irâ semper est,
 Victoris ut sit in manu libidinis,
 Mannaque dura, immiti & implacabili;
 Nam parcere hosti, credit esse hostis sibi,
 Pium esse bello &, esse non clementiam,
 Dignamque cade est parca quæ cedis manum,
 Sibi & nocere qui satis victo hand nocet.
 Hinc quæ geruntur bella tam cruenta sunt.
 Dubioque Cræsus falsus est Apolline,
 Dubiaque & omnes Sorte stulti fallimur.
 Inimica sors est omnibus, placet quibus
 Virtus & hostis omnium est virtutibus.
 Iniquitate sortis est iniquius
 Nil: Sors iniqua semper optimo est viro
 Jocosa passim sortis humane patent,
 Videsque cum infimos, videsque & maximos;
 Nulli illa parcit, & pepercit nemini.
 Nil esse sorte pejus hinc intelligas,
 Adversa quod sit optimis mortalium,
 Plerumque amica, falsa sed, sit pessimis.
 Fascesque sunt, sunt sceptræ sortis omnia.
 Dare quod potest, auferre & idem sors potest.
 Armoque & armus, Sorsque sorti opponitur.
 Per tela sunt, ensesque quæ sunt in via,
 Percuntque sortis occiduntque injuriâ.

*Bellona multum posse nobis creditur ;
 Bellona nulla est : Sortis est potentia.
 Servire Sorti servitus est omnium,
 Dominusque rerum huic quilibet subjectus est.
 Licetque quidquid, quidquid & nulli licet,
 Omne & licere Sors putat, semper sibi.
 Quæ Sortis est, est omnium mutatio :
 Cum Sorte versâ vertit ora quilibet.
 Doloris omnis gaudiique est Sors parens,
 Genitrixque mellis larga, larga fellis &
 Et sacchari divesque & est absinthii.
 Nocensque Sors, favensque non servat modum :
 Raptique redditura Sors quidquid rapit,
 Redditque Sors, raptura mox quod reddidit.
 Sors sola egena, sola Sors & dives est ;
 Ditesque sola, sola pauperes facit.
 Nuper quadriga cuncta Sortem compita
 Videre pervehi ipse sum visus mihi,
 Pullâque partim veste, partim candidâ,
 Et discolore se tegentem supparo,
 Fastu superbam turgidamque plurimo ;
 Altâ quadriga, quam trahebant Gaudium,
 Dolorque ; desperantium ac ingens manus
 Aderat satelles, & cohors ridentium,
 Plorantiumque. Sortis hic paratus est ;
 Orbemque talis universum circuit,
 Invisit & ; terretque nunc, nunc & faveat.
 Videre sortem navigantem & sum mihi
 Visus ; videre discolore nobilem
 Velo carinam, candidus partim cui,
 Nigerque vultus : tota proles Æoli,
 Pugnaque proles invicem, cui comes,
 Sistensque nunc & , provehensque nunc ratem,
 Jactansque aquarum fluctibus contrariis,
 Sors tota talis navitis mortalibus.
 Avara sic ut, larga sortis dextera est.
 Noctem minatur, luce dum noctem tegit.
 Sorti omnis ille qui obstat, obstat & sibi ;
 Nam sorte nîl se porrigit potentius.
 Sors tota monstrum semper est versatile ;*

*Nunc isto & are, istoque semper nobilis.
 Audere Sors est omnia indigentia.
 Res tota Sors, spes tota sors mortalium est.
 Mutatio omnis, omniumque, ferculum
 Est fortis; unicum illud offert cuilibet.
 Mage immodestum sortis immodestia
 Se offert nihil. Sapit modeste is qui utitur.
 Hoc sorte quod favente quis capit sibi,
 Perditque sorte non favente, inter bona
 Censere, magna &, plurium & dementia est;
 Opesque magnas, nobilem & profapiam
 Famamque claram, regnaque ac amplissima.
 Sors ista sortis omnium fruentium est.
 Favore, sese sortis ut non eximi,
 Ut excipique casibus contrariis
 Non posse credant. Sortis est nam quidlibet,
 Sortisque pandunt regna se per omnia.
 Cebes tabellâ inclarnit quâ olim catus,
 Hodieque claret, clarus omni & posterum
 Futurus ævo est, nil tabella quam aurea,
 Tabella quæ cujuslibet prudentia
 Præcepta pingit aureis coloribus,
 Verisque scite pingit, haud mendacibus,
 Et Sortis ipsam, qualis est, imaginem,
 Faciemque pingit. Ore stat Sors lûrido,
 (Referre cuncta nam nimis longum foret)
 Quid sit bonum, quid sit malum, quid non bonum,
 Malumque quid non, ipsa gnara quamlibet,
 Ore invidentis obtegens, tegens sui ut
 Sors semper est. Vides sedentem, donaque
 Quæ donat inter, inter obsessam & mala,
 Numerare nulli quæ datur mortalium,
 Sua offerentem his, his negantem munera;
 Pariterque mox & auferentem quæ dedit,
 Spinisque floribusque vestitam caput;
 Intemperantia ipsa, prodigalitas
 Et ipsa, avari vana quæ sunt somnia,
 Manusque & ipsa tota quæ fallaciæ,
 Clandunt latens superbientis, & comæ
 Amicus adstat ore, corde perfidus;*

Circumstat ingens turba gessientium,
 Gementium sed major ac plorantium,
 Dolentiumque sortis incertas vices,
 Vicesque mille, vertitur queis quidlibet,
 Idemque eodem non manet fixum loco.
 Depicta sors est talis antiquo Sopho;
 Tamen haud inepta sortis os picturus est,
 Sit cum nihil, picturus est quisquis nihil.
 Oneraria ut jam sarcinis prioribus
 Merce & vaciva navis, impletur novis;
 Ad hunc iniquitate sortis & modum,
 Quodcunque depulsum est malum, novum excipit.
 Accepta sorti ferre quæ debes bona,
 Bona esse vera hæc, & tua esse, non pates;
 Mansura nam tibi illa Fortune haud manent.
 Efferre sese accepta propter haud decet,
 Animove frangi apta sortis ob bona.
 Exercitus malorum &, & vis plurimum,
 Queis cuncta magnis perdomat victoriis,
 Victusque totus queis triumphus orbis est,
 Sorti, nocere accincta cum est, parata sunt.
 Plorare vanum adversa quæ sunt sortis est,
 Sapientis haud ac spernere est sortis minas.
 Plerumque sortis quilibet faber sua est,
 Malamque quisque dum, bonam aut struit sibi.
 Regum aula quævis magna sortis regna sunt,
 Regum aula quævis, queis nihil potentius,
 Obstare posse creditur queis & nihil,
 Deestque nil &. Sors ubivis imperat.
 Plerumque telum sortis haud vitabile est.
 Nulla his videtur sortis innocentia,
 Ipsi nocentes qui nocent soli sibi:
 Opinione sors rea est dementium;
 Est nostra, nulla sortis est dementia;
 Et nostra, nulla sortis inconstantia est;
 Et nostra, nulla sortis est injuria;
 Iramque sortis credit iratus sibi.
 Pana illigatus sæpe legis Julie,
 Dum frena laxat perditæ libidini,
 Mernit quod ipse, id sortis esse judicat;

Sors causa culpæ, causa pœna creditur;
Nullum sed isto majus est delirio,
Offerre majus ipse quo haud potest Furor.
Seni puertia, error & puertia
Sors est : senectæ & omnis est puertia.
Jam victa sors quæ, victa non statim redit.
Ventura sortis omnis ætas nescia est :
Vagina gentium, officina dives ac
Mavors virorum & ipse quos genuit sibi,
Sibique legit, nobilis Septentrio
Europæ, & ille nobilis victoriis,
Tot ille pridem dives & victoriis,
Ventura nulla quas loquetur haud dives,
Nulla haud stupebit, inclytis passim urbibus
Surgit superbus, vique major temporum
Quavis putatur ; præda quævis sortis est
Futura sed mox, invium cui est nihil,
Nil haud domandum, nil manere quod lubet :
Mansura forte at vana sunt spectacula,
Cineresque post & busta post & urbium :
Imago rerum rebus est perennior.
Regnum potentis nobile illud Galliæ,
Opibusque semper nobile & civis manæ,
Europa nullum majus aut florentius
Quo tota jactat, sævit in se jam domi
Jugulatque sese Principum turbantium
Studiisque fœde & partibus contrariis
Scissumque divisumque. Pacem pellere,
Et motibus miscere cuncta, sortis est,
Nunquam quietæ quæ quietis hostis est.
Oculisque falli, & oris immodestia
Errore falli & aurium, sors omnium est.
Plerique nobis fingimus præsentia,
Præsentia haud quæ, neminique quæ manent.
Errantium hæc sors omnium & delirium est.
Tu sortis arctis colla cur amplexibus
Et stringis, ori & suave figis basium ?
Meretricis instar falsa vultu decipit.
Ut naviganti semper est anceps mare,
Jactamur & sic mille sortis fluctibus.

Orbis colonus aspera & saxa incolit,
 Nudasque cautes, inter & discrimina
 Metusque mille, omnisque inexplicabili
 Et casse cinctus undique & clausus mali.
 Lege hac iniquâ quisque Sortis nascimur.
 Rheni illa quondam ripa semibarbara,
 Aut tota barbara, illa quæ Germaniam
 Fœcunda potat, culta nunc est moribus
 Et legibus, queis sanctiores Græcia,
 Queis castiores Roma nec Quiritibus
 Antiqua fixit. Sortis hæc mutatio est,
 Bonum malo mutantis & malum bono.
 Amor Minervæ, Apollinis prætorium,
 Scientiarum magna mater omnium,
 Parensque lata & omnis elegantie,
 Gens Græcia quondam, pressa Turcarum iugo,
 Scientiarum ignara nunc & omnium,
 Prioris omnis nescia elegantie,
 Hebet siletque. Sortis hæc injuria est.
 Adversa quæ fors, plurimis semper manet;
 Semper secunda at, larga semper & favens,
 Nigroque cygno, albâque rarior pice est.
 Cum regna Sorti, sceptrâ cum Sorti obsequi,
 Sequi & moventem, seculis prioribus
 Nostriisque multum multaquæ & terrentia
 Exempla ubique, semper & monstraverint,
 Et regna, sceptrâ & sortis insanus negat.
 Adversa quæ, secunda quæ fors, est levis;
 Leviorque vento est & ruente fulmine.
 Servire spectas qui jubere suetus est,
 Regnatque quem videre servum contigit:
 A sorte ea omnis imperatur servitus.
 Cave tuum esse illud putes, fors quod dedit,
 Injusta iniquâ dividens quidvis manu.
 Quod perdere haud vis, quod potes haud, hoc tuum est,
 Tuumque solum; Sortis at sunt cetera;
 Lex fixa nulla cuius est libidini,
 Quæ tollit & dat cuique quod vult, quod lubet.
 Superba fors est; se coli, haud flecti finit:
 Fors cantis instar dura quæ Marpesia;

Sors tota saxum, Sors inexorabilis.
Tricosa sors est, nil manere cui placet,
Amenitatis, suavitatis & nihil;
Fel tota, pasta felle solo potaque,
Et proma fellis, dulce quamvis rideat,
Labrisque fallax osculetur melleis;
Pungitque mordetque omne leta basium;
Amplexus omnis rete tantum & cassis est;
Porrecta dextra & uncus est & vinculum.
Comes eminentia sortis invidentia est,
Sequiturque semper maximos mortalium.
Sibi furorque est, error & gravissimus,
Mansura sortis leta quæ promittere,
Levisque Divæ, Diva si, constantiam.
Est impedita veritas, alto in latet
Puteoque mersa, nullus est profundior,
Majore nullus quo obsitus caligine.
Sapere est laboris plena Sors volentium,
Animoque veri expellere ignorantiam.
Illa incluta olim, turribusque & urbibus
Superba tellus plurimis Iberia,
Superba nunc & plurimis & incluta,
Sed paucioribus, sed & novis, edax
Urbes vetustas dente dum rodit suo,
Molesque structas nobiles majoribus
Inimica vertit, sortis haud nescit vices,
Heu! Sortis ipsarum helluonis urbium.
Fœcunda quondam & leta mater urbium,
Coloniarum leta mater Italia
Tellus vetustis clarnit quæ sæculis,
Magnisque nunc & clara civitatibus
Multisque passim, jam perire quod vetas
Humique sterni, surgere ac id quod novum,
Inferre & astris ante non visum caput,
Dolet stupetque, principem sed maxime
Deamque quondam gentium urbem Romuli,
Totoque victo ab Orbe cultam supplice,
Cineres prioris bustum & esse gloria.
Fuit omnium sors hæc, futura & urbium est,
Quæcunque sint, quæcunque magnitudine.

Et Morbus & Mors certa fors est omnium;
 Immissa nos in mille morborum est phalanx,
 Angetque quos, gignitque quos novos dies,
 Nullis priorum cogniti qui sæculis.
 Ferox malorum & mille Morbi Regia est,
 Animique & hostis, hostis & nunc corporis,
 Et facta tota spiculis letalibus.
 Nunc sola prodit, victa sed, sed victaque,
 Tradux adusta bilis ac succi nigri,
 Gignensque alensque mentis agritudinem,
 Specieque terrens simplice haud imaginum;
 Imaginem quæ pingit ex imagine,
 Umbramque ab umbrâ ducit, umbrosum malum,
 Melius tenebras esse quas tu dixeris,
 Densamque tantum & luridam caliginem.
 Animique & error, magnus & raro haud furor,
 Alumna mille, mille phasmatum parens,
 Alumna monstri haud unius, vera Africa,
 Informe monstrum cui parit semper novum,
 Formido tota, mille dux formidinum,
 Terretque & ipsam dira quæ Formidinem,
 Sub mole cuius plorat & gemit miser,
 Gematque sed, ploretque cur, ignarus est;
 Malo absque & omni fingit & malum sibi,
 Et pejus haud quo, quoque non nocentius.
 Quicta cum videtur iniquies quies,
 Mentisque turbo tantum & insanus Typhon,
 Spirante quo tranquillitas expirat &
 Statu & movetur pectoris constantia,
 Sum & tueri mota mens nequit locum.
 Nunquamque sperat idem &, & negat sibi;
 Mærore mæror nullus est quo mæstior,
 Uber doloris semper exsuccum bibens,
 Sitiensque semper, semper & leporis metus,
 Metuenda solo in incidentis ex metu,
 Metusque quæ sunt sola cui metuenda sunt.
 Farrago rerum vasta quæ fuere, sunt
 Quæ, quæ & futura, quæque nunquam forsitan
 Et sunt futura: vera Crispis Elia,
 Quæ & esse quidvis, esse nil & dicitur.

Ænigma, fingit quod, nec explicat sibi.
Torquetque quo sese ille qui fingit sibi,
Sui ipse dictator qui & est delirii,
Delirii & morosus interpres sui.
Insana fingendi omnia immodestia,
Suique, rerum & omnium confusio,
Intemperansque tota perturbatio.
Nil plena quam umbrarum domus Plutonia,
Exilis haud quæ est, ampla sed multum domus,
Charontis atrâ picta tota quæ manu,
Spelunca quâ in trux Eumenis, parens metus,
Furiæque & omnes inferi quot sunt lacus,
Acherontis & Stygisque, Phlegethontis &
Posuere sedem nuper haud fixam sibi,
Posuere & olim, monstra multo & pluria
Et monstra monstris quæ omnibus majora sunt,
Non vena secta, non & Helleborus cui
Possunt mederi; cui quietem debitam
Somnumque nulla porrigunt papavera,
Tota illa Proteus mille formarum capax,
Tenaxque mille, & ore plus quam centiceps,
Non visa quæ, non picta, quæ pingit sibi,
Fingitque semper, semper & struit malum,
Terretque semper, ægri inane somnium,
Deliriumque inane, sunt majora quo,
Fœcundiora nulla quo deliria, &
Infesta magnis mentibus deliria.
Pictura rerum cognita quæ nemini,
Viseque nunquam; somnium somno cævens,
Et somnio quodcumque semper vanius,
Chæosque, territansque vultus omnium.
Speratque quæ vix, non timenda quæ timet,
Hostile quidvis esse dum putat sibi;
Ægrique & ægri haud morbus & molestia,
Febrisque, nec febrisque, quidlibet, nihil,
Morbusque, nec morbusque, tota fictio;
Moteque Lunam ad quæ timens arundinis
Legionis umbram & instar adversaria
Putat; tremitque se modo ut tantum offerunt
Pigmeus & pullusque gallinacens,

Passerque glisque musque & pulex levis,
 Quæ tristia esse censet hæc quæ lata sunt,
 Et lata censet inter hæc quæ tristia,
 Minorque mentis nullius gnarur rei est:
 Animique vires corporisque destruit.
 Vigilantis illa somnus, illa somnium
 Non dormientis, somniis feracius
 Quæ sola vulgus esse somnia autumat,
 Et offeruntur indies cuilibet.
 Imago vana vana quæ est imaginis;
 Stuporque tantum nescius discernere
 Quod est, & esse quod putat, cum sit nihil;
 Nimisque nunc quæ lata, nunc tristis nimis,
 Nimio tenetur odio, aut amat nimis,
 Et nunc abundat omnibus, nunc & caret,
 Opinione dives ac egens suâ,
 Speratque nunc & quidlibet, nunc & timet,
 Spes magna sæpe, sæpe desperatio;
 Consuta tota rebus ex contrariis,
 Studiisque & in se armata quæ contrariis.
 Vaporis illa nata quæ & fuliginis,
 Fuliginisque nulla quâ fumosior,
 Nigriorque & illâ quâ nigrescit Æthiops,
 Ignesque Nox jam quam minores deserunt.
 Rationis arx invaditur quâ perpetim,
 Intenta & uni mille res fingit sibi.
 Centaurus hujus est, trifaxque Cerberus,
 Impostus Ossæ Pelion, furens Gigas,
 Pigmæo & agmen parvulo oppositum græum,
 Et quidquid est ejusmodi delirii:
 Et Hercules, Orlandus ac Iberia.
 Ventosa quem gens ausa fingere est sibi,
 Haimonis & quot nobiles jam filii,
 Antæque tot queis sunt priorum fabula.
 Mons parturit cui monstra, cui cælum cadit,
 Terraque & esse non videtur destina:
 Frequentia in cui solitudo perplacet,
 Omni illa multò ut tutior frequentia;
 In solitudine esse cui frequentia
 Metu videtur, nilque tota quam metus,

Terrorque tota, immanis & vefania,
 Mille officina, mille nugarum penus,
 Augetque quas foventque qualibet dies
 Magis magisque, nescias consistere;
 Mendaciorum &, multa quorum millia,
 Et plura multò multa quam sunt millia,
 Quois biliosum tentat & vincit virum;
 Portenta fingens mira, quois par est nihil,
 Nihilque par natura mater edidit.
 Hoc Candidatus iste jam monstrum domat,
 Et non domandà, & Herculis qualis mann,
 Ingensque monstrum, informe, vix domabile,
 Vix quam medentis nobili Othfari mann,
 Suisque totum id qui excutit cubilibus,
 Sortis minorem & esse sic manum jubet.
 Adversa quæ dat fors secundis corrigit,
 Et quæ secunda, adversa per mox subruit,
 Noverca nunc, materque nunc & cnilibet;
 Unumque eidem semper haud os porrigit.
 Illud quod est fors esse nunquam desinit;
 Sin esse, fors est nulla jam mortalibus.
 Sortem obsequentem habet, sibi ille qui imperat,
 Non obsequentem, quisquis haud potens sui,
 Sui rector, credidit sorti omnia.
 Iniquitate sortis haud quodvis licet;
 Licet quod optimum, & probandum quod, velis.
 Non sorte qui, virtute sed qui, dives est:
 Istâque major nulla non opulentia est.
 Ex hoste amicum, amico & hostem fors facit;
 Ruina fors semper male ascendens est.
 Cosrois, alti Regis olim Persiæ,
 Late & potentis, aureis scriptum notis
 Lectum hoc tiaræ in nobilis fastigio est:

MULTI QUID ANNI, VITA QUID
 LONGÆVAQUE,
 PER MILLE TRACTA CASUUM DISCRIMINA,
 IRASQUE MILLE MILLE SORTIS FLUCTUUM?
 CAPUT TIARA INSIGNE CALCABUNT PEDES
 VILISSIMORUM FATA POST MORTALIUM.

REGNUMQUE NOBIS TRADITUM A
 MAJORIBUS
 TRADEMUS IPSI POST FUTURORUM
 IN MANUS.
 NASCUNTUR ILLA LEGE SORTIS
 PRINCIPES.
 NASCENTUR OMNES QUI FUTURI
 PRINCIPES.

*Oleas vagari extra, una sors est omnium.
 Gratum tibi est quod sortis est fastidium.
 Sors est timenda illi, nihil qui jam timet.
 Injuriam ipsa vita sortis displicet;
 Melius mori multo est, male hic quam vivere.
 In cribro aqua, omnis sortis indulgentia est.
 Sors est cavenda; cuncta sortis disflunt,
 Plenusque rimae est porrigit quem cantharus;
 Immensa sunt largitur aequor quae bona;
 Non fida sed sors ulla navigantibus;
 In littore & portuque perdit quae dedit.
 Fingunt inanis consilii monstrum sibi,
 Superare qui se sortis & versutias
 Dolosque posse artesque & omnes autumant.
 Amicus estprehendit is qui dexteram
 Deserti ab omni, sors negat cui & omnia.
 Non ulla lux est aviis mortalibus;
 Caligo sortis esse lucem non finit.
 Est navigantis quale per motum mare
 Iter molestum, exersque non discriminum,
 Carensve questus; litus in quod divitem
 Salvumque, mersum & saepe pellit navitam;
 Per regna sortis ambulantis & via est
 Itusque talis; saepe mollis & levis,
 Gravisque scrupis saepe & impeditus est,
 Fessus viator & miser quo in deficit.
 Libidini se sortis, est permittere
 Digittum gulaeque fancibusque Scorpii.
 Sors tympanum pulsat, tuba & taratantara
 Ubique sortis personat, sors classicum
 Canitque ubique. Sors movet bellum & gerit,*

Trochæque miles & satellites sortis est,
 Campusque pugna magna sortis area.
 Ex sorte & omnis, omniumque est servitus;
 Pauperque nam qui est, dives & qui, servus est.
 Est ille lapsus omnium gravissimus,
 Cum fors labantes impulit: nam injuriâ
 Sortis labanti porrigit nullus manum.
 Saxi unius turbatur hand jactu mare;
 Unoque & alteroque sortis & gravi
 Idem hand movetur, seque & ipsa non movet,
 Sapientis est quæ pectoris constantia.
 Quæcunque tandem oblata fors est, displicet:
 Opibus carentes omnibus, miseri sumus
 Virique ditis cura pectus exedit,
 Noctu diuque cura semper anxia.
 Adversa fors, quamvis repulsa fortiter,
 Tamen recurrit usque, more Parthico,
 Fugiensque pugnât semper, & pugnans fugit.
 Invicta sortis nulla dantur casibus;
 Cuncta hæc domantem sæpe virtutem domat.
 Ut esse solis latius lumen solet
 Jam jam cadentis, sortis & blandæ favor
 Plerumque nobis major occidentis est.
 Virtus repulsa nescia est quæ sordida,
 Sortis repulsam sæpe passa injuriâ est;
 Sorti illa, quamvis Sorte major subdita est.
 Livore vel, vel odio, ignorantia aut,
 Fit optima ut plerisque sint & vilia,
 Contemta & ; est hæc lava fors & omnium.
 Vix id redit, pellente sorte quod fugit.
 Epulasque fors cum porrigit lautissimas,
 Gemmata pocula, atque Setimum mernum,
 Cum melque, melle quidquid est & dulcius;
 Cum muscus esse, cum Ambra & esse creditur,
 Aconita se tunc offerunt bibentibus.
 Discedit & fors semper, & semper redit,
 Amica sive, sive & adversaria.
 Quæcunque sorti displicet virtus, scelus,
 Vitiumque virtus dicitur sorti placens.
 Gratissimum virtutis est consortium,

*Comesque virtus & sodalis per placet ;
 Et sola virtus : sorte cum negotii
 Falsisque sortis esse nil velim mihi ;
 Est quidquid illa nil nisi est merum nihil :
 Nil nos sumus ; sunt sortis & nil omnia.
 A sorte victus , sortis est injuriis
 Solus solutus , solus haud obnoxius ;
 Molli sed iste blanda quem fovit sinu ,
 Placetque cui ridetque & indulgentiâ ,
 Multis furentis sortis ictibus patet.
 Hac Feridani Regis est sententia
 Persarum in aula Regis olim maximi,
 Aulæque fronti inscripta , si Sado fides ;
 Sado , magistro nobili prudentiæ ;*

INFIDA RES EST QUÆLIBET MOR-
 TALIBUS ,
 INFIDA SORTIS PROPTER , ET DE-
 LIRIA :
 RERUM COLENDUS CONDITOR QUI
 EST OMNIUM ,
 RECTORQUE. SOLUM LUMEN IN-
 TUETUR HUNC
 TENETQUE POSSIDETQUE PROVI-
 DENTIVM ;
 NAM SORTIS INNITI BONIS , A-
 RUNDINI EST.
 PERDITQUE SORS , ALITQUE SORS
 ET OMNIA.
 SI CASTA MENS SIT , PURA SI SIT
 CRIMINUM ,
 SOLIO IN SOLO VEL IN MORI , PA-
 RUM INTEREST.

*Sors in recessu saltuum haud raro latet ,
 Ut dira tigris , nescientem quo opprimat
 Et non caventem. Qualibet latro in via est.
 Mors sortis ipsa obtemperat libidini ;
 Ignavum ut evehat virum & , magnum rapit.
 Sors cæca quamvis , quamlibet diem premit.
 Sapienti amica est illa , quæ sors hostis est.*

*Violasque caltasque , atque spinarum aspera ,
 Pluviusque gignit , promit ac ut Jupiter ,
 Malique sis , bonique sic fors est parens.
 Bene ille qui malis , facit bonis male ;
 Tamen ista , sola sortis ista factio est.
 Phœnixque cui , cuique & andax Armenus ,
 Syrusque cui Medusque , Parthus , Cappadox ;
 Pluresque victi ; cuius immodestia
 Par Orbis haud , & unus haud suffecerat ,
 Pellea proles , inclytum Macetum decus ,
 Majorque jam spe , spe minorque jam sua ,
 Dum concupiscit plura , quam ausa spes sibi
 Est polliceri prima , speque devorat
 Speranda quæ sunt nemini mortalium ,
 Et esse quidquid noscit , hoc cupit suum ,
 Suum & manere nemini vult Principum ,
 Etatis ipso in flore raptus occidit ,
 Potus veneno , perditus domestico &
 Dolo suorum . Iniqua fors Magno fuit ,
 Infesta si sic , cur minor qui est non tremit ,
 Mage sevientis sortis impar ictibus ?
 Epota Medo cum stupemus flumina ,
 Tractamque signa ad militum insanam manum ,
 Servire Medo in Graia tellus disceret ,
 Et imperatum ferre victoris iugum ,
 Re speque & omni perditâ exemplum dedit ,
 Sorti omnis impar quod cluat potentia ,
 Potentiumque , & queis potentius nihil .
 Sors castra castris , & ducem opponit duci ,
 Et militantem militanti strenue :
 Adversa cuius semper est sortis manus ,
 Haud impigra illa , semper adversaria ,
 Haud una , fida haud , multiplex sortis manus ,
 Ancepsque quæ , jurata quæque nemini est .
 Mansura non fors ; omnis est fors lubrica ;
 Feritque fors , servatque fœdus nemini .
 A fronte , tergo à sortis est opponere
 Sufflamen unum haud optimis conatibus .
 Parare magna multus est labos sibi ;
 Evertere hæc sed , sortis est brevis labos .*

*Amnesque nec, nec alta montium iuga,
 Rapidusque Phasis vel, vel asper Caucasus,
 Lacusque nec, nec saxa, nec quæ esse invia
 Nobis putantur Sortis excludunt metum,
 Manusve Sortis: pervium huic est quidlibet;
 Obstare sortem quidlibet videt sibi.
 Nullam esse virtuti inviam magna viam
 Dum creditur, fors inviam raro haud facit.
 Pacata cum videntur esse tempora,
 Omni paratæ armata fors bellum movet,
 Et clam palamque classicum passim canit.
 Pacem esse noster dum putat Batavus sibi;
 Ille inclutus qui pace nunc Iberia,
 Post gesta sæcli bella pene totius,
 Et bella multo quæ cruenta sanguine,
 Amica quondam se movet Britannia,
 Et pace nobis semper illa nobilis,
 Mari in quieto & excitat fluctus novos.
 Fit sorte Princeps sæpe civis victima;
 Civis cruenti victima & fit Principis.
 In sorte vanâ quisquis est fiduciam
 Qui spemque ponit, ille desertor sui,
 Et proditor, juratus hostis & sibi est.
 Parere sorti quisquis haud potest, perit;
 Vis namque sortis est inevitabilis.
 Sorte haud favente prodigus laboris est,
 Nullusque frangit quem, fatigat aut labor.
 Vis nosse sortis ex Scythis imaginem,
 Veramque sorti haud discolorem imaginem?
 Pede illa destituta est, penna sunt manus:
 Prendenda & alis ergo, ne mox avolet,
 Reditura nunquam, si favere jam velit,
 Ridentis & præbere dulce suavium.
 Legatione nobili quondam Scythæ
 Juveni illa talis picta Pellæo fuit.
 Nil quam ferarum lustra sunt sortis specus.
 Et læva cum Ortum, & dextra cum Occasum tenet,
 Sors certa tanti Principis tandem mori est.
 Adversa sors est, vota cum excedunt modum.
 Invita blanda sors teneri non potest.*

*Secunda sortis luditur non alea
 Semper, diurna sive pernox alea.
 Sors ebrii ista est, ut sepulchrum sit sibi.
 Per sortis inconstantiam nihil sibi
 Promittere aut negare cuiquam licet.
 Ex melle sors & felle mixta est qualibet.
 Fit sorte quivis ut viam ignotam terat.
 Incerta sortis cuncta sunt mortalibus.
 Sors divitemque pauperemque & impetit:
 Qui dives auro est, perditisque moribus,
 Non dives est; at pauper est quisquis, licet
 Ab omnibus jam destitutus, dives est,
 Piusque si sit, more si probo integer;
 Quasvis habetque, possidetque quaslibet
 Opes. Sed huius pulchritudo sordibus
 Cænoque multo turpis & deformis est.
 Adversa magnum sortis haud frangunt virum,
 Ut mersa cæno gemma se non polluit.
 Illustis esse sortis est profapie,
 Sortisque tantum. Splendidis maioribus
 Inersque degenerque raro haud gignitur,
 Splendente ut igne ex nascitur vilis cinis.
 Vacui instar est secunda quæ sors tympani,
 Clangore solo tota commendabilis.
 Sors plurimorum stulta arat, non seminat;
 Iniqua multum seminat, metit nihil.
 Cum sorte luctari, manum inferre est sibi.
 Rerum perito sors iniqua semper est,
 Nam est cum imperitis semper huius negotium.
 Mens gnara rerum sit, perita casuum;
 Semper futura sortis ignorantia est.
 Quicumque rebus utitur florentibus
 Bene haud, faventi nescius sorti obsequi,
 Inobsequentem reddit, infestam & sibi.
 Sors parca sit, sit larga, parcat nemini,
 Et larga nulli est. Quod dedit statim rapit.
 Sors scæva quæ, quæ adversa, tota non nocet;
 Ipsis medullam constat esse & ossibus.
 Cum sorte fas haud se favente extollere;
 Cum non favente qui sapit non concidit.*

*Incerta quævis, cæca sortis omnia :
 Præstare quisquis creditur prudentiæ,
 Est cæcus amplam qui gerit facem manu.
 Sors cum malis favet, bonis injuria est ;
 Et ista perpes sortis est injuria ,
 Quâ major esse nulla, vel fingi potest ;
 Tamenque nulla se exhibet frequentior.
 Amica sors sit, non habenda sit fides ;
 Tibi esse amica cum videtur, hostis est.
 Specie beatos sors facit, re non facit.
 Alii labore multo opes ut congerant,
 Aliique nullo ut consequantur maximas,
 Mortalium sors omnium est & temporum.
 Regens habenas nullus est sortis sua.
 Sors sapius, plerisque quam virtus favet :
 Ortu occidit subinde in, Occidentis in
 Et surgit oris. Sortis exlex ortus est,
 Occasus exlex. Nulla sit sorti fides
 Loca omnia is qui circuit, qui flumina,
 Montesque & urbes, porrigensque se nemus
 Ubique, qui marique clausas insulas,
 Terrasque multa ferre, multa & aquora,
 Terraque multum dâsse, multum & equori
 Quivis videbit. Sortis hæc injuria est.
 Remotus est quicunque natali à solo,
 Sortem prementem sentit, ut sentit domi,
 Gravius prementem & sentit, ac sentit domi.
 Sors sæpe victi est illa quæ victoris est.
 Sors obstat ausis plurimorum ingentibus,
 Modicisque & ausis. Nullus est sorti modus.
 Algere, sudare &, patique quidlibet,
 Brumamque & æstum, sortis est mortalium.
 Superbus ille pessimo longe est loco,
 Qui sorte pressos sæviante despicit ;
 Nam presso eâdem nullus huic amicus est.
 Incerta sorte cuncta sunt præsentia :
 Ventura quæ & sunt cuncta in incerto jacent.
 Nil sorte vivendi datum est iniquius ;
 Nam vita mortem longa nullius fugit.
 Hujus diei, crastini an sint tempora*

*Addenda summa, sorte in obscuro latet.
 Est tempus omne sortis; effluit cito,
 Ruit, fugitque. Qui sapit, statim utere.
 Injuriam sortis manere per potest
 Nihil. Nam edax fors est. Vetustas tãbida
 Saxumque ferrumque omne perdit temporum.
 Homines ut ipsi, sic caduca sortis &
 Humana quæ sunt. Occidunt & desimunt.
 Sortem faventem ne colas. Falsa hac nihil
 Tandem relinquit, quo fuisse se probet:
 Pretio in viris mansura sunt prudentibus.
 Sortis reluctans optimo est semper manus,
 Favensque pravis. Sortis hæc tyrannis est.
 In sorte tu repone nil fiducia;
 Sub vultu eodem leta, non leta & latet.
 Non una sortis omnis inclementia est.
 Nucem esse cassam prodit ut pondus leve,
 Sic falsum amicum sortis inconstantia.
 Sapientis est docere quosvis quidlibet;
 Sapientis at fors, quod doceri non velint.
 Magnum ille se qui, sortis haud videt vices.
 Bello à cavendum est. Sorti & armatam manum,
 Pugnamque ferro inferre, non prudentis est.
 Sorti haud secunda quisquis est qui irascitur,
 Nocentior em sic facit sortem sibi;
 Hostis sibi est, hostem suum ille qui adjuvat.
 Potentiori ut, subjicit sorti manum,
 Qui cantus. Est vis sortis haud domabilis.
 Sorte haud ferente nulla vis est consill,
 Ut nulla, vento non ferente, navita.
 Vexatque despicitque fors & maximos:
 Et nulla major sortis est superbia
 Movenda sunt quæcunque sunt mortalium;
 Sortem movet nil, sed movet fors omnia.
 Cantosque & incantosque fors falsos habet.
 Fraus tota fors est, tota fors dementia,
 Et impotens potentia, & delirium,
 Recreansque nunc, nunc territansque somnium.
 Et vanior fallaciorque somnio.
 Sors arma porrigit cui, hujus hostis est
 Opibusque, liberalis offert quas, nocet.*

*Sit cæca quamvis sors videntes decipit ,
 Seroque falsum sorte se falsus videt.
 Fit sorte sera ut sit Phrygum sapientia.
 Nimirum in reponit sorte qui fiducia,
 Severinensis hoc Roberti perlegat
 Tumulo in legendum & , & legendum posteris ;*
**ROBERTUS HAC SUB MOLE BEL-
 LATOR CUBO,
 ROBERTUS, ILLE MARTIUS DUX
 ITALUM:
 GERENTE ME REM FORTIS ADRIA
 ET STETIT;
 PEREMPTUS OMNEM FT ADRIÆ
 SPEM SUSTULI.
 GERMANUS INSOLENTER AUSUM
 ME DEDIT
 EXEMPLUM UT ESSEM POSTERIS.
 NEPOS CAVE.**

*Sors omnium invadit bona , ut vacantia.
 Dolos carere posse , vim & successibus,
 Claret patetque sortis ex injuria.
 Excisa quondam militantis Græcia
 Armis superba & Ilios , Roma & manne
 Eversa pridem Barbararum gentium ,
 In sedibus vix nota Roma jam suis,
 Sibi que vix jam nota , nota vix suis,
 Semi & sepulta ferro aratri pervia
 Ingentium ossa & Marte clarorum ducum,
 Prætoria & Regum ruinosæ domus,
 Quæ pulvis infelixque nunc herba occulit,
 Sepeliturque surrectura vix unquam è situ ,
 Sortis , struendi & destrnendi que artifex ,
 Perdentis omnes, omnia ac ut perdidit ,
 Et perditura quidlibet, monumenta sunt,
 Majora sunt majoris hand quibus metus.
 Meminisse nunquam sortis , obliti sui est.
 Ex sorte pandit lata passim se area
 Patetque curæ, dum timentur omnia
 Timenda quæ , ventura quæ sint nesciis.
 Telluris & quotcumque sunt , & æquoris,
 Nobisque plura & imminent pericula ,*

Sunt cuncta sortis : omnium fors est penus.
 Est rara vires temperat quæ fors suas.
 Adultera est fors ; sortis insanit procerus.
 Prohibente nullo & , & iubente nemine.
 Prohibetque fors quidquid modo est visum , aut jabet.
 Est pacta sortis littore in nullo anchora.
 Pelagoque cæloque & faventes cum vides
 Spirare ventos , ingruit vis protinus
 Trux turbinum ut , procellarum & furor ;
 Sic fors & ipsa , leta cum ridet viro
 Bonumque plenâ quodlibet spargit manu ,
 Mox promit iras , dona , damnans & sua
 Damnata perdit hostis implacabilis.
 Non sponsor ullus ; obses aut nullus datur ,
 Potest nec esse , pro bonâ sortis fide.
 Plerisque telis vulnus infertur suis ;
 Perire quos vult , sic jubet fors plurimos ,
 Ipsumque & armatum sibi opponit virum ,
 Sua favientem in sanciantem & viscera :
 Indigniore nemo quo perit modo.
 Jubentur ire cuncta quo sorte , huc eunt ;
 Cunctorum habena in unius sortis manu est.
 Cui multa sortis sunt data indulgentia ,
 A sorte parte non potest unâ capi.
 Domitæque Thebæ queis , bimembres queis viri
 Victique fusique & , nigrique regia
 Pulsata Ditis , quiesque non ausum nihil ,
 Illustre sanguen , inclytum Heroum genus ,
 Dedere victas vinculis sortis manus ;
 Dabuntque primi semper & mortalium ,
 Sicut priores . Sortis hæc constantia est .
 Longus favor sortis , brevis poena est mora .
 Medicina sortem noscere est suam mali .
 Nocitura furto ut plurimum rem fors gerit :
 Frande est latente sortis omnes fallere .
 Sors justa magni causa semper est metus .
 Sors est quietem quæ esse & alternam haud finit .
 Quæ strata sorti , murice obsessa est via .
 Orientis omnes undique acceptæ quæ opes ,
 Arabum & labores , quidquid Indo & gignitur ,
 Gignitque Ganges , magna sortis prada sunt .

Servire magnis sueta non fors mentibus,
Quacunque tandem, sit rubori nemini:
Quacunque cuivis, semper &, fors imminet.
Sit rara quod clementia & paucissimis,
Nil quam futurae sortis ignorantia est.
Spe majus est offerre sortis & minus,
Metuque majus semper & metu minus.
Miserique nos, servique, clausique hic sumus
Sortis catena; Vita tantum carcer est.
Damnis levare damna saepe fors jubet.
Quibuslibet tentanda Fortuna est modis.
Quas fors opes dat aurea sunt compedes,
Boiaeque tantum quis ligantur divites,
Est sortis, haud est Principis princeps locus.
Est praeda major saepe quam praeantium,
Captique quam vincentis est major manus.
Non certa spes ex sorte, non certus metus:
Stare & cadentem, fidere & stantem jubet.
Furente sorte tuta nec timentibus
Fuga ulla, nec constantia est audacibus.
Ventremp nepotis cum vorare praedia,
Agrosque opesque avorum & jam gule
Praedam esse cum vides (& esse perpetim
Vides ubique) & esse praedatrix manus
Non una sortis, uno & haud rapax modo
Esse, haud videri providenti non potest.
Delere cuncta quae vetustas dicitur,
Dicenda non est. Sors nova, & semper nova, &
Hoc ore nunquam visa, quo nunc cernitur,
Vetusta cum novisque mutat omnia,
Semper futura & omnium mutatio.
Non imperitis casum humana rei,
Sortisque magna quae impetentis omnia,
Quae tuta factis se probant pro insignibus.
Vibrata sortis quae lacerto lancea est,
Fodit potentis transit & latus viri;
Cui comparata nobilis quae Pelias
Celebratur hasta, cuspide ut defecta hebet,
Levisque tantum ad instar est arundinis,
Stramenque nisu haud quod fere ullo frangitur,
Sub sorte victa qualibet cujuslibet

Et fracta virtus visque jam pridem jacet;
 Imbellis ipsa & inclyti Alcidae manus,
 Qua tot domante monstra, terrente omnia &
 Terrere nata, sola Sors major fuit.
 Dextra rubente qualis infesti Jovis
 Sese ira prodit, editasque maxime
 Faculatur arces, turriumque culmina,
 Nubesque quæ inter extulere jam caput;
 Talis furentis magna tempestatibus
 Fortuna Sortis maxime est obnoxia,
 Patetque semper scvientis ictibus.
 Sors huic favet, latere quem intum sinis.
 Vibrare non & hastam acuta cuspide,
 Clypeo tueri & pectus haud septemplete,
 Galeamque pressâ sustinere non comâ,
 Armisque telo aut indui non perviis,
 Prodest juvatve, Sortis irata impetus
 Perire cum vult, perdere & cupit virum.
 Quæ lata Sortis esse vulgo judicant,
 Permixta nîl quam morsibus sunt basia.
 Immitis est, undisque seior maris,
 Ferociorque turbine insano Noti,
 Turbare cum Sors incipit, cumque omnibus
 Accincta ventis denegat portum rati.
 Adversa Sortis fortiter ferenda sunt;
 Absente non colore, non & corpore,
 Lachrymis furentem & nemo comminuit suis.
 Est nulla Sortis blandulæ constantia,
 Amorque mox in tedium convertitur.
 Est vana Sorti objecta contumacia;
 Victasque tandem & ferreus præbet manus.
 Uterum gerentis illa sæpe Sors fuit,
 Enixa sit crimenque ut, ac onus sibi.
 Vidi vetustæ gentis ultimos mori,
 Unumque gentis funus esse totius.
 Est Sortis illud; plurimum quæ imaginum
 Ingentibusque & inclytas pridem domos
 Meritisque fultas eruit radicitus,
 Nullis relictis posterâ vestigiis.
 Fœcunda contra stirps suorum copia
 Et fessa sæpe, exhausta multitudine &,

Impar fatiscit. Sortis hic quoque est jocus.
 Amore nil est dulcius, presentia &
 Amantium nil; Sortis ast injuria
 Locorum amantes dividunt divortia,
 Quamvisque amantes sic amare non sinunt,
 Volunt amare ut. Goesii testor fidem,
 (Meminisse nam omnium hic amantium haud lubet)
 Fidosque amores; Goesii, quem publica
 Rei vacantem Rhenus & nunc Amstela
 Landat probatque; quique quidquid otii
 Negotiis dispungit & pulcherrimis,
 Et profuturis postero laboribus:
 Absente quo jam, abesse jam videor mihi.
 Animosque & iram, Sortem & ipsam vincere est;
 Qui haud victor illorum est, miser victus perit,
 Servitque Sorti servitutem perpetem.
 Hilaritatis causa Sors est & modus,
 Mororis est & causa cuius ac modus;
 Modimperatrix rebus in mortalium
 Suprema, quemvis cui necesse est obsequi,
 Cræsumque & Irum; cuius extra limites,
 Metasque nulli est integrum procedere,
 Mensura sola quæ geruntur omnium.
 Non nota non est Sortis ulli injuria,
 Hac finienti vivere hoc, ut inchoat;
 Et vivere illud triste, triste illud mori &;
 Morique posse haud, cum velis tamen mori,
 Finire vitam &, cum tamen nolis mori,
 Morique quo tu vis modo, aut etiam loco,
 Aut tempore, omne Sortis illud arbitr I est.
 Omnis rigentis illa contumacia
 Fastusque mentis, pressus adversaria
 Sortis furore saepe quâ superbus est,
 Nil quam prementis majus est onus mali.
 Quo serius, plerumque Sors gravius ferit,
 Morosa longi ob temporis fastidia.
 Sunt cæca saepe Sors facit quæ vulnera;
 Curanda nullâ prodeunt cum jam manu.
 A gente tota subditâ mortalium,
 (Ut tota subdita est) tributum Sors sibi
 Non aqua poscit, & negandum veniunt.

Infeſta rebus ſcæva Sors ut omnibus,
 Infeſta rebus maxime eſt maioribus.
 Clavâ trinodi ſternit & Sors omnia,
 Cum vult, eâdem hac & tuetur omnia.
 Reſerata Sorti janna eſt omnis domus,
 Cuſtos fidelis quamlibet cuſtodiat;
 Cuſtode pro ſe ſæpe Sors & utitur.
 Aperta Sortis oſcula, hand ſunt odia.
 Nunc ſavit &, parcitque nunc Sors & virg,
 Ventôſa vento quolibet ventôſior.
 Faſtus ſuperbum hand, alta verba nec juvant,
 Sententiam cum adverſa Sors pronunciat.
 Sorti omnium ſeſe & ſua eſt ſummittere;
 Regale & ipſum tenditur Sorti genu.
 Sortis nocentis mille dantur ſpicula;
 Nocere cum tibi hand poteſt, nocet tuis.
 Tuis nocere cum hand poteſt, nocet tibi.
 Amanda non Sors, quæ poteſt te ſpernere.
 Patiare Sorte quidquid evenit tibi,
 Nam dura Sortis ſunt ferenda leniter.
 Sunt apta Sortis quelibet venatibus,
 Hoc orbe noſtro in, totus iſ qui Regia
 Regnumque totus Sortis; eſt per fluctuum
 Eundem & æquor, & natandum immanibus;
 Quos inter & perire plures contigit;
 Quibusque luctari ex datum eſt pauciſſimis.
 Magiſtra rerum longa quæis ætas fuit,
 Solis përitia eſt viciffitudinum
 Exacta Sortis, caſumque & omnium.
 Spatioſa longa vita Sortis area eſt.
 Sortem fidelem nemo promittat ſibi,
 Cito illa, inexpectata & illa quæ favet;
 Abitura nam eſt cito illa, quæ venit cito.
 Amore Sortis ſæpe amatus laſus eſt;
 Preſtatque amori ſæpe Sortis odium.
 Infeſta ſemper blanda Sors eſt credulis;
 Non blanda ſemper, blanda non videtur, eſt.
 Folioſ & ipſis vana Sors magis levis
 Eſt, cum illa ſucci deſtituta pondere
 Levibusque ventis ſicca facta concidunt;
 Minuſque Sorti pondus eſt quam vertici

*Aristæ, adusta solibus quæ jam riget.
Mandant arenæ sæpe stulti semina,
Qui Sortis hæud dum parta jam partis bonis
Sibi comparare nesci Sortis student.
Subito parantur tela Sortis & nocent.
Ab arte prudens artis & defectus est,
Sors cum faventem dura non præbet manum.
A Sorte læsi hæud, Sorte qui non saucii,
Vixere nulli. Huic omnium patet latus,
Omne & patebit post futuris sæculis.
Expertus annis ipse sum puerilibus
Infansque pene Sortis & deliria, &
Magnos furores, Breda cum flos urbium,
Dives bonorum cornucopia omnium,
Cererisque Pomoneque nobile horreum,
Dryadumque sedes, nulla quâ vel pulchrior
Amaniorve in nobilis Brabantia
Laudatur oris, clara Martis ærea,
Fossisque castellisque cinctæ plurimis,
Sola hostium quæ non domanda tunc manu,
Ab hoste, ab & fame atque pestilentia
Obsessa passim, Spinolæ victas manus
Dedit fatiscens, instar & cadaveris.
Sors vincit &, triumphat & Sors omnia.
Jâson auratæ ille dives vellere
Oris, esse magnas Sortis ostendit vices,
Passæ hæud manere quem beatum fecerat.
Sunt Sortis hæc quæ dona pacta nemini;
Dolosa Sors est omnis & venefica.
Incerta Sortis propter alternant fidem
Spes & timorque, resque quævis fluctat,
Fidesque pacta, sancta jura & conjugii,
Quibusque Juno pronuba adfuere, quæis
Hymenque fertis læta victus tempora,
Pietatis & sunt quæ jubentur legibus,
Parentque Sortis atque cedunt jussui.
Qui dives & rerumque non peritus est,
Miser faventis Sortis est & pulsio,
Setaque porcus aurea spectabilis.
Sorti reniti non licet; Sors quemlibet
Vult quando, quovis pellit ac trahit modo.*

Cum multa & aetas, cum cucurrit ac hyems,
 Hora una vitæ finis est mortalium,
 Momentum & unum est. Ista sors est omnium.
 Vix sors recurrit lata quæ fuit viro
 Celatus alvo in matris est qui, victus &
 Omnique fœtus luce cassus iurgia
 Sortis nocentis experitur & manus,
 Uteroque sæpe matris exsectus suæ
 Effertur illatabilem ad Ditis domum.
 Numerosa non si concidat sorti hostia,
 Irata sese, infesta, placari haud sinit.
 A sorte, quæ expectata non, vulnus tulit
 Sæpe ille, sortis qui rudis fallaciæ est.
 Mutare velle sortis incertæ vices,
 Cursumque, Lunam est velle cælo educere, &
 Equos tenebris velle Solis abdere.
 Quorum superbis summa sceptris tradita,
 Quorumque ab alto iussa se promunt toro,
 Coguntque gentes, sortis esse legibus
 Regnoque & omnes cum videmus subditos
 Obnoxiosque, sortis indomabilis
 Sit quanta in Orbe hoc constat hinc potentia.
 Cajumque nam Cajamque, Sejumque, & manum
 Vilem nepotum Romuli, imbellem manum,
 Evertere ac prosternere est facillimum.
 Melioris ille qui anxia cupidine
 Sortis tenetur semper, & semet miser
 Votis fatigat opprimitque inanibus,
 Facienda poscit, quæque facta sunt fugit.
 Vix sors habendum, sed videndum porrigit
 Quidquid suorum falsa promit munerum;
 Tantum & videndum, quodque mox visum haud vides,
 Non nota sors est, nota sors quæ est omnibus,
 Fallaxque nota, ignota sed fallaciis.
 Fidem dedit sors cum & fefellit credulum, ne
 Iterumque fallat, alteram dabit fidem.
 Sors altâ ab arce quidlibet spectat sua,
 Mutatque ridetque & regitque quidlibet;
 Ridentem sorte in omnis est fiducia.
 Sors excitare destitnat cum incendium,

Oblata ad instar sulfuris sunt omnia,
 Tedaque cerata, lata tantum & ignem.
 Carere Sortis stultus hand faventia
 Potest; faventis nulla cuius est fides.
 Sortem qui amavit, pejus indies amat;
 Amare sortem nil nisi est se fallere:
 Amare sortis nam nihil quam fallere est
 A more sors est dissidens nunquam suo,
 Mutanda nulli qua omnium est mutatio.
 Lapisve vel, montesve, nata in rupibus
 Altisve robor a, aut feroces qua fera,
 Gennere sortem duram, inexorabilem,
 Prece illa nullâ flectier qua se finit.
 Meus ille pridem, Belgæ qui tot inclytus
 Terrâ & marique & inclytis victoriis,
 Thule ultima & quem, quemque Calpe, & aureus
 Timuere Ganges nuper admodum, Herculis
 Timuere meta &, dexterâ cum Heemskerckij,
 Semper canenda posteris qua dextera,
 Optanda semper &, superba Iberia
 Clausitque terruitque portus nobiles;
 Belgæ ille, sortis invidæ inclementiâ,
 Testata quamvis Orbi & innocentia,
 Sociorum & omnis odium certaminis,
 Bello illigatus, latus ac, quod præferox
 Gens Angla movit, insolens jam cladibus
 Domi suorum, sortis incertas vices
 Variosque casus experitur in mari,
 Marique, natam quo esse sortem dixeris,
 Motu nec uno qua movetur indies.
 Ferente sorte hand, & Eolo contrario,
 Obstantibusque est navigare fluctibus.
 Sors Diva vulgo est. Nullius nam gratia
 Prodesse sortis absque gratia solet.
 Ventusque & unda sorte certiora sunt.
 Ignavus omnis ille sortis perfida est,
 A sorte pœnas exigit qui perfida.
 Cum ramo olivæ oblata sors insignis est,
 Præfertque pacem, sape clam bellum movet,
 Quod Pace tectum quolibet magis nocet,

Agnoscere hand, cavere dum hostem non licet,
 Crux vita saepe est: perdit & crudelius
 Vitâ manente saepe sors, quam funere.
 Aperta tantum hand, tecta sortis tela sumi
 Dolisque fraudibusque, queis frequentius
 Nihil, nihilque queis datur nocentius.
 Pessimadat & sors maximos & infimos.
 Regina quondam nobilis Carthaginiis,
 Phrygiâque Dido fraude compulsâ est mori;
 Dolisque mille perdidit sors principes
 Regesque mille, Marte non domabiles.
 Dolosa raro hand duplicis sortis facit,
 Ferrata quod non ipsa Bellona manas.
 Caeloque terrâque & marique fulmina
 Emitter, est cum irata jam sors gentibus,
 Titulo illa cladis nobilis sors omnium.
 Etate non sexuque non imbellibus
 Dura illa parcit. Versa Troja testis est,
 Terrensque testis, traditis si sit fides;
 Fessi nec annis languor Anchisæ senis,
 Priamisque nec senex, nec Ascanius puer,
 Priamivæ conjux illa quondam nobilis,
 Nec Dil, penates, legerat quos Tros sibi,
 Potuere declinare perdentis manum,
 Cohibetque nemo, nemo quam vincit sua.
 Servasse sors cum visa, servavit malis
 Aliis &, & majoribus malis, virum:
 Charybdis hand cum, saepe Scylla navitam,
 Erepta flammis saepe & unda perdidit.
 Sors isdem oberrat casibus quovis loco.
 Tori & lacerti queis nihil valentius,
 Valentiores nec fuerunt Herculis,
 Non ferre possunt sortis indulgentiam;
 Magnum illa frangit, illa & enervat virum.
 Septentrionis incluta illa natio
 Lateque pollens nobilis Polonia,
 Terrore Porta & illa quæ Othomannicæ
 Spoliisque raptis Bosphoro de Turcico
 Insignis Orbi est, jam rebellis perfido
 Ansu Cosaci pace damnata domi.

(Adversa semper prosperis ut objicit
 Miscetque sortis iniquies mutatio)
 Fædo suorum ambusta nunc incendio est.
 Est versipelli subditus sorti minus,
 Avita bobus rura qui exercet suis,
 Pacata semper rura, solitudines
 Mens queis sibi in corpusque cum volunt vacant,
 Quantum voluntque, eoque quo volunt modo.
 Hugciani prædii titulus monet,
 Cupido quietis ipsa quod struxit Quies,
 In prædio Aulam nobilem esse AULÆ FUGAM,
 Hagana cui ipsa cum superbis molibus,
 Cum turribusque, mille cum discursibus
 Ineptientiumque passim & supplicum,
 Falforum & omnium, omnium & fallentium,
 Omni & paratu nobilis vesania
 Pupaque & omni, tota se non præferat.
 Rara illa dictat, magna dictat qualibet
 In otio non otiosis mentibus,
 Brumâque terras per, per aquor septimâ
 Tractusque fessusque inclyti Æneæ labos,
 Aras focosque dum suorum deserit,
 Patriasque sedes cogitur relinquere,
 Aliena & exul regna passim querere;
 Humusque duro pressa Tencro Punica;
 Duroque Juli ab nobilis mater viro
 Relicta quondam; adulteri vestigia
 Lucretiæque fæda nobili in toro;
 Sibique se qua victimam Lucretia
 Suo & pudori, læsa jam libidine
 Et vi superbâ, nec ferendâ Tarquin
 Mactavit olim; Romulique mœnia
 Madefacta Remi prima fratris sanguine;
 Romæque fata Albaque fata & inclytæ,
 Quæ bis trium permissa jam certamini
 Favere Romæ; & ille clangor anseris
 Servator Arcis, quæ fuit rerum caput
 Regina & Orbis; nobiles Fabii, dies
 Objecit hosti & una quos omnes dies
 Cecidit una &, & trecentos perdidit;

Victorque Pænis, victus & Pænis manu,
 Carthago summi & æmula illa quæ imperi,
 Carthago Roma lenta visa cedere,
 Vincenda ferro, & plurimum annorum labor,
 Excisa ferro &, funditusque subruta,
 Ingente Roma quidquid & farragine
 Rerum legendum posteris quondam dedit,
 Dedit stupendum &, clade sen, victoria
 Insigne seu sit nobili; simillima
 Aliisque quondam oblata quæ sunt gentibus,
 Nuperque quæ sunt, versipellis omnia
 Monumenta sortis, & vicissitudinum
 Documenta sortis omnibus sunt posteris.
 Bene vix, favere quæ videtur, sors facit,
 Quin magnum iniqua ab jam paratum sit malum.
 Sepulta fama plurimorum, nomina
 Scripsisse in Albo debuit quorum suo
 Et tradidisse posteris Æternitas,
 Exempla ut essent exprimenda posteris,
 Æterna sortis invidæ est injuria.
 Sors signa fati edidit mortalium
 Diversa semper, plurimi quæ negligunt,
 Nec negligenda signa quæ prudentibus.
 Adversa quæ; quæ blanda sors, vel murmure
 Superbiâ vel læsa, pænds exigit.
 Gravis imperata à sorte multis sarcina est,
 Quam ferre qui haud vult, alteram imponit sibi:
 Culpâ ipse factus bajulus major suâ,
 Magis magisque semper & gravis sibi.
 Extremum in &, vitæque & in novissima
 Mansitque cuius, & manebit omnibus
 Sortis rebellis nota quæ protervia est.
 Patriam relinquere, ex illi errorem ac agi,
 Duras sequente & hoste compelli in vias.
 Tandemque terris applicari incognitis,
 Omnis diei triste nunc spectaculum est,
 Adversa dum sors vendicat quidvis sibi
 Suisque quemvis nobilem facit malis.
 Urbesque lateque & patentium urbium
 Fixisse mœnia haud juvat, sors cum ingruit

*Referata sunt cui clausa quæ sunt omnia,
 Pacata fors non; bella dum passim tument
 Terrâ marique; bella sorti perplacent;
 Regnum furenti & bella sunt amplissimum.
 Sorti placet quæ, mille amatur à procis;
 Sorti placet quæ haud, mille non procis placet;
 Placere sorti nunc placere est omnibus.
 Sunt parva semper blanda sortis tempora:
 Obstantis at plerumque longiora sunt,
 Vix illa sero sueta quæ mitescere.
 Justos piosque vinculis gravioribus
 Contra piumque jusque fors clausos tenet,
 Clausamque & ipsam erga stulo Innocentiam;
 Viamque latam pessimi sternit viri
 Aperitque planam perditæ libidini.
 Sinuosa mille vela, mille non rates,
 Jam persequentis sortis effugiunt manum.
 Ex sorte nemo quod lubet legit sibi;
 Sors cuncta dat, non datque pro libidine.
 Obesse quisquis fidus adversum sibi
 Queritur doletque, nescius causa mali
 Sorti, imputanda quæ mala, astris imputat.
 Nocitura cum fors, ignis ad torrem venit.
 Plures cothurnis Herculis fors induit.
 Pedibusque lapsum destinat minoribus.
 Crassosque Pompejosque, & illum qui sua ad
 Duxit Quirites flagra, fœde perdidit
 Summus petitus arte non ullâ locus.
 Series laborum immensa quem haud fregit virum,
 Momento in uno sortis irâ concidit;
 Exempla magni est inter Alcida metus:
 Pace illè terras, ille pace cum ægora,
 Meritisque utramque solis impleisset domum,
 Et cuncta vi jam terruisset vindice,
 Fessoque Atlante & ipse fulcisset polum,
 Cumque ipsa Juno, cumque Stheneleius
 Fregisset hostis haud, amore perditus
 Sorti nocenti jussus est succumbere.
 Obscura sortis cuncta sunt molimina;
 Timorque spe ut, spes timore disperit.*

*Qualis Tonantis uxor & germanaque
 Mutatur ore semper, haud similis sibi
 Sibiue constans; talis & sors omnium
 Novisque promit, condit & se vultibus.
 Dives malorum, cladis & sors dives est;
 Cumulat priora semper & malis novis.
 Bene incipit sors quæ, male illa desinit
 Plerumque; cedunt ultima & prioribus.
 Temerata quæ Auge est abditis in vallibus,
 Formosa quondam turbaque & Teuthantidum;
 Aequalis haud est jurginum quod conjugi,
 Majore pressa nupta conjuge & minor,
 Caiâ maritus pressus & minor suâ,
 Et triste semper conjugum divortium,
 Venerisque spreta premia, & pulsî toro
 Dii conjugales, quosque juravit Deos
 Fides amantum, nota sortis ansa sunt,
 Et nota pridem, & seculis prioribus.
 Culpæ sortis expeditum injuriam est,
 Non expeditum injuriam est avertere,
 Ventis iniquis actus esse cum patat
 Se sospitem salvumque tandem & in sinu
 Gremioque portus, sepe securum opprimit,
 Nihil timentem & mobilis sortis furor,
 Intuta quo sunt illa quæ tutissima.
 Sceleratus est qui & integrum vitæ virum
 Scelerisque purum saepe vincit, & sibi
 Substernit unâ sortis adjutus manu,
 Libenter illa militat quæ crimini,
 Pœnaque præfert optimis dignissimos,
 Impensiusque iram merentes diligit.
 Plerumque sorti est ira non furor brevis.
 Pari in pares haud ulla vis est imperi:
 Sunt qui imperant, quique obsequuntur dispares:
 Turbare quidvis, ordinem hunc confundere est;
 Turbare rarum at sortis haud molimen est.
 Sors umbra tantum est, quæ volentem prendere
 Fugitque deseritque, & umbrâ vanior.
 Inopsque & ex spes sorte fit ditissimus,
 Inops bonorum dives & pecuniæ:*

Variare semper duplicis nam hæc sortis est.
 Quæsitum amicum sæpe diu, non invenis;
 Inventum amicum sæpe diu non possides;
 Amicus hostem sæpe se opponit tibi,
 Tuorum amicus & satelles hostium:
 Accepta sortis hæc ferenda sunt jocis.
 Favens cum amatur sors, amatur & nimis:
 Amica sors sit, sed tu amicam non putes;
 Non est amica hæc, esse quæ mox desinit.
 Etatis & lascivientis impetus,
 Laborque adultæ, desipientis & tremor
 Inersque torpor, vita sorsque est omnium.
 Rugosa frons, albensque jam canis caput,
 Frigusque circum sanguinis præcordia,
 Et crassa temporum priorum oblivio,
 Fugiensque vox & fugit ut Merin senem
 Vox ipsa quondam, truncus hausti corporis,
 Vivum & cadaver, sors senectæ est cuilibet.
 Discrimina & casusque rerum & vices,
 Quæ sortis excitantur insolentiâ,
 Numerare quævis ipsa sors non quiverit.
 Vale ergo sors, & res tuas habe tibi,
 Tuasque, nulli quas manere tu sinis;
 Sors dura, iniqua sors, & illatabilis,
 Hominum noverca præferox prosapia,
 Tantum veneni plena, tantum toxicum,
 Et larva tantum, totaque & fallacia,
 Et tanta fallat omnium ut fallaciam,
 Cujusque præda quilibet fit cassibus,
 Et nata fraudis, fraudis & tantum parens,
 Inimica sors & omnium, & mutatio,
 Magistra falsi semper & mendacii,
 Scelerumque larga & omnium nutricula,
 Aliisque tigris perfida ac ipsi tibi,
 Infame monstrum, totius quæ circum
 Perambulasque & Orbis, atque territas,
 Voraxque Scylla & Charybdis omnium,
 Inimica semper: cum dedisti quidlibet,
 Nihil dedisti, splendidum præter nihil,
 Nihil ipsa semper, tota nil præter nihil.

C H A R A C T E R

CAUSSARUM PATRONI.

A D

JOHANNEM à DANS,

Cum J. U. Doctor crearetur.

A Strea, Dansi, fræna gentis humana
 Moderata quondam est, vagientis invictum,
 Fulcimen orbis: sed verenda Majestas
 Expulsa Divæ, dum pudore semoto
 Fas quisque ridet, bella dum gerit secum
 Armatus in se, dum furentis in morem
 Scelus procat, & retundit insontes.
 Invisa terris, criminumque pertæsa
 Terris relictis cælitum petit sedes
 Reditura nunquam. Percitas furor mentes
 Regit furore. Plena cuncta noxarum,
 Nec cura recti durat, aut metus legum.
 Gens nata tandem, terror orbis impuri,
 Proles Themistæ, germen aureum cæli,
 Fœcunda juris natio peritorum.
 Gens inquieta, sed quietis interpres,
 Discordiarum plena, nec tamen discors.
 Tutela sæcli, & æquitatis immota
 Fideique custos, torcular scelestorum.
 Juris patronus Regis instar augusti,
 Et rege quovis major, arbiter regum.
 Qui scita plebis, & Quiritium leges,
 Qui vota patrum, Principisque Romani
 Quæ dixit olim purpurata Majestas
 Indicit orbi, rector orbis immensi.
 Cui aura paret, aërisque diffusi
 Totumque magni lumen ac jubar Phœbi;
 Cui terra cedunt limitesque terrarum;
 Qui jura dicat servitutis urbana,

G

Et

Et rusticorum servitutis agtorum,
Sed liber ipse ; cuique mater undarum
Subjecta Tethys , dum fatetur immunes
Nec claudit undas ; cui superba magnorum
Se Sceptra Regum purpuræque submitunt ;
Et cuncta subsunt & libenter adsurgunt
Ut cuncta legi ; cuique cesserit magni
Proles Philippi , gentium triumfatrix ,
Majorque cunctis , sed tamen minor lege,
Titulis & ipse tot superbit inflatus
Quot sceptra nulla pratulere regnantium ;
Queis Africana clima subjacet terra ,
Et queis rubenti parent India Phœbus ,
Et Occidentis cuncta deferunt reges.
Qui lege vivos stringit atque sublato,
Et vox silentium & arbiter sepulcorum.
Fixere quidquid ultima manu voces
Exponit orbi, formulasque testesque
Sed testis æqui, sed disertus inferna
Legatus umbrae , nec colonus umbrarum.
Per quem tacentes nemo dixerit manes.
Manes loquuntur , sed loquuntur Astræam
Loquentis ore, qui superstites curat
Fatoque raptos, victor ipse fatorum
Es morte major , æquitatis asserta
Sermone vocem dum resignat extincti,
Solum levamen orbitatis afflicta
Verique rector ; quem timere consuevit
Quidquid timetur ; quem probare contendit
Quidquid probatur ; qui cuique dispartit
Quod quisque fecit & qui nocentis in pœnam
Sue innocentes innocentia donat.
Gens astimata semper ut tenax recti ;
Sed (Vim Charontis testor & domum Ditis)
Oblita juris , impedita , corrupta ,
Catasta sæpe & strix iniqua terrarum.
Exenteratrix inventista marsupii,
Vanumque casso cymbalum fatiscens :
Non expedita , non diserta , non verax
Sed petricosa , emasculata & elumbis

Et pestilentis eloquentie plena,
 Et machinatrix artium pudendarum,
 Et mille sollers architecta technarum.
 Canina proles, mminisque latrantis
 Parens Amubis, Cerberoque cognata.
 Injusta lites que petiisset eternas,
 Inominato qua fucta latratu
 Miscere gentes, iurgisque rixisque
 Animi furores inquietis irritat
 Saburra fraudis, impie supor mentis;
 Eversor equi, qui patronus audiret,
 Heresque saepe litigantis heredis,
 Dum damna litis propter, & moras propter,
 Hereditatis portio perit tota.
 Qui iura vendit, & clientis ambesi
 Arrodit inguen, impudenter exposcens,
 Vexigal oris impudentis & pignus,
 Orci tribulis & propinquus inferni.

Venuste Dansi, corculum venustatum,
 Quem Gratiarum lacte dilutum pectus,
 Amorque dulcis virginum Camenarum
 Et Phæbus ipse, magnus arbiter vatium,
 Et liberalis quem modestie candor,
 Vigorque mentis incitatus à primis
 Evexit annis; quem procantium cura
 Castæque totum Cypridos voluptates
 Tenuere nuper; dum puella se promit
 Domineque vultum basiator adlambis
 Et os calentis: te sui Themis dictat
 & Equi patronum, dum merentis in laudem
 Desert periti juris inclytum nomen.
 Porro Quirites! Ut tibi Themis favit
 Sic Diva Cypri. Si tamen neget cælum,
 Amata quod si non remisit fastum,
 Nec amoveri virginis sinat nomen,
 Solam, relictis basiis puellarum,
 Amare pergas candidæ Themis frontis,
 Qua blanda tota, tota mentis erectæ
 Se totam amanti per libenter impendit.

Nuptiis HENRICI ZUERII BOXHORNII,
FRATRIS sui & CATHARINÆ PU-
TEANÆ, consecratus.

A Mor Diones natus, & puer cæli,
Omnis venustæ conditor voluptatis;
Puer, sed orbis imperator immensi,
Cujusque dextram sentit, & simul lavam.
Æther veretur, ætherisque regnator;
Cæcus, sed arcus qui peritus audacis,
Certus suarum funditor sagittarum:
Lascivus, exlex, & jocosus interpres
Facetiarum, prodigusque dictator:
Stator juventa, prædo mentis invictus,
Pirata dulcis dulcium puellarum:
Vexilla cuius tot sequuntur erroneæ.
Amant puellas sæpe non amaturas:
Amant puellas sero vix amaturas.
Cupido grati distributor ingrati,
Ingrata gratis miscet & tamen grata,
Et gratiora grata reddit ingratis,
Ingratisque mille gratias mille,
Dilationes mille propter & curas,
Suspiriorum mille propter ambages,
Per tela mille, mille per cicatrices,
Per mille questus, & molestias mille,
Per mille tricas, mille per simultates,
Metusque mille, mille, mille rivalet,
Per spesque mille; dum puella caussatur,
Mentisque votum pertinacis opponit,
Nimisque castum virginis placet nomen,
Ridetque matres, ridet & venustates
Tori jugalis; Illa mentis immota,
Cruelis illa, fastidiosa, nec clemens,
Et caussa mortis, caussa que foret vita:
Quo dura tendis, quidve dura moliris?
Quid jam maritos quid moraris amplexus?

Negasque dura, quod negare non debes?
 Quin victa tandem cedis? Et simul cedit,
 Lubensque cedit, suaviter triumphata,
 Victamque sese gaudet, & dolet sese
 Sed sero victam, victa sed tamen cedit;
 Promittitque vocem, flagitata quæ saepe,
 Negata saepe, nectaris meri plenam,
 Plenamque mellis, spiritusque facundi,
 Cui Tulliana suada cesserit lingua,
 Cui cedat omne, quidquid orbis immensus
 Et dulciorum vita continet rerum.
 Io triumphe! Pectus est triumphatum,
 Sed virginale. Pectus est triumphatum.
 Io triumphe! Casta pectus incendit
 Utrunque flamma; cui rubeantis assurgant
 Tonantis ignes. Dextra pignus imponit,
 Cæleste pignus dextera calescentis,
 Et gratulantum vocibus vacant soles,
 Et auspicales astra provocant tædæ.
 Urbs invidendum tota suspicit festum,
 Totumque tota civitatis impendit.
 Pergitque sponsus, plenus ille splendoris,
 Tuque, sponsa, pectoris triumphator,
 Suique sponsus pectoris triumphator,
 Capaxque vixdum pectoris triumphati:
 Pergitque sponsa, plena pergit ardoris,
 Tuque, sponsæ, pectoris triumphatrix,
 Suique sponsa pectoris triumphatrix,
 Capaxque vixdum pectoris triumphati.

VLISSINGA testis, quæ procantis experta
 Zæri calores. Putteana consentit
 Parata tandem, sed decora, sed blanda,
 Fulmenta lecti nunc pudenter inscendit.
 Amor peregit quidquid est amaturi;
 Sed nec peregit, sed tamen peracturus
 Arcana casto quæ tacenda sunt vati.
 Lucina restat. quæ benigna procredat
 Novos amores; liberam gregem parvum.
 Det illa natos, sed simillimos patri;
 Det illa natas, sed simillimas matri.

*Amor beatus! Solus hic amor regnat,
Amorque sponsi sponsa, sed triumphati,
Amorque sponsa sponsus est triumphata.*

Æ N I G M A.

TU pingē, pingam, cum tamen desint manus;
Tu perge, pergam, cum tamen desint pedes;
Eapse qua tu forma, iisdem passibus;
Sede Sedebo, tunde contundam parem;
Consiste sto, connecte connectam simul;
Lachrymas refunde, vel cachinnos, jam meas
Lachrymas videbis & cachinnos. Omnia
Præstabo, quamvis destituta ab omnibus,

Umbra loquitur.

ÆNIGMA Veteris inter Græcos Philosophi. Mater loquitur.

BIs senos peperī, lectissima pignora, natos,
Illa animo nimium pignora grata meo.
Hos tamen, hos omnes cecidi ex ordine natos,
Hoc veniente alter percutiendus erat.
Ultimus instituit, tantas ulciscier iras,
Et tantum nostrā morte piare nefas,
Ultimus ille meo, & pariter (sic fata volebam)
Impressit jugulo vimque necemque suo.
Momento tamen hoc ipso mihi reddita vita est,
Et sensim natis reddita vita meis.

Per matrem annus, per liberos duodecim menses, qui matuo se excipiunt; pereunt, & renascuntur, hīc denotantur.

Z E L A N D I A.

Ænigmate descripta.

Dic, quibus in terris, & eris mihi magnus Apollo,
In mare mutata est, & mare terra suis!

GNOMÆ

G N O M Æ

Politicae & Morales.

I.

Malum esse certum est, quidquid hand servat modum.

II.

Non parva, parva quae videntur, omnia,
Nec magna, magna quae videntur, judica
Non parva saepe, magna non sunt, quae putas.

III.

Nocentius nil ficta quam innocentia est;
Nocente quippe cognito, quivis cavet.

IV.

Est turpe falli, turpius sed fallere est,

V.

Quicumque prudens, primus is sese admonet.

VI.

Regina rerum occasio est: fac, serviat:
Occasio omnis sola praefigit diem.

VII.

Nocens superba semper est prudentia.

VIII.

Novum omnis impar cura saepe vulnus est.

IX.

Quidquid vetustum dicitur, fuit novum;
Novumque quidquid, dicitur tandem vetus.

X.

Simplex avari hand est scelus: nam est multiplex.

XI.

Prodesse non potest, nocere qui hand potest.

XII.

De judicante multa sunt quae judicant.

XIII.

Non sermo, res est omnis innocentia.

XIV.

Quidquid pati est necesse & id pati cupere.

G 4

Quis-

XV.

*Quisquis sibi hand, prodesse nemini potest :
Nocere qui potest sibi, idem cuilibet.*

XVI.

Primum malum majoris est index mali.

XVII.

*Servit suo qui temporis, caute regit ;
Canti regentis semper est & obsequi.*

XVIII.

Qui est imperanti hand obsequens, se non regit.

XIX.

Non facta sunt, quae facta non volentibus.

XX.

Nil posse quisquis creditur, multum potest :

XXI.

Cum pauci multi, pauci non isti rogant.

XXII.

*Nunquam fides certa est habenda credulis ;
Nec certa habenda sit nihil credentibus.*

XXIII.

Non crede nil tu ; nec nimis sis credulus.

XXIV.

*Servire tantum temporis, nunc moris est.
Nec serviendum temporis ; mori bono est.*

XXV.

*Qua tempore est longo parata gloria,
Hanc una pessum saepe dat totam dies.*

XXVI.

Bonus diu frustra fuit semel malus.

XXVII.

*Non major est tantum colendus ; est minor.
Futurus est major, minorem quem putas.
Efferre se, se semper est submittere.*

XXVIII.

Spes est salutis, nota cum causa est mali.

XXIX.

*Ne crede sorti ; saepe, quae prodest, nocet.
Ne crede sorti : saepe, quae hand prodest, favet.
Incerta namque cuncta sunt mortalium.*

XXX.

Videre quae non visa, providentis est ;

Videre

Videre sed non, otium imprudentis est.

XXXI.

Plus velle, posse quam, mera hæc insania est.

Et velle quam possis minus, dementia est.

XXXII.

Incerta cuncta; certa nam fatum tegit.

XXXIII.

Legem tueri, nemini est ignoscere.

XXXIV.

Multum potest plerumque, qui nihil potest.

Nihil potest & sæpe, qui multum potest.

XXXV.

Plures timere; est imperantis pluribus.

XXXVI.

In principatu constituti cogitant

Parentium cum multitudinem, timent.

XXXVII.

Manere larga non solet fortuna diu:

Plerumque largâ quisque largè abutitur.

Manere iniqua non solet fortuna diu:

Plerumque iniquâ quisque non male utitur

XXXVIII.

Cauto regenti subditi est sententia.

Cauto hand regenti sed sua est sententia.

XXXIX.

Landanda sæpe oblivio est injuria.

XL.

Injuriam plerique, quæ non est, putant.

XLI.

Viro innocenti injuria hand unquam nocet.

XLII.

Prudentis est, hand se movere cum sedet.

XLIII.

Quicumque magnus est sibi, hand ullum æstimat;

Quicumque nullus est sibi, & ullum æstimat.

XLIV.

Pax est triumphis maximis angustior.

At pacis hand sunt quæ videntur tempora.

In nomine incauti acquiescunt plurimi.

Pax certa cantis, hostis expectatio est.

G 3

Pax

Pax certa, pax eterna, victus hostis est.

XLV.

*Res saepe multas qui gerit, nullas gerit;
Geritque magnas saepe, qui nullas gerit.*

XLVI.

*Plerumque bellum est, quod minus quam par nocet.
Pacata quae putantur, haud sunt tempora.
Alumna pax multis domi est discordia.*

XLVII.

*Peccare princeps solus haud unquam solet:
Cum peccat ille, copia est peccantium.*

XLVIII.

Humanitatis prima lex clementia est.

XLIX.

Raro te amabunt, quos tuorum est odium.

L.

*Minora saepe parvitate tuta sunt:
Et magna sunt in tuta magnitudine.*

LI.

Legum unicus fidusque custos est metus.

LII.

Occasio quacumque adest, statim fugit.

LIII.

Denique seque nosse, nosse est omnia.

LIV.

Tollenda tarde quae vetusta sunt mala.

LV.

Abire cuncta, non adesse, sentias.

LVI.

Qui falsa promit, ex die is noctem facit.

LVII.

*Lex prima, leges figere & refigere est;
Mutata namque id saepe possunt tempora.
Probanda non est semper hic constantia:
Constantia haud est illa, contumacia est.
Legum tamen non crebra sit mutatio:
Mutatio nam crebra, legum everfusio est.*

LVIII.

*Felicitatis, ferre posse injuriam, est.
Disferre tantum sed nota haud felicitis est.*

LIX.

*Non sperne vilem ; fumus index ignis est :
Magnumque nec nimis cole ; ignis fit cinis.*

LX.

Ledendus haud est, non potes quem perdere.

LXI.

*Regina rerum est omnium prudentia,
Præsentia & futura sola quæ regit,
Et facta sistit sola quæ mortalibus.*

LXII.

Vix unquam abest diu perfidis occasio.

LXIII.

Regni fere est mutatio, hæc quæ regis est.

LXIV.

Humanitatis nulla contumacia est.

LXV.

*Incendium excitare quilibet potest ;
At excitatum extinguere haud quivis potest.*

LXVI.

Miser probus vir esse, quam nequam velit.

LXVII.

Noli minari ; qui minatur, admonet.

LXVIII.

*Plus posse nostro seculo regnare sit ;
Tamen regentem plus potest quisquis ferat.
Tanta semper omnis est mutatio.*

LXIX.

Nulli noce : potest nocere quilibet.

LXX.

*Prodesse qui potest, nocere idem potest :
Et sæpe qui prodesse non potest, nocet.*

LXXI.

*Prodesse cuivis expedit, florentibus
Prodesse qui haud potest : in adversis potest.*

LXXII.

Qui perfidi, jactantius fidem offerunt.

LXXIII.

Enorme quodcunque impetu scelus valet.

LXXIV.

Inter furentes nulla vis est principi ;

Inter furentes nulla majestas valet.

LXXV.

*Sape est furenti obstare multitudini,
Animosque vimque augere multitudinis.
Obnititur qui fluctibus, plures movet;
Ferrum & remordet qui, magis nocet sibi.*

LXXVI.

Quisquis nocendo proficit, non proficit.

LXXVII.

Obscura fraus nocentior vi est nescio.

LXXVIII.

*Ubi, & quid, à quibus cavendum & quando sit,
In omnibus gerenda quæ negotiis
Incerta sunt, incerta propter casum.*

LXXIX.

Venia est petenda, & ergo danda est omnibus.

LXXX.

*Civilis haurit sanguinem quæ dextera,
Atrox, cruenta, sanguinem hæc haurit sumum,
Humanitati nullus est locus fere,
Cognata cum committitur bello manus.*

LXXXI.

*Eurus ruit notusque: cede turbini:
Perire nam volentis est, non cedere.*

LXXXII.

*Injusta belli causa cui est, vis deficit:
Cuiusque justa est, agmen imperterritum est.*

LXXXIII.

*Infame monstrum est, vilis, intestabilis,
Qui ventilator plebis, & vulgi levis
Procella, qui civiliumque signifer
Domi malorum: qui inquietat mobiles,
Ne se imperita turba subdat regibus.*

LXXXIV.

*Quicumque bella regibus datis sibi,
Hi bella divis cen Gigantes inferunt;
Utique flammis obruuntur montium.*

LXXXV.

*Sua immolare principem Superbie,
Audita nunquam, audita nunc superbia est.*

LXXXVI.

*Ant fallor, ant equum est, viri quod improbi
Tolerare regem compulere, ipsi ut ferant.*

LXXXVII.

*Subesse nunc est Regibus, nunc obsequi est
Patrare quidquid jusserit crudelitas.*

LXXXVIII.

*Plebeia clarum poena non tollit virum,
Tollitque regem: Rex ad instar plebis est
Turbantibus, plebeia queis profapia est.*

LXXXIX.

Regi rebellis & rebellis est sibi.

XC.

*Cave benignus esse perverse velis:
Perversa reges perdidit benignitas,
Et, quae tneri debuit, clementia.
Intuta virtus ipsa nunc est regibus.*

XCI.

*Tot illa qua sunt dignitatum nomina,
Tot culminum quaecunque sunt fastigia,
Nil esse cense, namque raptim transcunt,
Corona & ipsa deserit regum caput:
Durare nil ut, nil manere intelligas.*

XCII.

*Projectus nil plebe, nil superbius.
Ratione cum rege haud, furore dimicat.*

XCIII.

*Nunc sacra sola insanientum ineptia,
Quas vinolenta somniis fingunt anus.*

XCIV.

*Jam seculum scelus novum est: committitur,
Cujus priores nullum apud vestigium est.*

XCV.

*Contemne praesens quidlibet, quisquis sapis,
Quod deserendum aut auferendum est tibi.
Humana qua sunt, sunt sepulchri & funeris.*

XCVI.

Id quod necesse est, hoc voluntas occupet.

XCVII.

Quicquid vetus videtur, hoc fuit novum,

Novum.

Novumque quod videtur, hoc erit vetus.

XCVIII.

*Landandus est rex optimus, bonia
Quisquis suorum frenat orbem legibus.*

XCIX.

*Quisquis sapit, Denique quisquis cogitat,
Scelus jubenti & ille nulli serviet.*

C.

Medentium agros saepe carnifex manns.

CI.

*Infestus alto felle qui longum silet,
Amisque bilem concipit prae cordiis,
Tandem furoris vim latentis evomit.*

CII.

*Pro rege adorat pressa plebs pares sibi:
Colitque acerbum caepe, mordax allium.
Acerbius nil quam imperat par cum pari,
Minorque nuper imperat majoribus.*

CIII.

*Est error augendo fere errori efficax;
Persaep longum nam error errorem parit.*

CIV.

*Furore regum qui excitatus est timor,
Parit timendam regibus formidinem.*

CV.

*Colenda plebs est: infitâ nam insaniâ
Ferire clava, nâ colatur, assolet.*

CVI.

*Metu obsequentis saepe terror gignitur.
Timenda non sunt offerenda subditis.
Timenda quae sunt, sunt timenda Principi.*

CVII.

*Hoc scire Principem decet, mortalia
Quo jure consent, quanta majestas regat,
Cui subdita omnis Principum est potentia.*

CVIII.

*Furorque summus, ultima & dementia est
Reges putare, rege qui exuto regunt.
Furorque summus, ultima & dementia est,
Putare reges esse, quæis regi grave est.*

CIX.

Non imperare servientium ut gregi,
Servire vere regnum est parentibus.
Regnare nil est servitus quam splendida.

CX.

Donare multos multa cur Ollus stupet?
Donare multa, multa nunc est poscere.
Offertur & nunc obsequi plus nemini,
Quam plura quisquis donat obsequentibus.
Sed imperare haud illud est, est obsequi.

CXI.

Fas omne nunc offertur, imus: omne quod
Jus dicitur jam, nil nisi est injuria.

CXII.

Præposterum quis esse nos hoc sæculum
Pronunciet? Qui sunt regendi, jam regunt,
Regique qui ipsi non volunt, soli regunt.

CXIII.

Carere rege, haud est carere regibus:
Regem haud volenti mille reges se offerunt.

CXIV.

Plebi, pares tantum æstimare quæ silet,
Placere regem haud posse, quis mirabitur?

CXV.

Regnare si sit crimen, hoc atrox mihi
Crimen videtur esse, rex plebecula;
Quæ sceptræ ferro, vique quæ regnum tenet.

CXVI.

Vita alteri est prodesse. Noli vivere
Perinde natus de fores tantum tibi.

CXVII.

Nullum timenti principi timendus est
Quem terra tota, & omne quem cælum timet.

CXVIII.

Quicunque campos fertiles annis rigat,
Perire, dum prodest, nihil putat sibi.

CXIX.

Humanitati quilibet cedit furor.

CXX.

Molestæ quæ non regna, non manent diu.

CXXI.

Quo quis vocatur gloria; incedat pavens.

CXXII.

*Prodesse nemini potest superbia;
Potest nocere; noxiam tantum fuge.*

CXXIII.

*Deus timendus est: Deus namque efficit,
Qua nemo posse credidisset effici.
Videre nullum quod putas, Deus videt.*

CXXIV.

*Subesse quod par regibus, par obsequi est.
Regnare vulgus cum cupit, nullus regit.*

CXXV.

*Summa est supremi numinis potentia:
Eaque certum est esse nil potentius.*

CXXVI.

*Regem esse solum iudica, qui se regit.
Nam quem reget, qui ipsi sibi est inutilis?*

CXXVII.

*Rex fallitur: nam atrox fere est periculum,
Stitisse nudam veritatem regibus.*

CXXVIII.

*Irata plebs cum est, Principi modestia
Placere debet; ira namque iras alit.*

CXXIX.

*Vis nulla, majestasve vulgo est imperii:
Tantumque turbo principatus plebis est.*

CXXX.

*Nihil quietum est quidlibet moventibus:
Namque in moventes quidlibet mox se movet.*

CXXXI.

*Movere qua qujeta tu nunquam velis.
Quieta qua sunt, ipsa se satis movent.*

CXXXII.

*Potentius plerumque nil est tempore.
Domare nemo quod potest, tempus domat.*

CXXXIII.

Nunquam timento te tui, timeant tibi.

CXXXIV.

Quidvis egestas dura mortales docet.

CXXXV.

Princeps tyrannus & tyrannus est sibi.

CXXXVI.

Vix est potentia hand qui abutitur sua.

CXXXVII.

*Piscator idem quod facit, facit quoque
Turbare quisquis publicam pacem cupit.
Plerumque cum quiescunt stagna, nil capit.
Commota sed sunt cum illa, cum turbata sunt,
Captura multa est. Mens ea est turbantium.*

CXXXVIII.

*Pax alma, suave cunctis nomen gentibus,
Inter Deus pulcherrima est pulcherrimas.
Privata pax, pax publica, est quodvis bonum.*

CXXXIX.

Boni morantis tristis expectatio est.

CXL.

*Rex plebsque cum committitur, videre te puta
Commota ventorum duellis equora.*

CXLI.

Injurias primas ferens, plures feret.

CXLII.

*Obstare multitudini, obstare est sibi.
Nil majus est, nil altius modestia
Solâ perennant sceptrâ nam modestia.
Est cuius hæc, huic tuta majestas manet.*

CXLIII.

*Tolerare multa est obsequentis subditi:
Majus malum est, cum quod malum est non vis pati.*

CXLIV.

*Per factiones forte Rex cum pulsus est,
Carere rege qui putat se, non caret.*

CXLV.

*A Rege cur jam diffidet qui subditus?
Subiectus & rex vinculo uno junctus est:
Et hic, & iste vinculo hoc rupto perit,
Pereat sed ut rex, vult perire subditus,
Perdendo qui perire vult, fæde is perit.*

CXLVI.

Datum quod est tibi, hand datum semper putes:

Avara namque saepe dantis est manus.

CXLVII.

Excelsa quæ sunt, saepe ad ima sunt via.

CXLVIII.

Injuriam qui reddit, hic cavet novam.

CXLIX.

Moderata semper pœna sit peccantium.

Quæ est ira sæviens nimis, tantum est furor.

CL.

Vi qualibet est major illa, quæ est vis ingens.

CLI.

Quod vis potest haud, hoc modestia obtinet.

CLII.

Landare virtutem, haud amare, est improbi.

CLIII.

Non sperne parva; saepe vis parvis subest.

CLIV.

Adversa nunc virtutibus sunt tempora;

Virtutis omne præmium scelus tenet.

CLV.

Ignota cum causa est mali, idem majus est.

CLVI.

Quisquis futuri haud gnarus, haud præsentium est.

Entura quæ sint admonent præsentia.

CLVII.

Humana sunt subiecta sortis casibus:

Adversa nunc, secunda nunc est cuilibet.

Se quidlibet mutat; nihil fixum manet.

CLVIII.

Suum haud tnetur quisquis, is suum haud habet.

CLIX.

Plerisque culpa, nil nisi ignorantia est.

Quid quippe agendum, nesciunt jam plurimi.

CLX.

Non exulat quicumque non exul sibi est.

CLXI.

Regentibus vis multa, cum ipsi se regunt;

Parentibus sed major est, cum se haud regent.

CLXII.

Huic, cui timendum nil, timendum vulgus est.

CLXIII.

Est vulgus, instar esse quod vult principis.

CLXIV.

Fecisse quod non vis videri, cur facis?

Fecisse quodque vis videri, hand cur facis?

CLXV.

Immota regna principi hand manent diu;

Fax multa semper, multa vis moventium est.

CLXVI.

Sol ortus est cuicumque, eidem & occidit,

Sua est diei cuilibet nam vespera.

CLXVII.

Corona regem saepe non ornat, premit.

CLXVIII.

Iniquins se offert nihil superbiâ:

Nam quidlibet contemnitur superbiâ.

CLXIX.

Sors dura & aspera omnium est regentium.

De rege regnandi imperiti judicant.

Videtur & jam servitus, regi obsequi,

Et liber hic, cui est omnium licentia.

CLXX.

Non multa fortiora quæ pœnis mala:

Quo puniuntur hæc magis, gliscunt magis.

CLXXI.

Præsentia inter de futuris cogita.

Quæ hand sunt, erunt; & illa quæ sunt, non erunt.

Suprema lex hæc omnis est prudentiæ.

CLXXII.

Summa in cavendum est Principi potentia,

Obesse nemo cum potest, ne obsit sibi.

CLXXIII.

Videnda nunquam, aut visa, tandem ætas videt:

Nox nulla vidit quod, videt palam dies,

Videtque nunc primum, videri quod stupet,

Videtque dum, videre se hand credit sibi.

Captisque percussisque rerum regibus

Edit libido subditi spectaculum,

Spectare quod cos, saxa nulla sustinent;

Nec ferre possit æris aut ferri rigor.

Quis ferreum esse seculum hoc nostrum neget?

CLXXIV.

*Regumque vita Principumque nil nisi
Plurimumque sicci haud finis expectatio est.
Plures amant quem & unius fit victima.*

CLXXV.

*Silere linguam, non loqui tantum, decet:
Interpres haud sit quod tegendum pectoris.*

CLXXVI.

*Securus ut sit qui regit, primum hoc agat,
Securus ut sit subditus. Nam principis
In subditi securitas sita est manu.*

CLXXVII.

*Victos superbus victor ignavos vocat,
Modestus infelicior eo iudicat.
Et saepe tantum est victus infelicior.
Subiectus huic & victor est discrimini.*

CLXXVIII.

*Sunt dispaes fere exitus inter pares,
Par finis omni est principi, haud par exitus.*

CLXXIX.

*Inefficax non est scelus. Nam principis
Sceptrum poposcit carnifex, scelus dedit.*

CLXXX.

*Qua plebis est in principem rebellio,
Nubis ruentis instar est: tandem perit.*

CLXXXI.

*Antiqua quisquis commovet rebus novis,
Movetur ipse, & motus haud perstat diu.*

CLXXXII.

*Plebem inter, & plebis duces modestiam,
Est semen ignis inter undas querere.*

CLXXXIII.

*A plebe motus qui excitatus est semel,
Lerna est; novis semper reversura artibus.*

CLXXXIV.

*Plebs cum ex cloaca & face surgens incipit
Regnare, nescit vigiletne, an somniet.
Nova ac inusitata quævis perpetrat:
Mox perpetrata perpetrasse se stupet,*

*Laudatque se, damnatque non potens sui,
Inexplicabili furens vertigine.*

*Miratur harena sit quod ostenti hoc genus;
Tumetque nunc superbiam, nunc & timet.*

CLXXXV.

*Et crede regibus, simulque subditis,
Offerre regum multa parcimoniam,*

CLXXXVI.

*Et cive quovis vilior rex civis est,
Et rege quovis durior rex civis est.*

CLXXXVII.

*Mutata quæ sunt regna, sunt mapalia
Afræ; nam eodem non manent loco diu.*

CLXXXVIII.

*Incerta rerum est omnium possessio.
Nec ambigas. Videsne plebis omnia
Vi maximorum possideri Principum?*

CLXXXIX.

*Domo mæ, quaque stirpe, quis majoribus,
Ignotus, ipse ignotus & simul sibi,
Et sceptræ prædo jam & coronas occupat,
Pulsisque regem ferre se audeat regibus.
Fortuna magnos sæculo hoc jocos facit.*

CXC.

*Occæpit insanire qui semel, furens
Magis magisque fertur in vesaniam.*

CXCI.

*Virum qui adortus omnis ignarum doli est,
Vir ille non est, ne quidem ille est semivir.*

CXCII.

*Quicumque regis innocens sanguinem
Exhausit, idem plurimum semper sitit.
Qui sanguine auctus est, alit se & sanguine.*

CXCIII.

*Victor scelestus sit licet, tandem tamen
Cedat necesse est victus, & jam desinat.
Sors ista, fatum hoc impia audentem manet.*

CXCIV.

*Civile bellum cui est, & externum placet.
Juratus hostis omnium est, qui hostis sibi est.*

*Foris domique consili his idem sedet ;
Domi id sed est forisque si se perdere.*

CXC.

*Mens casta quæ obsequentium, errantes licet ,
Pulsat trahitque hand, proteritve principes.*

CXCVI.

*Sibi principem superba vult ignoscere
Plebes, & hæc ignoscere hand vult principi.
Sibi id quod optat, principi illud cur negat?*

CXCVII.

*Scrobis latentis instar est plebs principi.
Namque ante quam cavere possit, incidit.*

CXCVIII.

*In rege dulce est subditis, & unicum,
Monstrum impotentis pectoris si vicerit.
Ni vicerit, se subditus victum dolet,
Victusque sic nil præter iras induit.
Nocens potenti mentis impotentia est.*

CXCIX.

*Bona imperanti hand sufficit vis imperi;
Bene imperantis est & exemplum dare.
Pro lege quavis regis exemplum valet.*

CC.

*Qui rex avarus monte prædæ armis est gravis,
Gravisque civi, præda tandem civis est.
Avarus est qui, id quod cupit, negat sibi;
Idemque habet quod, sic simul negat sibi.*

CCI.

*Regere obsequentes arduum est, sed se magis;
Rex rege quisquis se caret, non diu regit.*

CCII.

*Quod factio edit hand diu est amabile,
Informe monstrum factio & tetrum nimis.
Adversa quippe exuta cum jam factio
Videtur, hand est: semen adversa manet.
Cur ergo tot sunt factionum principes,
Facesque tot rubæque, cur tot affecle,
Tranquillitatis publicæ hostes & sua?
Victoriæ usus solus his tantum est metus,
Metuenda non vult tanta quæ securitas,*

CCIII.

*Nec vasta regna, regna nec ferro petat
Rex quisquis est. Nam capta cum sunt plurima,
Captis tenetur impeditus gentibus.*

CCIV.

*Partis timere insania est victoriis,
Lux una parva saepe qua sunt dissipat.*

CCV.

*Noli imperare semper id quod tu velis:
Hec imperanti fixa stet sententia.*

CCVI.

*Regnare tantum gloriosa est servitus;
Regnare nemo nam potest, ni serviat.
Servire regi & minus est parentium,
Honesti si sit, non pudenda servitus.*

CCVII.

Est finis odium omnis invidentia.

CCVIII.

Fucatus est qui, peior odio est amor:

CCIX.

*Multis amicis principis fors indiget:
Idemque amicis non caret, cum amicus est.
Exactus omnis exigit vices amor.
Princeps amari, amor nisi ipse, non potest.*

CCX.

*Curanda qui permittit alteri sua,
Justam imperi curam imperator haud habet;
Ipsamque sese cum suisque negligit
Perdique. Pestis regis est incuria.*

CCXI.

*Tantum imperando haud impetrari amor potest:
Bene imperando ergo impetrandus est amor.*

CCXII.

*Saepe odio rex est, licet non oderis.
Fortuna regis plurimis est odio.*

CCXIII.

*Quidvis iubere in civitate & poscere
Nolint regentes: nam impetrare hoc est nihil.
Haud velle debent subditis ringentibus
Nolentibusque noluisse quod volent.*

CCXIV.

*Amare non minus, quam amari, est Principis.
Amante, amato hoc, est nihil potentius.*

CCXV.

*Diversa possunt velle saepe nolleque
Princeps amicus ac amicus Principis.*

CCXVI.

*Ex ingredientibus legendus principi haud
Minister; est ex se ille subtrahentibus.*

CCXVII.

*Nulli esse genti liber & debet gravis
Vis principis. Servire libera haud potest.*

CCXVIII.

*Ne coge. Cogit quisquis, invito imperat.
Civilis est hoc principis, nil cogere.*

CCXIX.

*Tacentis ira semper ira plus parit;
Iram & tegentis ira plus semper nocet.*

CCXX.

*Vim injuriamque inferre multitudini,
Offerre ferrum, armare plebis est manus.*

CCXXI.

*Tu non beatos, ter beatos dixeris,
Tot perduelles, totque scurrarum gregem.
Scelera inter & tot criminum frequentiam
Multo fruenter Syrtium silentio.*

CCXXII.

*Adversa quos adorta sors est principes,
Monstrant sequendam calle recto lineam.*

CCXXIII.

*Gens quae superbâ præpotens potentiâ
Tantum sua est, non est potens superbiâ.
Superbus hoc potest, potest se perdere*

CCXXIV.

*In principes, gens una cum exemplo nocet,
Non una bruto contumax fastidio est.*

CCXXV.

*Quicumque honorem debitum Regi negat,
Idem & supremo Numini cultum negat.*

CCXXVI.

*Non blandienti vernula rex det fidem.
Infida blandientis est oratio.*

CCXXVII.

*Lis prima reges subditosque inter, fero est
Mutationis imminentis nuncia,
Nam contumax est partium superbia;
Ceditque qui alteri, minorem se putat.
Hic fons, origo hac publicorum est motuum,
Excisa per quos gentium pax nunc jacet.*

CCXXVIII.

Pars major est quae desipit mortalium.

CCXXIX.

*Qua causa quaerunt sit mali praepostere,
Evenit id cum, plurimi, ac tolli haud potest.*

CCXXX.

*Somno meroque qui sepultus vitam agit
Qua vita jam plerisque in anlis vivitur,
Alvi voracis vivus hauritur specu.*

CCXXXI.

*Offensa plebes principum superbiâ,
Tandem haud premendis excitatur motibus.*

CCXXXII.

*Qui principes, qui liberi audiunt, gravi
Capti tenentur sub voluptatum jugo.*

CCXXXIII.

*Rex ille, princeps ille solus, victor est
Regnantis in plerisque qui libidinis.*

CCXXXIV.

*Bono probandum est, livor id quod improbat.
Virtus probat quod, livor omnis improbat.*

CCXXXV.

*Cum jam excitata civium rebellio est,
Non amne toto flamma tanta extinguitur.*

CCXXXVI.

*In principum virtutibus primam puta,
Opem benignam ferre supplicantibus.
Ex supplice hostem nam facit, qui non tulit.*

CCXXXVII.

Stet ista regi cuilibet sententia,

*Unam paremque sortis humana vicem
Inter regentes esse & inter subditos.*

CCXXXVIII.

*Landis rapacem principem, haud pecunie,
Qui vult amari, semper esse convenit.
Tabes avarus omnis obsequentium est.*

CCXXXIX.

*Supremi agunt quodcumque rerum principes,
Conducit illud, aut necesse est, aut placet.*

CCXL.

*Periculum in quicumque non unquam incidit,
Incantus, imprudens, periculo haud caret.*

CCXLI.

*Cavenda quæ sint, semper incantus docet.
Qui incantus est, magister & prudentis est.*

CCXLII.

*Quicumque multitudini ingratus, facit
Periculosa plenum opus quod alea est.
Obstat sibi is, quicumque multitudini.*

CCXLIII.

*Multi timent, causam & timoris nesciunt.
Multi haud timent timenda jam cū se offerunt,
Sperare quam, timere præstat quemlibet.
Speranda multa, plura sed timenda sunt.*

CCXLIV.

*Ignarus obsequi, imperare non potest,
Ignara quæ sceptri est manus, sceptrum haud tenet.*

CCXLV.

*In principatu constitutus se ut regat,
Plane est necesse: ni regat, vulgus regit.*

CCXLVI.

*Contrariis qui se implicat negotiis,
Contrariisque hostisque semper est sibi.*

CCXLVII.

*Quicumque rebus in laborat perditis,
Frustra laborat: qui fuit labor, manet.*

CCXLVIII.

Perit quod ingrato exhibetur officio.

CCXLIX.

Facto malo factum est boni quidquid perit.

Mul-

CCL.

Multis venenum est, blanda quæ est oratio.

CCLI.

*De inanibus certare multi sic solent,
Majora sic ut vilipendant interim.*

CCLII.

*Nil aula quam molestiarum mater est.
Cura omnis hic cura modo est mutatio.*

CCLIII.

*Mutantur hand, mutare quæ se tempora
Stulti putatis: omnis est mutatio
Mores priorum ab integros mutantibus.*

CCLIV.

*Infame quamvis perditumque sæculum
Sis istud, hand sit tædio; pejus venit.
Iniquiora posterorum exempla sunt.*

CCLV.

*Probata quæ majoribus, sese hand probant
Nobis: probabunt nostra nec se posteris.
Hand semper idem displicet, semper placet.*

CCLVI.

Qui plura, quam par, appetit, perdit quæ habet.

CCLVII.

Piscator ictus cum sapit, sero sapit.

CCLVII.

*Spes aureas sunt qui offerunt semper sibi,
Verum quæ inanes mox in auras exeunt.*

CCLIX.

*Insanus est, majora qui semper bona
Sperare malit, quam bonis, quæ habet, frui.*

CCLX.

*Sunt bella semper quæis placent civilia:
Nam bella profunt sunt quibus civilia.*

CCLXI.

*Multi sua agre ferre non solent mala,
Affligi iisdem cum suos hostes vident.*

CCLXII.

Adversa amicum sola fors verum probat.

CCLXIII.

Nil est avaro aut invidio infelicius.

CCLXIV.

Bis saxum in idem impingit hand, quisquis sapit.

CCLXV.

Magnum appetendo, saepe perdimus minus.

CCLXVI.

Sperare posse nil, carere est omnibus.

CCLXVII.

Quae profutura credis, haud raro nocent.

CCLXVIII.

Id quod placet, ius est tyranno cuilibet.

CCLXIX.

Discriminis res plena in aula est veritas.

CCLXX.

Paucissimis recte datum est dignoscere,

Quid sit mali, quid & boni in re qualibet.

CCLXXI.

Dolus scelusque semper auctori redit.

CCLXXII.

Obesse qui vult, saepe prodest alteri.

CCLXXIII.

Regno impares si, qui regunt, viles quoque

Sibi arrogare principatum gestiunt.

CCLXXIV.

Placuisse regi magna laus cum dicitur,

Saepe haud minorem displicentis iudica.

Semper placet qui, huic est nihil quod displicet.

Bonis probisque multa semper displicent.

CCLXXV.

Mons parturit cum, saepius murem parit.

CCLXXVI.

Expende: rerum est omnium usus discolor.

CCLXXVII.

Erroris obstat multa nubes omnibus:

Videre acutum qui putat se, nil videt,

CCLXXVIII.

Metuque speque qualibet permixta sunt.

CCLXXIX.

Recte sapis si, a te cave primum tibi.

Plenumque nullus hostis est, quam tu tibi.

CCLXXX.

Iungenda non est dextra cum repellitur:

Jun-

Iunxisse, pacem est invidentis gentibus.

CCLXXXI.

Parcendo princeps subditis, parcat sibi.

CCLXXXII.

Bellumve paxve sint petenda an, ambigas.

Offertur anceps Martis in campo alea.

Intuta pacis gentibus sunt tempora.

Secura nam quæ tempora, hæc intuta sunt.

CCLXXXIII.

Cade absque, sanguine absque, vitam finit

Regentium ullus vix, jocus cui fuit

Ludusque, sanguinem suorum fundere.

Pereunte cum innocente rex nocens perit.

CCLXXXIV.

Non cuilibet se fœderi rex illiget :

Nil fœdus quum quod cum iniquo fœdus est.

CCLXXXV.

Ne crede fœderi nimis : nam in fœdera

Coenute dextrâ, sæpe non coit fides.

CCLXXXVI.

Jus illud omne, quod vocatur gentium,

Res gentiumque publica, est humanitas.

CCLXXXVII.

Intutior quo major est securitas.

CCLXXXVIII.

Odere multi quos amare se putant,

CCLXXXIX.

Redire si contingeret prioribus,

Et nostra nosque visere, & versa omnia

Hic intueri, Orbis his Novus foret;

Habitatus haud olim orbis, ignotus siti.

Tam magna rerum facta nunc conversio est.

CCXC.

Presume non tu magna de mutantibus.

Mutantibus quippe imminet mutatio.

CCXCI.

Quieta cum sunt tempora, haud quiescere est

Illos putandum, invisâ queis tua est quies.

Subinde nec dormit, putas quem stertere.

CCXCII.

*Profunda multis est nimis securitas.
Nullum timentis est, timere quemlibet.*

CCXCIII.

*Est eminentis se putare unum ex suis.
Impos sui est, quicumque se haud unum putat.*

CCXCIV.

*Sperata quæ non qui accipit, superbus est,
Audetque & id, sperare quod non ausus est.
Vilis fuit qui, asper fere idem est omnibus.
Vilis fuit qui, asper fere idem est omnibus.*

CCXCV.

*Dominis esse se princeps suorum cum autumat,
Ex subditis servos, simulque hostes facit.*

CCXCVI.

Ne sperne parvum: ex surculo arbor nascitur.

CCXCVII.

Sibi hostis est plerumque, qui hostem non habet.

CCXCVIII.

Moderata durant: noxia immodestia est.

CCXCIX.

Avarus est quisquis, nihil satis putat.

CCC.

Concessa non est præter optandum amplius.

CCCI.

Opinione nullus est dives suâ.

CCCII.

Quæ vera virtus est, sibi haud unquam timet.

CCCIII.

Ignota sunt plerisque quæ prosunt bona;

Ignota sunt plerisque quæ nocent mala.

CCCIV.

Fidem atque spem is qui in se locat, non fallitur.

Plerumque amicus nil quam inane nomen est.

CCCV.

Oculata debent esse sceptrâ principum,

Aurita &, esse tuta si quidem velint.

CCCVI.

Quo pressa virtus est magis, surgit magis.

CCCVII.

Sibi hostis est, adversus est qui nemini.

CCCVIII.

In principatu blanda vis multum potest.

CCCIX.

Fortuna blanda cui nimis, nunquam favet.

CCCX.

Quovis potente numen est quod plus potest.

CCCXI.

Infida sors est: cum placet, struit dolos.

CCCXII.

Quicumque major fit, minorem se putet.

CCCXIII.

Vi consilii carens nihil potest manus.

CCCXIV.

Fortuna quæ favet diu, fallit diu.

CCCXV.

Cui excubat suorum amor, sat tutus est.

CCCXVI.

Amare, amari, solæ opes mortalibus.

CCCXVII.

Terrere multos, est timere plurimos.

CCCXVIII.

Omnes timendi huic sunt, timet qui neminem.

CCCXIX.

Placere quæ solent, nunquam placent diu;

Quæ displicere, displicent semper diu.

CCCXX.

Pati potest qui multa, multum idem potest.

CCCXXI.

Ortu quod est tardum, diu semper manet.

CCCXXII.

Multis nocet plus civium cisis, quam hostium;

Quo hand victa tantū, sed manus victrix perit.

CCCXXIII.

Tardum est furentibus, nocentem querere.

Ergo & furenti est quisquis offertur nocens.

CCCXXIV.

Vi sape major, viribus perit suis.

CCCXXV.

Quisquis faventis usus est sortis bonis,

Malisque non faventis, is solus sapit.

Huic nota rerum est omnium inconstantia.

CCCXXVI.

*Dum putre quod membrum est recidit nixis,
Medicina iustum publica excedit modum.*

CCCXXVII.

*Superesse soli cum nocentes principi
Possunt, iniquum haud parcere est nocentibus.*

CCCXXVIII.

Pugnare, caca mittere est telum manu.

CCCXXIX.

Multum potest quicumque habet vires dolor.

CCCXXX.

Momenta sunt quae parva, dant & maxima.

CCCXXXI.

*Oculusq; mensq; humana non prendunt modum:
Sic summa passim regnat immodestia.*

CCCXXXII.

Alterna regum plebis & sunt iurgia.

CCCXXXIII.

*Rapit minoris major omnis gloriam:
Pruina nunquam sole conspecto manet.*

CCCXXXIV.

Est testa in aula qualibet quavis via:

CCCXXXV.

Turbare, quavis tollere est discrimina.

CCCXXXVI.

Timere debet is, timendum qui facit.

CCCXXXVII.

Sceleris latebra cum patent, scelus perit.

CCCXXXVIII.

Magnum omne vile est, vilis est cui fides.

CCCXXXIX.

Quod gignit, idem & omne consumit dies.

CCCXL.

*Favit scelus quod, hoc reducit & scelus:
Scelere est favente nam nihil nocentius.*

CCCXLI.

*Primum scelus post itur in quodvis nefas;
Scelere addito semper tnetur se scelus.*

CCCXLII.

Dissuasor aequi semper armati ensis est:

Vis nulla & aequa est, sola vis quod impetit.

CCCXLI.

*Civile bellum nil suorum quam odium est
Sinique; nemo odisse se aut suos velit.*

CCCXLIV.

Time timentes; ira fit tandem timor.

CCCXLV.

Civilis omnis monstri fer motus venit.

CCCXLVI.

Vulgi excitatus lassus est brevi furor.

CCCXLVII.

Sine hoste bellum est quodlibet, quod civium est.

CCCXLVIII.

Amissa rerum vera sunt vocabula:

Sceleri nefando quippe virtus nomen est.

CCCXLIX.

Armata legum est omnium mutatio.

Ferri potestas jus supra & leges valet.

CCCL.

In re gerenda, quae iniqua & noxia

Ipsi est gerenti, errasse, felix error est.

CCCLI.

Pavore quod fingunt malum, multi timent;

Haud quod futurum est, haud quod est, sibi offerunt.

CCCLII.

Ignota caelo cum videntur sidera.

Horret pavetque quilibet: securior

Cur aspicit portenta tot passim nova,

Et visa nunquam, quae indies tellus parit?

CCCLIII.

Veniunt minora, saepe majora & metn.

CCCLIV.

Timere semper convenit sperantibus:

Sperare semper convenit timentibus.

CCCLV.

Nimio sub omni pondere est lapsus gravis.

CCCLVI.

Se haud fert, nimis secunda quem fors extulit.

CCCLVII.

Qua sancta discors plebs rescindit foedera.

CCCLVIII.

Odisse sceptrum, poscere est sceptrum sibi.

CCCLIX.

Ambire noli magna; magna in se ruunt.

CCCLX.

*Positus petendi est cuilibet certus modus.**Plus qui petunt, id quod petunt, negant sibi.*

CCCLXI.

Discordia quæ est fax, mala est concordia.

CCCLXII.

Fortuna larga quæ nimis, cecos facit.

CCCLXIII.

Patiens potestas nulla consortis fuit.

CCCLXIV.

*Uso laborum fit minor quivis labor.**Uso laborum est, qui laborantem erigit.*

CCCLXV.

Fortuna primum proxima affectat locum.

CCCLXVI.

*Non causa victrix semper est hæc quæ placet,**Sed victa sæpe est, quæ placet prudentibus.*

CCCLXVII.

Eni causa iusta, hand victus est, cum vincitur.

CCCLXVIII.

*Pax sæpe perdit longa rerum principes:**Longâ fruente pace dediscunt ducem.*

CCCLXIX.

*Nescit timendas ille fortune vices,**Cui prona tantum prima suadet quidlibet.*

CCCLXX.

*Casura qua sint regna, reges indicant**Ignavi, inertes, quique sunt regno imparis.*

CCCLXXI.

*Excelsa eodem nulla stat virtus loco;**Majora semper addit & prioribus;**Minusque, nō addat, detrabi credit sibi.*

CCCLXXII.

*Spes quo, ira quo vocant, cave statim aggredi.**Nocitura spes & ira multis suggerunt.*

CCCLXXIII.

Summa ad ruinā quæ viam facit sibi,

Ruit

Ruit caditque, nec manet qualis fuit.

CCCLXXIV.

*Cum dira, ruptâ pace cum jam civium
Arsere bella, quisque quod potest, licet.*

CCCLXXV.

Nil ius potest, cum castra miscentur foro.

CCC LXXVI.

Dat cuncta civi, iusta qui civi negat.

CCC LXXVII.

*Quamvis labanti, aut sorte iniquâ perdita,
Servanda causa semper est bona fides.*

CCC LXXVIII.

Est vita turpis, quâ datâ corrumpimur,

CCC LXXIX.

Sibi est malum quod, velle nullus cogitur.

CCCLXX.

Vitare nemo est qui potest instantia.

CCC LXXXI.

Semper malum mali omnis est vicinia.

CCC LXXXII.

Morti mora est, quâ longa vita dicitur.

CCC LXXXIII.

Malum rependit qui malo, hand ingratus est.

CCC LXXXIV.

Spelunca nil nisi omnis est aula domus:

Obscura in illâ, tecta sunt & omnia.

CCC LXXXV.

Parcente multum saepe quis potest manu.

CCC LXXXVI.

Plus quisque saepe viribus potest suis.

CCCLXXXVII.

Primus timor semper manet timentibus.

CCCLXXXVIII.

Renatus anguis semper est rebellio.

CCC LXXXIX.

Quæ civium arma infecta sunt semper dolia,

CCCXC.

Tegitur latetque magnus audendo timor.

CCCXCI.

Omnis futuris blanda fors fallit malis.

H 6

Qm

CCCXCII.

Qui pacis hostis publica est, furtim incipit.

CCCXCIII.

*Timeri ab hoste, plena res timoris est.**Nam vincitur tunc promptius, cum non timet.*

CCCXCIV.

Incerta bellum ad umbra multos provocat:

CCCXCV.

Fortuna ceca saepe servit fraudibus.

CCCXCVI.

*Occultus est latensque qui hostis, major est;**Ars hujus omnis est inevitabilis.*

CCCXCVII.

*Eante imperantis, seque amantis principis**Subinde vulgi est obsequi calcaribus,*

CCCXCVIII.

Coacta virtus omnis est & fortior.

CCCXCIX.

*Corrumpi & auro, nec minus corrumpere.**Emore illud est rem publicam & vendere.*

CCCC.

*Diuturna duram bella semper gentibus,**Quas esse vi fortuna diu pares finit.*

CCCCI.

*Ut albicantes bruma cum sparsit nives**Texitque terras, ver tepens statim redit,**Secunda sic sors semper adversam excipit*

CCCCII.

Fortuna quem auget, saepe Fortune est pudor.

CCCCIII.

Superbus omnis, ventus est tantum loquax.

CCCCIV.

*Timere multa, optare multa sors iubet.**Timere quæ futura, vis præsentium est.*

CCCCV.

*Stimulo furoris fluctibusque cum semel**Commota plebes, quidquid est fixum movet.*

CCCCVI.

*Quicunque supplici hand favet, nihil nisi**Et triste truxque rupis est silentium.*

Male

CCCCVII.

*Malo haud feracius quid, aut fecundius.
Causa est mali, quod finis esse creditur.*

CCCCVIII.

Fortuna vertit quidlibet: nil hanc pudet.

CCCCIX.

Post terga qua sunt, nulla sit rebus fides.

CCCCX.

*Longi mali est fastidium, & longi boni:
Et bella longa, longa bellorum & quies,
Plerisque sunt invisa passim gentibus.*

CCCCXI.

Sunt mille pacis, mille bellorum vices.

CCCCXII.

*Quicumque bello victor est domestico,
Victoriam haud, sed esse stragem iudices.
Merces ea omnis una motus civici est.*

CCCCXIII.

Post acta sunt cum agenda, nil actum puta.

CCCCXIV.

Fugiens modo haud magna hostis est victoria.

CCCCXV.

Lassata cum fortuna quae blanda est, nocet.

CCCCXVI.

Armatus est inermis, armorum rudis.

CCCCXVII.

*Virtutis os vultumque multi, ipsam haud habent.
Videre multi quod putant se, non vident.*

CCCCXVIII.

*Mavult timeri qui, quam amari, se haud amat,
Odisse quempiam aut timere haud differunt.*

CCCCXIX.

Hoc velle quivis creditur, quicquid potest.

CCCCXX.

*Inane sceptrum est omne, cum regi placet
Jubere plura quam potest civis pati.*

CCCCXXI.

Vis sola princeps, lexque jusque cum haud valent.

CCCCXXII.

*Qui longus est & ima permiscet dies
Spirans, & aequat ima quae sunt maximis.*

Non

CCCCXXIII.

*Non dignus irâ quilibet sit principis:
Robur potentis, multa posse spernere est.*

CCCCXXIV

Jubeare quicquid velle, vera est servitus.

CCCCXXV.

*Miser neganda est cui negare non licet;
Et cui roganda jam rogare non licet.*

CCCCXXVI.

*Et hoc & illud molienti cuilibet
Perdenda multa obstacula inter est dies.*

CCCCXXVII.

*Sublime rerum & imper I ad fastigium,
Errat, per arma qui viam sternit sibi.*

CCCCXXVIII.

*Futura nemo fingat ex presentibus:
Ignota quippe semper est lux crastina;
Mortaliumque est omnium ignorantia,
Nescire serus vesper id quod advehet.*

CCCCXXIX.

Libenter haud ferentibus tantum est omnis.

CCCLXXX.

Accepta perdit, plura qui non accipit.

CCCCXXXI.

*Cognata sunt quæ, infesta nunc sunt nomina,
Ætate nostrâ principum subvertere
Est principes. Sibi hoc sed exemplo nocent.*

CCCCXXXII.

Securior quam aula est taberna pauperis,

CCCCXXXIII.

Excelsa turris lapsi omnis proxima est.

CCCCXXXIV.

Sol ortum, idem ille & occasum videt.

CCCCXXXV.

*Quodcumque, latum, triste, finis excipit:
Mansura nulla, cuncta finienda sunt.*

CCCCXXXVI

Mors una cum sit, mille nos rapit modis.

CCCCXXXVII.

Exordium quisquis mali, haud finem videt.

CCCCXXXVIII.

*Annosa multis silva perstat seculis,
Nobis sed est, eritque semper, lux brevis.
Qui vixit, is vixisse vix dicendus est.
Non possidentis vita vitam est hospitis:
Nobis perit, nos & perimus tempori.*

CCCCXXXIX.

*Sua haud, petisse haud; & sua indigentibus
Dedisse semper, sola opes sunt diviti.*

CCCCXL.

Nec sperni oportet quampiam, nec spernere.

CCCCXLI.

*Est multa regis imperare & poscere:
Multa imperanti & subditi debet fides.*

CCCCXLII.

*Pœna hic videtur longa quæ, est tantum brevis;
Si quis futuram haud finiendam cogitet.*

CCCCXLIII.

*Timendus ille maxime est, qui non timet;
Ex face quamvis infimâ timendus est.*

CCCCXLIV.

In carcere est cum qui innocens, & liber est.

CCCCXLV.

*Magnum ex illi timere vim haud decet virum;
Una est domus nam totus orbis omnibus.*

CCCCXLVI.

Uti necesse est te tuis, tanquam haud tuis.

CCCCXLVII.

Adversa eâdem, quâ secunda, mente fer.

CCCCXLVIII.

*Malum imperanti est obsequi tantum mali;
Dura imperanti at obsequi, est civis boni.*

CCCCXLIX.

*Commota plebes cum semel fuit, rediis
Plebi inquietæ qui fuit nuper furor.*

CCCCCL.

*Plerisque quæ curanda non curantibus,
Videtur esse cura quæ est incuria.
Ætate neglectum quod est primâ, seni
Sperare, spes sperantis est præpostere.*

CCCCLI.

*Mansura non est principi vis, qui premis
Famulisque servos subditos facit suis.*

CCCCLII.

*Velum ferentes inter auras contrahere:
Repente quod diu profuit velum nocet.*

CCCCLIII.

*Mare ante & undas nauta portum deligit,
Fidus trementem forte qui servet ratem.*

CCCCCLIV.

*Nil impetu fac: sera pœnitentia est,
Proferre cum, referre cum pedem haud licet.*

CCCCCLV.

Prodesse multis, haud nocere illud sibi est.

CCCCCLVI.

*Adversa en sors, seu secunda sit tibi,
Et hac & illa falsa fallit quemlibet.*

CCCCCLVII.

*Adversa quævis sunt nihil sperantibus:
Adversa quævis sunt nihil timentibus.*

CCCCCLVIII.

*Mavult probandâ semper ignorantia
Nescire prudens, scire quæ non expedit.*

CCCCCLIX.

Nescire quæ juvat, libet non credere,

CCCCCLX.

*Incerta certe, incerta sors est principum:
Fortuna sceptris subdidit reges suis.*

CCCCCLXI.

*Deum, quem adorant, non amare plerique
Putant. Nam amant tantum illud ipsum quod petunt.*

CCCCCLXII.

*Civilium quod finis esse motuum
Plerisque creditur, fere est exordinum.
Cineri dolofo nam ignis est semper suus.*

CCCCCLXIII.

*In abdito plerumque fraus, dolus latent:
Quod esse plebis, haud silentium est.*

CCCCCLXIV.

Motum quod est movensque, semper se movet,

CCCCLXV.

*Felicitas cum est improbo, infelix mihi
Videtur esse semper hac felicitas.*

CCCCLXVI.

Plerumque stare cum putat quis se, cadit.

CCCCLXVII.

*Vitium comes virtutis est. Nam gloria,
Virtute qua parata, fit superbia.*

CCCCLXVIII.

*Ipsam nocenti poena semper crimen est;
Quo quisque gaudet crimine, hoc ipso perit.*

CCCCLXIX.

*Qua blanda magnum, qua aspera hand frangunt virum.
Oblata sors quaecunque nunquam displicet,
Cur displiceret, offerenti qua placet?*

CCCCLXX.

*Cum vita finienda sit mortalibus,
Placitis carere sit perinde, quam frui.*

CCCCLXXI.

*Vitiis regentis sceptrum servire hand decet.
Servitque qui regitque, ne quidem regit.*

CCCCLXXII.

*Non una, multa cura fallacem premit.
Pax nulla nam, nulla est quies menti mala,*

CCCCLXXIII.

*Nox est, dolusque, quando quis mendax sibi est;
Sibi & tamen nunc mentiumtur plurimi.*

CCCCLXXIV.

*Amor satelles principi est fidissimus.
Omnes amare, sese amare est maxime,
Omnes amat rex qui, idem & omnium est amor,*

CCCCLXXV.

*Cum mille rebus omnibus pericula,
Infecta sint, prudenter utere omnibus.*

CCCCLXXVI.

*Dat is petenti, noxium quod qui negat:
Et supplici repulsa nonnunquam favet.*

CCCCLXXVII.

*Ignota nobis cum bona & sint & mala,
Humana subdat se Deo ignorantia.*

Nunquam haud bonum esse, quod facit Deus, potest.
CCCCLXXVIII.

Hic vivitur quæ vita, paucorum indiga est.
Plus velle quam est necesse, id indigentia est.
CCCCLXXIX.

Quod est id esse semper, hoc tantum est Dei.
Nulli id tributum est principi, nullus dabit.
CCCCLXXX.

Curræ officina est aula, & anxie; patet,
Aulamque & ante, vilis est quies casa.
CCCCLXXXI.

Virtus timet nil; non arenas Africa,
Ursamve vasto semper armatam gela.
Magnis via omnis pervia est virtutibus.
CCCCLXXXII.

Summa est potestas cum tributa regibus,
Hæc sit potestas, velle quam possint minus.
CCCCLXXXIII.

Regnum mereri, quam esse regem, majus est.
CCCCLXXXIV.

Magni hostis ipsa magnitudo est imperi.
Ex Orbe toto unam, suam & dum urbem facit,
Suâ superba Roma mole concidit.
CCCCLXXXV.

Terrorque amorque robur est victoriæ,
Amare victos & timere convenit.
CCCCLXXXVI.

Qui magna de se sentit, impostor sibi est:
Cui fallere autem, immanis est dementia.
CCCCLXXXVII.

Incerta certis posthabenda sunt. Patet
Cui terrâ itiner, vitet incertum maris.
CCCCLXXXVIII.

Optare multa mos fere est mortalium:
Plerosque voti sed peracti pœnitet.
Optanda quæ plerique non intelligunt.
CCCCLXXXIX.

Incerta fors, iniqua, succedentibus
Improsperis mox, prosperi quidquid dedit
Tollit rapitque. Nulla res mortalium est.

CCCC XC.

Refectio laboris est mutatio.

CCCC XCI.

*Se nemo, qui sapit, superbus efferrat.
Una est origo, sanguis unus omnibus,
Vannumque quod fortuna discrimen facit.*

CCCXCII.

*Est tarda nunquam qua mora est prudentibus
Non providenti sed mora est obstaculum.*

CCCCXCIII.

*Ventura quæ est, est nemo fortis conscius:
Metumque spemque quæ futura deserunt.*

CCCCXCIV.

*Fortuna dicitur quæ & audaces juvat;
Audacibusque adversa nonnunquam nocet.*

CCCCXCV.

*Vis omnis est, & grata vis est principum,
Premere & superbos, subditisque parcere.*

CCCCXCVI.

*Quicumque rex est, semper & lex sit sibi.
Effraxis omnibus nocet superbia.*

CCCCXCVII.

*Plerumque pauper quisquis est, spe dives est;
Magnusque & ausus pauperis sperantis est.*

CCCCXCVIII.

*Vicisse quisquis se potest, magnum refert
Dulcemque fructum nobilis victoria.*

CCCCXCIX.

*Edoctus exemplo haud cavet quisquis sibi;
Fastis is inferendus imprudentium est.*

D.

*Non offerenda est nulla lex nolentibus:
Nam lege mentis nulla lex est fortior.*

DI.

*Benigna quæ est, est fortior semper manus,
Hostesque permiscere seque cladibus
Videntur hi, civile qui bellum gerunt.*

Namque obrutus quando hostis est, victor cadit.

DII.

Plebem impetentem mille serpentem dolis

Abesse nunquam principes rerum putent.

Est

DIII.

Est liber is, virtutis hic qui servus est.

DIV.

*Dicendus est rex solus ille, vana qui
Casto superbus despicit fastidio,
Laudanda semper omnis hæc superbia est.*

DV.

*Labor fere est regi laboris præmium;
Haud regibus laboris unquam finis est:
Rex esse qui videtur, idem & servus est.*

DVI.

Quisquis bonus vere est, sibi haud, cuiquã haud notus.

DVII.

*Cuius regenti serviendum est tempori.
Subiecta cuncta legibus sunt temporum.*

DVIII.

*Turbis obortis jam, novis se opponere,
Tantum mederi vulnere illud vulnere est.*

DIX.

*Movementum se agentiumque fluctuum
Est qualis unda, talis est vulgi furor:
Nam se magis magisque, cum movit, movet.*

DX.

*In re gerenda semper est quod deficit:
Vel hoc vel illud haud adest agentibus.
Fluctu secundo ventus haud secundus est,
Vento & secundo non secundus fluctus est.*

DXI.

*Curanda rex cui publica summa est rei,
Dubium & procellosum fere æquor navigat.*

DXII.

*In rebus arduis iubendo plus potest,
Non qui ire dux, sed qui sequi suos jubet.*

DXIII.

*Qua magna parvis aggredi, cymba levi
Sulcare fluctus est verendis classibus.*

DXIV.

*Timenda qua sperare, mos est plurimis:
Sperare noli, qua timere convenit.*

DXV.

Nullo potestas rapta fulta robore, Can-

*Cannâ palustri non nisi intexta est domus,
Cujuslibet tripudium est quæ turbinis.*

DXVI.

*Sterilis levisque juncus est vulgi favor :
Innititur qui huic , prospicit parum sibi ;
Ruitque præceptus ille mox qui innititur.*

DXVII.

*Turbata pax cum publica & domi hostis est,
Post est recluso hosti viam externo dare.*

DXVIII.

*Minora votis immodestis omnia,
Majora votis se modestis offerunt.*

DXIX.

*Dubium aggredi & quod cognitum non est satis
Nocturno id est rem spemque ponto credere.*

DX X.

*Pluvium ut Jovem sol ore monstrat lurido,
Sicutque signis luna ventorum rubet,
Motum movende multa plebis indicant,
Notare quæ vulgaris haud prudentiæ est.
Aliena ; principumque quæ, plebs cum petit,
Turbo instat ; ut plerumque tempestatis est ;
Et mergus index , præ mari cum siccam amat ;
Et ardea undis cum æquoris spargit caput.*

DX XI.

*Ingressus invia, is viam haud speret sibi;
Veitiosque cursus vertere , hoc iter putet.*

DX XII.

*Cessura demens qualibet pericula
Sibi arbitratur : plurimosque perdidit,
Pluresque perdit principum hæc insania:
Insania ipsa hæc nil nisi est periculum.*

DX XIII.

*Nil , quidlibet præbere multitudini,
Quam tradere est ventis furentibus sinum.*

DX XIV.

*Fortuna rara est ante vota quæ favet ;
Post multa multis vota sæpe non favet.*

DX XV.

*Fortuna quantum, quidve jam velit tibi,
Ferro experiri velle, non prudentis est.*

DXXVI.

*Civile bellum quodlibet, nihil nisi
Signa ad vocatum classico est periculum.*

DXXVII.

Nil quam mare est plebs, litus hand vult quod pati.

DXXVIII.

*Miser nimis ille est, qui timere nil potest.
Miserque & ille optare qui potest nihil.*

DXXIX.

Curis vacanti nulla res, aut perdit a est.

DXXX.

Veri timor sunt spesque semper nescia.

DXXXI.

Plerisque trita est via, est & devia.

DXXXII.

Majus malum cavere, primo obsistere est.

DXXXIII.

Plus scire oportet providum, quam prodere.

DXXXIV.

*Populo furenti vix suus prodest furor,
Tantum favet plerumque paucioribus,
Queis ex furente sola spes vulgo manet.*

DXXXV.

*Nulla est scelesto, esse aut potest est securitas;
Scelerisque pœnaque omnis est vicinia.*

DXXXVI.

*Cur quem timet quivis, sibi hand princeps timet?
Tremulum imperantis namque semper culmen est.*

DXXXVII.

*Vix finis armis quaritur civilibus,
Nec impetrabilis fere est, cum quaritur.
Odium cui hand non finiendi sit mali?
Cur ergo passim tantus & tam continuax
Vix finiendi plurimis amor. mali est?*

DXXXVIII.

Cui sum non est satis, nil est satis.

DXXXIX.

*Geritur male illud, quamlibet feliciter,
Geritur quod omne summa per pericula.*

DXL.

Externa multis bella, cur civilia,

Pla.

*Placent, suâ ipsi bella quæ damnant manu?
Velle est furor, sublata quæ ferro velis.*

DXLI.

Ius omne quod ferri est, iniquum est & grave.

DXLII.

*Vacare rebus fata nullus ambigat
Mortalium; vocare cum haud putas, vacant.*

DXLIII.

Mendacium tantum omnis assentatio est.

DXLIV.

*Civilium excitare bellorum faces,
Nefasque fasque semper est confundere.*

DXLV.

*Infansta faustis juncta qui non judicat,
Babone latas is sinistro aves putat.*

DXLVI.

*Dux factionis, mota cum Respublica est,
Non bella partibus gerit, gerit sibi.*

DXLVII.

*Prodit repente veris inconstantia,
Ver esse cum & formosus annus creditur.*

DXLVIII.

Non invenit bellum inquietus, sed rapit.

DXLIX.

Qui plebs auras, non manentes colligit.

DL.

*Mare omne caute navigandum est: quodlibet
Nam cuilibet non pervium velo æquor est:
Marisque ad instar omnis est Respublica.*

DLI.

*Plebem haud move: nam plena res periculi
Ventum facemque est esse plebes: & ratem
Quæ vexit aura, sæpe non potest sequi.*

DLII.

*Levis diu haud vulgi manet silentium:
Diuurnus alti languor haud unquam est maris.*

DLIII.

Novo timori vota sunt semper nova.

DLIV.

*Secunda post adversa grata sunt magis:
Ut gratior lux nube post lasum diem est.*

Ne

DLV.

*Ne coge subditosque liberosque : nam id
Nolentis idem est & volentis principis.*

DLVI.

*O sæculum , moresque sæculi ! Suam
Rem nunc amare amantis est rem publicam.*

DLVII.

*Mota ut videmus ima montes æquora
Pulsare, sic & mota plebs opponere
Se principi audet, ambiens fastigium.*

DLVIII.

*Timenda multa tecta sunt prudentibus.
Arena vasto abstrusa passim est æquori.*

DLIX.

*Ætas fuit nostrâ nulla vix insanior.
Discordia manent; mora hand concordia est.
Hostem ex amico qualibet facit dies:
Hinc nulla certa, nulla pax est genibus.*

DLX.

*Pax sæpe bello est quolibet nocentior :
Portu maligno tutius quodvis mare est.*

DLXI.

*Intuta sunt , locata quæ in tuto putas.
Excepta portu hand salva dicenda est ratis;
Scruposa sæpe nam sunt saxa portui.*

DLXII.

Sortis subiectu stare, non prudentis est.

DLXIII.

Est eminente tutior , quisquis latet,

DLXIV.

Stultum hand movendis nolle servire est malis.

DLXV.

*Cum clausa fædo servitutis carcere
Gens libera est, servire dura videtur, hand
Servit, sed unum hoc, libera ut sit, cogitat,
Exire latis & ruinis destinat.*

DLXVI.

*Qua prodimur, sæpe umbra, sæpe est res levis:
Propinquus hostis pulvere hosti noscitur.
Ansurus ergo tecta quæ esse convenit,
Cum quodlibet non, cætera incassum tegit.*

DLXVII.

*Lande absque bella civium sunt. Crimen est
Spectata virtus omnis in civilibus.*

DLXVIII.

Bella hand relegant bella sed tantum se alunt.

DLXIX.

*Metusque spesque sunt ferenda ad omnia,
Subjecta qua sunt casum periculis.*

DLXX.

*In mente principum quod abditum latet,
Dilata longâ nocte & harena est dies,
Dieque tandem se palam prodit suo.
Non facta nolunt, sed futura intelligi.*

DLXXI.

*Arcana canti principis, soli huic patent;
Arcana non sunt, cum illa soli non patent.*

DLXXII.

*Externa cum hand sunt, excitant civilia,
Externa tollunt bella quæ civilia.
Qui finis est belli, novi est exordium.*

DLXXIII.

Non velle multa, multa sed nolle expedit.

DLXXIV.

*Sunt militum vi parta regna sceptraque,
Et occupata, in militum tantum manu,
Quam castra fundant tuta non Respublica est,
Incerta nam est castrensiū semper fides.*

DLXXV.

*Mutatio ex mutatione gignitur:
Mutatio omnis semper exemplo nocet.*

DLXXVI.

*Numen favere cum videtur, hand favet
Semper, nocere cum videtur, hand nocet.*

DLXXVII.

*Humana mens est vasta, vasta concipit;
Nullus superba finis, & nullus modus,
Limesque nullus ponitur libidini:
Hinc motum tot, totque bellorum faces.
Mutanda bello at pacis hand sunt tempora.
Turbata cum pax gentium est, tarde redit.*

CCCCLI.

*Mansura non est principi vis, qui premis
Famulisque servos subditos facit suis.*

CCCCCLII.

*Velum ferentes inter auras contrahere:
Repente quod diu profuit velum nocet.*

CCCCCLIII.

*Mare ante & undas nauta portum deligit,
Fidus trementem forte qui servet ratem.*

CCCCCLIV.

*Nil impetum fac: sera poenitentia est,
Proferre cum, referre cum pedem haud licet.*

CCCCCLV.

Prodesse multis, haud nocere illud sibi est.

CCCCCLVI.

*Adversa en sors, seu secunda sit tibi,
Et haec & illa falsa fallit quemlibet.*

CCCCCLVII.

*Adversa quævis sunt nihil sperantibus:
Adversa quævis sunt nihil timentibus.*

CCCCCLVIII.

*Mavult probanda semper ignorantia
Nescire prudens, scire quæ non expedit.*

CCCCCLIX.

Nescire quæ juvat, libet non credere,

CCCCCLX.

*Incerta certe, incerta sors est principum:
Fortuna sceptris subdidit reges suis.*

CCCCCLXI.

*Deum, quem adorant, non amare plur mos
Putat. Nam amant tantum illud ipsum quod petunt.*

CCCCCLXII.

*Civilium quod finis esse motuum
Plerisque creditur, fere est exordinum.
Cineri dolofo nam ignis est semper suus.*

CCCCCLXIII.

*In abdito plerumque fraus, dolus latent:
Quod esse plebis, haud silentium est.*

CCCCCLXIV.

Motum quod est movensque, semper se movet,

CCCCCLXV.

*Felicitas cum est improbo, infelix mihi
Videtur esse semper hac felicitas.*

CCCCCLXVI.

Plerumque stare cum putat quis se, cadit.

CCCCCLXVII.

*Vitium comes virtutis est. Nam gloria,
Virtute quæ parata, fit superbia.*

CCCCCLXVIII.

*Ipsam nocenti pœna semper crimen est;
Quo quisque gaudet crimine, hoc ipso perit.*

CCCCCLXIX.

*Quæ blanda magnum, quæ aspera hand frangunt virum,
Oblata fors quæcunque nunquam displicet,
Cur displiceret, offerenti quæ placet?*

CCCCCLXX.

*Cum vita finienda sit mortalibus,
Placitis carere sit perinde, quam frui.*

CCCCCLXXI.

*Vitiis regentis sceptrum servire hand decet.
Servitque qui regitque, ne quidem regit.*

CCCCCLXXII.

*Non una, multa cura fallacem premit.
Pax nulla nam, nulla est quies menti mala,*

CCCCCLXXIII.

*Nox est, dolusque, quando quis mendax sibi est;
Sibi & tamen nunc mentiuntur plurimi.*

CCCCCLXXIV.

*Amor satelles principi est fidissimus.
Omnes amare, sese amare est maxime,
Omnes amat rex qui, idem & omnium est amor,*

CCCCCLXXV.

*Cum mille rebus omnibus pericula,
Infesta sint, prudenter utere omnibus.*

CCCCCLXXVI.

*Dat is petenti, noxium quod qui negat:
Et supplici repulsa nonnunquam favet.*

CCCCCLXXVII.

*Ignota nobis cum bona & sint & mala,
Humana subdat se Deo ignorantia.*

Nunquam haud bonum esse, quod facit Deus, potest.

CCCCLXXVIII.

Hic vivitur quæ vita, paucorum indiga est.

Plus velle quam est necesse, id indigentia est.

CCCC LXXIX.

Quod est id esse semper, hoc tantum est Dei.

Nulli id tributum est principi, nullus dabit.

CCCC LXXX.

Curæ officina est aula, & anxie; platet,

Anlamque & ante, vilis est quies casa.

CCCC LXXXI.

Virtus timet nil; non arenas Africa,

Ursamve vasto semper armatam gela.

Magnis via omnis pervia est virtutibus.

CCCC LXXXII.

Summa est potestas cum tributa regibus,

Hac sit potestas, velle quam possint minus.

CCCC LXXXIII.

Regnum mereri, quam esse regem, majus est.

CCCC LXXXIV.

Magni hostis ipsa magnitudo est imper I.

Ex Orbe toto unam, suam & dum urbem facit,

Suâ superba Roma mole concidit.

CCCC LXXXV.

Terrorque amorque robur est victoria,

Amare victos & timere convenit.

CCCC LXXXVI.

Qui magna de se sentit, impostor sibi est:

Cui fallere autem, immanis est dementia.

CCCC LXXXVII.

Incerta certis posthabenda sunt. Patet

Cui terrâ itiner, vitet incertum maris.

CCCC LXXXVIII.

Optare multa mos fere est mortalium:

Plerosque voti sed peracti pœnitet.

Optanda quæ plerique non intelligunt.

CCCC LXXXIX.

Incerta sors, iniqua, succedentibus

Improsperis mox, prosperi quidquid dedit

Tollit rapitque. Nulla res mortalium est.

CCCC XC.

Resectio laboris est mutatio.

CCCC XCI.

Se nemo, qui sapit, superbus efferrat.

Una est origo, sanguis unus omnibus,

Vanumque quod fortuna discrimen facit.

CCCCXCII.

Est tarda nunquam quæ mora est prudentibus

Non providenti sed mora est obstaculum.

CCCCXCIII.

Ventura quæ est, est nemo sortis conscius:

Meumque spemque quæ futura deserunt.

CCCCXCIV.

Fortuna dicitur quæ & audaces juvat;

Andacibusque adversa nonnunquam nocet.

CCCCXCV.

Vis omnis est, & grata vis est principum,

Premere & superbos, subditisque parcere.

CCCC XCVI.

Quicumque rex est, semper & lex sit sibi.

Effrænis omnibus nocet superbia.

CCCC XCVII.

Plerumque pauper quisquis est, spe dives est;

Magnusque & ausus pauperis sperantis est.

CCCC XCVIII.

Vicisse quisquis se potest, magnum refert

Dulcemque fructum nobilis victoriæ.

CCCCXCIX.

Edoctus exemplo haud cavet quisquis sibi;

Fastis is inferendus imprudentium est.

D.

Non offerenda est ulla lex nolentibus:

Nam lege mentis nulla lex est fortior.

DI.

Benigna quæ est, est fortior semper manus,

Hostesque permiscere seque cladibus

Videntur hi, civile qui bellum gerunt.

Namque obrutus quando hostis est, victor cadis.

DII.

Plebem impetentem mille serpentem dolis

Abesse nunquam principes rerum putent.

Est

DIII.

Est liber is, virtutis hic qui servus est.

DIV.

*Dicendus est rex solus ille, vana qui
Casto superbus despicit fastidio,
Laudanda semper omnis hæc superbia est.*

DV.

*Labor fere est regi laboris premium;
Haud regibus laboris unquam finis est:
Rex esse qui videtur, idem & servus est.*

DVI.

Quisquis bonus vere est, sibi haud, cuiquã haud notus.

DVII.

*Cuius regenti serviendum est tempori.
Subiecta cuncta legibus sunt temporum.*

DVIII.

*Turbis obortis jam, novis se opponere,
Tantum mederi vulnere illud vulnere est.*

DIX.

*Moventium se argentiumque fluctuum
Est qualis unda, talis est vulgi furor:
Nam se magis magisque, cum movit, movet.*

DX.

*In re gerenda semper est quod deficit:
Vel hoc vel illud haud adest agentibus.
Fluctu secundo ventus haud secundus est,
Vento & secundo non secundus fluctus est.*

DXI.

*Curanda rex cui publica summa est rei,
Dubium & procellosum fere æquor navigat.*

DXII.

*In rebus arduis iubendo plus potest,
Non qui ire dux, sed qui sequi suos iubet.*

DXIII.

*Quæ magna parvis aggredi, cymba levi
Sulcare fluctus est verendis classibus.*

DXIV.

*Timenda quæ sperare, mos est plurimis:
Sperare noli, quæ timere convenit.*

DXV.

Nullo potestas rapta fulta robore, Can-

*Cannâ palustri non nisi intexta est domus,
Cujuslibet tripudium est quæ turbinis.*

DXVI.

*Sterilis levisque juncus est vulgi favor :
Innititur qui huic , prospicit parum sibi ;
Ruitque præceps ille mox qui innititur.*

DXVII.

*Turbata pax cum publica & domi hostis est,
Post est recluso hosti viam externo dare.*

DXVIII.

*Minora votis immodestis omnia,
Majora votis se modestis offerunt.*

DXIX.

*Dubium aggredi & quod cognitum non est satis
Nocturno id est rem spemque ponto credere.*

DX.

*Pluvium ut Jovem sol ore monstrat lurido,
Sicutque signis luna ventorum rubet,
Motum movendæ multa plebis indicant,
Notare quæ vulgaris haud prudentiæ est.
Aliena ; principumque quæ, plebs cum petit,
Turbo instat ; ut plerumque tempestatis est
Et mergus index , præ mari cum siccum amat ;
Et ardea undis cum equoris spargit caput.*

DXXI.

*Ingressus invia, is viam haud speret sibi;
Vetitosque cursus vertere , hoc iter putet.*

DXXII.

*Cessura demens qualibet pericula
Sibi arbitratur : plurimosque perdidit,
Pluresque perdit principum hæc insania:
Insania ipsa hæc nil nisi est periculum.*

DXXIII.

*Nil , quidlibet præbere multitudini,
Quam tradere est ventis furentibus sinum.*

DXXIV.

*Fortuna rara est ante vota quæ favet ;
Post multa multis vota sæpe non favet.*

DXXV.

*Fortuna quantum, quidve jam velit tibi,
Ferro experiri velle, non prudentis est.*

DXXVI.

*Civile bellum quodlibet, nihil nisi
Signa ad vocatum classico est periculum.*

DXXVII.

Nil quam mare est plebs, luttus hand vult quod pati.

DXXVIII.

*Miser nimis ille est, qui timere nil potest.
Miserque & ille optare qui potest nihil.*

DXXIX.

Curis vacanti nulla res, aut perditæ est.

DXXX.

Veri timor sunt spesque semper nescia.

DXXXI.

Plerisque trita est via, est & devia.

DXXXII.

Majus malum cavere, primo obsistere est.

DXXXIII.

Plus scire oportet providum, quam prodere.

DXXXIV.

*Populo furenti vix suus prodest furor,
Tantum favet plerumque paucioribus,
Queis ex furente sola spes vulgo manet.*

DXXXV.

*Nulla est scelesto, esse aut potest est securitas;
Scelerisque pœnaque omnis est vicinia.*

DXXXVI.

*Cur quem timet quivis, sibi hand princeps timet?
Tremulum imperantis namque semper culmen est.*

DXXXVII.

*Vix finis armis queritur civilibus,
Nec impetrabilis fere est, cum queritur.
Odium cui hand non finiendi sit mali?
Cur ergo passim tantus & tam continuæ
Vix finiendi plurimis amor. mali est?*

DXXXVIII.

Cui suum non est satis, nil est satis.

DXXXIX.

*Geritur male illud, quamlibet feliciter,
Geritur quod omne summa per pericula.*

DXL.

Externa multis bella, cur civilia,

Pla-

*Placent, suâ ipsi bella quæ damnant manu?
Velle est furor, sublata quæ ferro velis.*

DXLI.

Ius omne quod ferri est, iniquum est & grave.

DXLII.

*Vacare rebus fata nullus ambigat
Mortalium; vocare cum haud putas, vacant.*

DXLIII.

Mendacium tantum omnis assentatio est.

DXLIV.

*Civilium excitare bellorum faces,
Nefasque fasque semper est confundere.*

DXLV.

*Infansta faustis juncta qui non judicat,
Babone latas is sinistro aves putat.*

DXLVI.

*Dux factionis, mota cum Respublica est,
Non bella partibus gerit, gerit sibi.*

DXLVII.

*Prodit repente veris inconstantia,
Ver esse cum & formosus annus creditur.*

DXLVIII.

Non invenit bellum inquietus, sed rapit.

DXLIX.

Qui plebs anras, non manentes colligit.

DL.

*Mare omne caute navigandum est: quodlibet
Nam cuilibet non pervium velo equor est:
Marisque ad instar omnis est Respublica.*

DLI.

*Plebem haud move: nam plena res periculi
Ventum facemque est esse plebes: & ratem
Quæ vexit aura, saepe non potest sequi.*

DLII.

*Levis diu haud vulgi manet silentium:
Diuturnus alti languor haud unquam est maris.*

DLIII.

Novo timori vota sunt semper nova.

DLIV.

*Secunda post adversa grata sunt magis:
Ut gratior lux nube post læsum diem est.*

Ne

DLXVII.

*Lande absque bella civium sunt. Crimen est
Spectata virtus omnis in civilibus.*

DLXVIII.

Bella hand relegant bella sed tantum se alunt.

DLXIX.

*Metusque spesque sunt ferenda ad omnia,
Subjecta qua sunt casuum periculis.*

DLXX.

*In mente principum quod abditum latet,
Dilata longâ nocte & harena est dies,
Dieque tandem se palam prodit suo.
Non facta nolunt, sed futura intelligi.*

DLXXI.

*Arcana canti principis, soli huic patent;
Arcana non sunt, cum illa soli non patent.*

DLXXII.

*Externa cum hand sunt, excitant civilia,
Externa tollunt bella quæ civilia.
Qui finis est belli, novi est exordium.*

DLXXIII.

Non velle multa, multa sed nolle expedit.

DLXXIV.

*Sunt militum vi parta regna sceptraque,
Et occupata, in militum tantum manu,
Quam castra fundant tuta non Respublica est,
Incerta nam est castrensis semper fides.*

DLXXV.

*Mutatio ex mutatione gignitur:
Mutatio omnis semper exemplo nocet.*

DLXXVI.

*Numen favere cum videtur, hand favet
Semper, nocere cum videtur, hand nocet.*

DLXXVII.

*Humana mens est vasta, vasta concipit;
Nullus superbæ finis, & nullus modus,
Limesque nullus ponitur libidini:
Hinc motuum tot, totque bellorum faces.
Mutanda bello at pacis hand sunt tempora,
Turbata cum pax gentium est, tarde redit.*

DLXXVIII.

*Aliena poscunt possidentque plurimi;
Sed damna sunt quæ possident, non sunt opes.*

DLXXIX.

*Damnosa belli semper omnis alea est.
Quæ pacis ergo perdis, hæc prosunt magis,
Armata quam quæ porrigit manus tibi.
Nam porrigit plerumque, quod mox redditur,
Belloque parta possidenti infida sunt.*

DLXXX.

Qui cogitur nil, ille qui cogit, facit.

DLXXXI.

*Quicumque regnat, in mari incerto natat,
In undique infesto ac precelloso mari.
Obstare vento & undæ, iter pereuntis est.*

DLXXXII.

*Ventosa plebs ventusque sunt ortu pares,
Sunt exituque. Non diu constant sibi.*

DLXXXIII.

*Origo nunc est motuum, ararum furor,
Fax prima templum est: & tamen templum decet
Arasque sedes pacis esse principes.*

DLXXXIV.

*Irata plebs cum est, ira non illa, est furor,
Furorque & ipsis qui est timendus regibus.*

DLXXXV.

*Qui publicam rem mutat antiquam novâ,
Tironis instar peccat in statu novo.*

DLXXXVI.

*Si Forte reges, Fors gubernat omnia:
Si Forte non sint, Numen est quod eligit;
Et esse constat obsequendum Numini.
Est Numini ille adversus, est qui regibus.*

DLXXXVII.

*Est quidquid vertitur vertentibus.
Avus quod olim vidit, haud videt nepos.
Vix sæculi est res, omnium conversio.*

DLXXXVIII.

*Ventura cursu nemo devertit suo.
Ventura canti sed tamen prænoscere est.*

DLXXXIX.

*Rex ; plebsque cum committitur , nil quam rei.
Pallor rigorque publica morientis est,*

DXC.

*Ventura non est hora , mixtura omnia;
Jam venit hæc : confusa nunc sunt omnia.*

DXCI.

*Qui cuncta sorti credit , ille non nisi est
Vento regendum nauta qui præbet ratem.*

DXCII.

*Infert geritque bella nunc , qui haud hostis est.
Die sub omni , quolibet sub fidere,
Armata civem in civis est ferro manus.
Suis sibi que quilibet nunc hostis est.*

DXCIII.

*Patruosque avosque tempore haud nostro sapit
Populus nepotum ; & inde non nobis manent
Patruisque quæ risere avisque tempora.*

DXCIV.

*Nescit votendum quilibet : nam mille quod
Votis petatum est , mille mox idem improbat.*

DXCV.

*Nescire sortis improba vices , sibi
Casus secundos semper est promittere:
Adversa multis ex secunda nascitur.*

DXCVI.

*Fuere reges , regna , turba gentium.
Fuit quod olim , vix fuisse jam putes ;
Quodque est , fuisse vix putabunt posteri.*

DXCVII.

*Hæc quæ esse nobis creditur prudentia ,
Caligo tantum , noxque tantum illunis est.*

DXCVIII.

*Non providet sat , quisquis & non respicit.
Quæ deseris videnda sunt , & quæ incipis.*

DXCIX.

*Haud testis innocentis est victoria ;
Victique strages hunc nocentem non probat.
Petiturque ferro quidquid armatâ manu,
Petiturque flammis quod , petendo perditur.*

DC.

*Civile ferrum nil reponit gentibus
 Perfossa præter civitatis viscera,
 Fluvios cruoris præter, ostræ principum
 Calcata præter, omne præter perditum
 Decus Senatus, præter & cæde in sua
 Populum natantem, jusque præter omnium,
 Profana præter, sacra præter omnia,
 Contempta plebi. Ama id, perite qui cupis,
 Tecumque tu perire qui vis omnia.
 Et pax, fidesque, & obsequi modestia,
 Sunt Barbarorum, nostra jam non sunt bona.*

DCI.

*Quicumque motus civium est perdit modum.
 Sive ille cives impetat, seu principes.
 Fœnesta quanquam, bella quis non præferat
 Externa quæ civilibus? Mors quodlibet
 Civile bellum haud militis, sed gentis est:
 Manetque vulnus posteris, Præsentium hoc
 Plus vita quam salusque genti est quod perit.*

DCII.

Lapsurus est quisquis, superbus incipit.

DCIII.

*Adversa frangunt cum, secunda non juvant:
 Secunda nec juvant, nimis cum te efferunt.*

DCVI.

*Mifero nocere nulla fors unquam potest.
 Nocere tantum fors potest felicibus.*

DCV.

Quæ fata dant, cape illa; sperne, quæ negant.

DCVI.

*Diu favendo plurimos fors decipit;
 Longo favori credere, imprudentis est.
 Nam multa donat, una quod rapit dies.*

DCVII.

*Se sit minor sibi que, major omnibus:
 Ipsam id tueri posse magnitudinem est.*

C A R M I N U M
A D O P T I V O R U M
L I B E R .

CONSTANTINI HUGENII

I N

M. Z. BOXHORNII,

Historiam Bredæ expugnatae.

Hactenus edomita muti miracula Bredæ
Scribimus, & captam vix capit ulla fides:
Haftenus attoniti, stupor, admiratio Belgæ est,
Queque palam vidit, pæne tacendo negat.
Boxhorn I princeps ingrata silentia solvit
Par operi, priscis equiparanda manus.
Quoque sat Auriaci pateat vaga Laureæ Martis,
Victoris populi Martia verba movet:
Captaque terribili memorat confecta trimestri,
Qualibus Eugenia res brevis annus erat,
Hic ubi surgentis frustra spectator arena
Horruit ad primæ mœnia molis Iber,
En quid agis, Lector? Scriptæ moliris an acta
Prodere, an utrîvis congrua verba rei?
Tolle manum. Scriptæ laus est non unius ævi,
Totius acta labor posteritatis erit.

CONSTANTER.

DANIELIS HEINSII

In Urbes Batavia

MARCI ZUERII BOXHORNII

Laus eruditæ gentis & decus rarum,
 Cui vix juventa vesticeps genas ambit,
 Vix ora signat, erudite Boxhorni,
 Et jam procatur fama, jam sibi jungit
 Laboriosis indomabilem curis,
 Quas ante fulget, ut domesticos cæli
 Nocturnus ignes, quæ reponit in luce
 Nomen Batavum, consecratque venturis;
 Debere jam se sentit ipsa Libertas,
 Nexum nec unquam diffitebitur tantum:
 Quod cum superbis molibus, foris, templis,
 Beata, dives, culta, non triumphata,
 Cum civibus, cum civitatibus cunctis,
 Spectanda terras nunc perambulat quasvis,
 Vita & Quirini civitate donata.

E J U S D E M

I N

Historiam, five Chronicon Universale

M. Z. BOXHORNII.

Antiquitatem pervagatus intimam
 Rerumque vindex omnium Boxhornius
 Quæcumque prisca subministrant secula,
 Fama perennis inclytique nominis
 Labore tanto candidatus impiger,
 Videte gentes & favete posteræ;
 Eternus ipse sic futurus, omnia
 Eternitati consecravit tempora.

E J U S.

EJUSDEM ad EUNDEM,

Cum

DOMINICO MOLINO

parentasset.

Quid est diserte nec tacende Boxhorni
 Post hac disertis amulisque summorum,
 Alcuius ore feriata Lugdunum
 Nuper pependit, sancitata, percussa
 Oratione flebili nec ignava,
 Sed expedita masculaque, sed gnara
 Vim quæstibus miscere, lachrymis pondus;
 Quid est, quod Heynsi, præco funeris magni,
 Ciere lessum lachrymasque vis Musam,
 Et præficarium munus exsequi luctum,
 Quem fama terris posterisque venturis,
 Pado Batavus Adriæque tramittat?
 Amice nescis; inclytus licet fandi
 Et luctuosus prædicator crepti;
 In morte tanta quod miserrimum nescis,
 Et pene tanta luctuosus morte,
 Nec expiandum febris luctuque:
 Fuere Musa. Vixit Heinsius vester,
 Amice, vixit. Ille sedulus quondam
 Latusque cultor dulcium Camænarum,
 Idemque laudis impatens Molinæ,
 Et estimator & superbus interpres
 Ardoris ipse vix sui capax quondam,
 Nunc derelictus omnibus miser Musis,
 Percussus oppressusque, mutus, elinguis,
 Non verba voci sed silentium præstat
 Inominato nec domabili letho.
 Si quid relictum est ultimæ tamen voci,
 Quod lingua victa tinniat, manus signet,
 Qualis supremæ conditor voluntatis,
 Urgente fato summa cum vergit dies,
 Lex non amœna, quam tabellio firmat.

*Snigae testes & domesticum nomen
Hanc dictionem, cen novissimam, tolle :
Sibi & Molino qui superstes extincto est ,
Sibi & Camænis heic parentat extinctis.*

JOHANNIS ISAACII PONTANI

In Urbium Hollandiæ Theatrum

Edente

MARCO ZUERIO BOXHORNIO

Cognato suo.

PArve liber magnum mundi visure Theatrum,
Boxhorni Zuerii nomina fronte gerens,
Non ignavus ades, venis at visendus & ipse,
Ingenii hæc dotes sunt genique tui.
Tu spectas orbem, spectandas tradis at urbes,
Urbes, queis toto pulchrius orbe nihil.
Sidera quod cælo, Batavis hoc oppida terris
Lumen inest illis, moribus ista nitent.
Non munita satis, sed quæ morata decenter,
Oppida, plus illis roboris esse solet.
Hic bellum videas, pulsari finibus hostem;
Ista foris, constant omnia pace domi,
Hæc meus, hæc primo memorat nunc Zuerius ævo,
Quam veniet mox his floribus alma seges!

PETRI SCRIVERII

In Theatrum Urbium Hollandicarum

munerario atque editore

MARCO ZUERIO BOXHORNIO.

COgnita cum magnæ vix sint natalia Romæ,
Plurique Ansoniæ mania structa mari.
Cum tot & incertis Græcias auctoribus urbes
Annofo videas deperuisse situ.

Obscu-

Obscuros nostris miremur in urbibus ortus !
 Natalem sciri nec Thuridrechta tuum !
 Haerlemum exploso simul ignorabile Lemo ;
 Et Delpham , quamvis Corbulo fossor erat ,
 Lugdunumque vetus , laudatur nomine Leithis ,
 Sumptum à Lethæis ut videatur aquis ,
 Cætera quid narrem penitus absconsa tenebris
 Oppida : nunc oculis pænè videnda tuis .
 Nos omnem Historiam , nostrasque excussimus urbes ,
 Quæ partim è forulis jussimus ire foras ,
 Et partim premimus , crassam indignantia lucem ,
 Cum pretium Musis barbara turba neget .
 Hic canat ergò sibi , qui publica munia vitans
 Aönias proprio vindicat ære Deas ;
 Secretosque lares amat haud mercabilis ulli ,
 Civibus impendens otia tota suis ,
 Dum veterum culpas blanditaque somnia damnat ,
 Ardet & in laudes ire , Batave , tuas .
 En meus , ingrato quantumvis , Zuerius , avo ,
 Non cessat lasso ferre rogatus opem .
 Et nunc ille bono communi publicat urbes ,
 Reddit & Hollandis pristina jura suis .
 Tam benè , tam cultè , ut facile huic cessura Theatro
 Credam Romano sparsa Theatra cro-o .
 Magna crepent opera magnis mercedibus empte ,
 Libera veridicum dextera pangit opus .
 Lare secreto . Legendo & scribendo .

E J U S D E M ad E U N D E M

De ineptiis sæculi perorantem .

S unt tibi cum vitiis , Boxhorni , prælia nostri
 Temporis ; & genii dissidet urna tui .
 Sic sit noster Eques , sic totus ineptiat orbis
 Votaque Zueriaco sunt aliena Deo ;
 Ut recitaturum Pallas miretur alumnus
 Sæpius , & Marci splendida dona sui ,
 Vix sapit admonitus morboque relictus eodem
 Orbis ad ingenium (nunc ubi lingua ?) redit .
 Ecce aures hominum , patefactaque Janua fæta ,
 Et dubitas vires exferuisse tuas ?

I 5

E J U S-

EJUSDEM ad EUNDEM

CUM

HISTORIAM UNIVERSALEM

in lucem daret.

Oppida Cattigentim pulchro spectanda Theatro,
 Cunctaque Romano pulpita sparsa croco,
 Cui, nisi Marce tibi Boxhorni, Hollandia debet?
 Quodque aliis opus est, hoc tibi prater opus.
 Qualis & Amraica celebris victoria Breda,
 Sertaque Nassavas quæ decuere comas,
 Muneris hæc sine fraude tui, sine fraude Minerva;
 Nec notat oblatas janna scripta moras.
 Haud minus in cathedra, tota admirante Lyceo,
 Vellejum, aut Tacitum (nomina quanta!) legis.
 Nec minus est audita tua facundia Suada,
 Funcreas vibrat dum pia lingua faces,
 Illustresque animas Letheis subtrahis undis.
 Sic ô! quam dulce est, ne moriari, mori!
 Me si fata senem tali dignentur honore,
 Optem hodie vitæ fila resecta mea;
 Sed prins edoctæ quid præstantissimus author
 Zuerius omnigena dicat in historia:
 Et meus Oudanus (quia lumine privor utroque,
 Longaque nox oculis est metuenda meis)
 Præligat, & cupidas lector gravis impleat aures:
 Index ille mihi Temporis omnis erit,
 Æternique operis. Juvenis qui struxerat Urbes,
 An vir cum plausu Regna minore dabit?

Anno ætat. 77.

Christi 1652.

JANI BODECHERI BANNINGI

IN

MARCI ZUERII BOXHORNII.

Theatrum Urbium Hollandiæ.

CUicumque probitas aurensque perplacet
 Virtutis ardor, dum juventa est, optime is
 Vivit, beatusque ac Deorum perpetim
 Proles vocatur, & voluptas maxima:
 At quisquis illum carpit ultro tramitem,
 Ut erudita templa scandat Palladis,
 Et multa tentat sedulus perdiscere,
 Conviva mox gratissimus sit cœlitum.
 Dein quisque pergit invidenda seculis
 Tradens papyro, laureo circumdatur
 Serto, madente per capillos nectare.
 Te, docte Zueri, care Boxhorni nepos,
 Senisque fulcrum cum tuo fratre unicum,
 Quod mansit ipsi Breda postquam labitur,
 Cujus regebat sic desertus incolas,
 Ut pura pietas obsederat pectora.
 Dum Maurus obsidet cupita mœniam.
 Præcox Juventas cuncta nosse faciliat,
 Que nosse quisquam etate tali possiet.
 Adoremque debitam nancisceris,
 Edendo quicquid vel Latinus occulit,
 Vel Græcus, Hellas quem vetusta nutrit.
 Sed fama summam buccinabit gloriam,
 Quod pingis urbes artifex Batavicas,
 Crnore sepia entheoque spiritu,
 Et mittis omnibus videndas exteris,
 Tam scite, ut omnes obsupestant exteri.
 Decus Batavia, & juventam Zuerii.

EJUSDEM IN IDEM THEATRUM,

Ad

LECTOREM.

EN, Lector, tibi quas descripsit Zuerius urbes,
Et Batavo pulchrum quicquid in orbe nitet.
Fertilis ingenii vasto quod robore fretus
Vel quoque Cimmeriis eruit è tenebris.
Scilicet in multis quam sit delira vetustas,
Et Sioji, & Tragora putida charta docet.
Malebant monachi comitum quam gesta suorum
Scribere, deliciis sollicitare cutem.
Pocula siue forent rorantia forte bibenda,
Sen pellenda sua virginitate soror.
Credulus est cuiusque placet quod credula plebes
Gannit, & incerta clamat in Historia.
Lofduni valeat partas, Leidæque gigantes,
Et quod præterea frigida narrat anus;
Dum digitis aut vibrat acuis, & gansapa pingit,
Aut expansa colo pendula fila tenet.
Credere fas, quod qui discernunt æra lupinis
Credendum perhibent, & ratione probant.

EJUSDEM

IN

MARCI ZUERII BOXHORNII

Quæstiones Romanas.

ALbanos obseffa times dum Leida furores,
Balileique minas, dum millia pabula præbet

Disa

Dira famēs, qualem posset vix ferre Saguntus,
 Pestiferæque lues Erebo; cum Pallade Phœbus
 Advenit, & media templum sibi fabricat urbe.
 Candida quo vigeat pietas; quo iura Quiritum
 Det tabulis insculpta Solon; Epidaurius herbas
 Quo trutinēt, morbosque abigat; quo regula veri
 In Sophiæ stet fixa manu; quo Græcia quicquid,
 Quicquid Arabs, Solimæque tegunt sapientia d.æet
 Scilicet hoc pretium fidei pater esse Deorum,
 Auriacnsque volunt, Batavis à numine summo
 Numen honorandum. Tutelam suscipit adis
 Doufa, togaque sagum commutat, & igneus nltra
 Oceanum docti transfundit marmura cantus.

Nec finit ex illo retro sublapsa Lycei
 Gloria: durat adhuc clarum per secula nomen,
 Ostentatque viros, quorum mens inclyta famam,
 Et laudis spolia ampla meret. Quos Heinsius inter
 Eminent, ille suo Phœnix pulcherrimus avo.
 Priscæque cui Drnidam nntat Salmasius arbor,
 Germinibus librata suis. Suadæque medulla
 Eunæus, Themidisque decus. Scriverius & cui
 Pulchra palatina circum undique tempora laurn
 Bilbilis incinxit, Musæ servator Iberæ

Vernantes sed enim postquam solentia messes
 Prævenit, & juvenis toti miracula mndo
 Boxhorni mens dia facit, linguæque seniles
 Grandiloque dulci promit moderamine curas.
 Majorem solito sibi se natura tremiscit,
 Et proprium veneratur opus, geniumque potentem
 Suspicit, ac tantas labenti robore vires,
 Quodque videt vidisse negat, nisi forsitan ætern
 Cynthius, atque citos valuit compescere currus,
 Dum lucis remoratur iter; Clymenæia proles
 Quam nimium subitis olim turbaverat horis.
 Et Scythia festini passim legit ipse laboris
 Plumbra, nec vasti restat pars cultior orbis,
 Quo non rumor abit, patrio sub sidere Belgam
 Vivere, qui famam primævo flore juvenia
 Solis ab occasu Solis metitur ad ortum.

Hæc vero monumenta decus, titulosque parare,

*Si fuerant non ante, queant; quibus abdita doctis
 Haftenus Ansonia monstrantur ruder a gentis,
 Marmoribusque patent insculpti nomina ritus.
 Hertam Tentocolit, lucent delubraque silvis
 Herculeas exstructa faces. Deus uritur aris,
 Seu Magnusanus, seu vult Tricofus haberi.
 Hic Cybelen mors atra timet. Felicior illic
 Fit puero fortuna Jovi. Marique patescunt
 Idea simulacra Deum. Lar mœnia servat
 Publicus, & comites assumit curia Consos,
 Ælia nec mulier, nec mas est Lælia Crispis,
 Nec sexu (nihil & tamen omnia) gaudet utroque,
 Et vitam sub morte premit. Medicamine nullo
 Progeniti Phœbo nymphaque Coronide morbos
 Dextra fugat. Larvam noctu spectare mariti
 Uxor avet, fatoque suo lachrymabilis addi,
 Sarcophagus num sit peregrinus queritur Orcus.
 Olibii presso latitat sub cespite flammans
 Lychnis humi. Digitum defuncti diffecat orbis
 Ante rogos summumque vale. Barbata Cythera
 Dicitur, exsequiis succedunt gaudia sponsi:
 Nuptaque laniatos vittis adjungit amictus,
 Insuetum scansura torum. Nil cetera refert
 Scribere, quæ grandi componit pagina libro:
 Reliquiasque dapum mensis servasse vetustas
 Fertur, & ardentes non exstinxisse lucernas.
 Oedipus, implicate solvens enigmata Sphingis,
 Tot tricas soluisse nequit. Lua panditur uni,
 Clausaque Boxhorni retinet mysteria pectus.*

E J U S D E M .

Ad

ADOLFUM VORSTIUM,

In

MARCI ZUERII BOXHORNII

Orationem de Majestate Eloquentiæ Romanæ.

Effigies rediit a patris, quo sospite Lethis
 Lethæa sprevis spicula torta manu:

Regali

Regali vestita redit facundia peplo ;
 Tempora nascuntur fascibus apta tuis.
 Exsilium perpeffa licet , non exsulis ore
 Verba refert , vultum nec pudibunda tegit ,
 Majestas veneranda Deæ. Vestigia tantis
 Nulla trahit retro languidiora malis.
 Musa Tomitanis remeans Nasonis ab oris
 Tristibus Augusto questibus una placet.
 Præstitit ad gelidas genitus effundere rupes ,
 Præstitit æquoreis annumerare Getis.
 Conspiciam solio gemmanti Zuerius aula
 Romano divam sylvate flamen adit.
 Jamque comas demulcet acu ; jam colla , genasque
 Expolit , & pulchra pulchrior ipse nitet.
 Quis nudam vidisse queat ? Qui forte Dianam
 Viderat , est sanibus subdita præda suis.
 Non oculi claros patiuntur numinis ignes ,
 Clausaque quæ vestis fulmina nube latent.
 Egeriam , Vorsti , nudam rex aspicit unus ,
 Hac etiam regi sic tibi nuda patet.
 Zuerius ascendet tecum Capitolia. Divis
 Qui loquitur sero funere divus erit.

HERMANNI DE HUBERT

In

MARCI ZUERII BOXHORNII

Commentarios rerum Zelandicarum.

ET te, magne, novem letissima cura Sororum
 Boxhorni, ad tantum quid stimulavit opus ?
 Nymphula , Palladiis jam dudum debita tædis ,
 An dedit instinctus , ingeniumque tibi ?
 Hac aliquid , sed gentis honos , majoraque rerum
 Pondera , concinnas elicere notas ;
 Et mens illa sagax , quæ nunquam cespitat ipsis
 In tenebris , & quæ , maxima Lenda , sapis ;

Quod

Quodque Europæus, quàm jam se porrigit, orbis
 Differet, hos animos inclÿta terra dedit,
 Undique cincta mari, fatalis terra Tyranno
 Hesperidum; terror, dire Philippe, tibi.
 At tu, Gens invicta, tibi gratare: sepulta
 Jam pene, in lucem conspicienda venis.
 Totque annis, in tot majorum illustribus ausis
 Nil nisi caligo, nil nisi fœcus erat.
 Omnia nunc lucent: & qua vetus edidit ætas
 Cum serâ præsens posteritate stupet.

ROCHI HOFFERI

In eodẽm.

M Ascula jam veras novit Zelandia cunas,
 Primævosq; sibi jam bene discit avos;
 Impiger abstrusos dum Zucrinus excurrit annos,
 Erui & tenebris sæcula cana suis.
 Somniaque, & veteris mandacia diluit ævi,
 Et quæ Trojana fabula gentis habet.
 Pergit, & æquoreis exstructas civibus urbes
 Vendicat, annosos restituitque Lares.
 Et mores, & jura docet, quos prodidit ætas
 Pristinæ, Zelandis quos hodierna suis.
 Pugnacis narrat populi bella, horrida bella,
 Et bene defensos, Marte favente, focos.
 Sive cruentatis terra contenderit armis;
 Sen bellatrices vexerit unda rates.
 Deinde notat varias sua per miracula terras,
 Quasque trahit dubias Thetys, & aura vices.
 Hic, ubi campus erat quondam, solidissima tellus,
 Jam rate caruleas navita tentat aquas.
 Hic mersæ latitant urbesq;, arcesque, domusq;,
 Et reliqui vanum nil nisi nomen habent.
 Illic è medio nova nascitur insula ponto,
 Et segēs, & domus est, quod fuit ante fretum.
 Mutatur toties nobis fortuna locorum;
 Quævisque idem tollit, & auget agros.
 Quosque hic contorto campos quasi devorat æstu,

Hos

Hos illic alio dat, revomitque sinu.
 Sed tamen & portus numerosis classibus aptos
 Ille facit, nautis & vada tuta suis.
 Atque hinc in nostras oneratis puppibus oras
 Ille peregrini congerit orbis opes.
 Hinc quoque vel Flander, vel vincere Cantaber hostis
 Undique vallatos agnoscere nescit agros.
 Hec, & plura refert dicti cultissima Zueri
 Pagina, dum priscos itque, reditque dies.
 At tu ter faveas Neptuni candida proles,
 Quam patriæ rerum non pudet historia.
 Hoc tibi fertur opus. Facundas suspice chartas:
 His laudes spatii liberioris habes.
 His pelago ringente licet, tibi perditæ surgunt,
 Et tibi quod periit, non periisse potest.
 Emergitque Leo generosior, & caput altis
 Celsius erecto vertice tollit aquis.

E J U S D E M

Ad

M. Z. BOXHORIUM.

Mitto tibi leporem, Zueri doctissime, cursu
 Qui socios inter gloria prima fuit;
 Quique, fatigatis tot venatoribus antè,
 Decidit in catulos præda benigna meos.
 Sylvarum sic Diva potens, Latonia Virgo,
 Ex nemore in patulos ipsa ferebat agros;
 Non ignara tua deberi hæc munera mensæ,
 Cultorem Phæbi te Dea fratris amat.
 Et sibi quod gratetur habet lepus ipse, nec illi
 Restabat fati nobilioris honos:
 In tua tam docto dum viscera conditur ore,
 Et lices in partem sanguinis ire tui.

ROD.

ROD. NYPOORTII

In

M. Z. BOXHORNII

Quæstiones Romanas.

Maxima jam nostro succrescit gloria Belgæ,
 Quodque olim potuit vix petiisse, videt.
 In Batavos tandem deduxit Leyda Quirites,
 Belgæque nunc Romam restituisse potest.
 Plaudit Eques, plaudunt jucunda voce Batavi,
 Atque redisse sibi tempora docta putant:
 Tempora quæ veteri componat Scaliger ævo,
 Dum reducem Romam, maxime Marce, facis.
 Desine grassari per mille pericla Juventus;
 Leyda tibi Romam, qua capiare, dabit:
 Sed priscam tibi Leyda dabit, quam suspicit ipsa,
 Et pater agnoscit Romulus esse suam.

RICHARDI LUBBÆI

In honorem

M. Z. BOXHORNII,

Theatrum Urbium Hollandiæ edentis.

Theatra & amphitheatra, se quibus Roma
 Factavit olim, dente edace consumpsit.
 Sensim vetustas: Nec videtur id mirum
 Ipsam in animo rem cogitantibus verè.
 Quæcumque enim mortalium manu facta
 Sunt, vel manu tandem videmus everti
 Mortalium, vel deficere resistendo
 Violentiæque fluctuum marinorum.
 At mens flagrans amore laudis æternæ,
 Ad gloriam labor per ardua & nitens,
 Et post-futura consulens probè genti,

Quid-

*Quidquid sub oras luminis ferunt dias.
 Favente summi Numinis sacro afflatu ;
 Id dens edax non deterit vetustatis,
 Nec expavescit turbidas vices rerum,
 Viresque fati, tristinumque Parcarum
 Colos severas. Tale prorsus hîc , Zueri
 Phœbi & sororum ter trium decus grande,
 Mente ac labore , fortis Herculis ritu ,
 Condīs Theatron urbibus Batavorum,
 Spectandum in ade Memoria omnibus seclis.
 Mente ac labore mactē, Juvenis, hoc tali
 Tantoque ! Sic aditur arx-beatorum,
 Sic nominis decus paratur æternum.*

REINERI NEUHUSII

In Bredam

M. Z. BOXHORNII.

Quod vi Breda suâ invicta est : hoc efficit acer
 BOXHORNII calamus , Nassovique labor.
*Ille ferum Martem pulchris glomerare sub armis,
 Anriaci hic doctus scribere gesta Ducis.*

HADRIANI vander WALL

Ad

Marcum Zuerium Boxhornium

EPODOS EUCHARISTICOS

In quo vitæ litterariæ & privatæ laus.

O qui Camenas vix Batavis cognitas,
 Facunde Boxhorni , meas
 Jam tum aestimabas , meque potuisti insuper
 Amare non visum quoque ;

Loqua-

Loquace, quamvis impares meritis, tibi
 Chartâ rependam gratias.
 Domino superstes illa ut ætatem ferat,
 Anna Perenne supplico.
 Nec esca blattis fiat indignis tuo
 Quæ dedicata est nomini.
 Hoc impetrabo si quid ingeniis volet
 Favere Apollo Delphicis,
 Et sic futurus sæculis seris nepos
 Pimplæidum qui percitus
 Amore quæret, sacra Mæsis pectora
 Quot patria urbs produxerit.
 Nam nos perire nescio inseret ordini
 Placuisse quos noscet tibi,
 Acer Zueri, literario nimis
 Censende felix otio.
 Tu per vetusta comitibus fidis libris
 Retro profectus tempora,
 Apudque cunctos omnis avi principes
 Admissionis intimæ
 Amicus artes inspicis regnantium,
 Aulaque pellacis dolos,
 Periculorum, multa quæ regnum creat,
 Latatus expers, rex tui.
 A te Quirini consilia tuerier
 Batava pubes audiit,
 Et comprobavit. tu pios Numæ focos,
 Ancique robur Martii,
 Curasque Prisci, & Servii sortem, & nefas
 Inexpiandum Tarquin
 Vinci dolente prodixit eloquentia :
 Et te sorores à suo
 Arcere ter tres nolle contubernio,
 Quod fœdus his tecum est docet.
 Cui contigerunt tanta, præ felix nimis
 Dicende jam plus quam semel !
 At ter beatus quisquis his dives bonis,
 Et occupationibus
 Haud impeditus urbis liber potest
 Deo sibi que vivere,

Ut magna laudans rura, sic parvum colens.
 Scriberis qualis tuus.
 Non vilioris ille multitudinis
 Contagio afflatus necat
 Sublime pectus quæ recondit insita
 Generosi honesti semina.
 Non vulgus illi turbidis rumoribus
 Animi quietem sauciat.
 Non ille curat disparibus affectibus
 Britannia quid mater tremat,
 Quid Ibera ploret, quo felix durum modo
 Hibernia excutiat iugum.
 Sed aut choreas letus astrorum videt
 Cedente nocti Vespere,
 Nil anxiusque quid ultimus Vesper vehat
 Astrum cicadis commodat:
 Aut depudicans manè virgines rosas
 Prælibat apium basia:
 Aut purpuratam attrectat anemones comæ
 Adonidis de sanguine;
 Gemmisve onustos nocte natis roscida
 Miratur udos palmites,
 Aut discolorum tulipam: aut tenacium
 Hederarum ad amplexus stupet:
 Ajacis alibi, sentium, Hyacinthe, horridum
 In floribus fatum legit:
 Positove tandem candida inter lilia,
 De lacte Junonis fata,
 Gravidum papaver liliis mixtum leves
 Somnos findet reducere.
 Aut si relictis hortulis etiam velit
 Campis patentibus frui,
 Cum siderum palantium Alcyones socer
 Extrema cogit agmina,
 Roseumque corpus Procridis pellex levat
 Non sponte cæruleo thoro,
 Quantum ille gaudii hoc capit spectaculo!
 Et lumina ut pascit vaga?
 Hic pectus album infecta sanguineis notis,
 Fædæ ultionis testibus,

Ityn peremptum Daulias gemit adiunx
 Summo quiescens culmine.
 Ibi inchoandis occupatae nuptiis
 Lasciviente murmure
 Paphia volucres capita limant dulcia;
 Ipsamet auspiciū sibi.
 Hic mugientis tenera matris pignora
 Vitulantur alto in gramine.
 Illic, amata fors sub aspectum bovis
 Sic temerè aberrantis grege,
 Et inde rivalet & hinc contrariis
 Tauri minantur frontibus,
 Ab his morantem saepe vel violaria
 Odore jucundo avocant,
 Quae senticoso ex angulo propter viam
 Prodente fragrant halitu;
 Vel, irrepressus arbiter confinium,
 Leni sussero rivulus,
 Pecorique gratus, & incubus natantium
 Nihil timendus Naidum;
 Vel blandientis Chloridi puerpera
 Tepens Favoni spiritus,
 Aequè & comatis arboribus immurmurans
 Herbisque pullulantibus.
 Tunc, fronde mota ubi pendulus ros decidit
 Sitienti humo solatium,
 Subsistit, anceps an caduci nectaris
 Has esse reliquias putet,
 Quem fortè, mensis jam remotis, ebrins
 Conviva depluit Jovis:
 Lachrymas-ne potius, quæis suo Tithonia
 Coniunx parentat Memnoni,
 Ah misera! digna solus haud quam leniat
 Maritus impotens senex.
 Quod si propinquam placeat ad Tethyn via,
 Rhenum sequi poterit ducem;
 Qui nunc arenis pressus invidentibus
 Ultrò impetentes obviis
 Vetatur ulnis stringere Oceanitides,
 Felicior quondam prociis,

Cum tauri-formis impetu prorumperet
 Etiam reluctantum in choros.
 O quam iuvabit ad arbores iunctas via
 Minurriente exercitum
 Audire parvarum volucrum, & hilari simul
 Corvos ovantes gutture!
 O quam iuvabit, ubi arbores solum negat,
 Cuniculorum per greges
 Passim vagantes ingredi coloniam
 Prisci Batonis ultimam
 Proavis habentem nomen à Cattis adhuc!
 Quae gaudia hic manent nova
 Propter sonorum litus errantem! hic videt
 Aut osculantes invicem
 Conchas, & omen forsan hinc amans capit;
 Aut explicare retia,
 Snaeque pradam devovere Cochli
 Flagrantem in undis Myrtilum:
 Aut (quam meretur praerogativam sacra
 Vatum piorum natio,
 Quae non, profana ut turba, dente livido
 Laurum momordit innubam)
 Ipsas volentes inspicit Nereides,
 Nosci suum cupidus decus,
 Et praedicari. exstante nutricum tenuis
 Illae vagantur pectore
 Per caerulea patris marmora, & formae palam
 Fecisse dotes gestiunt,
 Nec erubescunt pra pudore rustico
 Nudae licet. factum probat
 Grandeva Doris, ansa jam generum sibi
 Spondere non vanâ fide,
 Variisque ludit cogitationibus
 Dulci nepotum in nomine.
 Hec inter ipse, vix sui compos, diem
 Nesciret elapsum, nisi
 Optata anhelis cerneret jugalibus
 Phœbi parare pabula
 Tethyn benignam. monitus ad fidos Lares
 Gratam remetitur viam;

*Tandemque fesso cœna non nimium gravis
Placida elaborat somnia.*

D. Marco Boxhornio Zuerio,
Moscovitarum Rempublicam resti-
tuenti; 1630.

S C A Z O N.

P*Errumpit alta fervidus vigor mentis
Cœlestis orbis sidera, ac humum spernit,
Phœbo lucratus ille debitum nomen,
Fastigiato capite concutit stellas,
Et appetitum, terminum putat laudem
Hæc ipsa gloria aura, MARCE, flagrantis
Ignes tua sufflavit insitos cordi,
Et expolitas noctibus dedit chartas,
Et denuo MOSCOVIAM stylo profert
Annis tuis sapientiore corrasam,
Odore MOSCHO gratiore spirantem,
Ut temperati Solis hanc putes terram,
Quam tristis Arcti frigus urit*

Extremum. J. TURCÆUS.

HENRICI BRUNONIS

In

BOXHORNII Historiam mundi
Universalem.

C*um Mundi historiam omnis Universam
Ex isto cerebro, omnium capaci
Mundo protuleris, priora sæcla
In lucem revocaris hujus ævi,
Æternaveris & tua papyro,
Dioque ingenio, cupisne, Zueri,
Me, quantum tibi debeatur inde,
Uno versiculo loqui? Universum
Se debet tibi, Zueri, in universum.*

F I N I S.



Marco huic l. *Marco huic fuit* à fortalalitiis l. in fortalitiis, ad bus dele tempus Curatoribus l. tempus à Curatoribus Gerard l. Gerardi quam & meritò l. quam meritò Indies sedulò l. Indies ita sedulò & mansit l. & mansit) profecit l. perfecit tentenda l. tegenda imigentur l. imitentur virtutes tuas l. virtutesque tuas.

In Catal. libr. &c. I. *Historia*. l. I. *Historica*.

In Vincent. Fabr. &c. *Anos* l. annos.

In R. Hofferi &c. *Ad sponsam* l. *Ad sponsum*. *quasi* l. *questus* *prisca* refert, l. *prisca* *etas*,

In Henr. Brun. &c. *Moverat* l. *noverat*)

Errata in Poëmatis.

Pag. i. *Miscellaneorum liber*, dele. p. 5. *Historiam* l. *Historiam* p. 15. *mori*. l. *mori?* p. 40. *Ad Wilhelmo* dele
Ad p. 53. *queis aliis* l. *queis alii* p. 55. *Situmque* l. *Situm*
p. 58. *J. U.* l. *J. C.* p. 76. *hund* l. *hand* p. 79. *Nihilque*
qui est, l. *Nihilque qui est*, *ibid.* *Megara* l. *Megera* p. 88.
Nam Sortis ita est l. *Nam Sortis ira est* p. 91. & *bonum*
ac ovium l. & *bonum ac ovium* p. 95. *foto* l. *fato* p. 97. *noverca* l. *noverca*. p. 136. *fluctat*, l. *fluctuat*, p. 139. *Bellona* l. *Bellona* p. 146. *rubenti parent* l. *rubentis paret* p. 150. *fuit!* l. *fuit?* p. 153. & *ullum* l. & *nullum* p. 159. *nunc offertur*, l. *nunc effertur*, *ibid.* *nos hoc* l. *non hoc* p. 161. *inter Deus* l. *inter Deas* p. 165. *innoceneis* l. *innocentis* p. 166. *adversa* l. *adverse* p. 190. *penaque* l. *penaque* p. 191. *plebs* l. *plebis* p. 197. *Scribimus*, l. *Scivimus*, p. 199. *questibus* l. *questibus* p. 201. *laudatur* l. *laudatum* p. 203. *desertus* l. *disertus* *ibid.* *obsederat* l. *obsideret* *ibid.* *maniam* l. *mania*, p. 206. *Marique* l. *Matrisque* p. 209. *dicti* l. *docti* *ibid.* *lices* l. *licet* p. 210. *resistendo Violentiaque* l. *resistendo Nimbisque celi*, *motibusque terrarum*, *Violentiaque* p. 212. *Et sic* l. *Et sit* p. 213. *Britannia* l. *Britanna* *ibid.* *fata* l. *fata*.







